

1522
2010

რეტენატუნა და სეროუნება

N7
7/2010



მსაჯულთა
ზაურ დინიაძე


თეზის
ნინო მუთათელაძე

პუნიქა
ვაჟა დურგლიშვილი

ალოზა
მამუკა დოლიძე

ლიბანი
აბრამ გაგელი

წილიწყობი
ეთევან აბრამიშვილი



ზაურ ცეცხაძე

ლიტერატურა და ხელოვნება

ISSN 1512-3189

N7(55)

7/2010

ყოველთვიური ჟურნალი

Author and publisher of project:
vaja otarashvili
Literature And Art



დამფუძნებელი,
გამომცემელი და მთავარი
რედაქტორი:

ვაჟა ოთარაშვილი

პასუხისმგებელი
მდივანი:

დავით კახაბერი

რედაქტორი:

ვერიკო ზამთარაძე

დიზაინერი:

ლექსო ოთარაშვილი

სტილისტ-კორექტორი:
მაია მიქაია

გარეკანის მხატვრობა:

ზაურ დეისაძე

რედაქციის მისამართი:

ნუცუბიძის III მკრ. შესახვევი
მხატვრის ქ. №4

ტელ.: (+995 32) 32 73 62;

(+995 32) 31 70 47;

(+995 99) 25 60 14.

E-mail: litandart@yahoo.com

vaja.otarashvili@yahoo.com

ჟურნალი „ლიტერატურა და
ხელოვნება“ გთავაზობთ
რეკლამის განთავსებას
ჟურნალის ფურცლებზე.
დანვრილებითი ინფორმა-
ციისათვის მოგვმართეთ:
მობ: 899 25 60 14;
893 58 95 44;

ს ა რ ჩ ე ჯ ი

ქართული ლიტერატურა

3. ვანო ჩხიკვაძე - შუშების ომი (ჰიმანი)
18. ნინო ქუთათელაძე - ლექსები
20. მამუკა დოლიძე - ჩემი ბილიყით დიდგოხისკენ
29. თენგიზ სვანიძე - ლექსები
31. ზუგდიდ ქობახიძე - ჰე, სანუთიხომ!

ფიქციური

36. ნათია ხშიზაძე - ლექსები

საქართველოს ლიტერატურა

37. გოგა ბელა - ლექსები

თარგმანი

39. მ. ჰენრი - ამაო უკუბრუნება
(ინგლისურიდან თარგმნა მაია ცეცვაძემ)

წერილები

42. ქეთევან აბაშიშვილი - ვისაც მტეხობა მოსწყეხდეს...
49. გაბრიელ ბახაძე - განდევნილი ბოლშევიკი - ფელაქი

ხსოვნა

51. ნინო ეთიქიაშვილი - სიმღერები

დრამა

52. ქეთი დიდიშვილი - აბრამ ბახელი

საინტერესო

56. ნანა მიხუცელაძე - პოეტიკური XIX-ის ბოლოს

პუბლიკა

60. სალომე გოგოლაძე - ვაჟა ლეონიძის

პოეტური

62. თენგიზ უთმელიძე - ილიკო სუნიშვილის იუმორი

თარგმანი

67. ლამა ჩხატიშვილი - მოდერნიზმი ჩანაწერები

მხატვრობა

73. მანანა თევზაძე - ზაურ დეისაძე

„როგორც უფალი, სამშობლო, ერთი ქვეყანაზედა“

რადიელ ერისთავი


საქონსულტაციო საბჭო:

ჭაბუა ამირეჯიბი, ბაჩანა ბრეგვაძე, მერაბ ბერძენიშვილი,
მაყვალა გონაშვილი, ზურაბ ქაფიანიძე, თენგიზ უთმელიძე,
გივი სინარულიძე, ჯანსუღ ჩარკვიანი,
თამაზ ჩხენკელი, გოგი წერეთელი

მინაწერი გივი სინარულიძის
წიგნზე „აწვეტილი სიცოცხლე“

უკანასკნელი მოჰიკანო ძველი თბილისის,
მოცეკვავეთა, მოჩხუბართა ყოჩო და ჯილაგ,
ყარაჩოხლებთან სიზმრად გიწევს ალბათ ღვინის სმა,
ბუღბუღის ფრთებზე დასკუბდება ქალაქის დილა...
გორონცოვისკენ გაგექცევა ხანდახან მზერა,
ცაზე კი ამჩნევ ძველი მთვარის გარდაცვალებას...
სინარულის როლს ცხოვრებაში თამაშობ მჯერა,
თუმც ბავშვობაში არ მოგაკლდა ტანჯვა-წვალება...
მანდილოსნების გადარკაულულ წელსა და მკლავებს
აღარ დაითვლი... არ გჭირდება... იყო... გაფრინდა...
არაკაცები ბოდმითა და შურით ვერ გკლავენ,
ხალხს კი უყვარხარ და იმედის გრთავენ დაფნითა...
სხვა ჯიგარი გაქვს, ძველი ძმობის ბოლო სარდალო,
არც მოძავალში დაისმება შენთვის წერტილი...
სახეზე ღიმიით, გულში დარდით ვის შეგადარო —
შენი სიცოცხლე სულ იქნება თავაწვეტილი...

ვაჟა ოთარაშვილი



ვანო ხხოცაძე

შუშახის ომი

რომანი

ვიქტორ პეტროვიჩი, ხომ ამდენი ვიბორგე და ვიბობოქრე, „ჩმჭყ“ საზოგადოებას მაინც „დავუმშვენე“ საშობაო-საახალწლო საღამო.

რამდენიმე ძვირფასი სადღეგრძელო მივირთვით, სიკეთე, დოვლათი და, რაც მთავარია, მშვიდობის წელი ვუსურვეთ ერთმანეთს.

აბა, რა ვიცოდით, გემის ძირი თუ გახეთქილი იყო და შორს ვერ წავიდოდით...

ტელეფონი რეკავს!

ბიჭოს, ისევ ჩაირთო.

ავიღე ყურმილი:

— გისმენთ!

— ღმერთო ჩემო, როგორ მიხარია, რომ მისმენთ! — მპასუხობს მამაკაცის ხმა.

— თუ ძმა ხარ, ამ შუალამისას ხუმრობის დროა? — არ გამწვანდება წელანდელი გაღიზიანება.

— არა, გეფიცები, ნამდვილად მიხარია...

ეტყობა, ნასვამია.

— რა გახარებთ, მე ხომ არც მიცნობთ.

— მაგას რა მნიშვნელობა აქვს... ახლა ხომ ერთმანეთისათვის უცნობი აღარავინა ვართ.

— ჰო, მართალი ბრძანდებით, — მომიღბა გული.

— გამაგიჟა ამ სიჩუმემ, მეგობარო... თავი

სასაფლაოზე მგონია... როგორც კი ტელეფონი ჩაირთო, ავიღე ცნობარი, მივყვები ანბანის მიხედვით და ყველა ნომერზე ვრეკავ... ჯერჯერობით სულ რამდენიმემ მიპასუხა, თქვენ მეთერთმეტე ხართ.

— ზოგი სარდაფშია და ვერ იღებს ყურმილს... მეც ნათესავის ოჯახში ვიმყოფები, ამიტომ 42-04-ზე თუ დარეკავთ და არ ვიპასუხებთ, ნუ ჩათვლით რომ ქალაქში არა ვარ.

ჩემი ხუმრობა სერიოზულად მიიღო:

— კარგით, 42-04 არა? გმადლობთ, რომ გამაფრთხილეთ... ტუ... ტუ...

აი, ასე! განა გასაკვირია, ცოტა-ცოტა ყველამ რომ დავუსტვინეთ?

მოიერიშეებისა და ბომბდამშენების მოლოდინში, რა ჭკუაზე უნდა ვიყოთ.

ისე, თქვენიც მესმის, ვიქტორ პეტროვიჩი, მაინც რამხელა ქვეყანა გქონდათ, თბილისში რომ თენდებოდა, კურილის კუნძულებზე ღამდებოდა... ცოტა შეთხელდით, შემსუბუქდით მსოფლიო რუკაზე და ბრაზობთ, მერამდენედ გადმოაცოცხეთ ტორი კავკასიონზე... გამაგიზინეთ, თქვენი ბედოვლათობით დაკარგულ თუ გაყიდულ ალიასკაზე რატომ არ იჭაჭებით, ის უფრო არ გეკუთვნით, ვიდრე სამურზაყანო და ლიახვის ხეობა?... აა, იქ დიდი ძალღი აბია, არა? ძია სემი ეგეთი ავი ბულდოგია, რომ...

რადგან გამახსენდა, ბარემ ამასაც მოგყვები:

მოსკოვში, სასტუმრო „როსიაში“, ჩვენი იმდროინდელი მწერალთა კავშირის თავმჯდომარის „ლუქსიდან“ წითელ მოედანს გადავყურებთ, თან მაშინდელ იშვიათობას, თუნუქის ქილებში დაკონსერვებულ ლუდს ვწრუპავთ.

წითელ მოედანზე ავიაციის მარშალს კრძალავენ.

დააკაკუნეს. შემოვიდა ორი ტიპი. მოგვიბოდიშეს, ვიდრე დაკრძალვა დამთავრდება, ფანჯრიდან თვალყური უნდა ვადევნოთ, თქვენ თქვენი გააგრძელებთ, ყურადღებას ნუ მოგვაქცევთო.

თქმა არ უნდა, უშიშროების თანამშრომლებია. ეტყობა, წითელი მოედნის მხარეს, ყველა განაპირა ნომერი კონტროლზე აქვთ, რომ ვინმემ, ამ შემთხვევაში ჩვენ, ერთ-ერთ თავყრილობაზე ჩამოსულმა მწერლებმა, თბილისიდან წამოღებული, ოპტიკურ სამიზნიანი შაშხანით, დაკრძალვაზე მობრძანებული გენერალური მდივანი არ გავავაგოროთ.

კეთილი, ბრძანდებოდეთო, არცთუ ხალისიანად დავეთანხმეთ და ვუყურებთ, როგორ მიდის პროცესია მავზოლეუმთან, მერე კრემლის კედელთან...

— მე მითქვამს და კომუნისტები კრემლს თავისი ხელით დაანგრევენ, — ამბობს „ლუქსის“ მასპინძელი რუსულად.

დაუპატიჟებელმა სტუმრებმა ყურები დაცქვიტეს — რა ბრძანეთ, იქნებ გაიმეოროთო, თავაზიანად სთხოვეს.

გაუმეორა —

კრემლს, კომუნისტები თავისი ხელით დაანგრევენ, მითქვამს მეო.

უხერხული სიჩუმე ჩამოვარდა.

გაგრძელება. დასაწყ. № 6

საქართველოს
პარლამენტის
ეროვნული
ბიბლიოთეკა

ეს ხმა გაუნელებელი, მძიმე დარდია.
განა ყველა დროში ასე არ იყო:
— შვილები ფრონტზე,
მამები ზურგში!”

10

აგვისტო ყაყაჩოსათვის მკვდარი სეზონია.
მინც ერთბაშად იფეთქა ლიახვის და ფრონისპირებში, თამარაშენთან, ქურთასთან, ცხინვალის მისადგომებთან...

ქვეყნის ქრილობებისათვის, ყველაზე უბარი მალამო, ჯარისკაცის სისხლია.

მოგვიანებით, უმაღლესი მთავარსარდალი გაცემით იტყვის, რატომ გიკვირთ, ომი უმსხვერპლოდ ვის გაუგია, ჩვენ მაღალანაზღაურებადი ჯარი გვყავს, ისეთ ხელფასებს ვაძლევთ, თავი უნდა გაენიროთ, მაშ რა უნდა ექნათო.

ამ ბატონმა არ იცის, რომ არანაირი სიდიდის ხელფასი არ ღირს თავის დასადებად.

აი, ასე იოლად ყოფილა ყველაფერი.

ქართველი ჯარისკაცისთვის, მაღალი ხელფასის გარდა, უფლისაგან ნაბოძები სიცოცხლის გასანირად, თურმე სხვა მიზეზი და პასუხისმგებლობა არ არსებულა, მისთვის მნიშვნელობა აღარ ჰქონია, ავნიევთან დაილუპება თუ ბაღდადის შემოგარენში.

საინტერესოა, რამდენს უხდიდნენ მღვდელთვედორეს, ქეთევან დედოფალს, იოთამ ზედგენიძეს, ზეზვა გაფრინდაულს, ცოტნე დადიანს, ბახტრიონის გმირებს, სამას არაგველს, დიმიტრი ყიფიანს, ილია ქაჭავაძეს, გიორგი მაზნიაშვილს...

რამდენიმე წლის წინ ჟიული შარტავას ფონდის თავმჯდომარემ მიაბო:

— სოხუმში, 1993 წლის საბედისწერო ოცდაშვიდ სექტემბრამდე, ორი დღით ადრე ჩაფრინდი. ჟიულის აეროპორტიდანვე დაფურეკე, შენთან მოვდივარ-მეთქი. ხეირიანად მისალმებაც არ მაცალა, ახლავე, პირველივე თვითმფრინავში, რომელიც თბილისისაკენ გაფრინდება, ჩაჯექი და უკან წადიო.

იცო, შენ, ჩვენი ძმობა საიდანაც მოდის და მენყინა, კალისტრატოვიჩ, ამდენი ხანია არ შევხვედრივართ, შენგან ორ ნაბიჯზე ვარ და უნახავად როგორ წავიდე-მეთქი...

ასეა საჭირო, დროს ტყუილად ნუ კარგავო... მერე ხმა დაურბილდა, ამ გასაოცარი ოპტიმიზმით დამუხტულ კაცში უჩვეულო ნალღელმა იმძლავრა, — შენ ხომ მინც უნდა გამიგო, ყველაფერი დამთავრდა, დაილუპა, დაიკარგა აფხაზეთი... მომავალში იტყვიან, რატომ და ვის გამო... ახლა მთავარია მეტი ახალგაზრდა გადავარჩინოთ, ტყუილუბრალოდ არ ჩავახოცი-ნოთო...

რალაც იცოდა ისეთი, რაც არ უნდა სცოდნოდა. ამიტომ არ დაამადლეს ტყვია, ოღონდ მტერმა თუ მოყვარემ, თუ ორივემ ერთად, „საკითხავი აი, ეს არის!”

უკანასკნელი კადრები.

აკვამლებული საბჭოს შენობის წინა მოედანი.

როგორი სახით მოდის, გაფითრებული, ნელგამართული, სიკვდილთან შეხვედრამდე მცირე ხნით ადრეც ვილაცხას მფარველობს, ზედ

ეფარება.

უჭალსტუხო ჟიული არც ფრჩხილებს იჭამს და არც პერანგის საყელოს ღეჭავს...

ნეტავ რამდენს უხდიდნენ, ერთ-ერთ უკანასკნელ გმირს, საქართველოს ისტორიაში?

ან ამ დღეებში რა რჯიდა, უბრალო, უსახელო სოფელ ბიჭს, ოსურ დრომას რომ არ აკოცა, ამიტომ, შაშხანის ლულა პირში მისცეს და ტვინი გაასხმევინეს!..

არ არის აგვისტო ყაყაჩოების თვალის ახელის თვე!

მინც რა მოხდა, რამდენმა ამოხეთქა შიდა ქართლში — ერედვთან, კეხვთან, ნიქოზთან, ცხინვალის მისადგომებთან...

11

გავიდა ჩვენი ჯარი და შემოვიდნენ რუსები. იყო დრო, როდესაც სამამულო ომის თემაზე შექმნილ ფილმებში რუსებსაც „ჩვენებს“ ვეძახდით.

იყო დრო...

ახლა ვის დაფუძახებთ „ჩვენებს“ და მერე ვინ მოგვეკიდება მტრად?

ეს უკვე ჩენს სურვილზე აღარ არის, მტრებსაც და მოყვრებსაც ხელისუფლება შეგვირჩევს.

აკი გვითხრეს კიდეც, გვაცალეთ, ბატონო, ქვეყნის მოვლაო.

ვაცალეთ, ვაცალეთ, სოფლები დაცვალეთ — გაასრეს ანდა უკანდახეულ ჯარის ნაწილებს გაჰყვა აყრილი მოსახლეობა.

ქალაქში შემოსულ რუსის ჯარს, დიდ ნადირს ადევნებულნი, ნამუსრევზე სუნაღებული აფთრები და ტურები შემოაწყვენ, მოროდირები ძვირფას მანქანებს დაერივნენ და სადაც მოიხელთეს, როკის გვირაბისაკენ გზა უჩვენეს. პირველივე ღამეს, ეკლესიის ეზოდან ორი ავტომობილი გაიტანეს, ხოლო ქალაქში ცნობილი „კარბიურატორების“ ხელოსნის, კოლია გრიბოვის გარაჟში შეჭრილებმა „ვოლგოც“ გაიყვანეს და პატრონს, კარი რატომ დროზე არ გაგვიღეო, ავტომატის კონდახით ახალჩაყენებული კბილის პროთეზი ჩამოუღეს.

მძარცველებმა კიდეც ერთხელ დაამტკიცეს, მკვლელსა და ავაზაკს ეროვნება რომ არა აქვთ, თორემ კავკასიონის იქით რუსი ცოტაა, კოლია გრიბოვის გასაძარცვად საქართველოში რომ არ ჩამოხვიდე?

რადგან შემოვიდნენ, ავიყვანოთ ქალბატონი ამალია მალა, რუსები თავისთავს ხომ არ დაბომბავენ-მეთქი, სიტყვით გამოვედი სარდაფში გამართულ, „დახურულ“ სხდომაზე.

შვილიშვილი დამეთანხმა, მაგრამ შვილმა არ ქნა, დაიწყებენ ახლა სახლებში ბოდიას და, აქ რომ ვინმე გასაძარცვად შემოეთრეს, დედაჩემი გადაჰყვება კიდეცო... დამარხვაც, ხომ ხედავთ როგორი პრობლემააო, დაატანა ბოლოს.

დედის თანდასწრებით ისე მშვიდად ჩამოაყალიბა თავისი მოსაზრება ამ დამთრგუნველ და უსიამოვნო საკითხზე, თითქოს კარადისათვის ადგილის შეცვლაზე მსჯელობდა.

რა ვქნა, უძლური ვარ-მეთქი, ხელები გავუშალე ქალბატონი ლოლას ნათქვამით განაწყენებულ ღვანღმოსილ პედაგოგს.

— კრუპსკაია არ ჰყოლიათ ამდენ ხანს,

კონსპირაციულად, იატაკქვეშეთში, — ჩავილაპარაკე ჩემთვის.

— სჯობდა, რომ საერთოდ არ ამოეშვათ, ისიც და იმისი საყვარლებიც.

— რას ერჩი, დედა, იმ პატიოსან ქალს? — ბებიას სანთელი ფეხზე დაანათა ნიკამ.

— პატიოსანიო!.. ყველა რევოლუციონერი თურმე საყვარლად ჰყოლია.

— ნუ იცი გადამეტება... — გაეცინა ნიკას, — მომანოდე ეგ საფენი!

— რუსები წერენ, თვითონ, თორემ მე არც კრუშსკაია მინახავს, არც იმისი საყვარლები.

— ნეტავი ამ ჩვენ „ბიჭთან“ არ ექნებოდა საქმე? — სარდაფიდან, ჩემი ვარაუდით, ქალაქის ცენტრში აღმართულ ძეგლისაკენ მივანიშნე ქალბატონ ლოლას.

— აბა, მაგას იკადრებდა სწორედ!..

— რა შედარებაა, — სასანთლე დადგა ნიკამ, — ფეხი თანდათან თავის ფერს იბრუნებს... მალე ჯობით გაივლი, მერე კი გაიქცევი ბავშვებში სათამაშოდ, — ენა მოუჩლიქა ბებიას და თმა მოფერებით გადაუსწორა.

— რა ვიცი, დედაშენი კი საიქიოს მისტუმრებს და...

— დედაჩემზე როგორ უნდა გაბრაზდე, ვერ ხედავ, ნადეჟდა კრუშსკაიას რა აღარ აკადრა?

— იმასთანაც ძალიან ტყუის!

— იმასთანაც ტყუის და მამაჩემთანაც! — ბებიას გულისწყრომას თავისიც დაამატა ნიკამ.

— მამაშენთან რაღა დანაშაული მიმიძღვის?

— დონიჯი შემოიყარა ქალბატონმა ლოლამ.

— გეტყოდი, მაგრამ ახლა შინაომების დრო არ არის. გავლენ ოკუპანტები და ჰააგის სამართლოზე წაგაყენებთ.

— ნეტა შენ, რომ ხუმრობის ხასიათზე ხარ!

— ეგრე იყოს ჩემი მტერი... დაცარიელდა პალატები, გადავაგზავნეთ ავადმყოფები და თითქმის მთელი პერსონალი გაჰყვა... რამდენიმელა დავრჩით...

— რატომ, დამთავრდა ომი? ექიმები აღარ დაგვჭირდება?

— ბრძოლები დამთავრდა, ომი კი არა...

— მართალი ხარ, — კიბეზე ასასვლელად მიბიძგა ნიკამ.

გარეთ გამოვედით.

ნიკა საავადმყოფოში მიდის, იქაურობის მითოვება არ შეიძლება.

— ხომ ხედავ, რა დღეში ვართ... შენ კიდევ, ცოლი რატომ არ მოგყავსო... კიდევ შვილების დარდი მინდა?

— რა ვქნათ, აბა, გადავშენდეთ?

— არ ვიცი... მე თავი დამანებეთ... რაც ამ დღეებში პროზექტურასა და საოპერაციოში ვნახე, მთელი სიცოცხლე მეყოფა სატანჯველად... გუშინნინ მანც რამდენი ჩამოიტანეს!.. ჯგუფურად ამოეხოცათ და ერთმანეთში იყვნენ ალუფხულები... უბედურები, მოროდიორების შიშით, სოფლის განაპირას, ფერმას შეფარებოდნენ... პირდაპირ შიგ ჩაეგდოთ, ჰაერიდან... — სიგარეტს მოუკიდა, — დავექით, დალუპულეები თავიდან ავანყეთ, მივაკერ-მოვაკერეთ, როგორც კიდურებმონყვეტილ თოჯინას აკერებენ, ეგრე... თავიდან არაფერი — უკვე ისეა ნერვები გახვეებული, რეაქცია, ემოცია აღარა მაქვს, სა-

მუშაოა შესასრულებელი და ასრულებ, მორჩა და გათავდა!.. — დადუმდა, რამდენიმე ნაფაზით სიგარეტი ყუაზე დაიყვანა, — იცი, როდის გავფუჭდი? ორი ფეხი რომ დარჩა ზედმეტი, ტანის გარეშე...

— გაჩერდი, თუ ძმა ხარ! — ამოსანთხევად ყელში მთელი გულ-მუცელი მომანვა.

— ხედავ? შენ მოსმენაც კი გაგიჭირდა და ჩვენ რა დაგვემართებოდა.

— შეილმკვდარმა მამამ რომ გვითხრა, სხვებთან შედარებით ბედნიერი ვარო, ვიფიქრე, აურია-მეთქი, საწყალმა.

— აბა, ამ უბედურებაში, შენ წარმოიდგინე, ეგეც კი ბედნიერებაა... ახლა ის საცოდავი ან-ზორი, ჩვენი ექიმი? მიმღებთან ვიდექით, კასეტური რომ გასკდა. დამიზნებულებით შიგ შუბლში მოხვდა და ადგილზე გაათავა... რას გაიგებ, ხუთიდან ის ერთი გამოარჩია... — კედელს მიასრისა სიგარეტის ნამწვი, — არადა, ჩამოვა დედაქალაქიდან ვილაც გაბლენძილი, ზედმეტად მაძლარი ზემდგომი და ისეთ რამეზე შეგედავება...

— მერე, თქვენც შეედავეთ.

— რანაირად, ამათ ხომ არც საქმე იცინა, არც — მოსმენა... ალბათ, ჩემი ნაკლია, ვიცი როგორ ვესაუბრო ნორმალურებს, მაგრამ არ ვიცი როგორ ველაპარაკო სულელებს... — გაეცინა, — ეს რაღაც ზედმეტად ჭკვიანურად გამომივიდა, ნეტავ ჩემი ნათქვამია თუ სადმე ამოვიკითხე?

— ნუ გეშინია, ნამდვილად შენი ნათქვამია, — დავკარი მხარზე ხელი.

— გაჩუქებ, თუ გინდა.

— ბებიამენს აჩუქე.

— მერე ის ხომ პროზაში არ მუშაობს, პოეტია.

— ეგ სულ დამავინწყდა... ისე, ლექსებით იწყებენ და მერე პროზაში გადადიან.

კორპუსის კუთხემდე მივაცილეთ.

— გახსოვს, რომელიღაც ფილმში, ლენინთან ცეკვის დროს, კრუშსკაიას ფეხსაცმელს ქუსლი რომ მოტყდა?

— ეგ არა, მე იმ შაქრის გემო მახსოვს, ბელადი ბავშვებს რომ გვიგზავნიდა.

— ყოჩაღ, შენც კარგი პაპა ყოფილხარ!

— ჰო, დიდ ქალბატონზე ცოტა უფროსი.

ნერვიული სიცილი აგვიტყდა.

— გაგიჟდები კაცი, თუ დაფიქრდი, ჩვენ აქ ვსაუბრობთ და, ამ დროს ჩვენი ქალაქი დაბომბილია, მტრის ტექნიკით არის ჩახერგილი შემოსასვლელ-გასასვლელეები, უცხო ჯარისკაცები პატრულირებენ და ათასი ჯურის მოროდიორი დაძრნის... ერთი კვირის წინ ამას წარმოიდგენდი? — გარაჟებს შორის, ჩაბნელებული ბილიკი, ჯიბის ფარანით გაანათა და თვალს მიეფარა.

„რატომ ჰქონდა ლენინს იმ სურათში ნაღვლიანი თვალები? იქნებ გადაღების მომენტში გაიგო, მეუღლე რომ მთელი სიცოცხლე ლატობდა?“

ოქტომბრელების სამკერდე ნიშანზე გამოსახულ, ოქროსფერკულულებიან ვალოდია ულიანოვს თუ არ ჩავთვლით, ის ერთადერთი პორტრეტია, სადაც, ბელადს ადამიანური სევდის ნიშნები ეტყობა.

ერთხელ დედამ უთხრა:

— ვალოდია, რომ ენევი, შენი ჯანმრთელობის გარდა, ჩვენი ოჯახის ბიუჯეტსაც გვარიანად აზარალებს!

— აა, ბიუჯეტსაც ვაზარალებ? თუ ასეა საქმე, მოწვევას თავს ვანებებ! — ვალოდიამ ჯიბიდან ამოღებული პაპიროსის კოლოფი მაგიდაზე დააგდო და იმ დღიდან აღარ მოუწვია.

ამას, მგონი, ზომიერად ლადაობს. ჩვენ კი, ამნაირ სულელურ ლეგენდებს სერიოზულად გვასწავლიდნენ...

სამზარეულოში მაცივარი არახრახდა. სინათლე მოვიდა, მაგრამ ფანჯრები მაინც ჩალამებულია, სატელევიზიო არხები — გათიშული — ეკრანი აჭრილი რძესავით ციმციმებს.

არა გვაქვს უფლება, რომ ვიცოდეთ ჩვენს თავს რა ხდება?

ბედზე ეკამ დარეკა.

აქ რუსის ჯარი შემოვიდა და, მანდ რა ამბავია-მეთქი.

ნურც იკითხავო, მომახალა მაშინვე.

თურმე, მთავარი მოედნიდან, დიდი მიტინგის ტრანსლიაცია მიმდინარეობდა. მიკროფონებთან ერთმანეთს ცვლიდნენ „მაღალ ხმაზე“ დაყენებული პოლიტიკოსები, მომღერლები, არტისტები, თავისი მგზნებარე მჭერმეტყველებით კმაყოფილი ორატორები.

ეკამ ყურმილი ტელევიზორთან მიიტანა.

პირველივე ფრაზაზე დავიცენტრე — ხომ გავიმარჯვებ, ხომ დავაჩოქებ აგრესორი რუსეთით, ვილაც დორბლებს ეკრანს შიგნიდან აყრიდა.

ვიფიქრე, ალბათ, ერთი კინოგმირივით თელავში რომ რეკავს და ტელ-ავივში მოხვდება, მეც ასე დამემართა, რომელიღაც ბედნიერ, გამარჯვებულ ქვეყანაში აღმოვჩნდი-მეთქი.

მაგრამ ეკა? ქართული, ომახიანი გამომსვლელები?

ვერ ეღირსებიან ჩვენი სახელმწიფოებრიობის ჩამოშლასო!

„ღმერთო, ჩამომიყვანე ტელ-ავივიდან და გამაგებინე თბილისში რა ხდება!“ — გადავიწერე პირჯვარი.

არ მჯერა, მაგრამ... ღმერთმა რა ქნას, ნამდვილად თბილისია.

სახელმწიფოებრიობა აქამდე მიწაზე მეგონა, ღონივრად ფესვგადგმული და თურმე ჰაერში ყოფილა გამოკიდული, მერცხლის ბუდესავით — აბა, თუ ბიჭია, მისწვდეს რუსი და ჩამოშალოს!

ამას ვერც მიხალკოვის საყენახევერიანი გოლიათი, ძია სტიოპა მოახერხებს და, ჩოფურა თეთრი ხელმწიფე ხომ — მით უმეტეს...

გაგიჟდები კაცი, თუ უკვე არ გადახვედი ჭკუიდან — ჩამქრალ, ნაღმებითა და ტანკებით გადახნულ საქართველოს რუკაზე, ახლა ყველაზე მძიმე ლაქა სინათლეებით გაჩირაღდებული, უსაფუძვლოდ აღტკინებული თბილისია.

ვინ დაამარცხეს, სად გაიმარჯვეს ნეტავ? შამქორისაკენ ილაშქრეს თუ დარუბანდისაკენ, ოკუპირებულ ტერიტორიაზე დარჩენილებსაც ხომ უნდა გაგვაგებინონ, გაგვახარონ.

— ეკა, ეკა! — ჩაეძახი ყურმილს, — გეს-

მის?.. ჰო, მოაცილე ყურმილი ტელევიზორს, აღარ მინდა მაგ ნაძირალების მოსმენა!.. მითხარი, როგორ გავიმარჯვებ, როცა მთელი ქართული სოფლები ნასოფლარებად აქციეს და დაუმარხავ მკვდრებს მინის მიმყრელი არა ჰყავთ... როცა...

— ჩუმად, ხომ იცი სადაც ცხოვრობ... ყველას უსმენენ, დაგიჭერენ და დავიღუპებით, — მაფრთხილებს ცოლი.

ეს გაფრთხილება უფრო მაგიჟებს:

— ვერ დამიჭერენ, აქ აღარ ვრცელდება მაგ „გამარჯვებულები“ იურისდიქცია!.. „გამათავისუფლა“ რუსმა! — მეც აღარ ვიცი რას ვბოდავ.

გასული დღეების ბოლმა ტვინში ცეცხლს მიკიდებს და უფრო მწარ-მწარეებს ჩავყვირი ყურმილს, მაგრამ ამ საცოდავმა ჩემმა თანამეცხედრემ რა ქნას, მთავარსარდალია, თავდაცვის მინისტრი თუ ტრიბუნაზე ჭილყვავივით შეფრენილი ოკეანესგაღმელი, ჩვენი მფარველი შავი ქალბატონი.

ეკამ ტირილი დაიწყო, თვითონაც ისე განერვიულდა.

ტელეფონი გათიშა.

„გიშველა ღმერთმა!“ — თავი თითქოს ცხელი შხაპიდან გამოვყავი, ნურწურით ჩამომდის ოფლი. ყურმილს მოჭერილი თითები მტეხენ და კეფა ლამის გამომვარდეს.

კარის ჩარჩოს მიყრდნობილი ქალბატონი ლოლა დამფრთხალი მომჩერებია.

— რაც გვჭირს, იმაზე უარესი მოხდა რამე?

— ჰო, იმაზე უარესი!.. — ორივე ხელი კეფაზე დავიფარე.

გაბრუნდა. სამზარეულოში სინათლე აანთო და თაროდან ნამლების ყუთი ჩამოიღო.

„ეჰ, პულჩინელა, პულჩინელა, ჩანყვეტილი თოკიდან კისრის მოსატეხად ჩამოვვარდი, მაყურებელს კი მორიგი ტრიუკი ჰგონია... მითხარი, გადავურჩები ამ სასიკვდილო ნომერს?..“

„თქვენი ახალმთავრობები და ზეიმები შეიძულა ჩემმა სულმა, ტვირთად დამაწვა, დავილაღე მათი ზიდვით,“ — ბრძანებს ესაია ნინას-ნარმეტყველი... მეც დავილაღე, პულჩინელა. მომხსენი ეს ტვირთი, წამიყვანე და, ისევ თეატრის ფოიეში, აჭრაჭუნებულ სკამზე დამსვი... ამას თუ არ იზამ, მაშინ სონეტის კითხვა მაინც გავაგრძელოთ:

„რა ლხინი უდგათ სასახლეში ამ ქვეყნის მამებს,
კარის ლაქიებს, სავარძლებში
გადაბლენძილებს,
ან რა ამღერებთ მეფესა და
ნაზირ-ვეზირებს,
როცა ძაღლები უპატრონო ჩვენს
მკვდრებსა სჭამენ...“

კმარა, ზოგი მერე — ქალბატონმა ლოლამ, ხელისგულზე დადებული წამალი და ყავის ჭიქით, მისაყოლებელი წყალი მომიტანა.

ბალიშამდე თავი ძლივს მივიტანე.

მაშინვე ჩამეძინა.

ვერ ოცი წლის წინ ნანახი პარიზი და პომპიდუს ცენტრი მესიზმრა, მერე მუქ-ლურჯი მუშით შემინული, მრავალსართულიანი დაწესებულებების თუ საოფისე შენობების კვარტალში

ვიდეო. მზეზე ალაპლაპებულ შენობებს თვითმფრინავები თავს დასტრიალებდნენ, პიკირებით ნამოსულები, როგორც მანჰეტენის ტყუპებს, ალესილი ფრთებით ჭრიდნენ და სართულები შუშის მსხვრევითა და გამაყრუებელი გრუნუნით მიწას ენარცხებოდნენ.

ვუყურებდი და მიკვირდა, ასეთ უბედურებაში ხომ ჩემს ქვეყანაშიც ვიყავი, აქ რალამ ნამომიყვანა-მეთქი.

გამელვინა, ქუჩისპირა ფანჯრის წინ ტანკმა ჩაიარა — ქვემოთ, სადგურის ხიდისაკენ მირახრახებდა. ნომერსაც მოვკარი თვალი — 210.

მოდრავ კომპიუტერზე ხელის ტყვიამფრქვევს ჩაფრენილი, ჩაფხუტიანი ოკუპანტი, „ცოცხალი შესრულებით“ პირველად ვნახე.

აღე, ჭროლა, კამფეტა და ყანჩა, კორპუსის კუთხეში იდგნენ და ახლა ხიდის მხრიდან მომავალ მძიმე ტექნიკას უყურებდნენ.

— რა ხდება, „პარადს“ იღებთ?

— ეგრე მიიღონ ამათმა გამომგზავნებმა, — ამოიხხრა ალემ.

— გუშინ რომ გავიგე შემოდინო, მაგრად გავტიალდი, — დაბურთული ქუთუთოები მოისრისა კამფეტამ.

— რუსების შემოსვლამდე ხომ აკლებდი, აი!..

— ამ ქვეყანას ვინც ფხიზელი უყურებს, იმან რა მოიგო.

— ის მოიგო, რომ ჩვენ ლოთებს გვეძახიან, იმათ — არა! — ალესაც კაი ოხშივარი ასდიოდა.

— გვეძახონ, მერე რა, რომ გაჭირდა, ხომ გამოჩნდა ამ ქალაქს გულშემამტკივრები ვინცა ჰყავს?.. ხალხმა ქონება, ჯიპები, მერსედესები გადარჩინა... ჩვენ კი ფეხი არ მოგვიცვლია, ჩვენი სიცოცხლე დავდეთ სასწორზე... ასე არ არის, ძმაო, ჭროლა?

— ასეა, კამფეტ, ასე.

ყანჩამ ალეს სიგარეტი გამოართვა, ჭროლას — ასანთი.

— შენი მარტო პირი გაქვს, შე ჩემანალა!

— გეხმარებით, ბევრმა ნიკოტინმა კიბო იცის.

— კიბო შენზე უარესი როგორ იქნება... კამფეტ, მიდი ამათაც ნაუკითხე, გუშინ რომ დანერე, — შეეხვეწა ჭროლა.

— კარგი ერთი... სიმთვრალეში რალაც მივქარე.

— ჰაა, რას გვახვეწიებ! — დაუტია ალემ.

კამფეტამ დაჭმუჭნული ხელსაწმენდი ქალაღდი გამალა:

— ვეთაყვანოთ იმ უბრალო კიტელს, ჩიბუხიდან გაბოლებულ თუთუნს.

მადლიერო პროლეტარო, ნუთუ, სტალინური იმპერია გვიტევს.

ამას მისამლერი მოაყოლა:

სტალინური, დარი-დური, დარი-დარარე, სტალინური, დარი-დური, დარი-დარარე... ნაუმღერა, მაგრამ ალემ ჩათავება აღარ აცალა:

— დაანებეთ სტალინს თავი, რაც იმან შემოგვინახა, ეხლა ეს დედამონათლულები რომ კარგავენ, იმაზე იფიქრეთ!

— ალე, ფრთხილად იყავი, თორემ ესენი წავლენ, მოვლენ ისინი და ყველაფერს წვრილად

გიანგარიშებენ, — გააფრთხილა ყანჩამ.

მაგარია ნასვამი კაცი —

მოვიდნენ და მოვიდნენო, ალემ შარვლის უბესთან დაირტყა ორივე ხელი...

მოედნისაკენ წავედით.

ცარიელ, უპატრონოდ მიტოვებულ მუნიციპალიტეტის კიბეებთან ხაკისფერი, სამხედრო მანქანები მიეყენებინათ, ჯარისკაცები და ოფიცრები, ისე აპყურებდნენ ფანჯრებჩაღწილ, ჩარჩობებგამოყრილ შენობას, როგორც კოლიზუშს ტურისტები.

მუნიციპალიტეტიდან პარმალზე გამოსულმა, მხრებაჩეჩილმა გენერალმა ხელები გადაატრიალა, რაც იმას ნიშნავდა, რომ შიგნით ვერავინ ნახა და ოთხკარიან „ნივაში“ ჩაჯდა.

ფოსტის ქუჩის გავლით მანქანები თვალს მიეფარნენ, ადგილზე ნიღბიანი ჯარისკაცები დარჩნენ, ოღონდ ვერ გავიგე, დაცლილ, უცხო ქალაქში სახეს ვის უმაღლავდნენ.

გადასასვლელ ხიდთან ჩამოვედი. მთელი ასფალტი „ტ-55“-ის მუხლუხებით იყო დაკბენილი.

ხიდთან, პირისპირ დამდგარ ტანკებს, გზა ისე გადაეკეტათ, რომ შუაში მსუბუქი მანქანა გატეულიყო. ნაპირებზე აღმართულ სილის ტომრების ყორეებთან ჯარისკაცები ირეოდნენ.

მოქალაქეთაგან არც ხიდს იქით ჩანდა ვინმე, არც — აქეთ. ტანკებშორის დატოვილ „განსანმენდელში“ რომ გავდიოდი, ასე მეგონა, ყველა ლულა მე მიყურებდა.

ახლა უფრო დავიბოღმე, ვიდრე მაშინ, როცა თვითმფრინავები თავზე დაგვებზუოდნენ — მე ხომ სულ ახლოს, გვერდით ჩავუარე როკის გვირაბიდან გამოძვრალ დამპყრობელს.

ჯერჯერობით, პირობით საზღვრად, მდინარის მარცხენა ნაპირი დავედგინათ, თუმცა იქითაც რომ გადასულიყვნენ, ვინ იყო ხმის გამცემი.

ცხრა აპრილსაც დამპყრობელის პირისპირ ვიდექით, მაგრამ მაშინ ყველაფერი დუღდა, ამოდიოდა ხორხიდან ორასწლიანი ბოლმისა და ჯავრის ლავა, იყო უიარალო გლადიატორების შერკინება ჩვენს რიგებში მოსიარულე, ხორცშესხმულ სიკვდილთან, როგორც ჩვენ ნიჩბები და ხელკეტები, ჯარისკაცებსაც თავზე ელენებოდათ ფარები და ჩაფხუტები და უკანდახევა დამარცხებას სულაც არ ნიშნავდა.

დღეს კი, ჩემი პროტესტი, მხოლოდ იმით გამოვხატე, რომ მათ შორის დაკოპილმა გავიარე, თან მაგრად მომუჭული თითები ლურსმნებივით ლამის ხელისგულეებში ჩაძვრნენ.

ისინიც იდგნენ, განზე ფეხგადგმულები, გახევებულები, გამოცარიელებული თვალებით და ჩვენი შეიარაღებიდან ამოღებული, დანუნებული „კალაშნიკოვებით.“

გაცვდი ჯარისკაცებს — ზურგზე ჭიანჭველები აფუთფუთდნენ, ადი-ჩადიან ხერხემალზე — რა ვიცი, რამდენი ჭკუაგადაბარუნებულ ან ომისაგან გონებაამღვრეულია, დიდი სიქმე, ტყის გაჩეხვისას, ერთი ნაფოტით მეტი თუ დავარდება მიწაზე.

მშვიდობიანად გადავედი ხიდზე. ხელმარცხნივ დაკეტილი ბენზინგასამართია, მარჯვნივ — ვაგონების ჩიხი.

არსად კაციშვილი არ ჩანდა.

რკინიგზის ქვეშ გამავალ გვირაბში ჩავედი



და, ოკუპირებული სამშობლოდან გადმოსვლის მღელვარებას თუ არ ჩავთვლით, ჯერჯერობით, „თავისუფალ სამშობლოში“ უპრობლემოდ აღვმოჩნდი.

გვირაბში ბნელოდა. გამსკდარი მილიდან ჩამონაჟონი წყალი აყრილ ფილებს შორის გაჩენილ გუბეში წვეთავდა. ზემოთ რახრახით გაიარა სატვირთო მატარებელმა. სატვირთო იმიტომ მეგონა, რომ სადგურს შეუჩერებლად ჩაუქროლა.

ბაქანზე ამოვედი. ლიანდაგების პირველი ხაზი ჯერ კიდევ ძიგძიგებდა.

შეგზრუნდი და ახლა აქედან გავხედე მტკვარგალმა, ოკუპირებულ ქალაქს.

პირველი დღეა, როცა არსად არაფერი ბოლავს. სამაგიეროდ, ერთ ღამეში გაუცხოვდა, გაცივდა, კიდევ უფრო ჩაკვდა და გაუჟაცრიელდა იქაურობა.

რა ვქნა, აღარც უკან დაბრუნება მინდა, არც გამარჯვების ზეიმით გაბრუნებული დედაქალაქისაკენ მიმინევს გული.

გავდივარ და გამოვდივარ ბაქანის თავსა და ბოლოში. ხელს ვინ შემოშლის, მუდამ ხალხმრავალ სადგურის მოსაცდელში მხოლოდ ორი ხნიერი ქალი ჩამომჯდარა, ახლო-ახლო მიჭუჭკულან და ისე ჩუმად ტუტუნებენ, თვითონაც ძლივს ესმით. ნეტავი ისეთს რას ლაპარაკობენ, ცარიელ სკამებსა და კედლებს რომ უმალავენ.

ამ ქალებმა იციან საით უნდა წავიდნენ, მე — არა, თითქოს უისრო კომპასს დაეყურებდე, ჩემი გზა ციფერბლატზე არა ჩანს. სალაროსთან მივედი. რა მინდა სალაროსთან? მით უმეტეს რომ შიგ არავინ არის. სადგურისწინა მოედანზე, დაკეტილ სახინკლესთან ვიღაც-ვიღაცები დგანან. ალბათ, ჩვევას არ უღალატეს, ინერციით მოვიდნენ. სახინკლე დღეს თუ არა ხვალ, ზეგ, ერთი წლის მერე ხომ მაინც გაიღება, — ამოყრიან ქაფქაფა ხინკალს, მოაფრქვევენ შავ პილპილს... პრეტენზიულ გურმანებს ამოუჩემებიათ, შავი უხდებო... ხინკალი იყოს და, ვითომ წითელ პილპილს რა უჭირს... დაელოდებიან, მეტი რა საქმე აქვთ. ამათაც იციან რაც უნდათ და სადაც მოვიდნენ. მე არ ვიცი, რა მინდა და სად მივინდა.

ისევ ბაქანზე გავედი. კიდევ დავტკბი პიონერული საყვირივით ჰაერში აშვერილი ტანკის ლულების ხილვით.

ჰაერში გაკიდულ გადასასვლელ ხიდზე არავინ მიდი-მოდის. მხოლოდ მტკვარი არ ემორჩილება ომის კანონებს თუ უკანონობას, კვლავ დასავლეთიდან აღმოსავლეთისაკენ მიედინება.

ძველსა და ახალ ხიდებს შორის, ორად განტოტებული მდინარის შუაგულში, წაგრძელებული, ქვიანი და შლამიანი კუნძულია ამოზიდული.

ასე იყო ჩემი ბავშვობაშიც, სკოლიდან, შატალოზე წამოსულები, ძველი ხიდის შუაგულში, მოაჯირზე გადავალავებდით ხოლმე, ბეტონიდან გამოშვერილ, არმატურის კაუჭზე ჩამობმულ მსხვილ მავთულს დავეკიდებოდით, ხიმინჯს დაუწყებოდით და კუნძულზე ჩავდიოდით.

კუნძულზე, წყალდიდობიდან წყალდიდობამდე, ნერგებიც ასწრებდნენ წამოზრდას და ნაგერალივით ამოყრილი ბუჩქებიც. რიყის ქვით მოფენილ შლამზე მენამულ ხავსივით ძირს გართხმულიყო ბალახი. კუნძულის ნაპირები

დღევანდელ, ძირს მოღაგებულ ხარახურის ბაზრობებს გავდა. რას აღარ მოაყრიდა, გამორიყავდა წყალი — მინგეჩაურისაკენ მიმავალ მდინარეს, მენვრილმანესავით გზადაგზა უცვივდებოდა კონსერვის ქილები, ბოთლები, ლანჩაარღვეული ფეხსაცმელები, ძირგახვრეტილი ქვაბები, ძონძები, ყველაფერი, რასაც მოსახლეობა სანაგვეში გადასაყრელად იმეტებდა.

მთელ ამ ავლადიდებას ჯოხებით ვქექავდით, ბოთლებს და ქილებს ნიშანზე დავსვამდით და მიზანში ვესროდით, ვბანაობდით, ხან ბურთიც ჩაგვექონდა, მერე და მერე, თუთუნს გემო როცა გავუგეთ, აქვე, სადგურში, რუსეთიდან მომავალ მატარებლებს ვხვდებოდით, ვაგონ-რესტორანის ოფიცინტებისაგან სიგარეტს ვყიდულობდით, კუნძულზე არც მშობლის, არც მასწავლებლის რომ არ გვეპინოდა, ჩვენს ნებაზე ვაფუილებდით.

კუნძული სრულ დამოუკიდებლობას გვაძლევდა. მთელი ნეტარება იყო, წელზემთო მიშველი, თბილ ქვებზე გადანოლილი ბიჭებისათვის, ნაფაზის მერე, პირიდან რგოლების გამოშვებაში შეჯიბრი.

ყველას ალექო ჩოჩელი გვჯობნიდა, მაღალი, ერთთავად ცხვირგანითებული თანაკლასელი.

ალექო არამარტო ცხვირგანითებული, არამედ ცხვირანეულიც იყო, და ამის საბაბიც ჰქონდა:

პაპამისი, რუსეთის არმიის პოლკოვნიკი, ალექსი ჩოჩელი, ჯერ რუსეთ-იაპონიის, მერე რუსეთ-გერმანიის ომების მონაწილე, თავის ნაწილთან ერთად, კაიხანს, ირანში მდგარა.

როგორ, რატომ, რანაირად მოხვდა იქ, ამაზე არაფერს ამბობდა. ალექსიმ, ასევე ჩვენთვის უცნობი ვითარების წყალობით, დიდძალი ოქრო, ძვირფასი თვლები დააგროვა და საკმაოდ მდიდარი კაცი შეიქნა. სამშობლოში წამოსვლა რომ დააპირა, თავის სიმდიდრე ჩაანყო ზურგჩანთაში, გადაიკიდა ოფიცრის ოქროსფერტარიანი, ოდნავ მორკალული ხმალი და, სხვა ქართველ სამხედრო მოსამსახურეებთან ერთად, გზას დაადგა.

ფეხით მოდიოდნენ. გრძელ გზაზე ტვირთი უფრო და უფრო დამძიმდა. ამიტომ, იფიქრა, ქალაქი უფრო მსუბუქიაო, ლითონი ფულად აქცია, მაგრამ სამშობლოში ჩამოსულს ფული შეცვლილი დახვდა და ფასიანი კუპიურების ნაცვლად, სამუზეუმე, მხოლოდ ნუმიზმატებისათვის საინტერესო, გამოუყენებელი, დაპაჭკული ქალაქი შერჩა.

რეგოლუციით გაბედნიერებულ ქვეყანაში, მის ძველ დიდებაზე მოღალადე ხმალია ჩამოჰყვა, ახლა ტახტზემთო, კედელზე გაკრულ, ჩრჩილით შეჭმულ ხალიჩაზე რომ ეკიდა.

გამხდარი, დაპატარავებული, ცოცხალთვალეობა ბერიკაცი, წარბები და ხელეურებივით უღვაშები ერთიანად რომ გასთეთრებოდა, იშვიათად მინახავს გარეთ გამოსული, უფრო ხშირად ტახტზე ან იწვა, ან იჯდა, თითქოს საამაყო ხმალს დარაჯობსო.

მეზობლად ვცხოვრობდით. ძალიან პატარები როცა ვიყავით, მე და ალექოს გვერდით დაგვისვამდა, თვითონ ცალ ფეხს ტახტზე ამოიკეცავდა და ყოველთვის, მორიგი ამბის

მოყოლას ასე იწყებდა:

„ჰოოდა, თავრიზში ვაართ! — დასცხებდა გაშლილ ხელს მუხლისთავს.

სიტყვა „ვაართ“, მრავლობით რიცხვს სულაც არ ნიშნავდა, თავისთავს მიმართავდა თქვენობით.

ასეთ, ტრადიციულ დასაწყისს ვრცელი, მოსაწყენი მონათხრობი მოჰყვებოდა ხოლმე. სამაგიეროდ დასასრული იყო საინტერესო და, ჩვენც მოუთმენლად ველოდებოდით, მოლაყბე ბერიკაცი, გარდასული დიდების ნაშთს კედლიდან სასოებით როდის ჩამოიღებდა.

ქარქაშიდან ამოღებულ ხავერდის ნაჭრით გაპრიალებულ ხმაზე, ფანჯრიდან შემოსული სხივი, თვალისმომჭრელად გაივლიდა ხოლმე.

ხმაღს ჯერ თვითონ გაიქნევა ჰაერში, მარჯვნივ და მარცხნივ „ჩაჰკაფავდა“ ასკერებს, მერე ჩვენ, მორიგეობით დაგვაჭყერინებდა.

ბოლოს ისევ ქარქაშში ჩააბრძანებდა, ტარს ვაჟკაცურად დაჰკრავდა ხელისგულს და თასმით კედელზე ჩამოაკონწიანებდა.

ალექსი ჩოჩელი ას წელიწადს მიღწეული ჩაბარდა პატრონს. სიკვდილის წინ, აგონიაში მყოფმა წამოიწია, მარჯვენა შემართულმა ბოლო ბრძანება რუსულად გასცა:

„Кавалерия, к строю!..“

და, სული განუტყევა...

ვიქტორ პეტროვიჩი, იფიქრებდა ალექსი ჩოჩელი, დაბომბილი სამხედრო ნაწილის სიახლოვეს, სასაფლაოზე რომ განისვენებს, რუსეთის ერთგულებაში დამდნარ მის ძვლებს, თქვენი თვითმფრინავები და ტანკები თუ შეაწეხებდნენ?

თუმცა, სხვებს თავი რომ დავანებოთ, რაც თქვენებურებმა ბოროდინოს გმირის, პეტრე ბაგრატიონის ნეშტს დამართეს, არც ალექსის და არც ჩვენ, უკვე აღარაფერი არ უნდა გაგვიკვირდეს.

ასეთი კაცის შვილიშვილი იყო ალექო. მონევაც, სხვებთან შედარებით, ნაადრევად დაიწყო — მეოთხე-მეხუთე კლასში უკვე ისეთ ნაფაზებს ურტყამდა, უნივერსიტეტის სტაჟიან, ნიკოტინით კბილებჩაყვითლებულ ღამის დარაჯს შემურდებოდა.

ამ მხრივ დანარჩენებსაც არა გვიშავდა, ქალაქში გამორჩეული კლასი გვქონდა.

გაკვეთილებიდან გაპარვისათვის, ვიცოდით, სკოლაში ხეირს არ დაგვაცრიდნენ, მაგრამ კუნძული ისეთ სიამოვნებას გვანიჭებდა, რომ მასწავლებლებისა და მშობლების რისხვად ნამდვილად ღირდა.

მტკვრის ნაპირზე, სადგურის მხარეს, პატარა შუშაბანდიან სახლებს მიკერებულ ხელისგულისოდენა ბაღების ძირში, მიწა წყალდიდობას რომ ჩამოეკბინა, ანკესიანი მეთევზეები სხდებოდნენ ხოლმე. აქ, მყუდრო ყურეში მდორე დინებას აქოჩრილი ტალღები არ ამფოთებდნენ. ტბასავით წყნარ ზედაპირზე ლაღად მისრიალებდნენ ბრტყელი, სიფრიფანა ქვები. ვიდექით და ვეჯიბრებოდით, ქვას ვინ უფრო შორს გააცურებდა.

ბავშვის ფანტაზიას ხომ საზღვარი არა აქვს — მერე, ნაპირიდან ნაპირამდე გადარკალულ ძველ ხიდზე კენჭების გადატარებაში ვეპაექრე-

ბოდით ერთმანეთს.

ხიდზე ტრანსპორტი არ მოძრაობდა, მხოლოდ სადგურიდან მომავალი ან სადგურზე მიმავალი ფეხით მოსიარულე მგზავრები იმოკლებდნენ გზას.

ჩვენი ქვების სროლა მანამდე გაგრძელდა, ვიდრე, ერთხელაც, ვილაცამ არ შეჰყვირა და მალე, მოაჯირს, თავგატეხილი მოლიციელი არ გადმოეყუდა.

იღბალი არ გინდა? ვინც გინდა ყოფილიყო, ოღონდ მილიციელი არა.

ჩვენს ყურებს, მაშინ, დიდი ჯაფა დაადგათ. ცხადია, კუნძულზე „ვიზიტებიც“ კარგა ხნით აგვეკრძალა

სამასწავლებლოში ვერ გამოგვტყეხეს, ვინ გაუხეთქა შუბლი წესრიგის დამცველს. სამაგიეროდ, მერე, ჩუმ-ჩუმად ყველა ჩვენგანი ამტკიცებდა, მილიციელს ჩემი ნასროლი ქვა მოხვდაო.

საკვირველია, მის ადგილზე ჩვეულებრივი მოქალაქე რომ ყოფილიყო, ალბათ, არავინ დავიბრალებდით ამ დანაშაულს, მაგრამ თავად წესრიგის დამცველს თუ შეებედავდი და თავს გაუტეხავდი, იმ დროს გმირობის ტოლფასი გახლდათ.

მაშ საამაყო არ იყო, დაბადების დღეზე, უცხო გოგოები, თვალებს რომ დაინვრილებდნენ — აა, ეგ რომელი პირველსკოლელი, მილიციელს გოგრა რომ გაუპოო?

თან შენც, ვითომ სხვათა შორის, სიტყვაძუნნად თუ აღწერდი მთელ ამ საგმირო ისტორიას:

— ჰო, რა, ყვირილით მოაჯირს მოადგა, ახლავე ამოეთრეთო... მგონი შეგვაგინა კიდეც... მეც ავიღე კაი ბატის კვერცხივით ქვა და...

ამ ერთი გასროლით, ვინ მოთვლის, რამდენი გოგოს გული შეიძლებოდა დაგება!

აი, ასე, ქალაქში თავგატეხილი მილიციელი ერთი იყო, თავის გამტეხავი თხუთმეტი...

ბაქანზე ბავშვი და გოგო შემოვიდნენ. უკან ბიჭი მოჰყვებოდათ.

თბილისისაკენ, ამ დროს, „ბორჯომი“ გადის ხოლმე და ნეტავი თუ ჩამოდგებაო, მკითხა ბიჭმა და გამომემცნაურა, სადგურელი ვარ, მუსიკალურ სასწავლებელში მორიგედ ვმუშაობო.

გოგო და ბავშვი დედა-შვილი გამოდგა — სოფელში სტუმრად ყოფილიყვნენ, დაბომბვა რომ დაწყებულა ღამით, ბაღებზე გამოქცეულებს, ქალაქამდე ძლივს ჩამოულწევიათ.

ოთხი-ხუთი წლის გოგო დედას ხელს არ უშვებდა, ზედ ეკვროდა.

ღამეც ასეა, გაფანტუბაზეც წამოხტება, აცახცახებულ მიხუტება, ეშინია არ დამკარგოს, მეც არ ვიცი რა ვუშველო, ავტირდები და ვართ ამ დღეშიო.

თავად დედაც პატარაა, გამხდარი, შეძრწუნებული იმით, რაც გადახდათ სოფელში — დასასვენებლად ჩავიდნენ და მესამე ღამეს ლოგინიდან წამოვარდნილებმა, თვითონაც არ იცოდნენ საით გარბოდნენ.

ეჰ, პეტროვიჩი, თქვენი „ორთავიანი“ პრეზიდენტი რომ ბრძანებს, მხოლოდ სამხედრო ბაზებს ვბომბავთო, რა ბაზები ეგულებოდა მიყრუებულ სოფელში ან შემოდგომის ბაღ-ბოსტნებში,

ასე გულუხვად რომ დააბერტყეს ნახევარტონიანი ჭურვები და ეს უმწეო დედა-შვილი მთლიანად შეშინებულ თვალებად აქცევს!

იქნებ დადგეს დრო და თავისი პატარაობის მოგონებებიდან, ამ დაღვრემილმა გოგონამ, ყველაზე მძიმე შთაბეჭდილება გადაიტანოს ფურცელზე — ნახნავეებით შავად ამობრუნებულ მინდვრებზე გაქცეულ ბავშვებსა და ქალებს, როგორ მისდევინ მფრინავი ძაღლებივით აყეფებული რუსული მოიერიშეები?..

ჩამომდგარი მატარებელი, როგორც სასტარტო გარბენის წინ მარათონელი, ჩქარობს, ცდილობს მალე გაასწროს, გავიდეს უბედურების ზონიდან

„ნუთუ შინაურებიც არ გენატრება?“ — დავანამუსე ჩემი თავი, მაგრამ ფეხი მაინც არ მოვიცვალე.

ომი აციებს ადამიანებს.

მეც გავცივდი. გავცივდი კი არა, ისე გავითომე, კბილს კბილზე მაცემინებს. აკი ვთქვი, ზამთრის განწყობილებით ვცხოვრობ-მეთქი.

ტამბურში ასულ დედა-შვილს ხელი ავუწიე. უკან აღარ მოუხედავთ, მაშინვე ვაგონში შევიდნენ. ანდა რატომ უნდა მოეხედათ? რა რჩებოდათ აქეთ, გულდასაწყვეტი ან მოსანატრებელი? ახლა მთავარი იყო მალე გასცლოდნენ, გარიდებოდნენ იქაურობას, ყველაფერს, რაც გადატანილ კომმარს გაახსენებდათ.

მე კი... მე, რა მნიშვნელობა აქვს სად ვიქნები. უფალსა და ჩემ შორის ეშმაკი ჩადგა, აიმატანკებით, ერთმანეთისაკენ ლულამიშვერილები, ჩასანისკარტებლად აფოფრილი მამლებივით რომ აყინჩულან... მწვანე მამლები... არა, ხაკისფერი... ხაკისფერი უფრო აღვივებს ზიზლის ნაღვერდალს. ეს სიტყვა, ბავშვობაში ნაკითხულ, რომელიღაც ანტიფაშისტური რომანიდან თუ მოთხრობიდან მომყვება და ქვენარმავლებით და გომბეშოებით სავსე ორმოს ასოციაციას იწვევს.

დამპყრობელს, რა ფერის ფორმაც არ უნდა ეცვას, ჩემს წარმოდგენაში მაინც ხაკისფერია.

დაძრული მატარებლის პირველი ვაგონიდან ჩამოსული, ვიღაც ქალბატონი ბაქანზე მობაკუნობს. ჩემი ყურადღება უფრო იმიტომ მიიპყრო, რომ მთელი მატარებლიდან მხოლოდ ის ერთი ჩამობრძანდა.

„აქედან ყველა გარბის და ამას რაღა დარჩენია?“ — უკან ამობრუნებულს ქალის წვრილქუსლიანი ფეხსაცმელის პაკიპუკი მომდევს.

დავაკვირდი და...

„არა, რა სისულელეა!“ — ისევ გავაგრძელე გზა.

— თუ შეიძლება, ერთი ნუთით! — დამენია ქალის ხმა.

„ორი იყოს... მეც, ახლა, სადმე მაგვიანდება!“ — ხელჩანთით ცალ მხარეს გადახრილ ქალბატონს სხვილა, ღია ნაბლისფერი თმა სახეზე ეფხატება.

მოვიდა, დადგა ჩანთა, გაისწორა თმა, პირველი და ბოლო თითებით უკან რომ გადაინევინ ხოლმე, ისე, და გამოიხედა თვალეში...

ნაცნობი რეჟისორი გამახსენდა — რეპეტიციის დროს, გაჯავრებულმა ხელი ხელს გაჰკრა და მსახიობს დაუყვირა:

— ხომ დაინახე, სცენაზე პარტნიორი შემოვიდა!.. პირველ რიგში, ვიდრე რეპლიკას მიანვდი, ყურადღებით შეხედე, დააკვირდი, შეაფასე!

ქალმაც „შემხედა, დამაკვირდა, შემაფასა“ და რეპლიკაც ისე აუღელვებლად „მომანოდა“, თითქოს ცოტა ხნის წინ დანყებული დიალოგი გააგრძელა:

— მართლა უკვე შემოვიდნენ?

— ვინ დაუშლიდათ.

— ტელევიზორში თქვეს...

— იტყოდნენ, ან იმათ რა დაუშლიდათ, — გამოვბრუნდი და პაკიპუკი ამედევნა.

— ახლა აქ ჩამოსვლა შეიძლებოდა?

— ან შენ ვინ დაგიშლიდა...

— ეგ რა ძვირფასი სიტყვა გისწავლია, რაც აღარ შეგხვედრივარ... დაუშლიდათ... დაგიშლიდა...

— დაგაძალე, შემხვდი-მეთქი?

— რა ჩემი ბრალია, ვიღაც მხრებში მოხრილ ბერიკაცს დაფუძახე, მოიხედა და... შენ შემრჩი ხელში.

— მეც ახალგაზრდულმა თმის საღებავმა შემაცდინა... ვხედავ, საღრენი და საკბერი კბილებიც დაგიცვლია...

— დიახ, ამერიკაში... — ტუჩები გახსნა და დაკრეჭილი, ლამაზი კბილები გამოაჩინა.

— კიდევ, რა გამოიცვალე?

— ყველაფერს შუა ბაქანზე ხომ არ გაჩვენებ!

„სულ ასეთი ტუტუცური ლაპარაკი იცოდა... მაშინ ნორჩი იყო და უხდებოდა, ახლა... ისევ ისეთად დარჩენილა! ანდა ვის უნახავს გამოსწორებული ადამიანი? ყოველ შემთხვევაში, მე — არა... ჩემი ჩათვლით.“

— ასაკი არ დაგტყობია.

— რომ დამტყობოდა, ხომ ვერ მიცნობდი.

— გარეგნობას არ ვგულისხმობ, — საფეთქელზე მივიკაკუნე საჩვენებელი თითი.

— მაგ მხრივ, ბევრი სატრაბახო, არც შენ უნდა გქონდეს.

— ჰო, მართალი ხარ, არც ერთს არ გვქონდა ჭკუა, მე იმიტომ, რომ შენ მიყვარდი, შენ იმიტომ, რომ — მიმატოვე...

— მაგ სიბრძნეებს, აჯობებს, ხელჩანთა გამომართვა, — დამიდგა ფეხებთან.

ავნიე. მეძმიმა. რა უღვევს ასეთი, დივერსიული აქტის ჩატარებას ხომ არ აპირებს?

— საით ინებებთ წასვლას?

— შინისაკენ!

— აღარც მახსოვს, სად ცხოვრობდი.

— მე გაგახსენებ!

ლიანდაგები გადავჭყრით.

ძველ ხიდთანაც იდგნენ.

ჩვენს დანახვაზე ორი ჯარისკაცი მოაჯირს მოსცილდა.

ქალმა იდაყვთან ხელი ჩამკიდა. თითების თრთოლვაზე ვიგრძენი, რომ ღელავდა.

გახსენითო, ჩანთას ავტომატის ლულა მიამვირა ყვრიმალეზამოყრილმა, ვინროთვალება ჯარისკაცმა, რომელიც იმ ასტრახანელ მოვაჭრეებს მივამგვანე, დაუვინყარ საბჭოთა ხანაში, თბილისის ბაზრებთან ნესვისა და საზამთროს პირამიდები რომ ედგათ ხოლმე.

ჩანთა დავდგი. ქალი დაიხარა. აკანკალებუ-

ლი ხელით ძლივს გახსნა ელვა-შესაკრავი.
ეს ჩვენი „ასტრახანელი“ დაკოპილი, კმაყოფილი გამომეტყველებით უყურებდა ქალის წვალეებს, მეორემ კი, ქერათმიანმა, ჩემი თანამგზავრი დამცინავი ღიმილით დაამშვიდა:

— *Тетя, не беспокойтесь, мы ведь люди, а не звери.*

— *Люди не захватывают чужие земли!* — ამოხედა გამკაცრებული სახით.

ჯარისკაცები დაიბოღმნენ. უფრო — „ასტრახანელი.“

კარგით, კარგითო, ხელი ჩაიქნია მეორემ და გვანიშნა, გაიარეთო.

ჩვენც გავიარეთ, არ მოგვიხედავს, მაგრამ ვგრძნობდით, რომ გვიყურებდნენ.

ქალი ხელკავით გამომყვა და იდაყვი ფერდთან მიბიძგა, ნელში გაიმართე, მაგათ მართლა ბებრები არ ვეგონოთო.

— როგორ უცებ გამამაცდი.

— *Тетя* რომ დამიძახა, მაგიტომ გავმწარდი.

— კიდევ კარგი პასპორტი არ მოგთხოვეს, თორემ სახელს თუ ნახავდნენ, მერე როგორ გაგატარებდნენ, არ ვიცი.

— სახელს?... ჰო, — გაეცინა, — ნატო ვაჩნადის ხათრით დამარქვა მამაჩემმა... ნატო ქართული ემხის საბადოაო, იტყოდა ხოლმე... უცნაური კაცი იყო... მსახიობი უნდოდა ამოვსულიყავი... — მერე, არ გამოხვედი?

— კარგი, შენი ხათრით გამოვედი... — დამითმო და დანიშნურებულმა მუსიკალური სკოლის კუთხეში შეუხვია.

სკოლის უკან, მყუდრო ხეივანი ეზოში, სამი აგურის ბელეტაჟი დგას. ნატოს ბინა ზურგით მგალობლიშვილის ქუჩას ესაზღვრება. ბელეტაჟის რამდენიმე საფეხურიანი კიბე, ღრმა ნიშაში შედის და მოხარატებულ, ორფრთიან ხის კართან მთავრდება.

ნიშა ჩვენი თავშესაფარი იყო. თუ შებინდებულზე მივაცილებდი, ვიდრე ნატოს ბრაცუნა, გაუთხოვარი მამიდა კარის გასაღებად ჯაჭვს ააჩხრიალებდა, ნიშაში, სუნთქვაშეკრული ერთმანეთს ვკოცნიდით.

— ოცდათხუთმეტი წელიწადია, ამ ეზოში აღარ შემოვსულვარ.

— აქეთ სამი ფანჯარა მე მარგუნეს, იქით — ჩემს ძმას, — მძიმე კარი ჭრიალით შეაღო.

ბელეტაჟის კუთხეში, მავთულის წნულით შემორტყმული, ბებერი ვაზის ნამხარი თითქმის მთელ ეზოს ფარავს. ცხელ აგვისტოს უკვე დაუხრუკია ხეივანზე ფოთოლი, სასუფრე ყურძნის დიდრონი, მარცვლებდაჩუტული მტევნები, გამოლეჭილი ჯიქნებივით ჰკიდია.

აქ, აუზიან წყლის ონკანთან, ტირიფი და პატარა მაგიდა იდგა ხოლმე.

მყუდრო სამეზობლო, მაგიდასთან ხშირად იკრიბებოდა.

— ტირიფი გახმა, მაგიდა დალპა და ნაიქცა... ეს ბინებიც გამოიკეტა... ჩემი ძმაც, ნახევრად თბილისშია, შვილებთან.

— თავის დროზე ეზოში სიცოცხლე დულდა.

— ახალწლებში მაინც ბევრნი ვგროვებდით... დაიკვლებოდა ღორი, გაიშლებოდა საერთო სუფრა...

— ახლა მოვა ვილაც გადამთიელი, დაეპა-

ტრონება, დასახლდება, ნელ-ნელა სარეველასავით მოედება, სხვა ეზოებსა და სახლებსაც დაიპყრობს, გამრავლდება ტანკისა და ავტომატის გარეშე... ამტკიცე მერე, ჩემია და სად მიგაქეთო, თუნდაც ღვთისმშობელის ხელმოწერილი, ბეჭედდასმული ჩუქების საბუთი წარადგინე, ვინ რალას დაგიბრუნებს... ქალღვევლები, ხეთები, ხალიბები, არც დავითის სახლეულია ჩვენთვის უცხო... რა, მერე, სხვებიც იყვნენ და აღარ არიან... ჩვენი წინაპარი იერუსალიმში გაშლილი დროშებით შედიოდა... მაგარი იყო და შედიოდა... შენ საკუთარ სახლში დაუკითხავად ვერ შესულხარ... მთელი ზღვისპირეთი ულამაზესი, ძვირადღირებული სასტუმროებით, დასასვენებელი, გასართობი კომპლექსებით დაიქსელებაო, იქადნება ჩვენი პრეზიდენტი... მერედა ვისთვის იქნება ეს ყველაფერი? მხოლოდ სოხუმი, გაგრა და ბიჭვინთა კი არა, ბათუმი, ქობულეთი, ურეკიც კაიხნის დაკარგულია გალატაკებული, გენეტიკურად ქართული მოდემისათვის... ახლა ხომ შევილებსაც აღარ ვაჩნთ საქართველოსთვის, ერთი სული გვაქვს საზღვარგარეთ როდის ვუკრავთ თავს... იმპერიებს კი რა ენაღვლებათ, მიჰყავთ პატარა ქვეყნის შვილები, თავის გემოზე ტვინს უხარშავენ და უკან გარყვნილ, პოლიტიკოს მოლაღატებად და სამშობლოს მკვლელებად გვიბრუნებენ... შინაურმა ხომ უკეთესად იცის, „ოქრო“ სადაც დევს...

— გეყოფა, ამოისუნთქე მაინც! — შემანჯღრია ნატომ, — ნერვოზია... ახლა ყველა გამოსულია მდგომარეობიდან.

თუ გადავვიდ ქუყლიდან, საფეთქლები მტეხს და სახე მიფორაჯდება.

— ახლა ვხვდები, სწორად მოვიქეცი, ცოლად რომ არ გამოგყევი.

— რატომ, გიჟივით ვლაპარაკობ?

— მთელი ცხოვრება გულს შემეჩამდი.

— მერე, მიაქიმებდი და მოვრჩებოდი.

— არა, — გაეცინა, — შენნაირები არ რჩებიან, არც მკურნალობას ექვემდებარებიან... ან მე ვილას აქიმობა შემეძლია, ათი წელიწადი, ოკეანეს გაღმა, ხან კიდურებმონყვეტილ, განუვითარებელ, ეპილეფსიან ბავშვს ვუვლიდი, ხან მიხრწნილ, პრეტენზიულ დედაბერს... იმიტომ, რომ დედა გამომეკვება, ძმას დავხმარებოდი, შვილები გზაზე დამეყენებინა... ჰოდა, მეც დავაყენე — ახლა ისინი არიან წასულები, ნელ-ნელა საფუძვლიანად მკვიდრდებიან და მთხოვენ, მეც ჩავიდე, შვილიშვილებს მივხედო... აქაურობა არ მეთმობა, მაგრამ რა ვქნა, აქ ვის ვუყურო, იმათზე ძვირფასი ვინ მყავს?... ომის წინა დღეებში მამისეულ სახლს ჩამოვაკითხე, მთელი აგვისტო დარჩენას ვაპირებდი... მერე ბორჯომში, ჩემს დასთან გავიქეცი. საბუთები ხელჩანთიანად აქ დამრჩა, იმის წასაღებად დავბრუნდი, თორემ პირდაპირ თბილისში წავიდოდი და ღმერთმა უწყის, კიდევ გნახავდი თუ არა, — კიბეზე ავიდა, — შინ არ შემოხვალ?

— არა, მელოდებიან.

— ამ დაცარიელებულ ქალაქში ვინ გელოდება, აკი თქვი ცოლ-შვილი თბილისში მყავსო.

როდის ვთქვი, არ მახსოვს.
— ვინ მელოდებიან და ბედელაშვილები... თუ არ მივედი, ქალბატონ ამალიას დღესაც არ

ამოიყვანენ სარდაფიდან, ბოლოს და ბოლოს შენი პედაგოგია.

— დაწყებითში მასწავლიდა... აუ, რამდენის იქნება ახლა.

— ლექსების წერა დაიწყო.

გაეცინა.

— რას ამბობ... ხედავ, ომისაგან რა სახის ანომალიას არ უნდა ელოდე! — ქუჩამდე გამომყვა, — დაგირეკავ...

„ეჰ, მაინც კარგი იყო პარიზი... ოცი წლის წინანდელი, რა თქმა უნდა.“

— იცი, გადაუწუნორე ჩამოშლილი თმა, — ფრანგებს ერთი „მოცლილი“ პოლიტიკური მოღვაწე ჰყავდათ, რომელმაც ფრანგული პოეზიის ანთოლოგიას ბრწყინვალე შესავალი წერილი დაურთო და თავის ხალხს კულტურის ცენტრი აუშენა, რადგან სწამდა, ადამიანს ხელახალი გაველურებისაგან, მხოლოდ კულტურა იხსნისო... მერე ის პოლიტიკური მოღვაწე, საფრანგეთის პრეზიდენტი გახდა...

— პომპიდუ?

— გცოდნია და რაღას მალაპარაკებ!

— მე გალაპარაკებ? — გაუკვირდა, — არა, ნამდვილად სწორად მოვიქეცი... წარმომიდგენია, როგორი გასაძლებელი იქნებოდი...

ცოტაზე რომ გამოვცდი, დამიძახა:

— სპექტაკლი „ანა ფრანკი“ გახსოვს?

— ანა კი არა, ანე, ანე ფრანკი.

— რა ვიცი, ჩვენ დროს ანა ეწერა წიგნზეც და აფიშაზეც.

— ჰო, ანაც მახსოვს, ანეც და შუა წყალში გაჩერებული „მოსკვირიც.“

— მართლა, „კინი?“ — თავი გადააქნია.

შენც კარგი გიჟი ხარ-მეთქი, საფეთქელთან დავატრიალე თითი.

„ანა ფრანკი“ ჩვენი შეყვარებულობის დროინდელი სპექტაკლი იყო. იმდენჯერ ვნახეთ, რომ თითქმის ზეპირად ვიცოდით.

მერე... მერე მე მესამე კურსზე ვიყავი, ნატო — პირველზე, მოულოდნელად რომ დაჰკრა ფეხი და თბილისელ, ასაკით საკმაოდ უფროს, ინსტიტუტში ლექციების წასაკითხად ჩამოსულ ლექტორს ცოლად გაჰყვა.

ახლა იოლად ვამბობ, თორემ, მაშინ მაგრად განვიცადე.

იმ ზაფხულს მე და ჩემი მეგობარი, მისი სოფლიდან, ქალაქში მოვდიოდით.

სამანქანო ტრასამდე ფეხით უნდა გვევლო.

„მოსკვირით“ ვილაც წამოგვეწია, ცოტაზე გაგვცადა და გავვიჩერა.

ბიჭებო, დასხედით, ნაიყვანთო, ჩანეული ფანჯრიდან თავი გადმოყო მძლოლმა.

შევიხედე სალონში და... ჩემი გამბედნიერებელია, თავის ლექტორ მეუღლესთან ერთად.

ელდა მეცა, მაგრამ რაღა უნდა მექნა.

საიდან გამოტყვრნენ, რა ვიცი. მგონი, ნატოს ნათესავებთან, სტუმრად ყოფილიყვნენ.

ლექტორი გვეკითხება, ვინა ვართ, სად ვსწავლობთ, როგორ ვსწავლობთ, რა გვანტერესებს, რად გვანტერესებს, რას ვაპირებთ უმაღლესის დამთავრების შემდეგ... მოკლედ, კარგი ყბედია, რა.

ჩემს მაგივრადაც მეგობარი პასუხობს. მე

ვზივარ ალენილი, ჩემს წინ, სკამის საზურგეზე ამოყელყელავებულ ნატოს ლამაზ კისერს მიჩერებულნი.

გზამდე ვიდრე გამოვიდოდით, ხიდანლებული ღელე უნდა გამოგვევლო.

ნატოს ქმარმა მანქანა თამამად შეაგელვა, მაგრამ გაღმა ველარ გავალწიეთ, როგორც თავად ბრძანა, მოტორს „სვეჩები“ დაუსველდა და შუა წყალში გავჩერდით.

რაკი ველარ დაქოქა, ლექტორმა და ჩემმა მეგობარმა შარვლის ტოტები აიკეცეს, სოფელში ვინმე მანქანიანს ვნახავთ, რომ ამოგვიყვანოსო.

გატოპეს წყალი და გავიდნენ ნაპირზე.

ვსხედვართ. ველოდებით. ერთმანეთს, რა თქმა უნდა, ხმას არ ვცემთ. ნატო მანქანის რადიოს აწვალებს, ვითომ საინტერესო გადაცემას ეძებს.

უცებ მობრუნდა, ცრემლიანი თვალებით მომაჩერდა.

სულ ამერია გონება, ველარაფერი დავინახე, მივწვდი, მოვხვიე ხელები, ჩემსკენ მოვიზიდე, მაგრამ არ მომყვა, სახე მომარიდა.

რაღაც დაიწურჩულა, მგონი, მაპატიეო, ჩაილულულა და შებრუნებულმა ტკაცუნით გახსნილი, მძივებით განყობილი ხელჩანთიდან ამოღებული ცხვირსახოცი აიფარა სახეზე.

მოდინე გადახვალ ჭკუიდან, თუ ვუყვარდი, სხვას რაღად მიჰყვებოდა!

მე კიდევ ეს მინდოდა? სახეზე ყველაფერი მანერია, როგორ უნდა შევხედო იმ საქორჩემოსნორებულ, შთამბეჭდავი, საყვარელი ღიპით დამშვენებულ, ორგანული ქიმიის ლექტორს — გამოვადე კარი, ეგრევე ჩავდექი ღელეში, ორივე მუჭით ამოხაპული წყალი სახეზე შევისხი და ფეხსაცმელის ჭყაპა-ჭყუპით წყალ-წყალ წამოვედი.

ოცდათხუთმეტი წელიწადი გავიდა...

ომმა შეგვარიგა.

ანდა რაღა აზრი აქვს, ოცდათხუთმეტი წლის შემდეგ, ძველი ბრალეულობის ამოქექვას. ხანდაზმულობის გამო, საჩივარი აღარ განიხილება.

მაშინ თუ ღელე-ღელე ვიტოპე, ქალაქამდე ვიბლაყუნე და დასიცხულმა ლამის ტვინის ანთება დავიმართე, ახლა მტკვარში ხომ არ ჩავტები.

განელდა ლადარი, დრომ თუთქი მოაყარა, მაგრამ ჩარჩენილი წამსხვრევივით მაინც, დროდადრო, რაღაც მტეხს, შელახული თავმოყვარეობა, ლალატის სიმწარე თუ დაუკმაყოფილებლობის ჟინი მახელებს, როცა თითქმის მთლიანად ჩემი იყო ხოლმე, ვგრძნობდი მის სხეულს და, უცებ, მკლავებიდან წყალივით გამიცურდა, დამტოვა პირდაფჩენილი.

ოი, „Боже царя храни!“

ვინც წაიფორხილებს, თვითონვე უნდა წამოდგეს.

მეც წამოვდექი.

როგორც ერთ ფრანგულ კინოსურათშია, „სიყვარულისაგან მხოლოდ ფილმებში კვდებიან!“

იქნებ სიყვარულისაგან ცხოვრებაშიც კვდებიან და ეს სიკვდილი უკვე გადავიტანე? აუცილებელი არ არის ბალდახინი და დედის

ცრემლები, შეიძლება, გარშემომყოფებმა ვერც იგრძნონ, ვიღაც შენში, სამუდამოდ როგორ განდგურდა.

დაკოდილ სულს სისხლი არ მოსდის, ყველა ფიზიკურ ძრილობაზე ძნელად შუშდება და შეხორცებული კვალი მანაც რჩება.

არავინ იცის, „ნაკერი,“ ხელახლა როდის გაიხსნება...

რალაც ამდაგვარ სისულელეებს ვბუფტურებდი, სამზარეულოში ბორჯომიდან გამოტანებულ საჭმელს რომ მივირთმევდით და ანადუღარ წყალში განზავებულ სპირტიან საძაგლობას ვაყოლებდით.

მერე ჩვენმა ხელებმა ერთმანეთი მოძებნეს. გული დამწყდა — ნატოს თითებს აღარაფერი ჰქონდათ საერთო იმ ხელთან, ჩაბნელებულ დარბაზში, მთელი სპექტაკლის განმავლობაში მე რომ მეჭირა ხოლმე.

მიხვდა. მუჭში მომწყვედული თითები ნელა, უკან გააცურა და, დანანებით ჩაილაპარაკა:

— რა ვქნათ, დრონი მეფობენ, კინი...

მანამდე, ნატოსგან წამოსული, ბელელაშვილებთან როგორც კი მივედი, დიდმა ქალბატონმა მორიგ შედეგებს მაზიარა. მეც, დღევანდელი შეხვედრით ატაცებულმა, დამწყები პოეტი ისეთი სიტყვებით შევამკე, მომავალში, ალბათ, ძალიან რომ შემრცხვება. მალე ნატომაც დარეკა, ყველაფერი გავამზადე, ძალიან მშია, თუ დროზე არ მოხვალ, არ ვიცი რას ვიზამო.

რა გშია, მე თუ საჭმელი-მეთქი, — ნაფოტასავით ვისროლე ანკესი, ორივეო, რომ მახსოვდა სწორად იმ ხმით გადაიკისკისა.

მოკლედ, ქალბატონი ლოლასაგან დაფარულად, ნახევარ საუკუნეს გადაცილებულებმა, ტელეფონზე „ყვავილნარის“ საკადრისი კითხვა-პასუხებით ვიარშიყეთ.

მალა ავედი, პირი გავიპარსე, ოდეკოლონი შევისხურე. სარკეში ჩემს აცეტებულ სახეს რომ შევხედე, თითქოს ვიღაც სხვა მიყურებდა, ასე მეგონა, ყავისფერი შუშის ნაჭუჭი — ამ გაუსადლისი დღეების ნილაბი, ნელ-ნელა დაბლა დამცვივდა.

რალაც ძალიან მონატრებული, სურნელოვანი შეირხა (ახალგაშლილი იასამნის ტოტი!) და ეს, უპირველესად ომის ბრალი იყო — დაცარიელებულ ბაქანზე ომმა დაგვტოვა პირისპირ, თორემ მშვიდობიანობაში, ხალხმრავლობაში, ეგებ ერთმანეთი ვერც შეგვემჩნია, ანდა ოცდათხუთმეტწლიანი წყენის ინერციით, თვალის ამერიდებინა.

პური შეიძლება არ ჰქონდეს — ბელელაშვილების სამზარეულოდან აგურის ფორმის ჰუმანიტარული „ბუხანკა“ ავიღე, ცელოფანში გადავახვიე და ილიაში ამოვიღე.

ძველი აფთიაქის უკან, დაბალ ლობესა და ყრუ კედელს შორის, ერთ მტკაველ მინის ზოლში, მალალ, ძალიან ლამაზ ყვითელ ყვავილს ამოეყარა.

— რა ჰქვია? — ვკითხე ქალს, ხის მესერზე გარეცხილ, იატაკის ტილოებს რომ ფენდა.

ქალი კვენესით გაიმართა ნელში, შუბლზე ხელი მოიჩრდილა და აგურის კედელს აკრულ

ყვავილებს ისე გახედა, თითქოს, ლობე-ლობე, დამალობანას მოთამაშე ბავშვები მოიპარებინა-ნო.

— დედა, არც შემიმჩნევია, როდის გაიშალა!... მინავაშლას ყვავილია, აბა დაყნოსეთ, სულ შოკოლადის სურნელი აქვს... პირველად ვნახე აგვისტოში რომ გადაიფურჩქნა, ყოველთვის სექტემბერში აყვავდება ხოლმე.

— ალბათ, ნაღმების ხმაზე დაფეთებულები ამოცვივდნენ მიწიდან.

— ალბათ, ალბათ, — დამეთანხმა თავის კანტურით.

— შეიძლება ერთი ღერი...

— კი, გენაცვალე, სამი იყო!

— არც სამზე ვიტყვი უარს... ჩემს მეგობარ გოგონას დაბადების დღე აქვს.

ქალის გაკვირვებულმა სახემ გამაცინა.

— თქვენ ფიქრობთ, რომ ჩემს ასაკში არ შეიძლება მეგობარი გოგონა ჰყავდეთ?

— მეგობარი კი, მაგრამ გოგონა...

ვერ გავიგე, „გოგონა“ დაინუნა ჩემთვის თუ მე — „გოგონასათვის.“

არ გვიყვარს ქართველ კაცებს ყვავილებით სიარული.

მინდოდა უფრო ახალგაზრდა ვყოფილიყავი, გრძელერობიანი მინავაშლას ნაცვლად, ადრეულ გაზაფხულზე, შეცივნილი ყოჩივარდების ბლუჯა ქურთუკის შიგნით, გულისჯიბეში ჩათბუნებული წამელო ადრესატთან.

გზაში შემოხვედრილმა ჯარისკაცებმა თვალი გამაყოლეს.

მგონი, არანორმალურად ჩამთვალეს. მაშ რა უნდა ეფიქრათ, დაპყრობილ ქალაქში, ყვავილებით მიმავალ კაცზე?

ნატომ თეფშები მისნი-მოსნია და წყლიანი ორლიტრიანი ქილით ყვავილები მაგიდის შუაგულში ჩადგა...

ახლა, უკვე შემთვრალეები, ერთმანეთს ვუყურებთ და მორიგეობით ვიმეორებთ:

— ოცდათხუთმეტი წლის შემდეგ.

— აბა, ოცდათხუთმეტი...

— როგორც ერთი წამი...

— წამიც არა, წამის ნახევარი...

ეს წლები ბუფერული ზონაა, სადაც ცხვირსაც ველარ შევყოფ, ამიტომ, ფერ-უმარლით დარბილებული, უპესთან ნაოჭებშეყრილი სახე და დაღლილი, მწვანე თვალები, მხოლოდ მასევიდიანებენ.

მაშინდელ გოგო-ბიჭთან რალა გვაქვს საერთო. ომის მკაცრმა კანონმა, გვინდოდა თუ არა, ორი „უცნობი“ საერთო სანგარში შეგვახვედრა.

— ქმარმა, ვიდრე ბავშვები პატარები გვყავდნენ, სამსახურისათვის თავი დამანებებინა.

— ექვანობდა, სამსახურებრივი რომანი არ გავება? მაშ რას იზამდა, ის ხომ შენთან შედარებით...

— გარდაცვლილზე ასე ნუ ილაპარაკებ...

— მაპატიე... როდის გარდაიცვალა?

— ოთხმოცდათხუთმეტში... ხომ გახსოვს, რა დროც იყო... რალაცაზე განერვიულდა და წამში ხელიდან გამოგვეცალა.

— გიყვარდა?

— უსინდისო უნდა ყოფილიყავი, მისი ოჯახ-

19.10.2003. ბრუკლინი

„... წირვისა და ქართულ სათვისტომოსთან შეხვედრის შემდეგ, მამა ალექსანდრემ მცირე ტრაპეზზე მიგვიპატიჟა. სუფრასთან მოტრიალე შაოსანმა ქალბატონმა მომიბოდიშა და განზე გამიხმო:

— მართალი ბრძანდებით, თქვენს გამოსვლაში რომ გვისაყვედურეთ, ყველა თუ წამოვედით, საქართველო ვილას დაფუტოვოთ... სხვების არ ვიცი, მაგრამ მე... მე პირადად საქართველოზე ველარ ვინაღვლებ... მე მას არ ვჭირდები! ამიტომ, ჩემი დროებით ან სამუდამო დაბრუნება, ვერაფერს შეცვლის... იქ, ჩემთვის უცხო, ისეთი ღვარძლისა და სიბინძურის ქვაბი იხარშება, სჯობია შორს ვიყო, ახლოს არ მივიდე, თავსახური არ ავხადო და შიგ არ ჩავიხედო.

— ხელი დაგენვებათ?

— ხელიც, თვალიც, გულიც — თუკი გაქვს, რა თქმა უნდა... სახელმწიფომ ბანკებში შენახული დანაზოგი თანხა რომ შეგვიჭამა, გაგვიკუპონა და ერთბაშად მთელი მოსახლეობა ცივ ქვაზე დასვა, წამოვედი, ნაქცეულ ოჯახს შევეხიდები-მეთქი. არცთუ ურიგო პედაგოგმა არანაირი დამამცირებელი სამუშაო არ ვიუკადრისე, ოღონდ შინაურები დამეპურებინა და, რა ვიცოდი თუ ერთი ქვაბი უბედურება ჩემს სახლშიც იხარშებოდა... იმის ნახარშმა დამიღუპა შვილი!.. ბედი დამცინის, ჩემო ბატონო, მე რომ მეგონა, შვილს ვშველოდი, თურმე ვლუპავდი... ახლა ვის და რაღას დავუბრუნდე — ავადმყოფი, მოხუცი მშობლებილა ღივლივებენ... ბოლო ძაფებიც განყდებიან და...

— მამ შვილი დაკარგეთ?

— დაკრძალვაზეც ვერ ჩავედი, ვერ დავიტირე... გვერდით რომ ვყოლოდი... თქვენ მაინც გამაგებინეთ, იქ, ჩვენს უბედურებაზე გამდიდრებულებს, არ ეშინიათ, თავიანთ გაფუფუნებულ შვილებს, ერთბაშად გამათხოვრებული, ამდენი ქართველი ბავშვი მტრებად რომ ეზრდებათ?

კითხვა პასუხს, მაინცდამაინც, არ საჭიროებდა და ორივე გაეჩუმდით.

— თქვენთან სათხოვარი მაქვს, თუ არ შენუხდებით, სვეტიცხოველში როდესაც მოხვდებით, იქნებ ერთი სანთელი ჩემს სახელზეც დაანთოთ, — მოსწავლესავით აშვერილი საჩვენებელი თითი უპესთან მოისვა...“

ისადმი ერთგულება რომ არ დაგეფასებინა.

— დაფასება სხვაა, სიყვარული — სხვა.

— თუ გეტყვი, არა-მეთქი, შენთვის რა შეიცვლება?

— წარმოდგენა ადამიანზე.

— ამ შემთხვევაში ჩემზე?

— დიახ, შენზე!

— განა აქამდე შეცვლილი არ გქონდა?

— არა, ჩემს ფიქრებში სულ მკერდთან მიხუტებული იადონივით იყავი.

— იადონივით?... საინტერესოა!.. ვერ ვიგებ, რატომ იადონივით, მაგრამ მომწონს, — ხელისგულით მოეფერა ჩემს თითებს, — განაგრძე.

— არ მინდა დავიჯერო, რომ ოცდათხუთმეტი წლის წინ ანგარებიანი ეგოისტი მიყვარდა, რომელიც, ქმართან, მხოლოდ მისი ქონებისა და ოჯახისადმი ერთგულების გამო ცხოვრობდა... თუ ეს ასეა...

— იმიტომ არ მომიწვევინებარ, ჩემი წარსულის გამო საბრალდებო სკამზე დამსვა.

— ნუ გეშინია, მეც არა ვარ მზად მსუბუქი ყოფქცევის ქალის შესაფერისი აღსარება მოვისმინო...

— ზაალ!.. მგონი ძალიან მოგეკიდა!

— პირიქით, ასეთი ფხიზელი არასოდეს არ ვყოფილვარ.

— ვითომ?... თუ იმდენი დიდსულოვნება და მოთმინება არ გაგაჩნია, რომ პატიოსანსა და უპატიოსნოს, ერთნაირი გულმონყალებით მოუსმინო, მაშინ როგორ შესძლებ სამართლიანი განაჩენი გამოიტანო?

— ვერ მიგიხვდი!

— ჯერ არაფერი მითქვამს და წინასწარ მეძავი ქალის აღსარებად მონათლე... სად არის სამართალი?

— მე ვთქვი, თუ არ გიყვარდა და მაინც მასთან ცხოვრობდი-მეთქი...

— მთელი ცხოვრება ერთგული მეუღლეობა გავუწიე... გვექონდა კარგი ოჯახი, გავზარდეთ არცთუ ურიგო შვილები...

— ჩემს კითხვას მაინც არ პასუხობ.

— რაც შეეხება სიყვარულს... სიყვარულით მხოლოდ ერთხელ უყვარდებათ...

— მაშ...

— აღარაფერი მკითხო, გეხვენები, — გადმოიხარა და ცრემლმორეულმა პირზე თითები მომაფარა.

— სულელურად ვმსჯელობ?

— ძალიან!

— მაშინ შენ ილაპარაკე, — ყელში ჩავლილ-მა არაყმა ბავშვობაში დაღეული ხველების სიროფის, მგონი „პერტუსინის“ გემო დამიტოვა და შემაჟრჟოლა, — გისმენ!

მარცხენა ხელისგულზე დადგმულ ჭიქას ჩააცქერდა:

— იცი, ბორჯომიდან თბილისში მიმავალი, დილას, სადგურზე რატომ ჩამოვედი?... ვაგონის ფანჯრიდან ვიყურებოდი, რომ მოულოდნელად, ბაქანზე, ოცდათხუთმეტი წლის წინანდელი, „მოსკვიჩის“ უკანა სავარძელზე ჩაფერფლილი, უკვე ჭალარა ბიჭი დავინახე...

გაგრძელება იქნება

საქართველოს
პარლამენტის
ბროშურა



ნინო

ქუთაისელად

მამულს

იქ ვიყავი,
აქ ვიყავი,
ალარ მინდა არსად ყოფნა,
ყველას უჭირს თავის თავი,
სხვისი კერძის უნდა ცოხნა.
იქ დავანთე,
აქ ავეგზნე,
სანთელივით ჩავექრი მერე,
გამოვფინე სული მზეზე,
დაბადების წუთი ვწყევლე.
სადაც დიდი მორევია,
იქ დავყვინთე,
ჩავყვე ტალღას,
არც არავინ მომრევია,
ავიჭერი უფრო მაღლა.
იქით იფქლი გადამალეს,
აქეთ ქატო ყარეს ცივად...
უნდა გავყვე ზამთრის ქარებს,
სადაც ფერფლის თოვლი ცვივა;
მივეკედლო უნდა ზამთარს —
სინატიფის ფაქიზ მსტოვარს —
კიდევ ცოტას გავძლებ ალბათ,
სანამ შენთან დარი მოვა.

მინა მყიფეა, როგორაც ბროლი,
გაელვებისას ტყდება
და ტყდება...
ახლა ჩამოცედა სამშობლო ჩემი,
დააწყდა ღამეს ვარსკვლავთა წყება.
გაბზარულ მინას ეხება ტერფი,
თიხით და გზნებით ვანებებ სხეულს,
სირცხვილი ძლეულს! —
დავბლავი ლექსებს,
მინა სისხლს იწოვს —
სირცხვილი ძლეულს!..
გათიშულია სამყარო ვრცელი,
ვიღაცას ვიღაც კლანჭებით ზომავს
და სამათხოვროდ განვდილი ხელით
ცდილობ დასძლიო ძლიერთა წყრომა.
მინა მყიფეა, როგორაც ბროლი
და ასდის მინას სინათლის კვამლი
და სული ტოვებს მშობელს და შობილს
და არ ანუხებს სინდისი არვის.

ომია ჩუმი,
არ გრიალებს გრადი და ნურსი,
დაყმუნდა ღამეც,
ალარ დგას სუნი დამწვარ იელის
და გულის ცეცხლი,
ნანამები, განთიადს უცდის,
მაგრამ მსხვერპლს ითხოვს
სისხლიანი გადამთიელი...
გადამთიელი შინაური,
ჩონჩხადქცეული,
ანდამატივით იზიდავს
სიყრმეს და სიმამაცეს,
მადლიერია თავის ბედის
მხოლოდ ძლეული
და სისულელის მორევიდან
ულიმის ღამეს.
დაძირულია საქართველო
და ფსკერზე ისევ,
ბრძოლის სურვილით
ტალღა ზვირთზე მიმართულია
და უფლის ნებით,
შორეული ნათდება სივრცე
და ქალწულივით
იმშუშნება დიოსკური.

ახალი ათონი

როცა ღრუბლები
ზღვაში ცვივიან,
მზე დადის მიღმა,
აღმა და დაღმა,
სიცოცხლე წვიმით

გადაღლილია,
ქვემოთ მიდენის
უღონო აღმართს.
ღამეს აღმოხდა ღარიბი ფერი,
მხოლოდ მაყვლოვანს
დაეცა სხივი,
ჟამია ლოცვის და
ღამისთევის,
ივერიის მთა
ცეცხლივით ღვივის,
ცაზე ალოღდა
ღიღინა მთვარე,
ვით საკინძეზე
ამწყდარი ღიღი.

მზე ისევ ჩუმად ამოდის ცაზე
და ფეხაკრეფით მიჰყვება ქალაქს,
ქალაქს, რომელიც მიწენავს აზრებს
და უმიზეზოდ ქუჩაში დავაღ...
რატომღაც სევდის დავეძებ მიზეზს,
ცაზე მიზეზობს მზის ანასხლეტი
და მენატრება სამშობლო ისევ...
ო, როგორ მიწდა, მზით რომ მავსებდე!

ჩამოდონდილა ყვავილების ძაძა,
სამყაროს სძინავს
თეთრ მარმაშებში,
ამ სინმინდეში სხვას ვინ დაზრახავს,
აქ მხოლოდ თოვლი დაიარება;
დაიარება ფრთხილად, სათუთად
და იმ ძაძასაც ედება ჭავლი...
შორი კივილი, ყელზე მარყუჟი
და... სითეთრეში სიმშვიდე ყვავის.
ღამეს მართალთა მიჰყვება გუნდი,
ცისკენ განვდილი თეთრი ხელებით,
თეთრზე ლაქებად მიმოხეული
დაყრანტალეებენ ღამის მძევლები.
აქ მიღურსმული სული აღდება,
ინვის, სამყაროს ხახაში დნება,
ახლა მადლია გარდაცვალება,
გაუცხოების გადავინყება.

პატარები ნიგნის დასლთან

ნიგნს ყიდიან ბელურები,
შეცივნულნი ზამთრის ქარში,
ხალხი თოვლით იბურება,
სევდა მოვა წამი-წამში...
მათ ნაკვალევს ქშენით წაშლის,
წაშლის ქალაქს და იქ მცხოვრებს,

ამაოა, რასაც ხედავ,
საამაო სიმარტოვე.
„მკითხველები“ შეტყუებით
ედებიან ლობე-ყორეს...
ნიგნს ყიდიან ბელურები,
თითქოს დარდი მოიგლოვეს.
იქ ხითხითებს მათხოვარი,
ეკადრება როგორც ზამთარს,
გაუყინავს გულის გული
და სიცივე ცივად მართავს...
სააქაო ლექსით კვნესის
ბელურების სიახლოვეს,
ხალხი გაქრა,
მძორი გათბა,
ბელურებიც მიატოვეს.

ვერ მიგატოვე,
უკვე მარტო ხარ,
ვერ მიმატოვე,
მარტო ვარ უკვე...
და ზეიმი,
როცა ამოხვალ
საკუთარ თავში
ფერად გვირილად...
ახლა დავფურცლავ
და ქარს გავატან,
მერე იმ ფურცლებს
მეც თან გავყვები...
და აღარ წავალ
უკვე აღარსად,
მხოლოდ სინათლე
მომენატრება.
იმ სინათლესაც
პეშვით ვატარებ,
რომ სილამაზით
სული მოვითქვა,
არც ვიცოდვილებ,
არც გივალალებ,
ისე...
ვიმღერებ სიმარტოვიდან.

ოთახის ყვავილები

მხოლოდ ყვავილებს უხარიათ,
მხოლოდ ისინი ჰყვავიან,
სხვა დანარჩენი სიზმარია
და არცრა სანახავია;
უკეთეს დილას მოელიან,
ისევ უკუნეთი ღამეა,
მაინც სიხარული მოერიათ
და სისხლიფერად ყვავიან.



მამუკა ფაქოძე

ჩაბი ბილიხით, ლიბოჰისაჟ

ეძღვნება აფხაზეთსა და სამაჩაბლოში დაღუპულ გმირებს

სათავე

ღმერთო! საიდან გაჩნდა ამ სილამაზეში ეს გაბოროტებული არსება?! ხმალი კითხვის ნიშანივით აღუმართავს. არ იცის, რა უნდა — მიითვისოს უცხო წალკოტი, თუ გააცამტვეროს, არაფრად აქციოს. ეს ხმალი პატრონივით მოუსვენარია; როცა ხელი იღლება მისი ქნევით, ლამის მოწყდეს ხელს და თავისით დატრიალდეს, როგორც სიკვდილის ცელი. ისიც არ იცის, რად გამოადგება უცხო სილამაზე, მის ხელში რომ ჭკნება, კვდება და ფურცელ-ფურცელ მიყვება ქარს. არ იცის, მაგრამ სხვისი მოსპობის უინი არ ასვენებს.

რა შეაჩერებს ბოროტი სულის ამ მოუსვენარ, ქვეყნის დამანგრეველ თარეშს?!

მეფედ ვიყავი კურთხეული, ძალა ჩემს ხელში იყო, მაგრამ გონიერ ძალას ის მოუხ-

ელთებელი არსება თვალსა და ხელს შუა უსხლტებოდა, რადგან არ სცნობდა კანონს. ნგრევის გარდა, სხვა არც ჰქონდა მიზანი. ურჩხულივით იყო შემონოლილი ჩემი გონების კუნძულს და თავისი გაუმაძლარი თათებით ნელ-ნელა, ლუკმა-ლუკმა ყლაპავდა მას. ლექსების წერა რომ არ მცოდნოდა, ალბათ ვერც ვერასდროს მოვერეოდი, რადგან მის მოუწესრიგებელ, კანონგარეშე შემთხვევითობას მხოლოდ ჩემი პოეზიის თავისუფლება განჭვრეტდა! სასახლის კარზე გაოცებას ვერ მალავდნენ — რა დროს ლექსების წერაა ამ დიდი თურქობის ხანაშიო, მაგრამ როგორ ამეხსნა თუნდაც დედოფლისთვის, რომ ძალა, რომელიც არ სცნობდა ბრძოლის წესებს, სტრიქონებად ქცეული და გართიმული, მისანვდომი გახდებოდა ჩემთვის; რადგან თუ ის კანონგარეშე მოქმედებდა, მეც, სიტყვის მადლით, თავისუფალი ვიყავი; მეც ვიხედებოდი კანონის და აუცილებლობის მიღმა და არ ვკარგავდი იმედს, რომ დავინახავდი უბილავს.

ვერც ერთი ჩემი ფილოსოფოსი ვერ განჭვრეტდა ხიფათის მოახლოებას. მე კი, წინასწარ ვგრძნობდი სტრიქონებად ქცეული მტრის შემოსევას. გული მიგრძნობდა, სად გამოჩნდებოდა ის. საფრთხეს შევიგრძნობდი, როგორც ჩემი ქვეყნის ლექსად თქმული სილამაზის უეცარ რღვევას. იქ, სადაც სიტყვა ფერხდებოდა, ლალად და თავისუფლად ველარ ირეკლავდა ქვეყანას, სწორედ იქ უნდა მომხდარიყო ან უკვე ხდებოდა გადამთიელთა თარეში.

ერთხელ, ნაჭარმაგევი მესიზმრა, როგორ ინგრეოდა კლდეკარის ციხე. წამოვფრინდი და მზე რომ ამოინვერა, უკვე თეძამის ხეობაში ვიყავი. არ ვიცი, რამ დამასიზმრა ეს?! იქნებ იმან, რომ შუალამემდე საწერ მაგიდასთან ვიჯექი, ვწერდი და ვერც ვწერდი. რალაც მიშლიდა ხელს. სიტყვები კი ლაგდებოდნენ სტრიქონებად, მაგრამ სტრიქონი ვერ მიედინებოდა ლალად, თავისით, შეუცნობლად, დასახული მიზნისაკენ და ისე მომერია ძილი, ისე შეერია სიტყვით მოტანილი ხილვა სიზმრებს, ვერც კი დავიჭირე სიზმარცხადის ხიდზე გადასვლის წამი. მე მხოლოდ საბოლოო შედეგი ვიხილე — ოთხივე კუთხით ცეცხლად ავარდნილი კლდეკარი.

მზეს ამოსვლა არც დავაცადე, არჯევანის მთას შევუდექი. ავდიოდი მალლა და მალლა. ჩემი ბრძანებით ლოგინიდან წამოგდებული ჯარი სახეამღვრეული მომდევდა. ვერაფრით გაიგეს, რატომ მივაქროლებდი ჩემს შიშნარევ ფიქრებს კლდეკარის ციხისკენ, როცა მტრის გამოჩენის არავითარი მოლოდინი არ არსებობდა იქ. გადამთიელთა სიახლოვის ნიშან-წყალიც არ აჩნდა გარემოს. მართლაც, რომ ავედით, კლდეკარი უვნებლად დამხ-

ვდა. ისეთი სიმშვიდე, სიჩუმე და სილამაზე მეფობდა ირგვლივ, თითქო ციხე-კოშკი ჩემი ქვეყნის სისხლით სავსე ისტორიის გარეთ იყო გატანილი და მარადისობას შერწყმული.

მხოლოდ მე ვგრძნობდი, რომ ეს იდილია მოჩვენებითი იყო. მწვანე ზვირთებად გადა-
მოღვრილ ფერდობზე ბრაზით მოელვარე სახეები დავლანდე. რომც არავინ ყოფილიყო, უნდა მერწმუნა მტრის არსებობა ამ მშვიდ და ჩუმ გარემოცვაში. ჩემს თვალს უნდა დაენახა, წარმოესახა, შეექმნა ხიფათი იქ, სადაც თითქოს არაფერი იყო საშიში. თუ ჩემი მოლოდინი არ გამართლდებოდა, დაიკარგებოდა გულის ხმა — ის იდუმალი ნიშანი, რომლის გზითაც შემეძლო უწესრიგოდ, უაზროდ და უმიზნოდ მოხეტიალე მტრის გამოცნობა. ბრძოლა უნდა გადამეხადა იქ, სადაც თავისთავად იქნებ არც მომხდარიყო ბრძოლა. სხვანაირად არათუ ხმა გაქრებოდა, ძალას დაკარგავდა მეფის სიტყვაც; აღარავინ ენდობოდა სიზმრად ნანახ, თუ სიტყვით მოტანილ ხილვას: იმ ერთადერთ გამონათებას, რომელიც ამსხვრევდა ბნელი ძალების წყვდიადს. არ შეიძლება ჩემი სიზმარი ცხადის მომასწავებელი არ ყოფილიყო. უნდა შემეგრძნო, დამენახა არარსებული მტერი ხეთა შორის ჩაღვრილ სივრცეში. ყურს იარაღის უღარუნი უნდა გაეგონა ახალგაღვიძებული ტყის იდუმალ შრიალში. ის, რაც ტოტი შეიძლება ყოფილიყო, დავლანდე, როგორც ხმალი. მტრის დანახვა და ჩემი ბრძანება ერთი იყო. აქამდე ეჭვით შეპყრობილი ჯარი უცებ გაიშალა, რისხვით განათდა. ამომავალი მზის ათასი სხივი აირეკლა ქარქაშიდან ამოღებულ ხმლებში და სიტყვა არც მქონდა ჩამთავრებული, გადამთიელებად ქცეული ტყე უკვე ყოველმხრივ იჩეხებოდა და გარბოდა.

კლდეკართან გამარჯვებამ მითქმამოთქმა გამოიწვია სასახლეში. ვერც ერთი საღად მოაზროვნე პოლიტიკოსი ვერ გაიზიარებდა მტრის პოეტურ-სიზმრისეული ხერხებით აღმოჩენის გზებს.

კლდეკარის ერისთავმა, ლიპარიტმა, წარმოსახვის თამაშად მიიჩნია ციხეს შემორტყმული მტერი.

— რომელი გადარეული შეაკვდება კლდეკარის ციხეს, როცა ქვეყანას არც ვალავანი აქვს, არც კარი?! ნებისმიერი მხრიდან შემოდის და გადის გადამთიელი. შენი მოლოდინის მიხედვით ის არ იმოქმედებს, მეფეო.

— ეს მოლოდინი და მზადყოფნა მტერზე გამარჯვების საწინდარია!

— რა საჭიროა? მაინც ვერ ამოძირკვავ იმ უცხო თესლს, უდაბნოს ქარმა რომ შემოიტანა ჩვენთან. პირიქით, რაც მეტს შეებრძოლებ-

ბი, უფრო გაბოროტდება, წინააღმდეგობას გაგინევს. თუ ყურადღებას არ მიაქცევ, იქნება თავისთვის, ფესვებს გაიდგამს, აღმოცენდება და ისე შემპარავად შეეთვისება აქაურობას, ქართველს და არაქართველს ველარც გაარჩევ ერთმანეთისგან.

არაფერი ვუპასუხე. იქნებ გონივრული იყო მისი რჩევა, მაგრამ სულს მიხუთავდა ეს გონიერება. ის იმდენად მინიერი არსება იყო, ვერ იხედებოდა რეალობის მიღმა და სასოებით არ ეპყრობოდა იმ უზუნაეს ნებას, ჩვენს ამქვეყნიურ ცხოვრებას რომ წარმართავდა. ქვეყანა რომ აწყობილი ყოფილიყო, ლიპარიტიც მონახავდა თავის საკეთებელ საქმეს, ერთა თანამეგობრობის სფეროში, მაგრამ მე ქვეყანა არაფრიდან უნდა შემექმნა. თანაც, ისეთი ქვეყანა, რომელსაც რწმენა განამტკიცებდა და ოცნება განავრცობდა. ასეთ დროს უნდა მოწყდე მინას, გადაიხედო არსებულს მიღმა! ლიპარიტი კი ქვევით მექაჩება, ჩემთვის მიუღებელ დროსა და სივრცეში, სადაც ვერ ვხედავ გადარჩენის გზას.

— თუ ხელს გიშლი, შევეცდები გაგეცალო — მითხრა ლიპარიტმა. — სულ გადავიხვეწები იმ ქვეყნიდან, სადაც შენ ფრთების გაშლას აპირებ. ოღონდ ერთს გეტყვი: მეც მაქვს ჩემი გულის ხმა და რაც ჩამესმის, იმას გეუბნები: სახიფათო ბრძოლას იწყებ, მეფეო! შენისთანა მეოცნებე ან იმასაც დაღუპავს, რაც აქამდე მოგვიტანია, ან მართლაც დიდ ქვეყანას ააშენებს. არ ვიცი, ერთ კაცს თუნდაც მეფეს, გაქვს თუ არა უფლება სასწორზე შეაგდო შენი ხალხის ბედი.

ლიპარიტის ხმა სულ უფრო შორიდან ჩამესმის. მეორე დღეს შემატყობინეს, რომ ლიპარიტმა დღე-ღამის განმავლობაში დატოვა საქართველო. ალბათ, უთენია გადაკვეთა სამხრეთის საზღვარი, რადგან ინათა თუ არა, საოცარი თავისუფლება ვიგრძენი. გონებას თითქო შემოეხსნა გარე სამყაროს სარტყელი და გაეხსნა შინაგანი თვალი, რომელიც არ იფარგლებოდა რეალობის თვალსანიერით და ყოველივე არსებულს ზეციურ არსთა სამყოფელიდან ხედავდა.

ხელის გულზე სათამაშოსავით დალაგდა ჩემი ქვეყანა. ასეც შემეძლო მისი შეტრიალება და ისეც. ამ კალეიდოსკოპური თამაშის შედეგად ახალი სახეები ჩნდებოდნენ. უფრო სწორედ, ეს სახეები და ფორმები მიედინებოდნენ თავისთვის, მაგრამ მე შემეძლო ამ მდინარეში შესვლა, მათთან შეხება, მათი გათავისება. სახეთა ქმნადობის ეს დაუშრეტელი ნაკადი ძალას მაძლევდა, ლალად და უშეცდომოდ ვმოქმედებდი. გამარჯვებას გამარჯვებაზე ვალწევდი. ჩემგან დევნილია გადამთიელებმა შავად შეიღებეს წვერი, თავზე ნაცარი დაიყარეს და ერაყის სულთანს შესთხოვეს დახმარება — “გვანოიკე-

ბენ, გვიშველე”-ო. სულთანმაც არ დააყოვნა, ყოველმხრივ აფრინა მსტოვარი და ჯარის შეკრება ბრძანა.

ოპოზიციურ ძალთა და უცხოტომთა უზარმაზარმა კოალიციამ პირი შეკრა ჩემს წინააღმდეგ. არ იყო ეს ურწმუნო ხალხი, ოღონდ მათ რწმენას თავისუფლება აკლდა — სწორედ ის, რაც უხვად მეძლეოდა ცოცხალი სიტყვის მადლით. ისევ შევცურე სახეებისა და ხილვების დაუსრულებელ ნაკადში, ისევ დავეწაფე მათი სიცოცხლის ანკარა წყაროს, რომ მომავალი ბრძოლის გმირები გამომეყვანა იქიდან.

ღირიული გადახვევა გმირების ძიებაში

რამდენჯერ შევხვედრივარ იმ პატარა მინდორს, ტყით გარემოცულს, ნახევრად ღიას. როცა სევდანარევი სიხარული ტალღასავით მოაწყდება ჩემი ცხოვრების ნაპირს, გადმოდის კალაპოტიდან და აავსებს გულს იმ უზარმაზარი ენერჯით, რაც ვერ ეტევა მოგონებების ჭურჭელში და იქიდან გადმოღვრილი, ნუთისოფლის ზღვასავით გაშლილ მარადისობას ერწყმის. არ არის ეს მხოლოდ ღირიული გადახვევა. ეს იმდენად სავსე სიცოცხლეა, რომ ცრემლსაც იტევს და სიხარულსაც, გულის გულშიც ფეთქავს და მთელ ქვეყნიერებასაც აცოცხლებს. არავინ იცის, რომ უძძიმესი ბრძოლების წინ, როცა წყდებოდა ჩემი ქვეყნის ბედი, სწორედ იქ მივდიოდი. არავის ვუმხელდი ჩემს ადგილსამყოფელს. ვერავინ დაინახავდა იმას, რასაც ვხედავდი: ვხედავდი დაბადების წყვილადში განათებულ დღეს, როცა ბედნიერი და უდარდელი ვიყავი. როცა არ არსებობდა ის დიდი საზრუნავი, თექვსმეტი წლის ბიჭს რომ დამანვა მხრებზე. რაც უნდა შორს ნასულიყო ლექსად თქმული სიტყვა, მაინც ვერ შორდებოდა იმ პატარა მინდორს, სინანულის ცრემლით დაცვარულს და სიხარულით სავსეს. მეც ველარ მივიწევ წინ. გამიტკბა, დილის სიზმარივით გამიტკბა იქ ყოფნა. დაუსრულებლად შემიძლია ვესაუბრო მინდორს, სივრცეშიც რომ არის გაშლილი და დროშიც.

რალაცას მეუბნება იაგორას ველი, რასაც შეიძლება უსასრულოდ ვუსმინო და ის სიტყვა, თუ მინდორი, თუ ტყე, ათასი სახით მეთამაშება, მრავალფრთიან სარკესავით ყოველმხრივ შემიძლია შევაბრუნო. ხან მის სიღრმეში თოვლით სავსე ტყე ირეკლება და ვხედავ პატარა ბიჭს, კუდში როგორ სდევს დედას. მერე კი ვხედავ, თხილამურებით როგორ ვეშვები ფერდობზე. მივექანები მთელი სისწრაფით. არ მეშინია, რადგან ვიცი, რომ ხეთა ჯარს იქით, უცებ ველზე გავიჭრები და რაც ნაკლებად შევშინდები, უფრო შორს გავსრიალდები მინდორში. იქ კი, უკვე

სტუდენტები ვარჯიშობენ. ბრინჯაოსაგან ჩამოსხმული მწვრთნელი ფიზიკულტურის ინსტიტუტის სტუდენტებს სათხილამურო წრეზე ავარჯიშებს. ამ კაცის მზემოკიდებულ სახეზე თითქოს ზეციდან წვეთებად იყო ჩამოღვრილი ორი ცისფერი თვალი და მის ხილვაზე ჩამოსრიალების საამო განცდა სიმშვიდის კალაპოტში დგებოდა.

მზე აბრჭყვიალებდა თოვლს, აბრჭყვიალებდა იმ კაცის თვალებივით ლურჯ ჰაერსაც. კაცი მინდვრის შუაგულში იდგა. მე ირგვლივ ვტრიალებდი. მთელი დღე რომ მესრიალა, დალლას არც ვგრძნობდი. დამსხვრეულ შუშასავით ბრჭყვიალა თოვლი თავისით მიმაქანებდა სათხილამურო გზებზე. როცა ძალიან ჩამოცხებოდა, ვიხდიდი პერანგს, რადგან იქ, მზით სავსე თოვლში ზამთარი და ზაფხული დღის განმავლობაში ენაცვლებოდა ერთმანეთს. ამიტომ თეთრი, ქათქათა თოვლი და ხავერდოვანი ბალახი ერთი ხსოვნის შუქრდილში იყო გახვეული.

დროა დავუბრუნდე ჩემს ისტორიულ თხრობას და წინ წავიდე, მაგრამ არ შემიძლია! ვერ ვწყდები აქაურობას და ისევ ვტრიალებ სათხილამურო წრეზე. სინანულით ვემშვიდობები ზღაპარივით გადაშლილ მინდორს, რომელიც არსებობს მხოლოდ ჩემთვის, მაგრამ იმდენად ღრმაა ეს ჩემთვისყოფნა, რომ აღემატება ერთი კაცის გრძნობასა და ფიქრს და არსებობს თავისთვის. იაგორას ველი გადადის ჩემი სიცოცხლის ფარგლებს, გადადის ჩემი ნება-სურვილით, რადგან ისეა შერწყმული ჩემს არსებობასთან, რომ თავის უსასრულო ნიაღვლაში მეც გამიტაცებს თან. მეც ვგრძელდები ჩემი წარსულისა და დაბადების იქით, გადავდივარ სხვა არსებობაში, წინაპართა სახეებში, მაგრამ გადავდივარ არა წარმოსახვის ძალით, ან ისტორიული რომანის ფურცლებზე, გადავდივარ პიროვნულად და ცოცხლად; და თუმცა ამ სიცოცხლეს არა აქვს კონკრეტული სახე, არც არაფერია ცხადად მოსაგონარი, მინდვრის თავისთავად ყოფნაში მეუფლება უხსოვარი სიცოცხლის გრძნობა, როგორც განცდა იმისა, რომ მუდამ ვიყავი და ყოველთვის ვიქნები.

ამიტომაც ვერ ვშორდები აქაურობას! საუკუნეთა უკუნეთში მიმაქანებს დროთა სივრცეში გაშლილი მინდორი! მიმაქანებს ისე, რომ თანაც ვერ ვწყდები თოვლით განათებულ სივრცეს, სადაც ცისფერთვალება კაცი უსიტყვო ღიმილით რალაცას მამცნობს და ახალთახალი თხილამური, პოლონური ფირმის ემბლემით, მზეზე ბრჭყვიალებს. მერე, დაღლილი, გაზაფხულის სველ, დამძიმებულ თოვლში მივათრევ თხილამურებს ზემოთ, პარკისკენ. დღის ორი საათია. ზამთრის არდადეგები დამთავრდა და პარკის განაპირა შენობიდან სკოლის ზარი

მოსმის. მონაფეები მიმორბიან ირგვლივ. მე კი, ვერ ვძლები სრიალით, ისევ და ისევ ვეშვები პარკის სასრიალოდან. გაზაფხულის სურნელება ასდის მზით სავსე თოვლს. გაკვეთილებს გამოპარული დღე დღესასწაულივით გრძელდება. მას ვერ აჩერებს სკოლის ზარი. პირიქით, სწავლის მესამე მეოთხედში შეჭრილი სათხილამურო ზეიმი თითქოს აჩერებს დროს და არც არასოდეს დასრულდება. ზამთრისა და გაზაფხულის შეხვედრის ეს თავბრუდამხვევი სურნელება წუთიერია, მაგრამ შეჩერებულია ეს წუთი, მარადისობაშია გადასული; იქ, სადაც წარსულიც შეიძლება იხილო და მომავალიც და ვგრძნობ, რომ სწორედ ასეთი სურნელი ტრიალებდა მაშინაც, ათასი წლის წინ, როცა გაზაფხული შემოდოდა დიდგორის ველზე.

— კარგი, გეყოფა! — სადღაც შორიდან მომესმის ლიპარიტის ყვირილი. — რა თხილამურები, რისი სკოლა! ან სად იყო მაშინ ფიზკულტურის ინსტიტუტის სათხილამურო სეზონი! გონს მოდი, მიმოიხედე! მგლების ხროვა მოსდგომია თავფარავნის ტბას! ნემსიც ვერ ჩავარდება ჯავახეთის ზეგანზე! გამოფხიზლდი, შემოგვიერთდი! ყველა არ არის ილღაზის მომხრე! თუ ჩვენს მრწამსს გაიზიარებ, ოპოზიცია პოზიციად დაგიბრუნდება, დიდი პოლიტიკური ძალა მოიყრის თავს შენს გარშემო.

— პოლიტიკური ძალით სასწაულს ვერ მოახდენ, ერთზე ათად მოსულ მტერს ვერ დაამარცხებ!

— მაგრამ, ასე, გაფართხალებასაც ვერ შეძლებ! შენი გონება ქარივით დაფრინავს, რას არ მიედ-მოედება! ოცნება ფეხზე თუ არ დააყენე, სიცხადეს თუ არ დაუბრუნე, ხმალს ვერ მოიქნევ, ნამდვილ ისტორიაში ვერ შეხვალ.

რა ვქნა, როგორ გავაგებინო ამ გაჯიუტებულ ერისთავს, რომ ნამდვილ ისტორიაში მხოლოდ სიცოცხლის გზით შეიძლება შესვლა! მკვდრის გაცოცხლებას მაგონებს ისტორიული რომანი, არქივის მტერის კორიანტელი რომ ასდის და ჟამით გაყვითლებული ფურცლების ფერი გადაკრავს. ის სახეები და სახელებიც ყურით მოთრეული და ძალად შეთხზული მგონია, თუკი შერწყმული არ არის მესხიერების ცოცხალ ნაკადთან.

იაგორას ველი. ბაკურიანი. პოლონური თხილამურები. ცისფერთვალეა კაცი. თოვლის ბრილიანტებად მოცმციმე ველი. ხავერდოვანი ბალახი... ეს ყველაფერი ჩემი სიცოცხლეა, ჩემზე უმეტესი, ჩემს დაბადების იქით გაშლილი და მხოლოდ ამ გზით შემიძლია ნამდვილ ისტორიაში შესვლა!

— კარგი, გეყოფა, გამიჩინე დროზე მონახე, უკვე სუნი იკრეს მგლებმა!

— გამირი უკვე მოვნახე, იაგორას ველზე,

ბრინჯაოსფერი, ციდან ჩამოდვრილი თვალებით.

— არ იშლი შენსას?

— კოტე ასტახიშვილი. ის იმდენად ნაღდი კაცი იყო, რომ წარუშლელია მისი სახე. ეს სახე მარაოსავით შემიძლია გავშალო წინაპართა უთვალავ სახედ, რომ მივადგე იმ პირველსახეს, რომელიც დიდგორის ველზე შემიძლია გავიყვანო.

— ასე აღარ ვთამაშობ, ხელი დამიბანია, ნახვამდის...

ლიპარიტის ხმა თანდათან იკარგება. მის ნაცვლად ახლა მზიური ველის სერენადა ჩამესმის. მთვარე ვერცხლისფრად ანათებს ტრამპლინის ფერდობს. კობტის წვერიდან ქარივით მოფრინავს ახალგაზრდა კაცი. ქარი სტვენს მელოდიას და მაშველების პატარა ქოხშიც ბუხარი იმ ტკბილ, ჟრუანტელის მომგვრელ სერენადას აგრძელებს.

სასტუმროს წინ კი, პარკის საციგურაო მოედანზე, ავსტრიელი ქალების სილუეტებში “ოქროს სიმფონია” ირეკლება! ყინულის სარკეზე შემოცურებულ ხბოს, ლოყანიტელი გოგო ეთამაშება. მუსიკა ზარივით წკრიალებს ჰაერში, ადის ზევით და ზევით, უერთდება იმ ქვეყნის ზეცას და უცხოური მელოდრამების, ვესტერნების, ბლიუზებისა და როკ-ენ-როლების რიტმული ნაკადი საუცხოო ხიბლით მოსავს ქართულ სოფელს. ტყე-პარკის ბილიკებზე კი ნელი, მოზომილი ნაბიჯით დაიპარება “შესანიშნავი შვიდეულიდან” გადმოსული ვესტერნის გმირი; დიდი სიფრთხილით ზვერავს მიდამოს. თვალის დახამხამებაში შეუძლია ბუდიდან იარაღის ამოღება და გასროლა. მისი შემყურე, მეც ფრთხილად დავდივარ, ჯინსის ჯიბიდან უცრად ამოღებულ დანას ვესვრი ხეს... მერე, სოფლის პატარა სალუდეში ვართ. ამ დროს შემოვარება მთვრალი, სახეშეშლილი ბიჭი, იარაღს ამოიღებს და ფეხებთან მესვრის. მე კი არ ვინძრევი. მშვიდად ვენევი სიგარას, ყურადღებას არც ვაქცევ და ისიც იბნევა, ველარაფერს მიბედავს, საბოლოოდ კარგავს თავგზას და ის მეორე, ვინც ვერ დადგა შურისძიებაზე მაღლა, ახლა აღტაცებით შემომცქერის, ახალ ჭეშმარიტებას იმეცნებს — თუ როგორ უნდა დაინდო სუსტი, როგორ უნდა განავრცო სიყვარული მოყვარებზეც და მტერზეც და ახლა უკვე დანამდვილებით ვიცი, რომ ისიც ჩემთან ერთად იბრძოლებს.

ეს ყველაფერი, უამრავ სახედ და სცენად გაშლილი და თანაც ერთიან, დაუნანვერებელ განცდაში გახვეული, ფარდასავით ეფინებოდა იაგორას ველს, ეალერსებოდა პარკის სიმწვანეს. ვინ იცის, იქნებ არც იყო ასე მომხიბლავი ის გარდასული დრო? წარსულს ხომ მხოლოდ ანმეოს გადასახედიდან ენიჭება განსაკუთრებული ხიბლი, ხიბლი რომელიც

ზეციურ არსთა სამყოფელიდან მოდის და ნოსტალგია ერთხელ ჩავლილი ბავშვობის მიმართ, კაცობრიობის უდიდეს სევდას — სამოთხის ბაღში ვერ დაბრუნების სინანულს ერწყმის. ამიტომ სერენადა, იავნანასავით რომ ჩამესმოდა, რიტმი, რომელიც სისხლს მიჩქროლებდა, ყინულის სარკე, სადაც ფირფიტასავით ტრიალებდნენ ოქროსთმიანი ქალები, არ ეკუთვნოდა ამ ქვეყანას, მონყვეტილ იყო ამ სოფლის საზღვრებს, ადიოდა კობტა გორაზე, გადადიოდა ცხრანყაროს მთაზე, მიიწევდა დროთა სივრცეში, მაგრამ ჯერ-ჯერობით, მაინც ვერ აღწევდა დიდგორს.

— ვერც ვერასდროს მიაღწევს — ფოთლების შრიალში მომესმა ლიპარიტის ჩურჩული. — ისევ გადაუხვია, ისევ სხვაგან დაფრინავს შენი ფიქრი. იმისთვის, რომ ეპიკური ბრძოლა მოიგო, ლირიკას თავი უნდა დაანებო, პირად ბედნიერებაზე უარი თქვა.

— ვინ დაანანევრა ცოცხალი სიტყვა ლიტერატურულ ჟანრებად? ლირიკის წიაღში იბადება ის უნაზესი განცდა, აუღებელ ციხესავით რომ აღიმართება ბრძოლის ველზე!

სამზადისი

სამი დღეა თრიალეთის ფერდობს მივყვებით. მტერი ფეხდაფეხ მოგვდევს. ბრინჯაოსფერი კაცი წინ მიგვიძღვის. მისი ცისფერი მზერა მრავალ ხეობას ირეკლავს, საიდანაც ათასობით მეომარი ამოდის და გვიერთდება. შებრძოლებას ჯერ არ ვაპირებ. მდევარი როგორმე დიდგორებზე უნდა შევიტყუო. იმ მთაგორიან ზეგანზე კოალიციის ლაშქარი ფრთებს ვეღარ გაშლის.

უკვე მივუახლოვდით დიდგორს და ხეობაში ჩავუხვით. წინ წამოვიდა და ჩემს შესახვედრად გაიხსნა პანტიანის ტყე. ტყეს უამრავი პატარა ბიჭი აფარებს თავს. საოცრად მეცნობა მათი სახეები, ფოთლების ქარი ჩამჩურჩულებს ნაცნობ სახელებს, მაგრამ ბავშვობის მოგონებებს ვეღარ დავუბრუნდები. სასწრაფოდ წინ უნდა წავიდე, ხეკორძულას სათავისკენ.

— წინ ვერ წავალთ — ტყიდან გამოვიდა შავებში ჩაცმული, ვესტერნის გმირი.

— გზა დაგვებნა?

— გზა არასოდეს დამებნევა, მაგრამ აი, ვინ შემხვდა ტყეში:

კაცმა უნაგირიდან ხურჯინით გადმოკიდებული ქალი ჩამოხსნა.

ქალს საოცრად მიმზიდველი სახე ჰქონდა. მიზიდულობას მისი შავი, ლამაზი, ოდნავ გაკვირვებული თვალები ქმნიდა. თვალის გარსი სულ ფერს იცვლიდა; ხან ისე გაიხსნებოდა და გამოანათებდა, თითქოს ფსკერი

არც ჰქონდა და თავბრუს მახვევდა ფერთა თამაშის ეს დაუსრულებელი სიღრმე, ხანაც იხურებოდა ფარდა, იფანტებოდა უძირო თვალთა წყვილი და მისი რბილი, ნათელი მზერა მამშვიდებდა.

— ვინ ბრძანდებით ქალბატონო?

— რაკი დამივიწყე, დამარქვი, რაც მოგესურვება. — გამიღიმა ქალმა — ოღონდ ერთს გეტყვი: გახსოვს, ეზოში რომ თამაშობდი და თვალი სულ ჩემი ფანჯრისკენ გეჭირა? იცოდი, ფარდას ვიყავი მოფარებული და ჩუმიად გიმზერდი. შენც ყირაზე გადადიოდი, ათასნაირად თავს მანონებდი...

— შენა ხარ! — გულიდან აღმომხდა.

— ჩუმიად, ნურაფერს მეტყვი. — თავი გააქნია ქალმა. — რა დროს სინანულია, როცა წინ ასეთი განსაცდელი გელის. ნად! ხმლის ქნევით რომ დაიღლები, ჩემი სიყვარული ძალას შეგმატებს.

ქალი გაუჩინარდა. ბინდმა მოიცივა მისი განაზებული სახე. ბანაკი დავტოვე და ალპურ საძოვრებზე გავედი. მზე ურჩხულივით განოლილ ღრუბელს შეერია და ორთქლის გველეშაპმა ცეცხლის ფრქვევა დაიწყო. თამამად შევიჭერი მზის ცეცხლით გაჟღენთილ ნისლში. ბალახზე ცხვრის ფარასავით გაშლილ ღრუბლებში მივაბიჯებ. ზევით მივინევ დიდგორებისკენ. ბილიკი ჯერ ქვევით ეშვება, ძალას იკრებს, რომ უეცრად მაღლა აიჭრას, ხმალივით შემართულ მთაზე. ნაბიჯ-ნაბიჯ ახლოვდება პირველი დიდგორი, ზედწვერზე შემომდგარი ეკლესიით.

ირგლივ არავინაა. ზევით მარტო უნდა ავიდე. მარტოსულმა უნდა შევადო ეკლესიის კარი, რადგან ჩემს შესანიშნავს სხვა ვერ გაიღებს მსხვერპლად. აქ არც მოგონებაა, არც მოლოდინი. აქ სუფევს ან და მარადის შეჩერებული დრო; დრო, რომელიც მხოლოდ ანმყოში ფეთქავს და უჩინარეს საუკუნეთა ნათქვამი სიტყვა ისევ და ისევ ხორციელდება საკრალური ქმედების წესით.

მთელი ღამე ლოცვად ვიდექი სიზმარცხადის ხიდზე. ჯერ მძიმედ მოძრაობდა გალობასავით გაბმული სიტყვა, აზრიც არ ჩამესმოდა ბოლომდე, მაგრამ მერე და მერე, მწუხრი რომ მიიწურა და ცისკარი გაიხსნა, საოცარი სიმსუბუქე და სიცხადე ვიგრძენი. ღვთის სიტყვა უფრო და უფრო აჩენდა უსასრულო მნიშვნელობათა თვალჩაუნვდენელ სიღრმეს. იფანტებოდა ეჭვი, მოდიოდა აზრი, ვხედავდი გზას, უსასრულოდ როგორ გამეგრძელებინა სიცოცხლე. ყველაფერი ის, რაც ცოცხლად იყო ჩანერილი გულში, ახლა უბიდან ამოვიღე, რვეულივით გადავფურცლე და მივხვდი, რომ ეს იყო მსხვერპლი, რასაც უფალი მოითხოვდა ჩემგან. ის, რაც იყო ჩემი და ჩემთვის არსებული, თურმე არ მეკუთ-



ვნოდა მხოლოდ მე! ძალა, რომელიც სიტყვით აცოცხლებდა მას, აღემატებოდა ადამიანის ნიჭს და ქვეყანა რომ გადამერჩინა, უფლისთვის უნდა მიმეძღვნა სწორედ ამ ძალით აღბეჭდილი ცხოვრების საუკეთესო წუთები.

ლექსებით სავსე რვეული დავხურე და ცეცხლზე შემოვდე. მოხდა სასწაული! სანთლის ალი არ წვავდა ფურცლებს! ამ ცეცხლით ნანრთობი სიტყვა თუ გრძნობა, თუ აზრი, ახლა საიმედო ჯავშანივით შემომერტყა გულზე. მზე რომ ამოვიდა, რვეული სწორედ იქ გადავშალე, სადაც ეწერა თუ როგორ გამოვიხურე ეკლესიის კარი და როგორ გავედი დიდგორის ველზე.

ბრძოლა

ინათა თუ არა, ჰორიზონტიდან ზღვა-სავით წამოვიდა კოალიციის ლაშქარი. ელვარე მუზარადები, ოქროს ჩალმები, თვლებით მოჭედილი უნაგირები, სარკეებივით ირეკლავენ მზის ცეცხლს და ხანძრად ავარდნილი თვალსანიერი ჩვენსკენ მოიწვეს. ხმლების ფარებზე შეხეთქების ხმა შიშს უნდა თესავდეს, მაგრამ შიში არ არის. მის ნაცვლად ჩნდება სილალის და თავისუფლების განცდა და გადაუხდელი ომი ჩაფიქრებულ მოთხრობასავით კი არ მამძიმებს, პირიქით! სიტყვის სიცოცხლეს მინდობილმა, ჯერ არაფერი ვიცი, რა მოხდება, რა გადამხდება თავს, თავისით რა გადმოხეთქავს ფურცელზე. მაგრამ ეს არცოდნა სავსეა ცოცხალი გრძნობით, დამუხტულია ბრძოლის უინით, გარემოცულია საიმედო განწყობით.

ერთი სული მაქვს გავშიშვლდე, მოვიშორე ყოველივე მოფიქრებული, გათვლილი და მარტოდმარტო შეეცურო რისხვით ანთებულ ზღვაში, რომ მარტოსულის სიმამაცემ გახლიჩოს მტრის უსახურ სახეთა ტალღა და ამ ნაპრალში ერთსულოვანი ნაკადივით შეიჭრას ჩემი ლაშქარი. არ შეიძლება ამ დროს უკან მოხედვა, სინანული. უნდა მოვიჭრა უკან დასახევი გზა, რომ აღიკვეთოს მოძრაობის ყოველი შესაძლებლობა ერთადერთი მიმართულების გარდა — წინ, ზღვას დანატრებული გულის ვნებათაღელვის სიღრმეში!

— ქართველები სულ გაგიჟებულან! ხეკორძელას ხეობა ჩაუხერგავთ, ზურგში დამსჯელი როქის-სპა ჩაუყენებიათ. გაქცევის და გადარჩენის გზას აღარ იტოვებენ. — ამ სიტყვებით ფაფარგაშლილ ცხენს მოახტა ნეჯმად დინ ილაზზი, აღმოსავლეთის ვარსკვლავად წოდებული.

— თითქოს ისინი იყვნენ ხუთას სამოცი

და ჩვენ, სამოცი ათასი — მთავარსარდალს გამოეპასუხა ერაციის სულთანმა.

— შენ რაღას გვიბრძანებ, ლიპარიტ ბატონო? — ახლა ლიპარიტს მიუბრუნდა ილაზზი.

რა უნდა უთხრას? დიდი ხანია პოლიტიკურ აზრს ვეღარ ხედავს მეფე დავითის პოეტურ აღმაფრენაში, მაგრამ ეს საოცარი აღმაფრენა გამარჯვებას გამარჯვებაზე აღწევს!

— მე მოლაღატე არა ვარ!

— არც არავინ გაბრალებს — თავი დაუქნია ილაზზმა. — უბრალოდ, სამშობლოს გადარჩენის საკუთარ კონცეფციას იცავ.

— ჩემთვის მიუღებელია დავითის მრწამსი — თქვა ლიპარიტმა — ნაცვლად იმისა, რომ ანგარიში გაუწიოს არსებულ უმძიმეს სიტუაციას, უკან არ იხევს და სასწაულის იმედად არის. დავითი ისეთ ცეცხლს ეთამაშება, ისეთ სტიქიას ებრძვის, ცაში ფრენის ნაცვლად, ქვესკნელში შეიძლება აღმოჩნდეს.

— თუკი ქართველთა მეფე ცაში დაფრინავს, ფანტაზიას არც ჩვენ ვართ მოკლებულნი. ისეთ მოკავშირეს მოვძებნით, სიზმრადაც არ მოელანდება დავითს.

ილაზზმა გაიღიმა და თვალი ჩაუკრა სულთანს.

გათენდა. გაიხსნა ცისკარი. მზემ გამოიხედა წამით, მაგრამ თვალი აარიდა ბრძოლის ველს და ღრუბელი ჩამოიფარა სახეზე. სიტყვა ვერ იტევს დავითის სიმამაცეს! ლამის მარტოდმარტო, ორასი რაინდის თანხლებით შეჭრილა მტრის რიგებში! ისეთი სისწრაფით ტრიალებს, ისე იქნევს ხელს, თითქოს ხმლის წვერით უხილავ სტრიქონს წერს ისტორიის ფურცელზე! სისხლისფრად იკვეთება სიტყვა. ყოველ მოძრაობას, აქ და ახლა გაჩენილ აზრს, არაერთი სახე და სხეული ეწირება. ხმლით შემონერვილი სიტყვა უამრავ ქვეტექსტს მოიცავს, ათასი ნახნაგით ტრიალებს, ბრწყინავს, ყოველმხრივ ირეკლავს არსებულს და სიკვდილთან ბრძოლას, უკვდავებასთან თამაშის მნიშვნელობას ანიჭებს. შეუძლებელია სიტყვასთან შერწყმული მეფის დამარცხება. ერთი მხრიდან თუ შთანთქავს მტრის ტალღა, მეორე მხრიდან, ახალი ნახნაგით შემობრუნდება და ბრძოლას განაგრძობს.

მის გვერდით ციხესავით აღმართულა ბრინჯაოსფერი კაცი. ვერაფერი ანგრევს ციხეს, რადგან ქვით კი არაა ნაშენი, გულის ცოცხალი ქსოვილისგანაა მოქსოვილი. სადაც ირღვევა, იქ ახალი ქსოვილით ჩაინაცვლება და ისევ მთლიანდება. ცოცხალი ციხე ციდან ჩამოღვრილი თვალებით ირეკლავს

მეფის თავდაცვის გზებს და ამ ანარეკლების მიხედვით მოძრაობს. მარჯვენა ფრთაზე შავი, პანტიონასავით კაცი ტრიალებს. თვალის დახამხამებაში უსხლტება მოქნეულ ხმაღს. წამი შეაჩერა მისმა სისწრაფემ, დაშალა ის მეათედ, მეასედ, მეათასედ წამებად და დროის ამ უსასრულოდ მცირე მონაკვეთებში ისე სწრაფად მოძრაობს, თითქოს ერთის ნაცვლად შვიდი კაცი იბრძვის! ვინ აღუდგება წინ ამ შესანიშნავ შვიდეულს? მტერი დაიბნა, უკუიქცა. ზღვა უკან გარბის, ბლავილით ეხეთქება საკუთარ თავს. მის ბნელ სიღრმეში მათრახი აღუმართავს ერაცის სულთანს და ცხენკაცების ახალ ტალღებს მოერეკება წინ.

დავითი კი ზღვის შუაგულს უახლოვდება. გონების გრძნობას, თუ გრძნობის გონებას მინდობილი ლაშქარი ფიქრზე უსწრაფესად მოქმედებს. დავითი არ იხედება უკან. იცის, რომ ერთი კაცივით შემართულ ჯარს აღარ სჭირდება მისი ბრძანება. მეფის სიტყვა საკუთარ გულისთქმად ქცეულა ყოველ მეომარში. ერთი ხმალი ისე ზუსტად და უშეცდომოდ პასუხობს ათგზის მოქნეულ ხმლებს, რომ ბრძოლის ქაოსში იდუმალი წესრიგი ჩნდება. ვნებათა ჭიდილი აზროვნების ცოცხალ ნაკადში გადადის, რომლის სინათლე და სიმხურვალე პანტიონის ტყესაც აღაგზნებს! ბავშვები აღარ იმალებიან იქ! ფარდობითობის თეორიის თანახმად, დიდი სისწრაფისგან შეჩერებულ დროში, უდიდესი სისწრაფით მიქრის დრო და ტყიდან დემეტრე უფლისწულს საომრად შემართული ბიჭები გამოყავს! განსაცდელით სავსე ცხოვრებამ დროზე ადრე გაზარდა ისინი! აგარიანელთა ზღვა ახლა პანტიონის მხრიდანაც იხლიჩება, მაგრამ უეცრად დემეტრე უფლისწული "თბილისელი ბერების" გააფთრებულ წინააღმდეგობას აწყდება! დავითმა იგრძნო შეფერხება მარცხენა ფრთაზე, ისიც განჭვრიტა, თუ რა ეშველებოდა გაუცხოებულ თბილისს. მეფის ბრძანებით ასობით შევარდენი აიჭრა ცაში. შევარდნებმა უზარმაზარი კალათი აიტაცეს თან, სავსე რომ იყო საოჯახო ალბომებით, სამახსოვრო წარწერებით, ძველი თბილისის ხედებით და რაც მთავარია, აბო თბილელის ცხოვრების ფურცლებით! და წამოვიდა ურჩ თბილისელებზე გულშიჩამწვდომ სიტყვათა თავსხმა! წვიმის ისრები ფარსაც ამსხვრევდნენ, მუზარადშიც ატანდნენ და გადაუღებლად წვიმდა და წვიმდა თბილისელი კაცის გულში!

— ეს აღარ არის ბრძოლა! — ცას მუშტი მოუღერა თბილისის ამირამ, მაგრამ ის უკვე მარტო იყო. სინანულით შეპყრობილი ჯარი დავითის მხარეს გადადიოდა. მაშინ არაბთა მეფემ, დურბეიზ სადაყის ძემ შეიერთა მონანიებას გაქცეული ნაშთები და გზა გადაუჭრა ქართველებს, მაგრამ დემეტრემ ისეთი

ძალით დაარტყა, მონანიება სანატრელი გაუხდათ.

არაბთა მეფემ მსტოვარი აფრინა ფლანგებზე. თოღრულ მოჭამედის ძემ და განძის ათაბაგმა ერთდროულად შეუტიეს უფლისწულს, რომელმაც მოასწრო ალყის გარღვევა, უკან დაიხია და ტყეში შეიტყუა მდევარი.

კოალიციის მარჯვენა ფრთა პანტიონის ტყეში შეიჭრა. ტყე ბრაზით ახმაურდა, აშრიალდა, აკვნესდა. მწვანე ტალღები გასაოცარი სისწრაფით გარდაქმნიდნენ ბავშვობის მოგონებების შურისმაძიებელ მხედრებად. ხეთა ჯარი წინააღმდეგობის ახალ ძალებს წარმოშობდა თავის წიაღში. არაბებმა სცადეს ტყის გაჩეხვა და გზის გაკვალვა უღრანში, მაგრამ მოგონებების ტყეს ნაჯახი ვერ გაკაფავდა და ხმალი ვერ გაჭრიდა! ფესვებით ის წარსულიდან ამოდიოდა და კენწერობით მომავალს წვდებოდა! გაუთავებლად იცვლიდა ფერსა და ფორმას, ჩურჩულებდა იდუმალ სიტყვებს; მათი მნიშვნელობა არ ესმოდა მტერს, მხოლოდ გულს უმღვრევდა და გონებას უბნებდა. წარმოსახვას მოკლებული ჯარი დაიკარგა გაუკვალავ ხლართებში და როცა ტოტებიდან არაბულ სპილოს ვესტერნის გმირი დაახტა, როცა მის ნიშანზე იქ ჩასაფრებულნიც გამოჩნდნენ, არაბთა მეფე, დურბეიზ სადაყის ძე, უკვე გაქცევას ფიქრობდა.

დიდგორზე კი ისევ გახურდა ბრძოლა. პანტიონის ტყე ისევ გაცოცხლდა და შემოვიდა წინა ფრონტზე. ილლაზმა სწრაფად გადააჯგუფა ძალები, უკანასკნელი რეზერვიც გახსნა და თურქ-სელჯუკთა საუკეთესო ლაშქარი გამოიყვანა. ჯარს თულარ არსლანკუზიანი სარდლობდა. წამდვილ გოლიათებს მოუძლოდა წინ ეს ქონდრის კაცი. სხვა, უფრო მარტივი საჯარისო შენაერთებისგან განსხვავებით, თურქების ლაშქარს შეეძლო გარდასახვა და მტრისთვის მოუხელთებელ, ფანტასტიურ სახეთა მიღება, მაგრამ შიში არ ეკარებოდა ქართველის გულს, არცერთი მეომარი არ იხედებოდა უკან. ამიტომ დავითმა მოხსნა ხეკორძულას სათავესთან მდგომი როქის-სპა და პანტიონის ჯარს მიაშველა. თვითონ ცენტრალური ძალებით ისევ წინ დაიძრა ილლაზისკენ.

ყრუ მუსიკოსის ჰეროიკულ სწრაფვას და უსინათლო პოეტის სიმღერას რომ ეკადრება, ისეთი სიდიადის ომი გაჩაღდა! დავითის პოეტური სული და სიზმრისეული ხილვა, მეტრძოლი აზრის სიცხადეში გადაიზარდა და თუკი თურქების ჯარი თავზარდამცემად იცვლიდა ფერსა და ფორმას, ქართველთა როქის-სპაც შემოქმედებითად აზროვნებდა; გეომეტრიული ფორმების — მწყობრი სამ-

კუთხედების, კარების, რკალების წრიული მოძრაობით ცელავდა თურქებს და გზას იკავებდა სისხლის ტალღებში.

რომ გაიმარჯვო, ბოლომდე უნდა შეინარჩუნო გულის სიცხადე, არ უნდა დაარღვიოს ბრძოლის ქაოსმა საბრძოლო ხელოვნების რიტმი და სტილი. უნდა ირწმუნო, რომ ვნებათა ჭიდილში იდუმალი წესრიგი სუფევს, ფარული აზრი საზრდოობს და გზა ამ აზრისკენ გულის ძარღვების ბილიკზე გადის. გაჩნდა თუ არა ეს აზრი, ღრუბელიც ჩამოსცილდა მზეს და განათდა ყველაფერი! დავითი ახლა თავისი სხეულივით შეიგრძნობდა საკუთარ ლაშქარს; მას აღარ სჭირდებოდა გონების კარნახი; სხეულმა იცის, როგორ იმოძრაოს, ხელმა იცის, როგორ შემოიქნოს ხმალი.

სად განვდებოდა თურქ-სელჩუკების ფანტაზია გულისა და გონების ამ ერთიანობას? ფიზიკურ ძალთა სიჭარბესაც ვერ იყენებდა ილლაზი, ფრთებს ვერ შლიდა დიდგორებს შორის. მაშინ თულარ არსლან-კუზიანმა საგანგებო ბრძანება გასცა. გოლიათების ლაშქარი უცებ შევიწროვდა, გაიჭიმა, დაიგრინა და გველუშაპივით შემოსრილდა ორ მთას, სათოვლიასა და ნაბალრებს შუა.

წინგატყორცნილი ხმლების, მუზარადებისა და ჯავშან-პერანგების ცეცხლოვანი თამაში ურჩხულის ქერცლივით აელვარდა!

გველუშაპი ყალყზე შედგა, ათასი ხმლით და მახვილით აიქოჩრა და გამძვინვარებული ღრიალით, ქართველთა როქის-სპას დააცხრა!

აქ დავითმაც მოუხმო შინაგან ძალებს, ბოლომდე დაძაბა წარმოსახვა, გაიხედა სიცოცხლის სათავისკენ და იხილა ქალი, რომელიც მთელი ცხოვრება უყვარდა. ქალის ოდნავ გაკვირვებული, ღრმად გახსნილი მზერიდან სინათლის მკვეთრი სხივი გამოდიოდა! დავითმა ხელი ჩაავლო სიყვარულის სხივს, შუბივით შემართა და მთელი ძალით შესტყორცნა გველუშაპს. ურჩხული ბრონეულივით გაიხლიჩა, სისხლის ელვარე შადრევნებად გადასკდა. თულარ არსლან-კუზიანი შიშით მუხლებზე დაეცა, თვალის-მომჭრელი სხივით დაბრმავებულმა გოლიათებმა კი პირი იბრუნეს და თავისიანებს დაუნყეს ხოცვა.

დავითმა ისარგებლა თურქ-სელჩუკების არეულობით, მისიკვდილებულ ურჩხულს უკანასკნელი თავიც მოკვეთა და უკან დახეულ ზღვას დაედევნა. თავდავინწყებით მიაპობს მტერს, რომ როგორმე “აღმოსავლეთის ვარსკვლავს” მიაწვდინოს ხმალი, ფაფარგაშლილ ტალღაზე ამხედრებული ილლაზი ძირს ჩამოაგდოს და ვიდრე ჩამოვარდება, ჰაერშივე გაკვეთოს!

ყაზინის, ართინის, განძის, ბალდადის

კოალიციის ნაშთი ახლა უკვე ისტერიულად იქნევს ხმალს, თავგანწირვით იცავს თავს, მაგრამ რა დააკავებს ქართველს?!

დააი, დაეცა ბალდადის ჯარის უკანასკნელი კორდონიც და ორი მთავარსარდალი პირისპირ შეეჩეხა ერთმანეთს;

— რა ხანია გელოდები — გაულიმა ილლაზმა — გვეყო ამდენი სისხლისღვრა! მოდი, შევრიგდეთ, ზავი დავდოთ და ფედერაცია შევექმნათ.

დავითმა აღარ აცალა, ხმალი ნაჯახივით დასცხო და თავი გაუხეთქა ბალდადის მბრძანებელს!

არაბთა მეფემ, დურბეიზმა, ხელში აიტაცა მძიმედ დაჭრილი სიმამრი, მაგრამ ვიდრე შიშის ფრთებს გამოისხამდა, დავითმა მოასწრო და მეფის ძალაუფლების სამკაული ჩამოგლიჯა ყელიდან. ჩამოგლიჯა არც არავისთვის, რადგან დავითს არ სჭირდებოდა არაბთა ძალაუფლება. იგი საგანძურს ცაში ეძებდა და არა მიწაზე. ამიტომ თვალმარგალიტი დაწყვიტა, ზეცას შეატყორცნა და წვრილ ვარსკვლავებად მიმოფანტა საღამოს ბინდში.

ილლაზის დამარცხებამ და დურბეიზის სამარცხვინო გაქცევამ საბოლოოდ ძირი გამოაცალა ზღვას. შემოსეულთა უკანასკნელი ტალღაც ღრიალით გადაგორდა დიდგორებიდან, შორს გაიშალა ფსკერზე, გათითოვდა. მტვრად გაიფანტა მტერი, უდაბნოს ქვიშას შეერია და არაფრად იქცა.

გამოცხადება

— ბრძოლა ჯერ არ დამთავრებულა — ისევ ჩამესმის ლიპარიტის ხრინინიანი ხმა. — თავისუფლება მოგინდა? დროსა და სივრცეს გადააბიჯე? იცოდე, მტერმაც ისარგებლა ამით და მომავლის წყვილიაღში, ახალი მოკავშირე მოძებნა! შენ თუ ბაკურიანი, იაგორას ველი და პოლონური თხილამურები ჩააქსოვე დიდგორის ომში, ილლაზმა უახლესი სამხედრო ტექნიკით აღჭურვილი “ბოევიკები” მოიხმო!

— ომი მოგებულა! ქართველებმა მთელი ღამე სდიეს მტერს და უთენია, ყარსიც აიღეს!

— რაღა დროს ყარსია! სამხრეთისკენ რას იყურები, ჩრდილოეთისკენ გაიხედე! უდაბნოში მოხეტიალე მხედრების ნაცვლად ახლა არყით გაგლეჯილი ჯარისკაცები მოინევენ ჩვენზე! მთელი ჩრდილოეთ კავკასია აღსდგა და საავდროდ შეიყარა ჩვენს წინააღმდეგ! იმ საავდრო ღრუბლების უკან კი ისეთი ძალა დგას, რომელსაც აღარც სახე აქვს, აღარც სახელი და აღარც კი იცის ვისზე იყაროს ჯავრი თავისი სისხლიანი წარსულის გამო!

ეს სიტყვა იყო და მოტორის გუგუნმა ყურთასმენა წაიღო! კავკასიონიდან შავი ღრუბელი წამოვიდა. სოკოსავით ამოიზარდა სამაჩაბლოს ველზე ბენზინის იასამნისფერი ბოლი. შავი ზღვიდან მწყობრად ამოვიდნენ ბრაზით მოელვარე “ბოევიკები”! დაიხურა ცა. მზე დაუბნელდა დიდგორებს. დილის წყვდიადში ათასფეხა, მუხლუხა ხოჭოებივით მოცოცავენ ჯავშნოსნები, რკინის თავებზე დამაგრებული ზარბაზნებით. ადამიანი აღარ ზის შიგ, კომპიუტერი მართავს ამ ჯოჯობეთურ ძალას და ჯარის ეპიცენტრის ეკრანზე ათასფერ რომბებად, კუბებად და იერო-გლიფებად იქსაქსება დიდგორის ველი.

— შეჩერდით! — შევაყენე შინ დასაბრუნებლად შეტრიალებული ჯარი.

— გვეყოფა ბრძოლა! — ფიქრი გამიწყვიტა ცისფერთვალეება კაცმა. ზურგჩანთიდან ძველი, უზარმაზარი მაგნიტოფონი ამოიღო და მუსიკა ჩართო.

ისევ განათდა ის გულშიჩამწვდომი მიწდორი! სიძველისაგან დამტკპარმა მელოდიამ ყრუანტელივით დამირბინა ძარღვებში! აბიბინდა ბალახი, აბრჭყვიალდა თოვლი, ჰაერში ნაძვის ხის სათამაშოებივით აელვარდნენ ბავშვობის ნიშანსვეტები! ისევ გაიხსნა ცა, გაიშალა მოგონებათა სივრცე. სიმღერებმა გაშალეს ფრთები. შემოვიდა, შემოიღვარა უცხო ქალაქებისა და ნანატრი ქვეყნების ოცნება. საზღვარი აღარ ჰქონდა მუსიკას. უკიდევანო სიმღერა მტრის კომპიუტერულ ცენტრშიც შეიჭრა. მოგონებების ვირუსმა დაარღვია კომპიუტერის მეხსიერების პროგრამა! ცენტრმა მმართველობა დაკარგა, არასწორი ბრძანებები გასცა, ჯავშანტრანსპორტის უსახური მასა უკან შებრუნდა, პატარ-პატარა ჯგუფებად დაიქსაქსა და “ბოევიკებმა” ერთმანეთს დასცხეს!

ატყდა, მაგრამ რა ატყდა! ენა ვერ იტყვის რა ჯოჯობეთი დატრიალდა ირგვლივ! ასო-ასო იმსხვრეოდა და ითიშებოდა ტყვიამფრქვევების, ტანკების და სარაკეტო ჯარების ინტერნეტი! ქვესკნელის გრანტებით მოძიებული სამხედრო ტექნიკა ერთმანეთს ეხეთქებოდა, ხრჩოლაავდა, ზედიზედ ფეთქდებოდა და ცეცხლის ზვირთებად ეღვრებოდა ლიახვის ტალღებს! ველარ ვარჩევდი ჯართად ქცეულ მტერს შეჯახებებისა და აფეთქებების ქაოსში! ქვემეხების გრუხუნს, მანქანების ყვირილს შიგადაშიგ ადამიანის ბღავილიც ერწყმოდა! გაოგნებული შევცქეროდი ამ აპოკალიფსურ ხილვებს! ვიღას ეცალა ჩვენთვის? ინგრეოდა და იფერფლებოდა ბოროტების უდიდესი იმპერია!

სინანული

ვინ ვარ მე, რომ ვბედავ შევეხო დიდი

მეფის წმინდანად შერაცხულ სახეს, ჩემი გრძნობა და ფიქრი მოვახვიო მის აღმაშენებელ სულს?! შევეხო ჩემი უსუსური ხელით, უღირსი გულით, სინანულით სავსე ფიქრებით?!

სად არ გადაგადგებს, რას არ გაგაკეთებინებს ეს გაუსაძლისი ცხოვრება...

ამიტომაც არა ვარ ღირსი ჟამთა აღმწერლად დავუდგე იმ დიდ შემოქმედს, შედეგრივით რომ შექმნა თავისი ქვეყანა ღვთით ბოძებულ სილამაზეში. თუკი მას, ვისაც ვერ ვბედავ შევანვდინო თვალი, გულიდან აღმოხდა გალობანი სინანულისა, მე, ჩემი გაფანტული გონებით, დაკნინებული სულით, გაუბედავი სურვილებით და შიშის გრძნობით, მონანიების ღირსიც კი ვერაფერი ჩამიდენია! დავეხეტები ჩემი ცხოვრების ტყეში, გზააბნეული დავდივარ, მაგრამ სადაც არ უნდა წავიდე, რაც არ უნდა გაგაკეთო, მაინც ვერ ვაღწევ თავისუფლებას! გალიაა ჩადგმული ღრმად, გულში და არც კი ვიცი, რა ბნელი და ავი ტრიალებს შიგ.

ღმერთო! მომეცი ძალა, თვალი გაეუსწორო საკუთარ ცხოვრებას! მონანიების ღირსად ვაქციო ჩემი შიში და სიძულვილი, შური, ეჭვიანობა, სხვისი განკითხვა. მომეცი ძალა, დავამსხვრიო საფლავის ქვასავით დამძიმებული სიტყვა, რომ აზრის სიღრმეში მუსიკა შევიგრძნო! ქროლვით რომ წარიტაცებს სიავის ფიქრებს, ჩააქრობს მათ ლოცვასავით გაბმულ მელოდიასი და ამიყვანს დიდგორის ველზე. იმ წმინდა მიწაზე, სადაც იხსნება გულის სარკმელი, რათა გამოჩნდეს დიდი ბრძოლების უსაზღვრო სივრცე! და მიხარია, რომ გზა იმ სივრცისკენ ჩემი ცხოვრების საუკეთესო ნუთებზეც გადის და რაკი ვარ, ვარსებობ, ვცოცხლობ, მეძლევა უკვდავ სიცოცხლესთან ზიარების ნებაც. მეძლევა იმიტომ, რომ მსხვერპლი გაღებულია, გზა გახსნილია — რწმენის, წარმოსახვის და ოცნების გზა, და მჯერა, რომ მეც იმ დიდი ძალის ნამცეცი ვარ, რომელიც შთააგონებდა დავითს! მეც არ მასვენებს ის გულის ცეცხლი, გონების ის სიმხურვალე, საიდანაც ხმალივით შემიძლია შემოვიქნო სიტყვა და თავი გაავადებინო ჩემს გასასრესად შემართულ უღირსი გრძნობების ურჩხულს!

“მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღხოცე უსჯულოება ჩემი. უფროის განმბანე მე უსჯულოებისა ჩემისაგან და ცოდვათა ჩემთაგან განმწმიდე მე; რამეთუ უს—
*დავითის 50-ე ფსალმუნი



თენგიზ ჯვანიძე

ქრისტეაბული

უნმინდესსა და უნეტარესს ილია II-ს

როცა შენს სჯულ-ჯილაგს ჰყიდი ვით იუდა,
ხომ გაქვს მოქცეული ემმასაგან მხარი?..
სული, კაცის სული თუკი გატყიურდა,
მისთვის ჯოჯოხეთიც, ალბათ, ცოტა არის!

სატანის მოციქულს ფიქრიც სხვაგვარი აქვს
(კვდომა განუზრახავთ
ერის ლახვარძალებს!..)
ვინც ცდილობს შეუკრას
გზა-გეზი პატრიარქს,
სიყვარულს მრევლისას უფრო ახანძარებს!

სჯულის დამცველებს მე ვუნოდებ მეომრებს
(თვალი და ალლო აქვს
დრო-ჟამს ძველ მოისრის!..)
პატრიარქი ჩვენი ილია მეორე
ქრისტეგული არის საქართველოსი!

ზამთრისპირი

შემოდგომაა
და ამინდიც იცვლის ხასიათს,
კამეჩებივით ცად ღრუბლები
მიიზმორება...

მზე თვალთა მიღმა ჩვეულებრივ
ინვის, ანთია,
ცას ცისარტყელა მიუყვება
სისხლის ზოლებად.
წვიმები... ქარი... რესტორნები...
ლამის ბარები,
სცლიან პირთამდე ბილნი გრძნობით
სავსე ფიალებს...
დაჭიმული აქვს ქარს ნერვები,
ვით ზამბარები
და წითელ-ყვითელ ფოთლებს სადღაც
მიაფრიალებს.
ზამთრისპირია
და თოვლივით ცა არის თეთრი,
ვით თითისტარზე
ქარი ნისლებს ხეებზე ართავს
(ალბათ პირველად, როგორც ბავშვი
მე მაშინ შევეკრთი,
სამყაროსავით როცა დავრჩი
საკუთარ თავთან).
ამიკვნესდება
ზოგჯერ გული — სამიზნე ტირის,
ვალღებ და ვხურავ
ფიქრის სარკმელს და ისევ ვალღებ...
წვიმებისაგან
დაცხრილული სიჩუმე ტირის
და ფერწასული
ენირება ჟამთასვლის ტალღებს.

ვისკენ გავიქცე

მე სიხარული მყოფნის
სულ ორად-ორი წამის...
გოდება წუთისოფლის
ფრთებად გაიშლის ღამეს.
უქარო დღეშიც სულ ქრის, —
ცხოვრებას ვუცქერ იჭვით...
მადლობელი ვარ უფლის,
ტანჯვის რო მომცა ნიჭი!
ნათელს ვერ ხედვენ ჩემში,
ვით მოკაშკაშე ცის ფსკერს...
მსხვერპლს მითვალთვალებს ემმა,
ვისკენ გავიქცე, ვისკენ?!

გაზაფხულმა ამაყვირალა

ვით მერცხლის ბუდე,
შენს თბილ მკერდზე მე ვარ მიწნული!
ხარირემივით გაზაფხულმა ამაყვირალა.
ჩემი ვნებებიც ვერ იქნება თავდადრეკილი.
ჩიტივით დაფრენს ჩემი სული
შენი ფანჯრის წინ.
შენ გადამტყდარი სხივი ხარ ჩემში
და რომ დამტოვო, სად ნავიდე,
ვისთან ნავიდე?

ვით მერცხლის ბუდე,
მენს თბილ მკერდზე მე ვარ მიწნული!

ცის, ნისლიან ცის
ფიქრებს ქარი ცრის.

გალობა ფლეიტა

ცად დამაქროლებდა ოცნების თეთრი რაში,
ზეციურ ტაძარში ვიხილე უფალი.
მზის დისკო თავს ედგა ოქროსფერ
გვირგვინად...
არ მახსოვს მის ახლოს საიდან აღმოვჩნდი...
ბუდე მომაჩეჩა მოცარტის ფლეიტის,
შიგ გული მიძევსო — სავანე მუზათა.
.....
მინად ვეშვებოდი, შეინძრა ფლეიტა,
აჟღერდა ფლეიტა ჯადოსნურ ჰანგებად...
ვერავენ ხვდებოდა, ჩემს თავს რა ხდებოდა, —
ბაგეებს წყდებოდა ლექსთა ჩანჩქერები.
კვირობდა ელიტა... კვირობდა ელიტა...
ცოტა ამაყი და ცოტა დაბნეული.
ცის და მიწის შუა დაფრენდა ფლეიტა,
გალობდა ფლეიტა, ფლეიტა —
ღმერთის გული!

ვინ ჩამახედებს?

მზე სათნოების გულს წავიკიდე,
გზა უღმერთოთა — ჯოჯოხეთია...
რაც არ ჩანს, მასში ძალაა დიდი,
და ღმერთს ედაო — მეტისმეტია!
ერთ დღეს ყველანი აღვესრულებით
(ბედ-უბედობა ორივე ბედია!..)
თუ პეპლებივით ფრენენ სულელები,
სიკვდილზე შიში სულ ზედმეტია!
დრო მენურება მინაზე მოცდის,
მოკვდავს სიცოცხლე მუდამ მწყუროდა...
ვინ ჩამახედებს უსუსურს, ცოდვილს
ნათლის წიაღში საიდუმლოთა?

წუთი სდევნის წუთს
და ვარსკვლავთა გუნდს
მზე უხუჭავს თვალს.
ვინ გადუხდის ვალს
ცის დედოფალს — მზეს!
ფიქრს მივეყვები ზე...
ველარა ვწყვეტ თვალს
ჩემი ბალის ზვარს.
ტანს მიითრევს რუ, —
ებრძვის სიკვდილს — რულს!
სადღაც თოვს და წვიმს
ვინ აკვნესებს სიმს?!
გულს — შეწირულ კრავს —
უშენობა კლავს!..

და მეჩვენება


თითქოს სიცოცხლემ ფრთები დახარა, —
შიშით მოველი დღეებს ხვალინდელს,
გულს არაფერი აღარ ახარებს,
აღბათ, ცოტაც და... უნდა გავფრინდე!...
ქრიან ქარები უამინდობის, —
მალე ჩამოვა ზეცა ავდრებად...
გადამჭნარია: ტყე, მთა, მინდორი
და მეჩვენება — სულიც ქვავდება.

ლოდინი

დარდი აუტანელს მადგამს უღელს,
გული ცივი ხდება ლოდვივით...
ყოველს წამიერად ბოლოს უღებს
ლოდინი, ლოდინი, ლოდინი!
ღამის მოჩვენება: მიწის ხმები,
შავი ლანდების ხეტიალი...
თითქოს მთვარის შუქზე იწვის, დნება
ჩემი ბავშვობის ხე, ტიალი.
ყველგან ღალატი და გაცურება, —
რჩები ცარიელი კოდვივით...
მუდამ იმედების გაცრუება,
ლოდინი, ლოდინი, ლოდინი!
უკვე სამოცდაათს მივატანე,
და ვგრძნობ, მითვალთვალებს სიკვდილი...
ქარი მთლად შიშველი მიტანტალებს
გზებზე, სუსტი და ფერმიხდილი.
ვიდრე მომესმება ციდან ზარი,
ვივლი ასე გულდაკორტნილი...
ყველაფრის თავი და ბოლო არი
ლოდინი, ლოდინი, ლოდინი!

ვარ უზომოდ გულწრფელი

ქუსს, მზეს ადევს ბორკილი,
ელვა გზას ინახევრებს...
ზურგის ქარი მომკვივის,
მწარე წარსულს მახსენებს.
რომ არ ელი, ო, მაშინ
იგრძნობ გზების ცვალებას...
აღბათ, ბედის კრთომასში
ბევრი რამ იმალება!
გული რჩება უცვლელი,
მუდამ დაუწყურები...
ვარ უზომოდ გულწრფელი
მაშინ, როცა ვმუნჯდები!



ზურაბ ჯიხიაშვილი

ჰე, სანათიო!

მამაო

სოფელში, ღვთისმშობლის შობის სახელობის ეკლესია რომ დაანგრეეს, ტაძრის მოძღვარი მამა როსტომი, ბიძაშვილის ქმარმა — „ჩეტირბესომ“ შეიფარა თავისთან, სახლში.

ღონიერი და გონიერი კაცი იყო ბესო.

ერთხელ, მარცვლეულით სავსე კოდი ოთხმა კაცმა ვერ ასწია. მისულა ბესო, უზარმაზარი, უთქმელი, უჭმური.

ჰოო, დიდხელემა.

— გადდაიკარგეთ!

შემოუჭვდია მკლავები ნაბლისფრად აპრი-ალეზულ, ცალყურმოტეხილ კოდისთვის და ციმ-ციმ შემოუდგია ურემზე.

კახეთის ამბავი არ იცი? ყველას ზედმეტი სახელი აქვს — სახასიათო!

ამის მერე, მისთვის ბესო აღარავის დაუ-ძახია. დიდი და პატარა „ჩეტირბესოდ“ მოიხსე-ნიებდა.

ეყოფმა რომ ოყები მოუშვა და ქვეყანა ცო-ტათი მიწყნარდა, წვერდამოკლებული მამა როსტომი კვლავ გამოჩნდა სოფელში — ტაძრის ხავსიანი ლოდებით აგებულ, კოლმეურნეობის კანტორაში მოეწყო დარაჯად.

* * *

ზამთრის ერთ ყინვიან საღამოს, თოვლიანი ფეხების ბრაგუნით, მამაომ აივანი გაიარა და

სახეგაბადრულმა კარებში შეაბიჯა. გრძელი მოსასხამის კალთებიდან თოვლი ჩამოიფერთხა. დამხვდურთ თვალი მოავლო და უბიდან, მუქტყ-ავისყდიანი ნიგნი გამოაძვრინა.

სამფეხაზე მჯდარმა ბესომ ნალდის ტარის თლას თავი ანება და მუხლზე მუშტდაყრდნო-ბილმა, გვერდულად გამოხედა მოსულს.

თებრომ, მისმა მეუღლემ, საფეთქელთან ჩამოშლილი თმა მოჩითულ თავშალში შემალა.

ინტერესით თვალეზანთებული ბალები ქრაქით განათებულ მაგიდას უსხდნენ. ხუთნი იყვნენ — ოთხი ბიჭი და გოგო.

ღუმელის ქრილიდან გამოსული სინათლე, კედელზე გადღაბნილ ჩრდილებს ათამაშებდა. ოთახში ცეცხლისა და გახუხული პურის სურ-ნელი იდგა.

— ვივახშმოთ! — ჩაიბუბუნა „ჩეტირბესომ“ და კალთაში მოგროვილი ბურბუშქელა ღუმელთ-ან მიყარა.

* * *

ყინვით მოკრიალებულ ცაში, სავსე მთვა-რეს თოშის გვირგვინი შემოვლებოდა. მხრე-ბამოყრილი „ჩეტირბესო“ ორივე ტორით მო-ჯირს დაყრდნობოდა — ცივგომბორს შეფენილი სოფლიდან, მკრთალი შუქით განათებულ ალაზ-ნის ველს გადაჰყურებდა.

ფართოყელიანი თუნგიდან, ორთქლადე-ნილი თბილი წყალი ყრუ ჩხრიალით ესხმებოდა აივნის ქვემოთ, მოიისფრო თოვლს.

— როსტო! — ჩუმად თქვა თებრომ და თუნგს მეორე ხელიც შეაშველა.

— მამაო! — შეუსწორა მამიდაშვილმა.

— კაცოო, ე ბალები რასმე შარს არ გად-ამიყარო! — შენიშვნას ნაუყრუა ქაღმა.

— ჰე, შენი გამკვირვებია, ნიგნაძიანთ ქალო! ნიგნმა შავაშინა? — ღიმილჩამდგარი თვა-ლი სიძისკენ გააპარა — ნუ სდარდოფთ, „ვეფხ-იტყაოსანია“!

ხელსახოცით ხელები შეიმშრალა და ისე, ბე-სოსკენ მიტრიალდა.

— რალა დაგიმალოთ და ბიბლიის მოტანა მინდოდა. მაგრამ, ვიფიქრე, ბალები კლასში იტყვიან, ფათერაკს რასმე დაგაჰყრიან ეს ცო-ფიანები-მეთქი. მიტომ, „ვეფხისიტყაოსანი“ ნამოვიღე. ესეც ბიბლიაა! ოლონდ, ნაკითხვა უნდა! მა, ბალებს უღმერთოდ, უსიყვარულოდ ხომ ვერ დაიზრდით?!

— სხვები თუ ზდიან?

— არა, ჩემო დაო! — სველი ხელსახოცი გამონვდილ ხელზე გადაჰკიდა ბიძაშვილს — აღ-ზდა და გაზდა სხვადასხვაა!

იმ ზამთრის გრძელი, ცივი საღამოები თე-ქვსმეტმარცვლიანი რითმების თავისებური მუსიკით იყო სავსე. უცნაური მრეველი — ვითომ, უგულსისყუროდ მსმენელი „ჩეტირბესო“, ოთხი ჩხირით მქსოველი, მისი უთქმელი მეუღლე თებრო და ხუთი ბავშვი, რომელთაგან უმცროს-მა და-ძმამ კითხვაც კი არ იცოდა, სულმოუთქმე-ლად ელოდნენ მამაოს ნამღერებით ნაკითხულს.

შიგადაშიგ: „იანზე რა ძიავ, იანზე რა!“

— მამაო! — თვალებდაბრიალებული გადახედავდა ასმათივით თითითმახვეწნართ; თავს გადაიქნევდა და წაკითხულს განმარტავდა.

გარეთ ყინვა ბაბანებდა. ლუმელში შეშა ტკაცუნობდა. თბილოდა.

და

„კაცი ჯაბანი რითა სჯობს, დიაცსა ქსლისა მბეჭველსა!“

სჯობს სახელისა მოხვეჭა, ყოველსა მოსახვეჭელსა!“

— ჰაი, გადი! — დროდადრო, მუხლზე მუშტს დაირტყავდა „ჩეტირბესო“ და გრძობის გამჟღავნებით დარცხვენილი, ცულის ტარის საქმიანი თლით ემალებოდა მისკენ მოპყრობილ, გაღიმებულ თვალებს.

* * *

მაინც ვერ გადაურჩა მამაო „ცოფიანებს“. სექტემბრის მინურულს, ღვთისმშობლობა ღამეს, კოლმეურნეობის კანტორის დანვის მცდელობის ფაქტზე დააკავეს მამა როსტომი — შენობის კედელში ჩაყოლებულ საკურთხევლის ლოდებზე ანთებდა სანთლებს.

ეს ამბავი, შემოდგომით მოხდა.

კვლავ ხვავრიელი ზამთარი მოვიდა კახეთში.

კვლავ დაემგვანა გადათეთრებული ალაზნის ველი, მდინარის გაღმა-გამოღმა ვენახებით, დიიდ, გადამლილ წიგნს.

მამაოს „საქმეში“ მონმედ გასული ბორენი, „ჩეტირბესო“ ისე დატორა, ისე დაბუბნა, გაზაფხულამდე წელი ვერ აათრია.

— მაგისი ცხენი, ჩემ ყანაში გადასულიყო! — ო, — ასე უთხრა, ბორენის, გმინვა-ყვირილზე მოცვენილ მეზობლებს.

— „ჩეტირბესო“! რა ყანა, კაცოო, ამ ზამთარში?

— ყანა ზამთარშიც ჩემია და ზაფხულშიც! — ო, დინჯად, დამარცვლით უთქვამს ბესოს.

ფეხზე წამომდგარი დამსმენი სოფლიდან აყრილა და სადღაც სოღანლულში, თუ ნავთლულში გადასახლებულა.

სკოლა

ფრიდონს — ფიდოს, სანიმუშო დისციპლინა ჰქონდა კლასებში. „ნაკოლკიანი“ „სკოიბიჭებიც“ კი, გასუსულები ისხდნენ ნაადრევად გაჭადრაკებული, 1924 წელს გაციმიბრებული მასწავლებლის გაკვეთილებზე.

მთანმინდიდან ნიავმა დაუბერა. ბებერი აკაციის წვრილი, ყვითელი ფოთლები კანკალ-ფარფატივით დაეფინენ სველ, მოკირწყლულ ქუჩას.

— ეეს! — ო, ამოიოხრა ფანჯარასთან მდგომმა ფიდომ. ხელჯოხი მეორე ხელში გადაიტანა; კოჭლობით, მაგიდიდან ცარცი აიტაცა და

უსაშველოდ გრძელი ფორმულა სადღაც, დაფის კუთხეში დაამთავრა.

ის-ის იყო, ახალი გაკვეთილის ახსნას აპირებდა, რომ რძისფერფანჯრებიან, ლურჯი კარების მიღმა, წვრილი, მაღალი სილუეტი აიტუზა.

— ც! ც! კ! ლ! — ტალღასავით გადაურბინა კლასს.

„ჰმ, ციკლოპა!“ — გაიფიქრა მასწავლებელმა და სათვალე ცარციანი თითით გაისწორა.

„ჰმ, ფრიდონა!“ — გაიფიქრა ტყავის ნაჭრით თვალახვეულმა დირექტორმა და შუა კარებში ჩადგა.

ატყდა შავი მერხების, ასაკეცი ფრთების ბრახუნი. ჯარისკაცებივით გაჯგომიული მონაფეები ცალთვალდაბლვერილს მიაჩერდნენ.

ტურჩის კუთხიდან, ღანვისკენ გაქცეული ქრილობით, დირექტორი მუდამ მომღიმარი ჩანდა. მაგრამ, ბოროტად მბურღავი, ნაცრისფერ-შეპარული ცისფერი თვალი სახის ზედა ნაწილს მოულოდნელ სიმკაცრეს სძენდა.

— ფიოდორ ნოშრევანოვიჩ! — ერთ დროს, ბარიკადების სხვა და სხვა მხარეს მებრძოლნი სიცივენარევი, ხაზგასმული ზრდილობით მიმართავდნენ ერთმანეთს — ახალი მოსწავლე ჩაიბარეთ!

გვერდზე გადგა და საკლასო ოთახში გრუზათმიანი, საშუალო სიმაღლის ბიჭი შემოუშვა.

— მიდი! — მხარზე უბიძგა ხელებში თუშურქედჩაჭმუჭუნულს — კლასის დამრიგებელი საქმის კურსშია!

— დაც! — თავი დაუკრა მათემატიკის მასწავლებელმა და მოსწავლეს მიუბრუნდა. როგორც ომგამოვლილი თაობის ყველა ყმანვილი, ისიც გამხდარი და უფერული იყო.

— მოდი! — განაპირა რიგისკენ მიუთითა ოდნავ დაბნეულს.

დაფასთან ჩავლისას, ბიჭმა გრძელ ფორმულას ჰკიდა თვალი და თავისთვის ჩაიბურღლუნა: — ნიუტონის ბინომი.

— რაა? — სათვალის ზემოდან გახედა ფიდომ.

— ომარ ხაიამისაა! — უკან არც მოუხედავს, გამოკვებითი, კახური აქცენტით თქვა ახალმა. კლასს მხიარულმა ფხუკუნმა გადაუარა.

დირექტორი ცალთვალდაბლვერილი იდგა.

ცხვირზე ჩამოცურებული სათვალე, ღიმ-ილმეკავებულმა ფიდომ, ცერა თითით გაისწორა.

* * *

— იჰ, ამ ქალს გემოვნება არა აქვს! — ჟანას უხეშ, მამაკაცურ პიჯაკებსა და სქელი მაუდის კაბებზე ცხვირს იბზუებდნენ ქალები.

— უჰ, ირემივით ქალია! — თვალს აყოლებდნენ კაცები.

* * *

— სიუ! ჰეი! სიუ! უსტა! — ბოლო მერხიდან, ვერ ისვენებს აყლაყუდა ბირენაშვილი — უშანგ, ჩვენი ძმა, გამოახედე ეგ ჩემაალა!

უბიძგა წინმჯდომს. თან, ცალი თვალი ფი-

დოსკენ ეჭირა.

– იუზარ! ქუდი გამოუშვი აქეთ!

„ქუდის“ ამბავი დასვენებაზე გაირკვა, სკოლის უკან. ახალი მოსწავლე გამხდარი კი იყო, მაგრამ სოფელში გაზრდილს ღონეც მოსდევდა და არც მხდელი გამოდგა. „ბეჭყირაზე“ წამოღებული აყლაყუდა ისე გააკრა მინას, რომ სუნთქვაშეკრული, თევზივით აფჩენდა პირს.

– შაილონდი, ჯო? – ისეე თვითონ იმარჯვა გრუზათმიანმა. დაცემული, ძალით წამოაყენა ერთი სამჯერ ჩასვა და გამართა. ბორენაშვილმა სული მოითქვა თუ არა, ლოყაზე სილა იტკიცა:

– ჩემი სიყრმე მოკდეს თუ მე, ეს შეგარჩინო!

ქამარში ცერებჩანყობილი ახალი, უდარდელად ილიმებოდა.

– სადაც შენი დაიკვებნო, იქ ჩემიცა სთქვიო!

– რაოო?

* * *

– თქვენ, ახალგაზრდებს, კომკავშირლებს, სამშობლოს ღირსეულ მომავალს, უნდა გახსოვდეთ, რომ უფროსები, ეს იქნება მასწავლებელი თუ პარტიული ხელმძღვანელობა, შეიძლება ზოგჯერ მკაცრებიც იყვნენ. მაგრამ ეს ჩვენივე კეთილდღეობისთვისაა აუცილებელი! – ჟანა ტკეპნით მოუყვებოდა ქრესტომათიულ გეგმიურ მასალას. ხანდახან, სადღაც ბოლოდან, კამათლის რანკუნი არღვევდა სიჩუმეს – ხელმძღვანელი ამხანაგებისადმი შიში და მორიდება, თავიდან, მონესრიგებულობასა და დისციპლინას, ხოლო შემდეგ, შრომისმოყვარეობას ბადებს რაც, საბოლოოდ სიყვარულში გადაიზრდება ...

– ჰეე, ვილაცამ მამა ვადამისახლოი, მცემოი და იმაი შევიყვარეფ?

მოულოდნელობისგან, კამათლის ხმაც კი შეწყდა. ჟანამ, თავის გადაქნევით სქელი, შავი თმა უკან გადაიყარა. „ეს ბიჭი ყოველთვის არ უქცევს კუთხურად?!“ – გაიფიქრა დაბნეულმა. ვილაცას სიცილი წასკდა.

მერე, მხიარულებამ მთელი კლასი მოიცვა და ზარიც დაირეკა.

* * *

– Жанна Ашотовна твои опять подрались!

– ლუდის საფუარით დამრგვალებული თეძოების ხვანხვალით, სამასწავლებლოში, 40 წელს გადაცილებული პიონერთხელმძღვანელი შემოვარდა.

– Какие мои? – სამასწავლებლოს გრძელ მაგიდაზე, ბროლის დიდ საფერფლეში, პაპიროსები ბოლაგდა.

– А вот, ამ ქახელომ опять побил этого бедного Боренова, мол говорит, დირექტორს რათო უთხარი!

კლასის დამრიგებელი ბორენაშვილს დასანახად ვერ იტანდა. ჟანას დიდი ძალისხმევა სჭირდებოდა, ამ სიძულვილის დასაფარავად.

– Ума не приложу, ეს ასეთი ფათარა. а он верзила такая? – ქოთქოთებს წითელ ყელსახვევიანი, თმაშევერცხლილი კლარა.

ერთხელ, ტრამვაიში, მაღალმა, მხრებში მოხრილმა ყმანვილმა მოურიდებლად გაუხსნა ჩანთა მოხუცებულ ქალს. დამფრთხალი მოხუცი ამოდ დაეძებდა მშველელს.

– რასაა, რომ ბედავ, შენ? – ჟანა მაჯაში სწვდა ახალგაზრდას – პატრონი არ გყავს? სალახანავ, შენ!

მკლავში აუტანელი ტკივილი იგრძნო. იმავ დროს, ყურთან სისინი გაიგონა:

– შენ, ვინ გეკითხება! შენ, ვისი ტიკი-ტომა-რა ხარ!

ჟანამ კეპის ქვეშ შემალულ სიყვითლეგადავლილ პატარა, ზეთიან თვალებს მკლავი გამოგლიჯა და გაშლილი ხელი სუფთად გაპარსულ, ოთხკუთხედ ღრანჭში გაუჭახუნა.

ვაგონი ცივმა სიჩუმემ მოიცვა.

სუფთად გაპარსული, ოთხკუთხა ნიკაპი მიტრიალდა და

– აქაც დაარტყი, ცავატანემ! შენი ხელი ტკბილია!

1 სექტემბერს ახალი სკოლის სადამრიგებლო კლასში შესულ ჟანას, ბოლო მერხზე, უტიფრად მომღიმარი ყმანვილი ქურდი დაუხვდა.

– Вы учительница. должны по педагогически отнестись к парню. გუშინ ომი იყო. Вокруг голод, нищета. Кто как может так горбатит. Тем более, он дисциплину поддерживает и с его помощью, я всегда в курсе что творится в школе! – დირექტორმა.

დაღებული პირი აღარ უცინოდა. სამაგიეროდ, ნაცრისფერშეპარულ ცისფერ თვალში, ირეოდნენ ჭინკები.

* * *

– აბა, ახლა ჩვენს ახალ ამხანაგს მოვუსმინოთ! – შემდეგი გაკვეთილის ახსნა დაამთავრა ჟანამ და სახალისო ამბის მოლოდინში, ცარციანი ხელი უდარდელად აიქნია – გვიბრძანე ერთი, იქ თქვენთან, როგორ ასწავლიან „ვეფხისტყაოსანს“?

ბიჭი მძიმე-მძიმედ წამოდგა.

– შოთა თვითონ გვასწავლის, მასწავლებლო!

– რას გვასწავლის?

– დიდი წიგნის კითხვას გვასწავლის, პატ. მასნ!

– თორე პტრ წიგნები სუ ჩაბულებული გააქ, რა! – ვილაცამ, წანვრილებული ხმით იანგლა. ჟანას არც გაღიმებია. მშვიდად მიმოდიოდა დაფის წინ და ყოველ ჩავლაზე, ცარცს ადგილს უცვლიდა.

– „სმენით გესმოდეს და არა გულისხმა – ჰყოთ, ხედვით ჰხედვიდეთ და არა იხილოთ!“ ნათქვამია ესაი... დიდ წიგნში! – თავდახრილი, ხელისგულით მერხზე რალაცას შლიდა – შაირს, ნანერს იქით კითხვას გვაჩვენებს რუსთველი!

საკლასო ოთახში მხიარულებაშეპარული, მოვარდისფერო სიჩუმე დაგუბებულიყო.

– მცემოსო, დამიჭიროსო! ის როგორღაა, შიშზე და სიყვარულზე? – ჟანამ კლასს თვალჩაუკრა და თავის გადაქნევით ბიჭზე მიანიშნა.

თავგაღუნულმა, წარბებქვეშიდან გამოხედა მასწავლებელს. შეუმჩნევლად ჩაიღიმა და გა-
ნაგრძო:

— შიშ-სიყვარული, თან სდევდა ამ სოფელში მოსულ ადამს... — ნაძალადევად ჩაახველა — ადა-
მიანს!

— რა შუაშია, პირველყოფილი, გამოგდებ-
ული ადამი? — კომ. უჯრედის აქტივისტი იყო უშანგი.

— ჰმ, პირველყოფილი! — ოდნავ თავმი-
ბრუნებულმა, კოპებშეკრულმა ჩამომარცვლა — ბიჯო! ეგა, ყველაფერში, ყველაზე მეტი იყო! არც არავის გამოუგდია! ცოდვით მაღლგაცილებ-
ულმა, თითონ ველარ გასძლო, დიდ ნათელში....

— ეგეც „ვეფხისტყაოსანში“ სწერია? — კრი-
ჭაში ედგა უშანგი.

— ჯიგარო! — უკანა მერხისკენ შებრუნდა ბიჭი — იქ, ყველაფერი სწერია. ოღონდ, წაკითხვა უნდა! „მაშინ ვერ გავძელ სიახლე, ან, სიშორ-
ვესა ვინანი!“ ეს, ხომ ადამის სიტყვებია!

ოქროს მედლის კანდიდატი უშანგი — „ე, ე, ე!“ — ო, აწრიალდა. მაგრამ, რაღაც ვერ გაიხსენ-
ა. „ავთანდილი!“ — ისე თქვა ბიჭმა, მარტო მას რომ გაეგონა. მან კი, მერხის საკალმედან კალმ-
ისტარი წერვიულად აიტაცა და სამელნესკენ, ისარივით ისროლა.

შუშის სამელნეში, საცოდავად დაინრიპინა 11-მა კალამმა.

— ვისაც ამბავი აინტერესებს, — განაგრძო დაფისკენ მობრუნებულმა ბიჭმა — ძაან კარქათ ბრძოლობს ავთანდილი. მარტოკაცი, ამოტოლა ჯარს უმკლავდება!

კლასს გადახედა.

— იმას, უფრო დინჯათ, განმეორებით ნაკითხვისას აღმოაჩენს კაცი!

— რას „იმას“?

— რაც, პირველად კითხვისას, თვალმა „ამ-
ბავს“ გადააყოლა. მაგალითად „მართლად იტყ-
ვის მოციქული“-ო!

და კახურად მოუქცია :

— კაცი ომშია. მოციქულ რა უნდა იქა, ო!

დაგუბებულმა სიცილმა აიარ-ჩაირა რიგებ-
ში. ბოლო მერხზე გადათხლაშულმა, პირლიად მძინარე ბორენაშვილმა თვალი გაახილა. უაზ-
როდ მიმოიხედა და კედლისკენ გადაბრუნდა.

სამასწავლებლო მაგიდას დაყრდნობილ ჟა-
ნას გაშლილი მარცხენა ხელი მაღალ მკერდზე დაესვენებია და გაფითრებულს, თვალები კარისკენ გაურბოდა.

ბიჭი, ფანჯარაში, ბებერ აკაცისა უყურებდა. უეცრად, მათი მზერა ერთმანეთს შეხვდა.

— დამარცხებულებს ავთანდილის რომ ეშინ-
იათ, ეგ არაფერ შუაშია. აქ, მაღლის დაკარგვის შიშზეა საუბარი. „არას გარგებს ძლიერება, თუ არ შეგწევს ღმრთისა ძალი!“ იოანეც, მიტომა ნახსენები...

— იოანე, ვაფშე არ არის ნახსენები!

— იოანე, სიყვარულის მოციქული, იგულისხ-
მება! — წამოიძახა ამ მერხის მენყვილე გოგომ და შეშფოთებულმა, მომუჭული ხელი ტუჩებთან მიიტანა.

ბიჭი დაჯდა. ისევე, აკაცისა გახედა და თა-
ვისებურად მოუქცია:

— ვისაცა სცხებია, ანდა მაღლშემოსილი უნახამს, ჰეე..

* * *

ზარი კარგახნის დარეკილი იყო, ფიქომ კარები რომ შემოალო. გაოცებული, ზღურბლზე შედგა და გასუსულ კლასს, სათვალის ზემო-
დან გადახედა. ჟანამ დამნაშავესავით გაუღიმა. მაგიდაზე მიმობნეული რვეულები წამოკრი-
ფა და ვიდრე საკლასო ოთახიდან გავიდოდა ხმამალა, უმისამართოდ თქვა:

— შემდეგ გაკვეთილზე „ლოცვა ავთანდილისა“-ზე, ვიმუშაოთ!

* * *

გვერდით მჯდომმა, იდაყვი გაჰკრა კოპებ-
შეკრულს:

— მთელი „ვეფხისტყაოსანი“ ზეპირად იცი? — შავგვრემანი ეშხიანი გოგო იყო, ორი ნაწ-
ავითა და ბრიალა თვალებით. ბიჭმა გაუღიმა და ტუჩებგადრუნჩულმა, საქმიანად გააგრძელა ქამრის ბალთის პრიალი. გაკვეთილების მერე, პირველი სკოლელებს ხვდებოდნენ — დიდი ლახტი უნდა გაეჩალებით.

* * *

სუსხიანი ქარისგან შეწუხებულმა ჟანა აშო-
ტოვანამ გზა შეიმოკლა — ხუთი, სველი საფეხური აიარა და სკოლის შენობის გვერდითი კარი ჭრი-
ალით შეალო. კიბის უჯრედი ერთი წამით გა-
ნათდა. მერე, „ბრახ“! და სადარბაზო ისევე ჩაბ-
ნელდა.

— გილოცავთ, მასწ!

ხელმარცხნივ, კორიდორში მდგომს, სინა-
თლე ზურგიდან სცემდა. მხოლოდ, ბურქად დაყ-
რილი ქოჩორის გარჩევა შეიძლებოდა. ჟანამ სიბნელეს თვალი შეაჩვია და მისკენ გამონვდილ ხელს დახედა. საიდანღაც, გამომსხტალ სინათ-
ლის სხივზე მუჭში მოქცეული ყოჩივარდები ბრდღვიალებდა.

— ია-იებია, პატ. მასწ! აქ, აგრე ეძახიან. ჩვენ-
თანა კიდე პაპისყვ...

— ვიცი, რაც ჰქვია! — გვერდზე გადაიხარა. შეეცადა, სახე გაერჩია — რას მილოცავ, ბიჭო? რვა მარტამდე ჯერ ერთი კვირაა?

— გაზაფხულის პირველ დღეს გილოცავთ, დარეჯან მასწავლებლო!

— რაა? — დაზაფრულმა კიბეს ახედა.

— დღეს პირველი მარტია. გაზაფხ...

— ვიცი, ვიცი! მაგას არ გეკითხებია! — კო-
რიდორშიც არავინ ჩანდა.

— ააა! ჟანა-ჯანა-დარეჯანა! — წამლერე-
ბასავით გაისმა სიბნელეში.

— სუუ! ჩუუ! ღვთის გულისათვის! — სასო-
წარკვეთილმა ჩაიჩურჩულა და უკუსვლით, კი-
ბისკენ რამდენიმე ნაბიჯი გადადგა.

დაბნეულმა ბიჭმა ყვავილების გადასაყრე-
ლად ხელიც კი მოხარა.

„ვინმე იპოვნის და გამოიძიებენ!“ —



გაიფიქრა ქალმა. ყვავილების კონა ხელიდან გამოგლიჯა, ხელჩანთაში ჩაჩურთა და კიბეს, ლამის სირბილით აუყვია.

* * *

ქარს აყოლილი ღრუბლებიდან, ხანდახან მზე გამოანათებდა და სამასწავლებლოს ფანჯარაში სინათლის სვეტად ეშვებოდა.

მაგიდაზე მიგდებული ხელჩანთიდან, ჭიკაყვლებივით დაგრეხილი, ყვავილების ღეროები მოჩანდა. დაღლილ-აფორიაქებულმა ჟანამ რვეულების სწორებას თავი ანება და სახე ჩანთასთან მიიტანა. Красная Москва-ს სურნელს ტყის არომატი შეპარვოდა.... ანაზდად ყოჩივარდების კონა აიტაცა და სარკმელთან, შინდისფერი ხავერდის შტორს ამოეფარა.

თოვლიანი მიწის სუნმა გააბრუა.
ეს, ერთი წამით.

შეშფოთებულმა სამასწავლებლოს თვალი მოავლო, ყველა თავის საქმით იყო გართული. დამშვიდდა. გაელიმა. თვალეები დახუჭა და სახე ყვავილებში ჩარგო.

გაზაფხული.
სერზე ტყის პირას, გადახნული ანეული.
დედა და ბებო ღობესთან, მოღზე სუფრას შლიან.

მამა და პაპა გუთანს ხსნიან.
დაუღლული ხარები მორჩილად დგანან.
კუდეებს იქნევენ და დიდრონ.

თვალეებს აფახუნებენ.
ხანდახან ნიავი დაუბერავს და ოხშივარადენილ, შავ ბელტებს ტყემლის თეთრ ყვავილებს გადააყრის.
სიმწვანისა და მიწის თბილი სურნელი....

— გვიანობამდე შემორჩენილხართ! — ფრიდონმა ხელჯოხი მეორე ხელში გადაიტანა და საათს დახედა — ალბათ, მორიგე ხართ ჟანა აშ....

— დარეჯანი! — პაპიროსიანი ხელი აიქნია ქალმა. ზურგით ფანჯრის რაფას მიეყრდნო. წვივი წვივზე გადაიდო და „ლუქსის“ „პოლუსაპოშკის“ ჭვინტი, ნავთ-ნახერხიან იატაკს დააბჯინა.

ზედმეტ კითხვებს არც „იქ“ იძლეოდნენ და არც აქ იყო მიღებული. ფრიდონმა დაცარიელებულ სამასწავლებლოს თვალი მოავლო, კარისკენ გაიხედა და ნაძალადევად გაღიმებულ, თვალცრემლიან ქალს ჯოხის კაკუნით მიუახლოვდა. სათვალე გაისწორა და კედელზე ჩამოკიდებულ, ქანქარიან საათს ჰკითხა:

— მამას შოთა ერქვა?
კარგა ხანს ჩუმად იდგნენ.
— როგორ შემოიტანა „ლაგერში“... — მხრების აჩეჩვით, ნანყვეტ-ნანყვეტ ამოთქვამდა კაცი — გაყვითლებული ... გაცრეცილი... სამნი... შენ, შუაში! — ჯოხიანი ხელიც ასწია თავს უკან, დიდი ბაფთითო.

ქალს ცრემლი სდიოდა. კაცს, დროდადრო, ხელჯოხი მეორე ხელში გადაქონდა და სათვალეს ისწორებდა.

ღრმად დაფიქრებული მაკარენკო, შენუხე-

ბული იყურებოდა კედლიდან.
— იქ ერთი, ყოფილი მღვდელი იყო... უფრო სწორედ, მღვდელი. ეს, ბავშვიც ისე ლაპარაკობს...

„კაცი არ ყველა სწორია, დიდი ძეს კაცით კაცამდის!“
— კი, გხედავდით კარებთან....

— არა! ეს, ერთი-ორჯერ! შემთხვევით! — სათვალისკენ წაიღო ხელი — ისევ, ორიგინალური მეთოდია!

— პედსაბჭოზე კი გამომლანძღეს დაა...
კაცმა, შეშფოთებულმა გადმოხედა სათვალის ზემოდან.

— არა! ეგ, არც მიფიქრია! ვიცი, ვინც დამაბეზლა! ეს, — ქალმა დირექტორის კაბინეტისკენ გაიშვირა ცერა თითი — ბავშვებს რყვნის, „დანოსებს“ აწერიებს!

სტალინი, მკაცრად იყურებოდა. ძერჟინსკი ეჭვით უმზერდა სტალინს. ლენინი ეშმაკურად, გვერდულად იღიმებოდა. ფრიდონმა გადმოქანებულჩარჩოიან სურათებს ახედა და იდუმალი ხმით თქვა:

— ცოტაც, ჩემო კარგო, ცოტაც და იქიდან, იმდენი კარგი ხალხი ჩამოვა....

კედლის საათს გახედა.
— არა, ზოგი კვაჭი, იქ ყოფნასაც ხეირად მოირგებს. მაგრამ, ბევრი ღირსეული, ტანჯვანამებაში განწმედილი, მაღლმოსილი ადამიანი დაბრუნდება!

სათვალე გაისწორა. თვალი, სტალინისკენ გააპარა.

— კი, დიას! სულიერი მოთხოვნები შეიცვლება! სიმართლე აღარ დაიმალება! შემთხვევითი ხალხიც — თვალი მოჭუტა და პირი მოღრიცა — ველარ იბოგინებს! ხო, იცინე, იცინე! მაგრე იქნება, ზუსტად!

* * *

ბინდი შემოპარულიყო სოლოლაკში. დროდადრო ქარს ოქროყანიდან თოვლჭყაპი მოჰქონდა. მაკინტოშსაყელოანეული, ხელჯოხიანი კაცი და ორენბურგის „პუხოვკა“ მოხვეული ყოჩივარდებიანი ქალი, ნელი ნაბიჯით მიუყვებოდნენ სველ, მოკირწყლულ აღმართს.

— Ух недотрога. Чем я ей не угодил?! — ოდნავ ფარდაგადაწეულ სკოლის ფანჯრიდან — Сука! Контра! Эдрена мать!...

ქარი ქროდა.
წვიმდა.
ბნელდებოდა.
მთანმინდისკენ აღმართს ბედნიერი წყვილი მიუყვებოდა.



ნათია

ხორბელიძე

მახსენდება და...
მაგიდაზე იწყებს ბორიალს —
მელანი — ლურჯი და
თაბახის თეთრი ფურცელი...
სახლის წინ ბაღია,
ახლა თუმცა ჩემგან შორია,
ვგრძნობ ასტკივნიათ
ატმის ტოტზე კვირტებს მუცელი.

აგიზგიზებულ მზის აცეკვდა შინდზე ალები,
ძველ ნანგრევებზე
სარეველას ფესვები მყარობს.
მე აქ გასარკულ ვიტრინებთან
მრჩება თვალები,
ჩემს სოფელში კი ჯეჯილივით
ღელავს სამყარო.

მომენატრება ის, რაც ახლა გავშალე პანოდ,
იმ მონატრების, სნეულივით მენვის იარა,
პირველ ქუხილით დაანვიმა აქ ალბათ ყანობს
და ჩემს ბაღიაში გაზაფხულად იმშობიარა.

არია

ლამე უმღერის მთვარეს არიას,
სხვა გამინათებს ჩემს წილ ცის ტატნობს,
შენგან შორს ყოფნა დღეს — მიხარია,
ხვალისთვის ისევ შენივ თავს ვნატრობ.
თუ ჩემი ვგრძნობა — შენთვის ბარგია,
ოქროს — სპილენძის დამიდე ფასი,
თუ ჩემი ლექსი, შენ არ გარგია,
თუ თვლი მე — ერთი და შენ ხარ ასი.
ნუ ემსხვერპლები გულისტქმა-ნადილს,
თავისუფლების გაძღვევ ქარტიას,
მარტო ვიმღერებ, იმ „სხვასთან“ ნადი,
ჩემია მხოლოდ გედის პარტია.

ჩასძინებია ჩემს სარკმელთან
ლამეს ნამთვრალევს,
გულს ახლა უფრო,
შენგან ლექსი
მოეფონება,
სამყაროს სამდურ სათქმელს,
მითხარ, კარგო, რა დალევს,
მებადურივით გავიხადე რითმა — ქონებად.

გადავუღლივარ ნუთისოფლის
„მდგმურთა“ მონებას,
ეზოში ალვას — შუბლით ზეცა შეუღენია,
გავქვავდებოდი! მარტო ჩემი რომ იყოს ნება,
სასალამურე ახლა ლერწმის,
ნედლი ლერწი ვარ.

ჩასძინებია ჩემს სარკმელთან,
ლამეს ნამთვრალევს,
უფოთლო ალვას, შუბლით ზეცა შეუღენია,
კარწინ, ეზოში დაულიათ პირი ნაპრალეხს
ღობეს მიკრული უიღბლობას
მოსთქვამს მზენვია.





გოგა გუგუა

(პიზნერი)

ბანცდა

არავინ როდესაც არ არის და ქალი გიგზავნის ბარათებს, ფიქრობ, ის ფრინველი სად არის? ფიქრობ და... ვარსკვლავი ანათებს. ციხეში უცნაურ შეხედვას აღიქვამს კედელი „სირისტის“ ... არ ვიცი, ვინ არის, საიდან, სად არის, ვინ მოვა, ვინ იცდის. ძვირფასო, სახეა ბნელებით და სუნთქვა წაიღო უღელით, უმნიკვლო თვალების მშვენიებით, სადღაც აქ, ნისლით და ღრუბლებით. მაგრამ, მე არ ვიცი, ვინ არის, საიდან მოვიდა, რა უნდა... დაბრუნდა სიცივე მყინვარის, ბავშვური თვალებით დაბრუნდა.

მ....

ტანი ლერწამია ათლილი სიშიშვლით. ოჰ, წუთით მადროვეთ, ოჰ, წამით მიმიშვით...

სხეული თოვლია, ბინდის გარეშეა. ის თვალთ უხილავ სინარნარეშია. ახლა ცისფერ ფერში მგონი, გონიოა... ელზა ყველაფერში უჰარმონიოა. მოვედი ზღვებიდან ამნუთს, ეს წამია. ვამბობ და ვამტკიცებ ტანი ლერწამია.

ტენდა

დაბურულ ბაღის დასასრულიდან, დაბურულ ბაღის... ჩანდა სიშორე იდუმალი მომდევნო სახის. სველი ლირიკა, ვიოლინო და როიალი... იდგა საღამო და ისმოდა ხეთა შრიალი. მაგონდებოდა თებერვალი და როგორც მთვრალი, მიყვარდა უხმოდ, უმიზეზოდ, შეშლილი ქალი...

ანგელოზივით მოდის ხოლმე ლურჯი დემონი. ამბობს: ეგ სული მუზაში მომე! მეც ვფიქრობ, მგონი... და ფიქრი ცდომილი მუზათა მშვენი... მშვენი მაგ ფერის, დემონი ჩემგან მოწყენით მიდის და სული მღერის.

პარიზი

თვალები მსუბუქი ჰაერნოვალისი... მოვიდა საღამო, ოცნება, პარიზი. ამბობდნენ ისინი ვარდები არისო, ისმოდა სისინი... მშვიდობით, პარიზო. გამყვება მის ფერთა ცა როგორ მაქსოვდა... პარიზი შენსავით მეც დამამახსოვრდა.

სანთლები ელავდნენ,
ელავდნენ და რადგან
სანთლები ელავდნენ...
თქვენ გინდათ გვირგვინი
დედოფლის დაგადგან
და სულნი ლელავდნენ.

ძველი ნაგები
ინდრო მექნი,
ამხანაგებო,
ერთი თქვენგანი
მწყევლიდა, მახსოვს.
ვინყებდი ლელვას,
ვისროდი ლასოს,
გეძებდით ყველას,
დღესავით მახსოვს.
ცივა და მე თან
დავინყებ ლოცვას.
ვლამობდი თქვენთან
ყოველდღე მოსვლას.
ცა დამრჩა თქვენგან,
მას თოვლი ვერ ლევს.
სივრცეში ყველგან
მე ვხედავ ვერლენს.

სული ცას მოიარს,
რომ ფრენა გაბედოს.
თქვენ უკრავთ როიალს
ყოველთვის ასეთ დროს.
ყვავილებს მიუტანს
კალათით მთვარეში.
მე ვხედავ იუდას
ამ ფარდის გარეშე...
დაიდრა ხომალდი
და ზღვაა საშიში.
შენს ფიქრებს ამძიმებს
ცისფერი ჰაშიში.
იღვიძებს მგრეველი —
„ინვინო ვერიტას“.
სალამი, იმ პოეტს.
ვინც უკრავს ფლეიტას.

მირანდა

არის წამები,
არის გოდება,
ვის ვესალმები?
ვინ მაგონდება?

არის სიჩუმე
ცასთან მტრობაში.
არის ცრემლები
მარტოობაში.
არის სიცივე,
არის ალები...
არის დიდება,
არის თვალები.
არის დაცემა,
არის მირანდა...
სიკვდილიც, ვატყობ,
დამაგვიანდა.

ყველაფერია,
როცა მტრობაა.
ჩემი მიზანი
მარტოობაა.
არის ლილია,
ოპერა მაგე
და იდილია
და ლურჯი ბაგე
არის წამები,
არის გოდება,
ვის ვესალმები?
ვინ მაგონდება?

ის ქალი...

მე მახსოვს ოცნება იმ ქალზე,
მთვარეზე, ღამეზე, გრიგალზე.
მალვიძებს ყოველთვის ის ქალი,
როს გარეთ მარტოა გრიგალის.
სიზმარი მომართვა ამ ქალმა,
რომ თითქო წამილო გრიგალმა.
წამილო და გაქრა იმ ქალში,
ვით თეთრი ფოთლები გრიგალში.
სახელიც არ მახსოვს იმ ქალის,
არც სახე საშინელ გრიგალის...
მე მიყვარს ოცნება იმ ქალზე,
მთვარეზე, ღამეზე გრიგალზე.



მ. ჯენი

ამაო ხოხოზიხოზა

მისტერ თაუერს ჩენდლერი თავის უბადრუკ საძინებელში გამოსასვლელ კოსტიუმს იუთოვებდა. სანამ ერთ უთოს პატარა გაზქურაზე აცხელებდა, მეორეს მთელი ძალით უსვამდა შარვალს და გულმოდგინედ ცდილობდა ნაკეცი ლარივით დასტყობოდა ლაკირებული ფეხსაცმლიდან ჟილეტამდე. ჩვენი გმირის ტუალეტის დანარჩენი დეტალები შეიძლება არც კი განვიხილოთ. დანარჩენს თავად წარმოიდგენს ის, ვისაც კეთილშობილი სილარიბე მსგავსი ცულლუტობისაკენ უბიძგებს ხოლმე. ცოტა ხანში უზადოდ და ნატიფად ჩაცმული ჩენდლერი თავისი იაფფასიანი სასტუმროს კიბეს ჩაუყვავა. გარეგნობით ის ნიუ-იორკელ მაღალი წრის ახალგაზრდა კაცს ჰგავდა. მშვიდი, თავდაჯერებული, წარმოსადეგი, ოდნავ სევდიანი სახით დღეს სალამო საზეიმოდ გასატარებლად მისეირნობდა.

ჩენდლერი ოცდაორი წლის იყო; მისი შემოსავალი კვირაში თვრამეტ დოლარს შეადგენდა. ერთ არქიტექტორთან ოფისში მსახურობდა და არქიტექტურა ჭეშმარიტ ხელოვნებად მიაჩნდა. მართალია, ნიუ-იორკში ამას ვერ გაამყლავნებდა, მაგრამ გულწრფელად სჯეროდა, რომ ფლეთაირონ ბილდინგის დიზაინი ახლოს ვერ მივიდოდა მილანის დიდებული კათედრალური ტაძრის ხუროთმოძღვრებასთან.

ყოველი კვირის ბოლოს ჩენდლერი თითო დოლარს გადაინახავდა ხოლმე. ათ კვირაში ერთხელ კი ამ დანაზოგით ულმობელი წუთისოფლის მდინარეს რამდენიმე საათს გამოსტაცებდა და ნამდვილი ჯენტლმენის საკადრის სალამოს უწყობდა თავს. მილიონერთა და პრეზიდენტთა რეგალიებში გამოენყოფოდა და ქალაქის იმ უბნისაკენ გაემართებოდა, სადაც ცხოვრება მთელი ბრწყინვალეებითა და სიმშვენიერით ჩქეფდა. შემდეგ კი გურმანის გემოვნებითა და განცხრომით სადილობდა. ათი დოლარი საკმარისი იყო იმისთვის, რომ ცოტა ხნით მდიდარი და ხელგამწილი კაცის ცხოვრება შეეფერებინა. თანხა თავისუფლად ყოფნიდა კარგ სადილს, საუკეთესო ღვინოს, მუნდშტუქს,

სიგარას, ეტლით მგზავრობას და სხვა წერილმანს.

ეს დიდებული, სამოცდაათ ერთფეროვან დღეში გამორჩეული საღამოები ჩენდლერს აბედნიერებდა და ცხოვრებას ულამაზებდა. თუ თმაშვერცხლილი ქალი სიბერეში ტკბილად იხსენებს მხოლოდ იმ წუთებს, საზოგადოებაში პირველად რომ გამოჩნდა, ჩენდლერისათვის ყოველი მეთაე კვირის ბოლო საღამო ისეთივე საზეიმო და ამაღელვებელი იყო, ისეთივე მძაფრი შეგრძნებების აღმძვრელი, როგორც თავდაპირველი. პალმების ჩრდილში მოსვენება და იდუმალი მუსიკის მორევში ჩაძირვა, დახვეწილ ადამიანებთან ტრიალი, იქაურ მინიერ სამოთხეს ხშირად რომ სტუმრობდნენ, მათთვის თვალის შევლება და იმის განცდა, რომ თავადაც ყურადღებას იმსახურებს, - განა ამ ციურ ნეტარებას ქალწულის პირველი მაქმანიაანი კაბა და სამეჯლისო ცეკვა შეედრება?

ჩასალუქებული ჩენდლერი ბროდვეიზე მიაბიჯებდა. სანიმუშო და თითით საჩვენებელი იყო იმ საღამოს, თავადაც დაჟინებით აცქერდებოდა სხვებს. არ ნალვლობდა იმას, რომ მომდევნო სამოცდაცხრა დღეს კვლავ შევიოტის კოსტიუმში შემოსილს საექვო ტაბლდოტებში თუ სასაუზმე დახლებში უნდა ესადილა, ან სულაც სენდვიჩსა და ლუდს დასჯერებოდა თავის პატარა საძინებელში. სხვა რა გზა ჰქონდა, ის ხომ დიდი ქალაქის ორომტრიალის შვილი იყო. ერთი სადღესასწაულო საღამო დანარჩენ უფერულებს მაინც ჩრდილავდა.

ჩენდლერი არ ჩქარობდა, ნება-ნება მიუყვებოდა სიამოვნების ამ გაბრწყინებულ გზას, რომელსაც, ვინ იცის, უკვე მერამდენე ქუჩა სრიავდა. საღამო ის იყო იწყებოდა. რჩეულ საზოგადოებაში ყოფნით სამოცდაათ დღეში ერთხელ ინებივრებდა თავს და, ბუნებრივია, ცდილობდა, ეს ნუგბარი დიდხანს ეტკბარუნებინა. მისკენ მიემართათ ყველანაირი მზერა - თვალებანთებული, დაღვრემილი, ცნობისმოყვარე, აღფრთოვანებული, გამომწვევი, მომხიბვლელი. ჩანს, ჩაცმულობითა და იერსახით ჩენდლერს თავშექცევისა და დროსტარების კაცად მიიჩნევდნენ.

ქუჩის ერთ კუთხეში შეისვენა და დაფიქრდა, უკან ხომ არ გაბრუნებულიყო ცნობილი მოდური რესტორნისკენ, სადაც ჩვეულებრივ განცხრომით სადილობდა ხოლმე. სწორედ ამ დროს ქალიშვილს, მხიარულად რომ ჩაუქროლა გვერდით, მოლიპულ აღმართზე ფეხი დაუსხლტა და ტროტუარზე დაეცა.

ჩენდლერი იმნამსვე მასთან გაჩნდა, წამოდგომა უშველა, თავაზიანობა და ყურადღება არ დააკლო. გოგონა კოჭლობით გაემართა მახლობელი შენობისკენ, მის კედელს მიეყრდნო და დახმარებისათვის უცნობს მოკრძალებით მადლობა გადაუხადა.

“როგორ წავიქეცი”, — თქვა შენუხებულმა, — “მგონი, ფეხი ვიღრძე”.

“ძალიან გტკივათ”? — შეეკითხა ჩენდლერი. “მხოლოდ მაშინ, როცა ვეყრდნობი. ვფიქრობ, ორიოდ წუთში სიარულს შეეძლება”.

“ხომ არ შემიძლია კიდევ რამით დაგეხმაროთ? გნებავთ, კებს დავიქირავებ”. — შესთავაზა

ახალგაზრდა კაცმა.

“გმადლობთ”. – მიუგო გოგონამ ნაზად და გულწრფელად. – “მეუხერხულება, კიდევ შეგანახოთ. საოცარია, რამ დამადგო, ფეხსაცმლის ქუსლს ვერაფერს დავაბრალებ, საკმაოდ მყარია და არ ირყევა”.

ჩენდლერმა გოგონას შეხედა და იმნამსვე იგრძნო, რომ მოიხიბლა. ქალიშვილი მოხდენილობითა და დახვეწილობით გამოირჩეოდა, მხიარული და კეთილი თვალები ჰქონდა. ძალიან ლარული, სადა შავი კაბა ეცვა, გამყიდველი გოგონების უნიფორმის მსგავსი. მუქი ყავისფერი მბზინავი თმა კულულებად ჩამოშლიდა უბრალო ჩალის ქუდიდან, რომლის ერთადერთ მოსართავს ხავერდის ბაფთა შეადგენდა. ღირსებით სავსე მშრომელი გოგონას საუკეთესო ნიმუშად შეგეძლოთ მიგეჩნიათ.

უცბად ახალგაზრდა არქიტექტორს თავში ერთმა აზრმა გაუელვა – რა მოხდებოდა, გოგონა რომ მიუბატიყებინა სადილზე? მის შესანიშნავ სალამოებს, ეულად რომ ატარებდა დროდადრო, სწორედ რომ მშვენიერი სქესის წარმომადგენელი აკლდა. ფუფუნების ხანმოკლე სეანსით მიღებული სიამოვნება გაუორკეცდებოდა, თუ გვერდით ლედიც ეყოლებოდა. ეჭვი არ ეპარებოდა, კარგად აღზრდილ ქალიშვილთან ჰქონდა საქმე, – ამას მისი ქცევა და სიტყვა-პასუხი აფიქრებინებდა. ჩენდლერმა იგრძნო, რომ გოგონას ღარიბული ჩაცმულობის მიუხედავად მასთან ერთ მაგიდასთან ჯდომით სრულ იდილიას შეიქმნიდა.

გადანყვიტა ქალიშვილისთვის გულისნადილი გაენდო. ამით, რა თქმა უნდა, ეტიკეტს დაარღვევდა, მაგრამ ის ამშვიდებდა, რომ მომსახურე გოგონები ხშირად ასეთ ფორმალუბებს ყურადღებას არ აქცევენ. მამაკაცებზე უმეტესად საკუთარი შეხედულებებით მსჯელობენ და უსარგებლო ტრადიციებით არ ხელმძღვანელობენ. ათი დოლარი, თუკი მას გონივრულად გაანანიღებდა, ორ ადამიანს თავისუფლად ეყოფოდა. სადილი უნდა ყოფილიყო ღირსშესანიშნავი, დაუვინყარი მოვლენა, გოგონას უდიდესი ცხოვრებას რომ გაახალისებდა. ქალიშვილის მადლიერება კი, ჩენდლერის აზრით, მის სიამოვნებასა და ზემოს სრულყოფდა.

“ფვიქრობ, ფეხი უფრო მეტხანს უნდა დაასვენოთ, ვიდრე თქვენ გგონიათ”. – მიმართა გოგონას გულლიად და სერიოზულად, – “აი, ვცდილობ, ისეთი რამ მოვიფიქრო, ამის საშუალებას რომ მოგცემთ და თქვენს კეთილგანწყობასაც მომიპოვებს. ის იყო, სადილობა დავაპირე, როდესაც კუთხეში წაიქეცი. მინდა გთხოვოთ, სადილზე დამეწვიოთ. წამომყევით, ცოტა ვიბაასოთ, ამასობაში ფეხიც მოგიჩეხათ და დარწმუნებული ვარ, სახლამდე მისვლა აღარ გაგიჭირდებათ”.

გოგონამ სწრაფად ახედა ჩენდლერის სასიამოვნო გაკრიალბულ სახეს. ჯერ თვალები გაუბრწყინდა, შემდეგ გულლიად გაიღიმა.

“ერთმანეთს რომ არ ვიცნობთ? განა ეს კარგი საქციელი იქნება?” – ყოყმანობდა ქალიშვილი.

“რატომაც არა, რას ხედავთ ამაში ურიგოს?” – მიუგო ახალგაზრდა კაცმა გულწრფელად. —

“თუ მხოლოდ ის გალევებთ, რომ არ მიცნობთ, ამას ეხლავე გამოვასწორობ. ნება მიბოძეთ, თავი წარმოგიდგინოთ. მისტერ თაუერს ჩენდლერი. ყოველწლიურად შევეცდები სადილი სასიამოვნოდ დაგვრჩეს, სადილობის შემდეგ კი, გნებავთ, დაგემშვიდობებით, გნებავთ, სახლამდე მიგაცილებთ”.

“ღმერთო ჩემო,” — გოგონამ პენენიკი ჩენდლერი შეათვალიერა. — “ასეთ უბრალო კაბასა და ქუდში რომ ვარ?”

“მაგისი ნუ გეფიქრებათ”. — გაამხნევა ჩენდლერმა. — “მერწმუნეთ, ბევრად მომხიბვლელად გამოიყურებით, ვიდრე სალამოს ტუალეტებში მორთულ-მოკაზმული ქალიშვილები”.

“ფეხი ჯერ კიდევ მტკივა”, – დაუმატა გოგონამ და შეეცადა კოჭლობით წაედგა ნაბიჯი. “ფვიქრობ, შემოთავაზებაზე უნდა დაგთანხმდეთ, მისტერ ჩენდლერ. შეგიძლიათ მის მერიანს დამიძახოთ”.

“წამომყევით, მის მერიან”, – გამხიარული ბული ახალგაზრდა არქიტექტორი ქალიშვილს დიდი თავაზით ექცეოდა, — “დიდხანს სიარული არ მოგიწევთ. მომდევნო კვარტალშივე შესანიშნავი, მოდური რესტორანი. მკლავზე დამეყრდენით, – აი, ასე, – და ნელა იარეთ. რომ იცოდეთ, რა მოსაწყენია მარტო სადილობა. გამოგიტყდებით, ცოტა არ იყოს, მიხარია კიდევ, ფეხი რომ დაგისხლტათ ყინულზე”.

წყვილი კარგად განყობილ მაგიდას მიუჯდა, ოფიციალტი თავს ევლებოდათ და ცდილობდა საუკეთესოდ მომსახურებოდა. ჩენდლერმა ის დიდი სიხარული განიცადა, ჩვეულ საზეიმო გასვირებაზე რომ დაეუფლებოდა ხოლმე.

რესტორანი არც ისე გამორჩეული იყო. ბროდვეის გაყოლებზე გაცილებით უკეთესად შეიძლებოდა სადილობაც და დროს გატარებაც. ჩენდლერიც მუდამ იქაურ რესტორნებს ირჩევდა ხოლმე, მაგრამ ახლა შორს წასვლა არ შეეძლო. თუმცა აქაურობასაც არა უშავდა. მაგიდებს შეძლებული, დახვეწილი ადამიანები უსხდნენ, ორკესტრი სასიამოვნოდ და ისე წყნარად უკრავდა, კერძო მუსიკაში ხელს არავის უშლიდა, არც სამზარეულოსა და მომსახურებას დაედებოდა წუნი. ღარიბულად ჩაცმულ ქალიშვილს თავი ღირსებით ეჭირა, მის ბუნებრივ თვალტანადობას ეს კიდევ უფრო ამშვენიებდა. ჩენდლერის ქცევა, მის ცოცხალ, ანთებულ, გულწრფელ ლურჯ თვალებს გოგონა განსაკუთრებული მზერით აკვირდებოდა, მშვენიერ სახეზე ალტაცება ეტყობოდა.

უცბად ჩენდლერი მანკეტინისეულმა შემლილობამ შეიპყრო, ტრაბახისა და თავმონონების ბაცილა შეეყარა და კოკობიკობისა და მოჩვენებითობის სენით დაავადდა. ის ხომ იქ იყო, ბროდვეის შუაგულში, სიმდიდრესა და ფუფუნებაში დანთქმული, ყურადღებით გარემოცული. ამ კომედიის სცენაზე მან განიზრახა რამდენიმე საათით განასახიერებინა რჩეული საზოგადოების წევრი, დალხინებული დარდიმანდი. ჩაცმულიც როლის შესაფერისად იყო და ისე აიტაცა ამ სურვილმა, მფარველ ანგლოზებსაც კი არ შესწევდათ ძალა მისთვის ხელი შეეშალათ.

და მოჰყვა ჩენდლერი მის მერიანთან უთავბოლო ყბედობას და კვეხნას კლუბებზე, ჩაის სმასა და დარბაზობებზე, გოლფზე, ცხენოსნობასა და ძაღლებზე, კოტილიონსა და საზღვარგარეთულ მოგზაურობებზე. თავი მოინონა თითქოსდა ლარჩმონტში დაყუდებული იახტით. როცა დაინახა, რომ ცრუპენტელის ამ კორიანტელით გოგონაზე შთაბეჭდილებას ახდენდა და აბრუებდა, ეშხში შევიდა და ვითომდა თავის დიდძალ სიმდიდრეზე ჩამოუგდო სიტყვა, შემდეგ ერთობ ფამილარულად მოიხსენია რამდენიმე გამორჩენილი პიროვნება, ვის სახელსაც კი დიდი მონინებით წარმოთქვამენ უბრალო ადამიანები. ეს ხომ მისი იშვიათ საღამოთაგანი იყო, რომელიც მალე უნდა დამთავრებულიყო და ცდილობდა, მას ყველაფერ საუკეთესოს გამორჩენოდა. თუმცა ერთ-ორჯერ შენიშნა, რომ ალტაცებული ქალიშვილის ოქროსავით მბრწყინავი სახე ეჭვის ნისლმა დაჩრდილა და, ცოტა არ იყოს, ნირი ნაუხდა.

“კი, მაგრამ ასეთი ცხოვრება ხომ ფუჭია და უმიზნო”, – გაოცდა გოგონა. – “ნუთუ ამ ქვეყნად სხვა საქმე, რამე სამუშაო ვერ ნახეთ, უფრო მეტად რომ გავიტაცებდათ?”

“ჩემო ძვირფასო მის მერიან“, – წამოიძახა ჩენდლერმა, – “აბა რა სამუშაოზე მელაპარაკებით?! განა ნაკლები საქმეა ყოველ დღე სასადილოდ გამოწყობა, შუადღით მეგობრებთან ტელეფონით საუბარი და სტუმრობა, ან კიდევ ყოველ კუთხეში პოლიციელთან შეჯახება, მზად რომაა მანქანაში შემოგისტეს და უბანში წაიყვანოს მხოლოდ იმის გამო, რომ სახედარშებულ ურიკაზე ოდნავ სწრაფად დადიხარ?! მერნმუნეთ, ჩვენ, უმუშევრები ყველაზე მძიმე სამუშაოს ვასრულებთ ამქვეყნად”.

სადილი დასრულდა. ჩენდლერმა ოფიციალური უხვად დაასაჩუქრა და წყვილი ქუჩის იმ ადგილისკენ გაემართა, სადაც ცოტა ხნის წინ შეხვდნენ ერთმანეთს. მის მერიანი უკვე გამართულად დადიოდა, სიკოჭლეს ველარც შეამჩნევდით.

“კარგი დრო ვატარეთ, სადილიც შესანიშნავი იყო, მადლობელი ვარ”. – თქვა მან გულწრფელად, – “ახლა კი სახლში უნდა გავიქცე, მისტერ ჩენდლერ”.

ჩენდლერმა ქალიშვილს ხელი ჩამოართვა, გულიანად გაუღიმა და რაღაც ჩაილაპარაკა კლუბში ბრიჯის თამაშზე. ცოტა ხანს უცქერდა, როგორ მიქროდა გოგონა აღმოსავლეთისკენ, შემდეგ კები იქირავა და სახლისკენ ნელა გაემართა.

გამოყინულ საძინებელში შევიდა, საგარეო ტანსაცმელი გაიხადა და კარადაში სამოცდაცხრა დღით გადაინახა. ჩაფიქრებული შემოტრიალდა.

“ჩინებული გოგო იყო”, – ჩაილაპარაკა, – “ყოველმხრივ შემკული, ეჭვი არაა, ლუკმაპურისთვის მსახურობს. ვინ იცის, სიმართლე რომ მეთქვა მისთვის იმ ინილო-ბინილოს ნაცვლად, იქნებ... – მაგრამ ეჰ, ჯანდაბას! ჩემი ჩაცმულობა ხომ უნდა გამემართლებინა”.

ჩაილაპარაკა ცრუ ჯენტლმენმა და ფრანტმა, სინამდვილეში კი მანჰეტენში დაბადებულ ალზრდილმა ერთმა უბრალო კაცმა.

დაშორდა თუ არა ჩენდლერს, გოგონამ აღ-

მოსავლეთისკენ, ქალაქის მეორე ბოლოსკენ მოკურცხლა. ორი კვარტალი გადაიბრინა და მალე ერთ მშვენიერ, დიდ მყუდრო სახლთან ამოყო თავი. სახლი სწორედ იმ ავენიუზე იდგა, მამონასა და მის ამაღლას რომ აერჩია საბრძანებლად. მერიანი შენობის სადარბაზოში შევარდა და კიბე აირბინა. ოთახში უფროსი და დაუხვდა, მდიდრულ საშინაო კაბაში ჩაცმული მშვენიერი ქალიშვილი, ალელვებული ფანჯარაში რომ იცქირებოდა.

“ოჰ, შე ყაჩაღანა!” – წამოიძახა მან დის დასახვაზე. – “როდემდე უნდა გვიხეთქო ასე გული? ორი საათია სადღაც გაქრი ძველ კაბასა და მერის უხეირო ქუდში გამოწყობილი. დედა ისე შეშინდა, შენს საძებნელად ლუისი გამოგზავნა მანქანით. რა თავქარიანი ვინმე ხარ!”

“უფროსმა დამ ზარი დარეკა. ოთახში იმწამსვე მოსამსახურე შემოვიდა.”

“მერი, უთხარი დედას, რომ მის მერიანი უკვე დაბრუნდა”.

“ნუ მიჯავრდები, დაიკო. განა სად მივდიოდი, რომ გამოვპრანჭულიყავი? მკერავთან გავიქეცი. თეოსთვის უნდა მეთქვა მიხაკისფერის ნაცვლად ვარდისფერი გულისპირი ჩაედგა კაბაში. სწორედ შესაფერისად ვიყავი ჩაცმული. დარწმუნებული ვარ, ყველას გამყიდველი გოგო ვეგონე”.

“ჩვენ უკვე ვისადილეთ, ძვირფასო, ძალიან დაგაგვიანდა”.

“ვიცი. აი, რა შემემთხვა, ქუჩაში დავეცი და ფეხი ვიღრძე. სიარული ველარ შევძელი, უახლოეს რესტორნამდე ძლივს მივაღწიე და იქ მოვიცადე, სანამ უკეთ არ ვიგრძენი თავი”.

გოგონები ფანჯრის რაფაზე შემოსხდნენ, ავენიუზე მქროლავ მანქანებსა და მათ კაშკაშა სინათლეს დაუწყეს ცქერა. მერიანმა უფროსი დის კალთაში თავი ჩარგო.

“ერთ მშვენიერ დღეს ბედი გვეწვევა და გავთხოვდებით”, – თქვა მან, – “ჩვენისთანა მდიდრებს შინაბერობა ნამდვილად არ ემუქრება. გინდა იცოდე, როგორ მამაკაცს ვისურვებდი ცხოვრების თანამგზავრად, დაიკო?”

“აბა, გისმენ”. – გაუღიმა დამ.

“მინდა ჩემი გულის რჩეული ლამაზი ლურჯთვალა ჯენტლმენი იყოს, თავაზიანი და კეთილი, უბრალო გოგონებთან არმიყობას რომ არ იკადრებს. ოღონდ უთუოდ მიზანდასახული და შინაარსიანი ცხოვრება უნდა ჰქონდეს, თავისი საქმე და სამუშაო ჰქონდეს. არ დავეძებ მის სიღარიბეს, თუნდაც არა ებადოს რა, ცხოვრების მოწყობაში თავად დავეხმარები. მაგრამ, ეჰ, ძვირფასო დაიკო, განა ასეთი მამაკაცები გვახვევია გარს? მათი უმეტესობა ხომ უმიზნოდ ცხოვრობს, რაუტებსა და კლუბებში უაზროდ ფლანგავს დროს. მათ კი, რა ვქნა, ვერ შევიყვარებ, თუნდ ლურჯი თვალები ჰქონდეთ და გულთბილად ექცეოდნენ ქუჩაში შემთხვევით გაცნობილ ლარბ გოგონებს”.

ინგლისურიდან თარგმნა
მანი ცარცვაძემ

კაფა-ფაქალი



ქეთევან
სამარაშვილი

ვისას მახობა მოსწყალებს...

სანამ ახალშობილი ჯერ კიდევ ვილიმებით, სანამ სიყვარულის დესპანებად მოვდივართ ამქვეყნად; სანამ ღვარძლსა და მტრობას არ შეუცვლია ჩვენი გულები; სანამ გვიან არაა, იმათ ვუსმინოთ, ვისთვისაც სიყვარული არ მომკვდარა, ვის წინაშეც მუხლი მოუყრია სიკვდილის ანგელოზს, ვინც ისევ გვიხმობს და გვაფრთხილებს:

მე ვარ გზანი...

ჩამოდის ხევად ზოვები,
ვინრო სავალი გზებისა.
გაუბამ ყინულს ლურჯადა
უბე-კალთები წყლებისა,
მიუნაქრია ერთიან
ჩამონასხლეტნი კლდებისა.

რა გზას მიუყვება ქეთელაური? საით მი-
ჰყავს ატირებული დედა და ცოლ-შვილი?
**ავაჰმე, ჩვენო სახ-კარო,
ქვა-ქვაზე აღარ დგებო.
ციხეზე, ჭერხოს ბოძებზე
ხელა ყოვები სხდებო...
ვაჰმე, რა უგზოდ დავდივართ,
ვაჰმე, როგორა ბნელაო!**

ნუთუ ალუდასთვის გზა დასრულდა და
უგზობა დაიწყო? იქნებ ალუდასნაირნი
საამქვეყნონი არა არიან? იქნებ მათი გზა
უფსკრულთან მთავრდება?

**ერთხელ მაუნდა ალუდას,
ერთხელ მობრუნვა თავისა...**

უკან რა დარჩენია? ყველაფერი, რაც
ასულდგმულდება, რაც უყვარდა, რაც სწამ-
და; იხედება ალუდა წარსულისკენ, იმ ალუ-
დასკენ, საფიხვნოს თავში რომ დამჯდარა,
მოყვარეს „გზიანი სიტყვით“ რომ ეგებება,
მტერს – მახვილით, და ცხოვრებაც ჩვეული
წესრიგით მიდის; მამა-პაპათაგან დადგე-
ნილი ადათ-წესები საიმედოდ იცავს ყველას.
ამ წესებზე იზრდებიან ბავშვები, ამ წესებს
იცავენ ახალგაზრდები, ამ წესით სჯიან
უხუცესნი. ეს წესი სისხლის უწყვეტ ნაკადს
მიჰყვება თაობიდან თაობაში – ყველაფერი
დღესავით ნათელია, გარკვეულია, სავალი
გზებიც გაკვალულია. მაშ რატომ?... მაშ, ვინ
არის ეს ალუდა, რომელიც იმ ალუდას შესც-
ქერის, საფიხვნოს თავს რომ დამჯდარა და
სახლის ჭერხოზე მტრის უთვალავი მარჯვე-
ნა მიუკრავს! რა უნდა?...

ნიკოდიმოსი, ურიათა მოძღვარი, ღამით
– ბნელში, იესოსთან შესახვედრად მიდის.
ნიკოდიმოსი ფარისეველია. იმ სკოლის წარ-
მომადგენელი, რომლის მიზანი ადამიანის
სულიერი ნაკადის დაკავშირებაა მისივე სი-
სხლისმიერი განვითარების ნაკადთან. გან-
ვითარების სისხლისმიერი გზა მიუძღვება
ადამიანებს უკან, იმ წმინდა საფლავებისკენ,
სადაც შესაძლებელი იყო, აბრაამს ღმერთი
გამოსცხადებოდა. ესაა ღმერთთან შეხვე-
დრა, ოღონდ უკან, დაბადებისკენ. დიდი
მონინებით მიეახლება ფარისეველთა მოძღ-
ვარი იესოს: — რაბი, უწყით, რამეთუ ღმრთი-
სა მიერ მოსრულ ხარ მოძღვრად! იესო კი
დაბადების მისტერიაზე ელაპარაკება:

— ამინ გეტყვი შენ, უკეთუ ვინმე არა
იშვას მეორედ, ვერ ხელწიფების ხილვად
სასუფეველი ცათა. ნიკოდიმოსს არ ესმის...
მისთვის დაბადება დროში უკუსვლაა, წინა
დაბადებაა, ან კვლავ დედის საშოში დაბ-
რუნება და ისევ შობა?!

— შობილი იგი ხორცთაგან ხორცი არს;
და შობილი იგი სულისაგან სული არს. ნუ
გიკვირნ...

ნიკოდიმოსს, მოძღვარს ისრაილისას, უკვირს... ვითარ შესაძლებელ არს ესე? რა არის ის, სულისაგან შობილი, რომელიც არ უწყინ, საით ვალს, რომელიც არ მიჰყვება მოსეს მიერ დადგენილ კანონებს, რომელიც არ მისდევს აბრაამიდან მომავალ სისხლის ნაკადს, არ მისდევს მრავალთა ხმას და ახალ, შეუცნობელ გზებს კვალავს. რაი არს?

სულსა ვიდრეცა უნებნ, ჰქრინ და ხმა მისი გესმის, არამედ არა იცი, ვინ მოვალს და ვიდრე ჰვალს; ესრეთ არს ყოველი შობილი სულისაგან. ნიკოდიმოსს, მოძღვარს ისრაელისას, უკვირს!

* * *

**მაცნე მოიდა შატილსა:
 ქისტებმა მოგვცეს ზიანი...**

ალუდა მტერთან შესახვედრად მიდის. ბრძოლაც შეხვედრათ, ოღონდ თავისი ენა და კანონები აქვს. ღირსეულს შეებრძოლები თუ უღირსს? შედგება შეხვედრა თუ ვერა? ალუდასთვის ბრძოლა არა მარტო ცხოვრების ნესი, ბედისწერაა — სისხლი უნდა დაიღვაროს, მონინაალმდევის ცოდვილი სისხლი. ამ სისხლზე და მოჭრილ მარჯვენაზე — დამარცხებული მტრის ცოცხალ ხატზე — თაობები უნდა გაიზარდონ. ახალშობილის ახელილი თვალი დამარცხებული მტრის მოკვეთილ მარჯვენას უნდა შესცქეროდეს. ქისტი ურჯულო ძალივით უნდა მოკვდეს, მის სხეულს ყვავ-ყორნები უნდა ჯიჯგინდნენ, მისი სული დაუმარხავ სხეულთან უნდა დანრილებდეს. ეს თემისა და შენი ღმერთის საკურთხეველზე მიტანილი სისხლია. ამ სისხლზე მხოლოდ შენ არ აგებ პასუხს, თემს ეკუთვნის, მთელი თემის პასუხისმგებლობაა. ალუდა საბრძოლველად მიდის:

**ცისკრის ხანია, მტერს მისდევს
 კლდის შავარდენი ჩქარიო.
 ვათენებისას ჭიუხში
 შურთხმა დარეკა ზარიო,
 ძაღლებს კი სძინავ თეოზე,
 ჯერ არ გაშლილა ცხვარიო.**

აგერ ქისტების ნავალიც, აგერ ისინიც. შორს არიან, ხმლით ვერ მისწვდება.

**ერთ ქურდ-კანტალას ღიღღველსა
 ცუდი დაუდგა წამიო...**

ალუდას ტყვია მიზანს ხვდება. ჩვენს თვალწინ ქურდ-კანტალა ღიღღველის ხატია: ასეთები არიან, ვაჟკაცები არა — ქურდ-კანტალები. მისი ამხანაგი კი — ალუდამ ჯერ არ იცის, ვის ერკინება. მალე მუცალის თოფი იჭექებს და მისი ხმაც გვესმის:

— არა გჭირსაა, რჯულ-ძაღლო?!

შერკინება იწყება. ორი ვაჟკაცის ურთიერთგაპაექრება სიტყვით თუ ტყვიით:

**— ნუ გგონავ, მჭირდეს რჯულ-ძაღლო,
 ყმასა გუდანის ჯვრისასა.**

**ხმა ალუდას თოფისა
 ჭეხასა ჰგვანდა ცისასა.**

ბრძოლა, დიალოგი და სიკვდილთან თამაში. ორივე სიკვდილს უტყერის თვალბეჭეტი... არც ერთი სიტყვა, არც ერთი ყალბი შესტყვი. სიკვდილი არ არსებობს, არსებობს უარესი — მარცხი. თამაში სიცოცხლეა, თამაში ახლის, მყისიერის დაბადებაა, წამყოფაა. სადაც წამყოფაა, იქ ახალი შესაქმნება. ტყვიებისა და კლდის ნასხლეტთა ჭახაჭუხში არც სიტყვა იკარგება. აკი ალუდას სიტყვა მაუდის „გზიანი“. ეტყობა, მუცალსაც „მაუდის“:

**— არ მოგხვდაუა, რჯულ-ძაღლო? —
 ისევ ეძახის იმასა.**

**— მუცალს არა სჭირს რჯულ-ძაღლო,
 ნამტვრევს მაშლიდა კლდიანსა...**

**— ოჰო, ქუდ გაუხვრეტია, წვერებსა
 სტუსავს თმისასა.**

**— მალლა დაგიცდა, ბეჩავო, კენჩხას არა
 სჭირს ძვლისასა.**

სიკვდილი ცეკვავს მათ გარშემო. ხან წვერს უტუსავს, ხან თოფის საპირისწამლეს ჩამოშლის. ბრძოლა თანდათან ხელდება;

— არც ახლა გჭირსა, რჯულ-ძაღლო?

— ზედაც დაჰვედრებს იმასა.

ეს გახელებული მუცალია.

**— არა სჭირს, არა, რჯულ-ძაღლო,
 ყმასა გუდანის ჯვრისასა,
 გამმარჯვედ ჯვარი დაჰყვების,
 ძალს შაახვენებს ღვთისასა.**

ორივე ერთმანეთის რჯულს ახსენებს, ერთმანეთისთვის რჯულძაღლი არიან — რჯულით სხვადასხვანი. ერთ-ერთის გამარჯვება მათი ღმერთის გამარჯვებაცაა. შატილიონის ნასროლი ქისტს უმტვრევს გულის ფიცარსა.

**— გულში მჭირს, გულში, რჯულ-
 ძაღლო,**

ვაჰ, ცდასა მუცალისასა!

ბოლო გაბრძოლება? არა, სიკვდილთან შერკინება! მუცალი მოკვდება, მაგრამ არ დამარცხდება, შიმის ფერი არ დაედება.

**მუცალს არ სწადის სიკვდილი,
 ფერს არა ჰკარგავს მგლისასა...**

**ერთიც ესროლა ალუდას,
 ხანს არა ჰკარგავს ცდისასა.**

თამაში მთავრდება, როგორც არაერთხელ დამთავრებულა — დამარცხებული უნდა დამარცხდეს, გამარჯვებულმა გამარჯვების რიტუალი შეასრულოს! საცაა ბედისწერა ფარდას ჩამოშვებს და... უეცრად, მუცალის უკანასკნელი შესტყვი:

**თოფიც ალუდას გადუგდო,
 ერთს კიდევ ეტყვის სიტყვასა:**

**— ეხლა შენ იყოს, რჯულ-ძაღლო,
 ხელს არ ჩავარდეს სხვისასა,
 სიტყვა გაუშრა პირზედა,
 დაბლა გაერთხა მიწასა.**

თამაში წამყოფაა, თამაში ახლის დაბადება... ბედისწერის ბორბალი უკუღმა დატრიალდა, ყველა ჩარჩო და ზღვარი გაქრა, როლები ერთმანეთში აირია. ვინ გამარჯვებულია და ვინ დამარცხებული? რომელია დაჭრილი და სულთმობრძავი, მუცალი თუ მუცალთან დაჩოქილი ალუდა? მუცალი ესაღმება სიცოცხლეს, თუ ალუდა ეთხოვება მისთვის განუყოფელსა და ძვირფასს? რატომ შეტრიალდა სამყარო? მუცალი მტერია, თუ ძმაზე ძვირფასი? ურჯულოა, თუ ქრისტიანი? რა სასწაული მოხდა? – მუცალი მოკვდა თუ მეორედ იშვა, დაიბადა და ახლად შობილი გაშორდა წუთისოფელს? მტრის ცხედართან დახრილს რად უგლვებს გულს ყოვლისწამლევკავი ტკივილის განცდა? და ალუდა ქეთელაური, მტრის რისხვა, ქისტებთან ბრძოლაში გამობრძმედილი, ტირის!

ალუდა იმ დღეს არც მხოლოდ ქისტს შეხვედრია, არც მხოლოდ მტერს, არც მხოლოდ კაი ყმას, ალუდა იმას შეხვდა, რაც ადამიანში ადამიანზე მეტია, რასაც სიკვდილი ვერ შეეხება, რაც სიცოცხლისკენ მე-ს გამოიხმობს და ახლიდან გშობს. მეორედ შობის მისტერია აღსრულდა და ბედისწერასთან შერკინების დრო დადგა – ალუდამ მტერი შეიცოდა!

* * *

„რაკილა ყველა საგანში მტრობაა ჩაბუდებული, ბრძენკაცის სული საგნებზე ცეცხლის ალივით უნდა ამაღლდეს და მტრობა ჰარმონიად გარდასახოს“.

ჰერაკლიტეს ამ ნათქვამს კაცობრიობის განვითარების სათავეებთან მივყავართ.

მამა ღმერთის სამყარო, ცოდვათდაცემა, კაცობრიობის პირველი ნაბიჯები, დედამიწაზე კაცის მიერ ჩადენილი პირველი ცოდვა – კაენ, სად არის ძმა შენი? – პირველი უცოდველი სისხლი და კაცთა მოდგმის ორ ნაწილად გაყოფა – კაენისა და აბელის მოდგმად. მტრობისა და სისხლის ნაკადი ამ ორ მოდგმას შორის – ერთი კაცის ცოდვა კი არა, მთელი მოდგმის ცოდვა; ერთი კაცის პასუხისმგებლობა კი არა, საზოგადოების, თემის, გვარის პასუხისმგებლობა.

აქედან ტრადიციები – სამშენველის მიერ მიწიერი ცხოვრებისათვის გამოწახული ფორმა. მრავალი საუკუნე გავა, სანამ მოვიდოდეს ძე ღვთისა, საკუთარ თავზე აიღებდეს პირველცოდვას და პრომეთეს ჩირაღდანს გვანუქებდეს, რადგან პრომეთემ სწორედ შემოქმედებითი ცეცხლი — თავისუფლების შესაძლებლობა მოუტანა ადამიანებს.

გოლგოთის მისტერია – ისევ დაიღვარა უცოდველი სისხლი, ოღონდ ამჯერად სიყვარულმა გაიმარჯვა – კაენს ეპატია. ამჯერად სიყვარულმა გამოისყიდა ცოდვა, მთელ კაცობრიობას რომ აწვა და თაობებში

სისხლით გადადიოდა. ამიერიდან ადამიანი თავისუფალია. ადამიანს უფლება აქვს, ჰქონდეს საკუთარი, პირადი შეცდომა, და არა სულიერი სამყაროდან წამოსული ცოდვა. ადამიანს ეძლევა პატიების უფლება; კაცობრიობამ შეაბიჯა განვითარების ახალ სფეროში. ეს გარდაქმნისა და შემოქმედების, პიროვნების „კრიზისისა“ და ბედისწერასთან „თამაშის“ სფეროა. პიროვნებამ, მომავლის არსებამ, ძველი, სისხლისმიერი მორალი უნდა შეცვალოს ახალი, საკუთარი მორალით, რაც მორალის სრულყოფას მოითხოვს. იქამდე კი ჯერ კიდევ დიდი გზაა გასავლელი: ცოდვის, მონანიების, მტრობის, მიტევების, — საკუთარი ბედისწერის გზა. მამა-პაპათა დადგენილი ადათ-წესების რღვევა საზოგადოებისთვის ყოველთვის მტკივნეულია, გაუგებარია. ამ ადათ-წესებს ყოველთვის ერთეულები არღვევენ. ერთეულები ქმნიან კაცობრიობის ახალ ბედისწერას, მაგრამ ეს ერთეულები არიან პასუხისმგებელნი კაცობრიობისა და სამყაროს წინაშე.

* * *

მე ვარ ჭკუამარიტაპი...

ალუდას თოფი არ უნდა,
ატირდა როგორც ქალიო;
არ აჭყრის იარაღებსა,
არ ეხარბება თვალიო...
მარჯვენას არ სჭრის მუცალსა,

იტყოდა: ცოდვა არიო;
(ალუდამ მტერი შეიცოდა)
ვაჟკაცო, ჩემგან მოკლულო,
ღმერთმა გაცხონოს მკვდარიო.
(მუცალი ალუდასთვის ცხონებულია):
შენ ხელ შენს გულზედ დამინდეს,
ნუმც ხარობს ქავის კარიო.

(ვაჟკაცს ვერ შეურაცხყოფს, პატივყერილს ვერ გაუშვებს სულეთის გზაზე).

კარგი გყოლია გამდელი,
ღმერთმ გიდღეგრძელოს გვარიო!

(მისი გვარი ალუდასთვის უკვე აღარაა ქურდ-კანტალა ღიღღველთა გვარი; ეს ღვთისგან დალოცვილი და დღეგრძელი ვაჟკაცთა მოდგმაა).

ალუდა შატილს ბრუნდება. უკანა გზა შატილამდე – ათასწლოვანი, ნაჩვევი და საუკუნეებამოვლილი, არხოტის წყალივით მიდის, მიედინება შთამომავალთა ძარღვებში. ის მძაფრი ხატ-სახეები, რაც ალუდას თვალწინ ჩაივლის, თემისა და გვარის მთელი ისტორიაა:

ვისაც მტერობა მასწყურდეს,
გაალოს სახლის კარია,
სისხლ დაიგუბოს კერაში,
თვითანაც შიგვე მდგარია.
ღვინოდაც ამას დაჰლევდეს,

**პურადაც მოსახმარია,
პირჯვარი დაინეროდის,
მითამ საყდარში არია,
სისხლშია ჰქონდეს ქორნილი,
იქ დაინეროს ჯვარია,
დაიპატიჟოს სტუმრები,
დაამწკრიოდეს ჯარია.
სისხლში დაიგოს ლოგინი,
გვერდს დაინვინოს ცალია.
ბევრი იყოლოს შვილები,
ბევრი ვაჟი და ქალია;
იქვე საფლავი გათხაროს,
იქ დაიმარხოს მკვდარია.
შენ რო სხვა მაჰკლა, შენც მოგკვლენ,
მკვლელს არ შაარჩენს გვარია.**

შურისძიების სისხლში ჩამხრჩვალნი ცხოვრება უწყვეტ ნაკადად მიედინება და, სანამ ახლიდან არ იშვები, შენი ცხოვრებაა, შენი წესი და რიგია, შენი გზაა. მიდის სულიერად ფერნაცვალნი ალუდა, თვალნი სისხლიანი ხატ-სახეები უტრიალებს. შატილიონნი კი თავის გმირს ელიან. ქალი და რძალი ბანზე გადამდგარა, დიდ-პატარა შეკრებილა. ალუდა უნდა წარდგეს უხუცესთა წინაშე და ყველაფერს პირუთვნელად მოჰყვეს. ალუდაც გულწრფელად ჰყვება, რაც ნახა და განიცადა. ხევისბერი და მთელი თემი უსმენს – ახლა მათაც უნდა განიცადონ იგივე, ისინიც უნდა ეზიარონ ჭეშმარიტებას – „იმ ცხოვრებულსა მუცალსა“ (შობილი სულისაგან სული არს...) – და უშიშას მყისიერი რეაქცია

**— რას ამბობ, ქისტის ცხონება
არ დანერილა რჯულადა.**

უშიშას, ხევსურთა უხუცესს, უკვირს: „ვითარ შესაძლებელ არს ესე?“ ალუდას ახლახან ნანახი და განცდილი აწვალეებს. მწველი კითხვა უშანთავს გულ-გვამს: თურმე აქამდე ბრმა იყავ, ღირსეული გეგონა თავი და უღირსად გიცხოვრია, რისიც გჯეროდა და პატივს სცემდი, მცდარი ყოფილა:

**„ჩვენ ვიტყვით კაცნი ჩვენა ვართ,
მარტო ჩვენ გვზდიან დედანი“.
(დედა ყველასთვის წმიდათა-წმიდაა),
ჩვენა ვსცხონდებით, ურჯულოთ
კუპრში მოელის ქშენანი.**

(ცხონება რომელიმე რჯულის საკუთრება არაა, პირადად ერთის გზაა და ფუჭია თავის დამშვიდება, თითქოს მხოლოდ ხევსურთა ხვედრი იყოს. უკვდავება ვერც ხევსურებს ექნებათ მოზომილი და ვერც ქისტებს. უკვდავებას თავისი კანონები აქვს, უკვდავება ვერავისი საკუთრება ვერ გახდება).

**ამის თქმით ვნარა-მარაობთ,
ღვთიშვილთ უკეთეს იციან.
ყველანი მართალს ამბობენ
განა, ვინაცა ჰფიციანი?!**

ღვთისშვილთა ჭეშმარიტება განსხვავდება აქაური სიმართლისაგან. ალუდას

არსებაში სინათლემ (კითხვამ) შეაღწია და ბნელი გაანათა. ქეთელაურისთვის ამიერიდან ვაჟკაცობას სხვა დატვირთვა აქვს, სხვა ფერი აძევს. ვაჟკაცობა ისაა, რაც შენში მე-ს გამოიხმობს და ღვთიშვილთა კანონებს გაზიარებს.

**ხევსურთა ახალ-უხლები
გადაიქციან ტყემლადა...
“მოკვდი, სიკვდილი გირჩევნავ,
რა ხარ სიცრუის მთქმელადა.**

ვინ გაიგოს სადაა სიმართლე? ალუდას იმათი ფიცისა აღარ სჯერა, ამათთვის კი ალუდას ნათქვამი მტკნარი სიცრუეა და მხოლოდ ერთი ლოგიკური ახსნა აქვს:

**გამოქცევისხარ ქისტისშვილს,
გადუქცევისხარ ქალადა.
თუმცა მათშიც დატრიალდა კითხვა:
მაჰკალ, მარჯვენა არ მასჭერ,
უკვენ მისდევდი მა რადა?!**

და მოუთმენლად ელიან ჭეშმარიტების დასადგენად წასულ მინდიას.

ქეთელაურს კი ხილვები არ აძლევენ მოსვენებას: დაუმარხავი, ყორნებისაგან დაჯიჯგნილი მუცალი იმ ქვეყნად ვერ წასულა. ეტყობა, მხოლოდ ალუდას ძალისხმევა არ კმარა, ეტყობა ძნელია სისხლით შეკრული ჯაჭვის გაგლეჯა, ხევსურთა ადათ-წესი ზღუდესავით აღმართულა საიქიოსკენ მიმავალ გზაზე. მოკლული ალუდას საყვედურობს:

**თქვენ დაგრჩეს წუთისოფელი,
მე კი წავიდე ქვეყნითა,
დაძელით, ხევსურთ შვილებო,
ლაშქრობით, ხმლების ქნევითა.**

ხევსურთ შვილებიც ძღებთან, ვერ ატყობენ რა ცოდვა-ბრალში უდგათ ფეხი. ალუდას კაცის ხორცის წვნიანს უდგამენ წინ:

**“ჭამეო, — რამამ მიძახა,
ნუ ჰხდები გამჭერებული:
კიდევ მიმართვით ალუდას
წვენ-ხორცი გაცხელებული“.**

ქვესკნელის ძალნი ხომ არ დაპატრონებიან ხევსურთა ადათ-წესებს და თვალებს უბამენ, რომ ნათელი არ იხილონ? შობილი ხორცისაგან ხორცი არს... სულიერ სფეროში ხომ მუდმივი ბრძოლაა ძველსა და ახალს შორის. ის, რაც კაცობრიობის განვითარების გარკვეული დროისთვის სიკეთე იყო, ახლა უკეთური ძალის იარაღად ქცეულა.

* * *

**თენდება, ხევსურნი მინდიას ელიან.
ვინ მოდის ნითლის ცხენითა,
გამაიარა წყალია?**

ნითელი შუასკნელის, ამქვეყნიურის ფერია. მინდია (და სხვა არავინ), თავად ვაჟკაცი, ასე ადვილად რომ ვერ იტყვის ვაჟკაცის აუგს, სამართლიანობის აღსადგენად მიდის და...

მარჯვენას სჭრის მუცალს! წითელ ცხენზე ამხედრებული მინდია ვერ ჩასწვდება ჭემ-მარიტებას, თუმცა არ განსჯის მას და ალუ-დას განდევნის უამსაც მხოლოდ მას აუნყლი-ანდება თვალები. წითელი ქვესკნელის ძალას არ ემორჩილება, მაგრამ ვერც ზესკნელისა გაუგია. მათში სწორედ ალუდასნაირების სი-მართლის შუქმა უნდა შეაღწიოს.

— მოხველ მშვიდობით! — მინდიას ხევსურთა შაუძრახნიან.

— რა მაიტანე ამბავი?

— შორითვე დაუძახიან.

მინდია ჩქარობს სიმართლის დამტკიცე-ბას. გულადულებული საყვედურობს ხევ-სურთ:

— ადვილ ვერ იცნობთ ვაჟკაცსა

მის ვაჟკაცურის რჯულითა!..

ხელი ალუდას მიაერთვის:

ნაილ, მიაკარ ქავადა!

სამართლიანობა აღდგენილია. საცაა, ცოტა არ იყოს, შერცხვენილნი და გაოცებ-ულნი ხევსურნი ხელს ჩაიქნევენ და დაიშლე-ბიან — სამართალმა პური ჭამა! მაგრამ ალუ-დას გულში გრძნობები დულს და გადმო-დულს:

ვერ გიქნავ კარგად, მინდიავე,
საქმე მოგირთავ ავადა.

ალუდა, ალბათ, ადათ-წესების გაბია-ბრუებას ცდილობს უკვე სინანულ-შეპარულ ხევსურთა თვალნი, თორემ ყველამ კარგად იცის, რომ მტრის მარჯვენა ვერც სათიბს მო-თიბს და ვერც ფარად გამოდგება ბრძოლაში. თანაც, მხოლოდ მინდიას მიმართავს, დან-არჩენებთან თითქოს ურთიერთობის ძაფი გასწვევტოდეს, თითქოს ისინიც მისიანნი არ იყვნენ:

რაად სწყრებიან ხევსურნი,

რაად ტყვრებიან ჯავრითა?!

მტერს მოვკლავ, კიდევ არ მოვსჭრი

მარჯვენს მაგათ ჯაბრითა!

“წესი არა არის მტრის მოკვლა,

თუ ხელ არ მასჭერ დანითა”.

ვაი ეგეთას სამართალს,

მონათლულს ცოდვა-ბრალითა!

მაშ, ხევსურებს ცოდვა-ბრალიანი სამართალი აქვთ? კაცის წვნიანი უდევთ და საღმრთო პური ჰგონიათ? სისხლს სვამენ და ზიარების ღვინო ჰგონიათ? სისხლშივე იწერენ ჯვარს და ქორწილი ჰგონიათ? სადაა სამართალი? აკი ერთადერთი იყო? შესაძლე-ბელია ორი სიმართლე არსებობდეს? ალუ-და და ხევსურნი უკვე სხვადასხვა ნაპირას დგანან, ერთმანეთს უნდოდ, გულისწყრომით შესცქერიან. მათ შორის ქისტის მოჭრილი მარჯვენაა, ნუთუ ამ მარჯვენამ უფსკრული უნდა დაბადოს?

* * *

ყამი მოვიდა საუფლო.

ხალხი ხატობას დიოდა.

ხატობაა, გუდანის ჯვრის დღეობა. ხე-ვისბერთან სამსხვერპლო საქონელი მოჰყ-ავთ. მოქუჩა და ქალი და კაცი სახვეწრით, ცხ-ვრით და ხარითა. სამსხვერპლო პირველად დაღვრილი უცოდველი სისხლის სიმბოლოა, რაც მერე ძე ღვთისას უცოდველი სისხლით იქნა გამოსყიდული გოლგოთაზე. ხატობის ჩვეული სურათი გარსმოჯარული ხალხით, სამსხვერპლოზე მოყვანილი ცხოველებითა და ხანჯალმომარჯვებული ხევისბერთ. ამ ჩვეული სურათის ფონზე ალუდას უჩვეულო, ფერნაცვალი ხატი.

ეს ვინლა მოდგა, ნისლივით?

გაოცება, კითხვა — ნუთუ ალუდაა? სახ-ტად დარჩენილნი შესცქერიან მის გაუცხოე-ბულ, არამქვეყნიურ სახეს — ალუდა კი არ მოვიდა, ნისლივით მოდგა.

— ვის ამწყალობნებ, ალუდავე,
ამა კურატით შავითა? —

ჰკითხავს ალუდას ხუცესი

გადანუელის მკლავითა...

კარგი ყმა უყვარს ბატონსა,

წყალობა ემეტებისა...

მითხარ სახელი, ვის სწირავ,

იმასამც შაენიება.

ხანჯარს აიძრობს, დიდების

სათქმელად დაელირება.

რიტუალის შესასრულებლად შემართუ-ლი ხევისბერი და ალუდას გაუცხოებული, ნისლით მოცული ხატი.

— ეგ სამხვეწროა, ბერდიავე,
ძოლან მოკლულის ქისტისა.

მუცალს ეტყოდენ სახელად,

მაუნათლავის შვილისა.

კარგადაც დამიწყალობნე,

გამიმეტებავ მისთვინა...

ვერც უზუცესებმა გაუგეს მინდიას და ვერც ახალ-უხლებმა, იქნებ ხევისბერმა, ღმერთთან ახლოს მყოფმა, შეისმინოს გაუგ-ონარი და აღასრულოს საღმრთო რიტუალი? იქნება ზღვარი გაქრეს? იქნება ამითი სხვებ-მაც დაინახონ, რომ საღვთო კანონი, რჯუ-ლის მიუხედავად, ყველასთვის ერთია, რომ სწორედ ესაა ღვთის ნება. მიუგო იესო და ჰრქუა: შენ ხარ მოძღვარი ისრაელისა და ესე არა იცია?

მონმენდილ ცაზე მეხის გავარდნას ჰგავს ალუდას სათხოვარი. ჰაერშივე შემდება ხე-ვისბერის ღვთის სადიდებლად აღმართული ხელი. რა უთხრას, რა მოიმხროს?

— გონთ მოდი, ქრისტიანი ხარ,
ურჯულოვდები მაგითა!

ვაითუ, ეშმაკს ხევისბერის ცთუნება განუზრახავს?

როგორ ვახვეწო უფალსა
ძალდი, ძალლების ჯიშისა,

**მანამ სჯობს ცანი დამექცნენ,
სადილი ვსჭამო ქვიშისა!
ფერი ედება ბერდიას,
ფერი სხვა-რიგის შიშისა.**

შეძრწუნებული, შეშინებული ბერდია – როგორ დაიცვას ქრისტეს სჯული ეშმაკისაგან? სინამდვილეში კი ეს სწორედ იმ უცნაურისა და შეუცნობელის შიშია, სინათლისა და სიყვარულისკენ რომ გიხმობს და იმაზე მეტს გთხოვს, ვიდრე ღვთისავე სახელით ღვთის სჯულის დაცვაა. სამყარო შავთერთია. მტყუან-მართალთა ეზოში სხვა მზე ანათებს და ამიტომ, რაც არ უნდა დაამუნათოს ქეთელაურმა:

**— ყმა ვარ მეც გუდანის ჯვრისა,
ხევსური თქვენის წყლისაო,
მითამ ერთნი ვართ, ბერდიავ,
მცხოვრებნი ერთის მთისაო.**

ბერდიასთვის იგი ეშმაკეულია, ბნელი ძალით შეპყრობილია. ალუდა ცდილობს ის ჭეშმარიტება დაანახოს, რაც ამ წუთში მასში აღმოცენებულია, მასში ანათებს. ცდილობს თავისი სიმართლე აჩვენოს და იმათ ენაზე გამოთქვას, ვისთვისაც ძველი, ცხოვრებისეული კანონები უცვლელი ჭეშმარიტებაა –

მითამ ერთნი ვართ, ბერდიავ...

და იტყოდნენ მრავალნი მათგანნი, ეშმაკეულ არს და ჰცბის: რასა ისმენთ მისა?

* * *

მნიგნობართა და ფარისეველთა მოიყვანეს მისა დედაკაცი, რომელიც ცხადად ერსა ზედა დაეპყრა მრუშებასა და დაადგინეს იგი შორის... და ჰრქუეს: მოსე ამცნო სჯულსა შინა ჩუენსა ესევითარი ქუის დაკრებაი და შენ უკუე რასა იტყვი? – ფარისეველთა და მნიგნობართა იესოსთან მიჰყავთ ქალი, რომელი ერსა ზედა დაეპყრა მრუშებას, რათა განსაჯოს მან. მათი ცხოვრების წესის მიხედვით ქალი უნდა ჩაიქოლოს, რას იტყვის იესო? მამა-პაპათა წესიც ცხადზე-ცხადია და დანაშაულიც. სიმართლე მათ მხარესაა. წრედ შეკრულან ცოდვილის გარშემო. შუაში ისაა, შუაში სიკვდილია და უნდა იხილონ თვალთ ეს სიკვდილი, რომ შემდეგ აღარავინ სცოდოს – წინაპართა სჯულს თუ გადახვალ, დაისჯები!

მოსულან იესოსთან ფარისეველნი და მნიგნობარნი და ეკითხებიან: შენ ვითარ იტყვი? რა უდევთ გულში, რატომ მოვიდნენ, იესოს გამოცდა სურთ თუ ძველ ადათ-წესებში შეეპარათ ეჭვი? შუაში ქალია, ცოდვის ხატი, რომელიც სიკვდილის ხატად უნდა იქცეს მათ თვალწინ, მათი ბავშვების თვალწინ! რისხვა, ეჭვი, მოლოდინი და... იესო პასუხობს – იესო იმ სინათლეს მიმართავს, საიდანაც იშვა თითოეული მათგანი, რაც მათშია და თუ არ შეშინდებიან და თვალს

გაუსწორებენ, ცოცხალ სიტყვად იქცევა. სინათლე შენშია, შენ თავად შეგიძლია იყო პიროვნება, თავად შეგიძლია მიუტევო, თავად შეგიძლია იყო ავტორიტეტი, თავად შეგიძლია შექმნა მორალი! დადექ მცირე ხნით საკუთარი თავის წინაშე, ჰკითხე საკუთარ მეს. იესო არ მოძღვრავს არავის, იესო მხოლოდ საკუთარი სინდისის-სინათლის წინაშე აყენებს თითოეულ მათგანს: — ვინ უცოდველი არს თქვენგანნი, პირველმან დაუტევენ ქვაი მაგასა ზედა, — იესო არ განსჯის, არც მოძღვრავს, რათა მათ თავით თვისით, ნათლითა თვისით!.. ხოლო მათ ვითარცა ესმა (მათ ისმინეს იესოსი), მხილებულნი სვინდისისაგან, განცლიდეს თითო, იწყეს მოხუცებულთაგან... ეს იყო იმ დროს, როცა ძე ღვთისა ჯერ კიდევ არ შესდგომოდა გოლგოთას და იცოდა, რომ შემდეგშიც გაუჭირდება ადამიანს ნათელში ყოფნა, შეშინდება, მრავალჯერ ეცდება მისგან გაქცევას, თავს გაიმართლებს და იტყვის, რომ წარსული უფრო მნიშვნელოვანია, ვიდრე ის სინათლე, რაც მასშია. — მე ვარ ნათელი სოფლისა, რომელი შემომიდგეს მე, არა ვიდოდეს ბნელსა, არამედ აქუნდეს ნათელი ცხოვრებისა.

რამდენი საუკუნე გაივლის, სანამ ადამის ძე იტყოდეს: მე ვარ ნათელი სოფლისა...

**— ზღვენსა ნუ გამიმსუბუქებ,
მადლი თუ გწყალობს ღვთისაო...
— ტყუილად სცდები, ალუდავ,
ტყუილად იცვეთ პირსაო...**

ალუდა თვითონ აღასრულებს მსხვერპლშენირვის რიტუალს ხატობაზე შეყრილი ხალხის თვალწინ – ალუდა თავად ქმნის მორალს:

**— უქნივა მოზვერს ქედზედა,
თავი მიგორავს ძირსაო.
თან შაეხვენა ბატონსა,
ნუ შამიცოდებ შვილსაო,
აღლადა ჰქონდეს მუცალსა,
მაგ მოუნათლავ გმირსაო.**

პირველი რიტუალი – მუცალის დატირება – კაცის წინაშე შესრულებული რიტუალი იყო. მეორე რიტუალი უკვე ღვთის წინაშე უნდა აღსრულდეს! სიზმრის შემდეგ ალუდა ხვდება, რომ შუა გზაზე ვერ მიატოვებს მუცალის სულს. მუცალი უნდა გარდაიცვალოს, ამიტომ თავად საჯაროდ აღასრულებს მსხვერპლშენირვის რიტუალს:

**— აღლადა ჰქონდეს მუცალსა,
მაგ მოუნათლავ გმირსაო!**

მტრის მარჯვენის მოუჭრელობა ასე თუ ისე მოითმინეს ხევსურებმა, წმიდათაწმიდა, საიდუმლო რიტუალის ხელყოფა კი მკაცრად ისჯება.

**ბერდია ჯაგარაშლილი
ხალხისკე იზამს პირსაო.**

— გაგონილაა, — იძახდა,
— ასრე აგდება რჯულისა,
ხალხო, მინდარის გავიგო
პასუხი თქვენის გულისა.

ხალხმა უნდა გადამწყვიტოს, ხალხმა უნდა
გამოუტანოს მსჯავრი. წრე იკვრება — შუაში
ქეთელაურია, თემის ადათ-წესების შემგინე-
ბელი.

დაჯარდით, ხევსურთ შვილებო,
ყველანი — დიდნი, მცირენი,
სამართალი ვქნათ, ვუმტვრიოთ
ალუდას სახლის დირენი...

წრე თანდათან ვინროვდება, არავის არ
სურს საკუთარ გულში ჩახედვა, საკუთარ
სინდისთან (სინათლესთან) პირისპირ დარ-
ჩენა, არავინაა წრის დამშლელი. მხოლოდ
თვალზე ცრემლმომდგარი, გულხელდაკრე-
ფილი მინდია ჩანს წრის გარეთ.


მოკვეთილ იყოს, სხვა ქვეყნის
ცა-ღრუბლის შანამზირები...
...ჰრისხამდეს ჩვენი ბატონი,
არ არის შასაბრალეები...
შასმულებმ ხევსურთ შვილებმა
მაიმარჯვიან ფარები,
უნდა სცან ქეთელაურსა,
კაპასად ჟღერენ რვალები.

და აი, ერთხელ კიდევ გამოჩნდება
მოკვეთილი მარჯვენა მუცალისა ქისტის
მარჯვენას ბალღები დაბლა ათრევენ კა-
ვითა. მოჭრილი მარჯვენა — მიჯნა ძველი
ალთქმის წესებსა და ახალ შესაქმეს შორის.
რამდენი საუკუნე გავიდა გოლგოთის მისტე-
რიის შემდეგ, ნეტა კიდევ რამდენი საუკუნე
დაიზრდებიან „ბალღები“ ცოდვა-ბრალიანი
სამართლით? ჯერ მხოლოდ ქრისტიანობის
გარიყრაჟია! მრავალი ბრძოლა გადახდებათ
ალუდებს, სანამ კაცად-კაცადში მოყვასის
ღვთიური სიყვარული აღინთებოდეს, სანამ
თვალანთებული და უმნეოდ მხრებჩამოყ-
რილი მინდია სიყვარულის საკურთხეველზე
დაანთებდეს სანთელს.

* * *

მე ვარ ცხოვრებაი...

მიდის ალუდა კაცთაგან დაწყველილ და
ღვთისგან დალოცვილ გზაზე. სოფელმა ვერ
დაინახა ნათელი, თუმცა მისტერია შედგა,
შეხვედრის მისტერია. მიდის ალუდა ტკი-
ვილითა და ჩუმი სევდით სავსე, ერთეულთა
ბედისწერას შეუღლებული. ეს მისი ჯვარია,
პირადად მისი სატარებელი, ეს სიყვარულია,
მის გულში ფესვადგმული, ეს მისი ცხოვ-
რებაა — გიყვარდეს მტერი შენი და ულოც-
ვიდე მანყევართა შენთა!





მიხა ხელაშვილი

გაბრიელ
ბარცხი

ბანდებილი მოსანი-ფანჯანი

ძალიან ცოტამ იცის, რომ პოეტი და სამ-შობლოს თავგადაკლული პატრიოტი, ქაქუცა ჩოლოყაშვილის შეფიცულთა რაზმის ახალგაზრდა წევრი, მიხა ხელაშვილი განთქმული ქართულის მოჭიდავე იყო.

საქართველოსთვის შავბნელ დროს მოუსწრაფეს სიცოცხლე 25 წლის პოეტსა და მორკინალს მიხა ხელაშვილს. რომ არა მიხას სასწაულად გადარჩენილი მშვენიერი ლექსები, ამ ახადელი (უკანა ფშავი) ვაჟკაცის სახელი შეიძლება უკვალოდ გამქრალიყო.

მიხას ფიზიკურ ღონეზე ფშავში ლეგენდები დღესაც ცოცხლობს. მიხა საშუალო ტანის კაცი ყოფილა. მაგრამ მკერდი მთასავით ამობურცული ჰქონია, ზურგზე კი აქლემის კუზივით ედგა კუნთების გროვაო, უთქვამთ მხილველებს.

ექვსი წლის მიხა თამარღელეში მიჰგვარეს თურმე სასწავლებლად ბერ ილარიონ მოსანთლიშვილს. მერე გოდერძაულის ციხე-კოშკთან, გოდერძაულის თემის წინამძღოლ-

მა ბაჩანას აღზრდილმა, გრიგოლ აფშინაშვილმა, მიხას უფრო ღრმად შეასწავლა წერა-კითხვა და სიტყვა ქართული.

მელექსეობით განთქმულ ფშავში ახადელმა ყმანვილმა მიხა ხელაშვილმა ხატობებზე ფანდურზე და სალამურზე დაკვრასა და კაფიაობაში მალე გაითქვა სახელი. საკუთარი ლექსების ამღერებაში ტოლს არავის უდებდა. ქართული ჭიდაობის გარდა, უბელო ცხენის ჭენებაშიც და თოფის მიზანში სროლაშიც გამორჩეული იყო. მიხა ხევსურეთში, ბარისახოში გაამწესეს დიაკვნად. ენატყილად მოუბარი მოლექსე, ღვთისმოსავი ახალგაზრდა კაცი ყველა ოჯახის სასურველი სტუმარი იყო. ეს არ გამოპარვიათ კომკავშირელ-აქტივისტებს, რომლებიც სულ იმის ფიქრში იყვნენ, როგორ შეევიწროვებინათ რელიგიური ფასეულობები. თავისუფლებისათვის გაჩენილი მთის ლაღი შვილი ვერ ეგუება კომკავშირელ-აქტივისტების მრისხანებას ეკლესიის წინააღმდეგ და ტყეს აფარებს თავს.

მთის ბუნების შვილი იძულებული გახადეს ეკლესია დაეტოვებინა და უკეთურ ხალხისაგან განმარტოებულიყო.

მიხა ცხენს კისრით შეუდგებოდა მუცელს ქვემოთ და, როგორც თავად იტყოდა, უკან გადაისროდა მუთაქასავით. მიხამ ტყეში შარაგზის ყაჩაღებს სათარეშო მოუსპო. მისი შიშით ვერავინ ბედავდა სოფლელების გაქურდვა-დაყაჩაღებას.

მთიელ ხალხში მიხას სახელი თავისუფლებისათვის ბრძოლის სიმბოლოდ იქცა. ეს ყოველივე კი ავადმყოფურად აღიზიანებდა მილიციელ-კომკავშირლებს. და მიხას თიანეთის მაზრის ტყე-ღრეში მოსაკლავად დასდევდნენ.

მიხას რომ ვერაფერი მოუხერხეს, აფხუმოდან ხოდაში მომავალი დედამისი წამებით მოკლეს...

განდევილი მელექსე-აბრაგი დედის ცხედარს რომ გამოეთხოვა, ამ დროს იქ ფარულად იმყოფებოდნენ ხელისუფლების ხალხი. ვერავინ შეჰბედა მიხას ხელის ხლება, რადგან წინასწარ იცოდნენ, რომ მიხას ტანზე ყუმბარები ჰქონდა შემორტყმული. მოძალადეებთან ერთად მიხა თავის თავსაც გასწირავდა... მიხასთვის ცნობილი იყო სამი მილიციელ-კომკავშირელი, ვინც დედა წამებით მოუკლა

**„მამკლავსა თავის დედისას
რცხვენოდეს ფშავლის შვილსაო;
შინაურების დათოფვა
არ ეკადრების გმირსაო“.**

ასე ამთავრებს თავის ლექსს „დედის სიკვდილზედ“.

მიხას იმ მილიციელ-კომკავშირლებშიც ჰყავდა თაყვანისმცემელი გვარად მისრიაშ-

ვილი. მაგრამ მტარვალის ხელისუფლება რას აპატიებდა მიხას მფარველს. ერთ მშვენიერ დღეს, მისრიაშვილი დუშეთში დახვრიტეს.

მიხა შეძრწუნდა ალექსი მისრიაშვილის მწარე ხვედრის გამო.

**„შენს სიკვდილს მე მაბრალებენ,
ცოდვიანს მეძახიანო,
გაზაფხულ როდის დადგება,
შაშხანავ, აგახმიანო,
ბევრისა დედა ვატირო, ბევრ
უჭკვო დავაჭკვიანო,
მტრის ჯავრის ამამყრელი ვარ,
ხელაშვილს მეძახიანო“.**

მიხა განდევილობას და ეულად ყოფნას ველარ ეგუება და უერთდება ქაქუცა ჩოლოყაშვილის „შეფიცულთა რაზმს“.

აი რას მოგვითხრობს ქაქუცა ჩოლოყაშვილის რაზმის თანამებრძოლი ალექსანდრე სულხანიშვილი თავის წიგნში „მოგონებები შეფიცულთა რაზმზე“.

„რაზმში ერთი ფშაველი გვყავდა, მიხა ხელაშვილი, რომელიც მალაროსკარის ბრძოლაში შემოგვიერთდა. იგი სოფლის ყოფილი დიაკვანი გახლდათ. დაახლოებით ოცდაერთი თუ ოცდაორი წლის ჭაბუკი, დიდი ნიჭის პატრონი და მშვენიერ ლექსებსაც წერდა. ზამთარში, როცა კარგი ამინდი იდგა, იგი ბინის მახლობლად წამოწვებოდა მყუდროზე და სულ ორი-სამი საათის შემდეგ ახალ ლექსს მოგვიტანდა ხოლმე. მიხა მუდამ თან ატარებ-


და ერთ აბგას, რომელშიც ქალაღები და სხვა საწერი მასალა ელაგა. ჩვენ მისი ბევრი ლექსი დავტოვეთ საქართველოში, თუ ისინიც ისევე უმოწყალოდ არ დაიღუპა, როგორც მათი ახალგაზრდა, ზებუნებრივი მადლით დაჯილდოებული ავტორი. იმდენად ნიჭიერი იყო მიხა, რომ ყველას გვაკვირვებდა. ამიტომ იყო რომ ერთხელ ქაქუცამ მითხრა: „თუ მშვიდობაა, მიხას აუცილებლად უნივერსიტეტი უნდა გავათავებინო. ცოდოა, ამისთანა ნიჭი დაიღუპოს“-ო.

მიხა თავის დაბადების დღეზე 25 იანვარს 1923 თუ 1925 წელს მოკლეს ხსენებულმა მილიციელ-კომკავშირელებმა. ეს მოხდა ვაჟას სოფელში ჩარგალში. მუხანათურად მოუსწრაფეს სიცოცხლე თავისუფლების მოყვარულ პოეტსა და ფალავანს.

მართალია, ერთობ მწირეა მიხას საფალავნო ცხოვრების დღიურები, მაგრამ ქართველ მოჭიდავეთა თემს ეამაყება, რომ მათი „ოჯახის“ წევრი იყო შესანიშნავი მამულიშვილი და ნიჭიერი პოეტი მიხა ხელაშვილი.

მისი ლექსები მიხას ახლობლებმა ხელისუფალთა შიშით ბუხარში დანვეს — რვეულების მთელი დასტა. ერთმა გაბედულმა ფშაველმა კლდის ქვაბულში შეინახა მიხას ნაწერები...

ხალხურმა ზეპირსიტყვიერებამაც შემოინახა ხელაშვილის შემოქმედებითი მემკვიდრეობა.



დედაჩემის ნაჩუქარ წიგნების კარადაში ვაჟა-ფშაველას პოემების ერთტომეულში ვიპოვე ეს წერილი. დედას მეგობრისათვის მიუწერია. მეც ცრემლი მომგვარა 35 წლის წინ აკინძულმა შენდობის სტრიქონებმა. მაშინ წერილი უანაბროდ გაიბნა, ახლა კი მკითხველს ვთავაზობ დედაჩემის ამ სევდიან ბარათს, რადგან მეჯერა, სიტყვა ყოველთვის პოულობს ადრესატს.

ვაჟა ოთარაშვილი

ნინო

ჩიქრიძე

სხამცაბი

ვუძღვნი ლამარა კახიანს

ცრემლები, ჩემი მეგობრის ცრემლები! ხალასი, წმინდა, ალალი ცრემლები! გულიდან მოწურული მწარე ცრემლები! განცდის, ნამდვილი წყენის ცრემლები!

სახე-ღვთიშობლის, სახე-ფერმკრთალი, სულმთლად შეცვლილი, გადატეტილი, თე-

თრი, მთლად თეთრი! თვალის ქუთუთოების გარშემონერილობა თავშეკავებულობით, მორიდებულობით, თავმდაბლობით დანითლებული და თეთრი, რძესავით თეთრი ცრემლები, უკვე თვალების გუგებიდან წამოსული ცვარივით მომდგარი წამწამებზე, უმანკო ცის ნამივით, მარგალიტის მძივივით გაბრწყინებული სახე, გადატეტილი სახე მდუმარე, მომთმენი, ჩაფერფლილი, ნაწყენი.

ჩემს მეტი ვერავინ ამჩნევს მდუმარე, ვითომ წყნარი, მშვიდი სახის ჭიდილს წყენასთან, დიას, ჩემს მეტი! ნებისყოფას სურს სიმშვიდე, გულის ტკენის გაუმჟღავნებლობა, მაგრამ გრძნობა ძლიერია, სწურავს გულს, სულს და განურული გულის, დატანჯული სულის მარგალიტის ცრემლებად აქცევს, მაგრამ ჭიდილი მაინც გრძელდება. ნებისყოფა მარგალიტს აკავებს, სთოკავს, სამსალასავით სვამს, აქრობს, წამწამს არ აცილებს.


ხელი მხოლოდ მაშინ მიდის თვალთან, როცა ცრემლები შრება და კვალი რჩება. ხელი მიდის იმიტომ, რომ ეს კვალიც წაშალოს, მეგობრისაგან წყენის კვალი, მოსპოს, ჭრილობა მოშუშებულად მოაჩვენოს.

— და ეს სიმშვიდე, ეს მოთმინება უფრო ბევრს ამბობს, ვიდრე ყვირილი და საყვედური და მეც მესხნება ახალი ჭრილობა. ტირის ჩემი გულიც, იტანჯება, მაგრამ არ მაქვს თვალბეზრები ცრემლი, ვითომც არაფერი არ მომხდარიყოს, ვითომც უცრემლოდ მეც არ მეტიროს, გულის ჭრილობა არ გამხსნოდეს იმიტომ, რომ ვაწყენინე, ჩემს კარგ მეგობარს ცრემლით ავუვსე ნათელი თვალები, წყენით ავუვსე ალალი გული.

საკვირველია, მაგრამ მაინც სიმართლეა, რომ წყენით გაგალამაზე შენ. ასეთი უმანკო, ასეთი ალალი, ასეთი მართალი, ასეთი კარგი არც მინახიხარ არასოდეს და მე ვინანე, რომ არ ვარ პოეტი, ლექსები ვთქვა მოთმინებაზე, არ ვარ მხატვარი, ფერით ვქარგო ეს სილამაზე, არ ვარ სიმღერა, მოგატარო მთელ ქვეყანაზე!

05.11.75 წ. ღამის II საათი





ქეთი
დიდიშვილი

**ახამ ბახანი –
„ადამიანი თავისმა
საქმამ, ხალხის –
შემოქმედება უნდა
ნახმოაჩინოს“**

არიან ადამიანები, რომლებიც განგებამ უსაზღვრო ენერჯით, სიცოცხლისა და შექმნის წყურვილით დააჯილდოვა. მათი ყოველი სიტყვა, მოქმედება, თუ ქმნილება ბუნების მიერ დასმულ ამ „დაღს“ ატარებს და როგორც არ უნდა გინდოდეს თვალის არიდება, მაინც ვერ დაემალები, ვერ მოერიდები, სარკეზე ასხლეტილი მზის სხივით მოგჭრის თვალს. ასეთია აბრამ ბახელიც — როგორც შემოქმედი და როგორც პიროვნება. შეუძლებელია არ დაინახო მისი უსაზღვრო ენერჯია და შრომისმოყვარეობა, რომელიც, ალბათ, პირველი ნიშანია ღვთის

მიერ ხელდასმული ნიჭიერი ადამიანებისა. „ადამიანი თავისმა საქმემ, ხელოვანი — შემოქმედებამ უნდა წარმოაჩინოს, ბავშვი რომ იზადება, სახელს მშობლები ურჩევენ, თავისი ცხოვრებით იგი თვითონ ირქმევს მას, წავა და ხალხი დაარქმევს სახელს“ — ეს სიტყვები საგზლად დააქვს ცხოვრების გზაზე და ხედები, რომ მხოლოდ დიზაინერს კი არა, მასწავლებელს, პიროვნებას ესაუბრები, რომელიც ტანსაცმელსა და გარეგნულ სილამაზესთან ერთად, სულის ესთეტიკაზეც ზრუნავს.

გასაკვირიც არაფერია. აბრამ ბახელი ხომ იმ ერის წარმომადგენელია, რომელსაც წიგნის ხალხს უწოდებენ და რომელმაც კაცობრიობას უდიდესი განძი — ბიბლია უსახსოვრა. როგორც ჩანს, გვინდა თუ არ გვინდა, ადამიანებს, როგორც ჩვენი საკუთარი, ასევე მშობლიური ერის წარსულიც გვასვამს დაღს. ის ტანჯვა-ვაება, დევნილობა, დამცირება, ტყვილი, შორეულ წინაპარს საუკუნეების მანძილზე რომ გადაუტანია, უხილავი გზებით ჩვენს ძარღვებში სისხლთან ერთად ბრუნავს და გულსა და გონებას კვებავს, ამიტომ თითქოს შუბლზე გვანერიაო, ისე შეუმცდარად იკითხება ჩვენს გარეგნობაში, სიტყვა-პასუხში, თუ საქციელში „ვისი გორისანი ვართ“.

აბრამ ბახელის შემოქმედებასაც უთუოდ ჰქონდა კეთილი სათავე, საიდანაც იგი ჯერ პატარ-პატარა ნაკადულებად წამოვიდა, თანაბრად შეისრუტა პალესტინის ცხელი ქვიშისა და მადლიანი ქართული მიწის ოხშივარი და ერთ მთლიან, ძლიერ ნაკადად იქცა... სწორედ ეს ორი ძლიერი ნაკადი — ქართული და ებრაული — გახდა მისი შემოქმედების განმსაზღვრელი, მან შეძლო ახლებურად, თანამედროვე ჭრილში წარმოედგინა უძველესი ქართული თუ ებრაული კოსტუმები, აღედგინა ძველი და თანამედროვე ჟღერადობა მიენიჭებინა მათთვის. რაც მთავარია, მისი კოლექციები მხოლოდ ტანსაცმლის ჩვენებისთვის როდია შექმნილი, ყოველ მათგანს გარკვეული კონცეფცია, იდეა და მიზანი აქვს. ფაქტიურად ბახელის ნამუშევრების ყველა ჩვენება, თეატრალიზებული წარმოდგენა, სადაც მოდელიერიც თვითონაა, სცენარის ავტორიც და რეჟისორიც.

ერთ-ერთ ჩვენებაზე, პოდიუმზე გათამაშებული ისტორიული მოვლენების ხილვით აღფრთოვანებულმა აბონ ციციასვილმა ასე შეაფასა აბრამ ბახელის შემოქმედება:

„პირველი ქართველი ებრაელი, ვინც ებრაული თემატიკა შემოიტანა ქართულ ლიტერატურაში იყო მწერალი გერცელ ბააზოვი. მეორე — პროფესიონალი მხატვარი მიშა (მორდუხ) ჯანაშვილი, რომელმაც



ქართული მხატვრობა ებრაული თემატიკით გაამდიდრა. აბრამ ბაზელი მესამე ქართველი ებრაელია, რომელმაც ამჯერად უკვე პოდიუმზე წარმოადგინა ქართველთა და ებრაელთა ოცდაექვსსაუკუნოვანი მეგობრობის ისტორია. ამ თვალსაზრისით, კოლექცია უნიკალურია და მას მსოფლიოში ანალოგი არ გააჩნია“.

ტანსაცმელი ერის კულტურის შემადგენელი ნაწილია, იგი თავისი უტილიტარული დანიშნულებიდან გამომდინარე უძველესია და მასში კარგად იკითხება გეოგრაფიული გარემო, ჰავა, ერის ყოფისა და საქმიანობის ელემენტები. მსოფლიოს ყველა ხალხს თავისი მოდის ისტორია აქვს, განვითარების საკუთრი გზები და ტენდენციები. რა თქმა უნდა, ამ მხრივ, გამოჩინების არც საქართველო და ისრაელი წარმოადგენს. ორივე მათგანი უძველესი დროიდანვე ცნობილია, როგორც უმშვენიერესი ქსოვილების მწარმოებელი ქვეყანა. ეროვნული ტრადიციული ჩაცმულობა სრულიად უნიკალურია, ისეთივე ისტორიული ძეგლია, როგორც ხუროთმოძღვრებისა თუ ლიტერატურის ნიმუშები.

დღესაც XXI საუკუნეში, როცა აღარავის არაფერი უკვირს, როდესაც ადამიანის თვალისთვის დამალული აღარაფერია, და ტექნიკურმა პროგრესმა საშუალება

მოგვცა სახლიდან გაუსვლელად გავიგოთ რა ხდება მსოფლიოს ნებისმიერ კუთხეში, არაერთხელ გვინახავს უბრალო თუმი, ხევსური, მთიული ქალის სამოსით, ნაქარგობით, ორნამენტებით აღფრთოვანებული უცხოელები. დღეს ცხოვრების ამ დაჩქარებულ ტემპში, როდესაც გვეჩვენება, რომ დედამიწაც კი უფრო სწრაფად ბრუნავს, საყოველთაო გლობალიზაციის პროცესში, მხოლოდ საკუთარი წარსულით, ტრადიციებით და ხელოვნებით თუ შევინარჩუნებთ თვითმყოფადობას, რაც არამც და არამც, არ ნიშნავს საკუთარ ნაჭუჭში ჩაკეტვას, პირიქით, ჩვენ ჩვენი განუმეორებელი ტრადიციებით და კულტურით, ათასწლეულებს რომ ითვისის და ერთგვარი სიძველის სუნიც კი დაჰკრავს, უფრო თამამად შევავიჯებთ მსოფლიო თანამეგობრობაში, ისე, რომ არ გავითქვიფოთ, არ გადავგვარდეთ, საკუთარი სული, შინაგანი არსი შევინარჩუნოთ და მსოფლიო ცივილიზაციასაც ერთი ორიგინალური ელფერი შევმატოთ. სწორედ ამ მიზნით შეიქმნა აბრამ ბაზელის კოლექცია „საქართველოს 12 კუთხე“, თანამედროვე სტილიზებული კოსტუმები ნაციონალური ჩაცმულობის ელემენტებით, რომლის დევიზიცაა: „გაცოცხლებთ წარსულს XXI საუკუნისათვის.“ რადგან თუ „უნარსულო კაცი ფესვმოჭრილ ხესავითა“ (ილია), არც მარტო წარსულზე ფიქრით აშენებულა ქვეყანა. როგორც ივანე ჯავახიშვილი წერდა: „რა დიდი ღვანლიც არ უნდა მიუძღვოდეს ეროვნებას წარსულში, თუ იგი ანმყოში არას წარმოადგენს, ბრწყინვალე წარსული ვერას უშველის.“ ძველისა და ახლის სინთეზი, წარსულიდან — თანამედროვეობისაკენ, ასეთია აბრამ ბაზელის მოდის მიმართულება. ამ კოლექციაში ნახავთ ქართულ, კახურ, თუშურ, ხევსურულ, იმერულ, მეგრულ, გურულ, აფხაზურ, ოსურ მოტივებზე შექმნილ თანამედროვე ტანსაცმელს, თითოეულ კუთხეს, გამომდინარე ამ კუთხის შვილთა ხასიათიდან, თავისებურებებიდან, საქმიანობიდან, თუ ცხოვრების წესიდან თავისი განსხვავებული ფორმა, ფერი და ორნამენტები ახასიათებს.

საერთოდ ქვეყანაზე ყველაფერი მეორდება, მეორდება მოდაც, მაგრამ თამამად შემოიძლია ვთქვა, რომ დიზაინერის მიერ ტრადიციული ქართული ელემენტების აღორძინების მცდელობას უკვალოდ არ ჩაუვლია. ამ კოლექციამ მართლაც მოახდინა გავლენა მოდაზე. ქართველი ახალგაზრდობის ჩაცმულობაში და აქსესუარებში ეროვნულმა თემატიკამ განსაკუთრებული ადგილი დაიკავა.

ყველაზე საინტერესო კი ისაა, რომ ქა-

რთული კოლექცია ებრაელი კაცის შექმნილია, თუმცა, იგი ქართველი ებრაელია და ამით ყველაფერი ნათქვამია.

არ ვიცი, ქართველებმა მოვნათლეთ ისინი ამგვარად, თუ თვითონ უნოდეს თავს ქართველი ებრაელები, მაგრამ ერთი რამ ცხადია, სამყაროში შემთხვევითი არაფერია. ერის ნება და მეხსიერება ისეთი რამაა, ასე იოლად და დაუმსახურებლად არ გაიმეტებს სახელს.

ეს კი აბრამ ბაზელის სიტყვებია:

„ადამიანი რომ იბადება, უკვე ვალი აქვს მინის. მთელი ჩვენი ცხოვრება ამ ვალის დაბრუნება უნდა იყოს. რამდენჯერ მითქვამს, რომ ჩემი სამშობლო საქართველოა, ხოლო ჩემი ერის სამშობლო — ისრაელი. სწორედ ამ ორი ერის სამსახური გამიხდია ცხოვრების მიზნად.“

მაგრამ როგორც არ უნდა გიყვარდეს მინა, რომელზეც დაიბადე და გაიზარდე, განა შეიძლება წარმოვიდგინოთ ებრაელი, რომელსაც ისტორიულ სამშობლოში დაბრუნება არ სურდეს, რომელსაც იერუსალიმის, ამ წმინდა ქალაქის ნათელი ხილვა არ უნათებდეს გულსა და გონებას?! მინა ეძახით და მინა იჭერთ. აქ ყველაფერი ნაცნობი და ახლობელი, იქ — უცნობი, მაგრამ ტკივილამდე მშობლიური — აღქმული მინა, წინაპართა ბიბლიური აჩრდილებით რომ დასახლებულა.

საქართველო თუ ისრაელი?! კარგა ხანს იდგა ამ დილემის წინაშე აბრამ ბაზელიც. ბოლოს მაინც თავის ბავშვობის ქვეყანაში დარჩენა ამჯობინა. თუმცა, ეს ასე მარტივად გადასაწყვეტი არ ყოფილა. რამდენი ფიქრი, განცდა უძლოდა წინ, სანამ გადაწყვეტილებას მიიღებდა. ამდენი სულიერი მღელვარება, განსჯა, ფიქრი წასვლისა თუ დარჩენის თაობაზე, უკვე გამოცდილებაა, დიდი სულიერი განცდა, რაც ახლებურ ფორმაში გადასვლას ითხოვს. სწორედ ეს განცდები, ეს სულიერი მღელვარება დაედო საფუძვლად ბიბლიური პერსონაჟების პოდიუმზე გაცოცხლების იდეას, რადგან ებრაელთა ისტორია, ეს მისი პირადი ისტორიაა, ეგვიპტის ტყვეობიდან თავდახსნაც, პალესტინიდან ნაბუქოდონოსორ II-ის მიერ ანიოკებული და აოხრებული ხალხის დედამიწის ზურგზე გაფანტვაც და მათი ერთი ნაწილის მცხეთაში ჩამოსახლებაც მისი ტანჯვის გზაა, მის მიერ ათასჯერ განვლილი და განცდილი. საქართველოც მისი სამშობლოა და ისრაელიც! მაშ, სხვას ვის ძალუძს უკეთ მოგვითხროს ამ ორი ერის ურთიერთობასა და მეგობრობაზე?

ბიბლიურმა თემატიკამ, მარადიული ჭეშმარიტების წვდომის, შორეული ფესვების ძებნის, მათთან მიახლოების სურვილ-

მა ხელოვნებაში იჩინა თავი და ეს იდეაც რეალობად იქცა. კოლექცია „მოდა და ისტორია“ შინაარსობრივად მიყვება ბიბლიის სიუჟეტებს და ასახულია ყველა ის საკვანძო მომენტი, რომელსაც განსაკუთრებული მნიშვნელობა ჰქონდა როგორც ებრაელი ხალხის, ასევე მთელი ქრისტიანული სამყაროს ცხოვრებაში. მოდელიერმა კოსტუმებში გააცოცხლა კაცობრიობის ისტორია — წარღვნის წყლებით განწმენდილი პირველი დილიდან ქრისტიანობის დამკვიდრებამდე საქართველოში. აქ იხილავთ ნოეს, როგორც განახლებული კაცობრიობის მამამთავარს, მის ვაჟიშვილებს: სემს, ქამსა და იაფეტს, რომელთაც სათავე დაუდეს სემიტების, ქამიტებისა და იაფეტიდების მოდემებს, აბრაამს — რომლის წიაღიდანაც გაამრავლა უფალმა ისრაელი, ეგვიპტეს და ეგვიპტურ ყოფას — მოსეს და აარონს — გზას ეგვიპტიდან (ნივთიერი სამყაროდან) აღქმული მინისკენ (სულიერებისკენ), ქრისტეს დაბადებასა და ახალი სარწმუნოების დამკვიდრებას, წინო კაბადოკიელს და საქართველოს მოქცევას და გაერთიანებას. კოლექცია ქართულ და ებრაულ ეროვნულ და რელიგიურ მოტივებზე შექმნილი მოდელებით მთავრდება — როგორც სიმბოლო ქართველი და ებრაელი ხალხის მრავალსაუკუნოვანი და ურღვევი მეგობრობისა.

„მოდა და ისტორია“ აბრამ ბაზელის კოლექციებიდან ალბათ ერთ-ერთი ყველაზე მნიშვნელოვანი და საინტერესოა.





თამარ მეფე

სწორედ ამ კოლექციამ მოუტანა მას მრავალი გამარჯვება უკრაინაში, მოსკოვში, ბელორუსიაში... ყველა კონკურსიდან ხელდამშვენებული ჩამოდიოდა, ყველა ნაციონალური ტანსაცმლის კონკურსის გრან-პრი მისი იყო.

მართლაც, დიდი პასუხისმგებლობაა, იყო ორი უზარმაზარი ისტორიისა და კულტურის მქონე ერის შვილი და ჭეშმარიტად ბედნიერია ის, ვისაც ძალუძს ამ პასუხისმგებლობის გასიგრძეგანება და წინაპართა თუ მომავალი თაობის წინაშე პირნათლად წარდგომა.

მოდელიერის ფილოსოფიური აზროვნება, მისი დამოკიდებულება სიცოცხლისა და სიკვდილისადმი, სიკეთისა და ბოროტებისადმი, ყველაზე უკეთ „ვეფხისტყაოსნისადმი“ მიძღვნილ კოლექციაში გამოჩნდა. თუ „მოდა და ისტორია“ პოდიუმზე ბიბლიის თემებს აცოცხლებს, დიზაინერის არჩევანი, რომ ახლა უკვე XII საუკუნე წარმოეჩინა, მოსალოდნელიც იყო. ქრისტიანობის დამკვიდრებას და მის სახელმწიფო რელიგიად გამოცხადებას საქართველოში, ლოგიკურად მოყვა სახელმწიფოს გაძლიერება, ქართული კულტურის აღორძინება და უდიდესი ლიტერატურული შედეგის „ვეფხისტყაოსნის“ შექმნა, ამდენად, გასაკვირიც არ იყო, რომ აბრამ ბაზელი ბიბლიური თემების შემდეგ, „ვეფხისტყაოსნით“ დაინტერესებულიყო. შოთა რუსთველის პოემა სრული-

ად განსაკუთრებული ფენომენია მსოფლიო ლიტერატურაში, თავისი მონუმენტურობით და ყოვლისმომცველობით იგი სწორედ რომ ბიბლიის სიუჟეტების შესაფერია, ამასთან, ქართველი ხალხისთვის ბიბლიასავით სათაყვანო წიგნია, რადგან მასში გაერთიანებულია ქართველი ხალხის ყველა ოცნება და მისწრაფება, სულიერი განცდა და იდეალები: მეგობრობა, ერთგულება, სიყვარული, ხალხთა და რელიგიათა დაუპირისპირებლობა და მშვიდობიანი თანაარსებობა. ეს ის ცნებებია, რომლებიც ყველა ხალხისთვის თუ ეპოქისთვის აქტუალური, მარადიული და ღირებულია. დიზაინერისათვის კი ალბათ, იმ მხრივაც საინტერესოა, რომ პოემის შინაარსი გეოგრაფიულად თითქმის მთელ ძველ აღმოსავლეთს მოიცავს: საქართველოს, სპარსეთის, არაბეთის, ინდოეთის, ისრაელის, ჩინეთის კულტურასა და ტრადიციებს და მრავალმხრივ, მრავალფეროვან მასალას იძლევა დასამუშავებლად. ამ კოლექციისთვის შექმნილი ესკიზები ღრმა ფილოსოფიური აზროვნებისა და ფიქრის შედეგია, მათი შექმნისას გათვალისწინებულია პერსონაჟთა ფსიქოლოგიური პორტრეტები და სიუჟეტის ფილოსოფიური ასპექტები, ეროვნება, წოდება და მათთვის დამახასიათებელი ჩაცმის სტილი, ორნამენტები და სილუეტი, მცენარეებისა და ცხოველების სტილიზებული სახეები, ბიბლიურ თუ ხალხურ ყოფაში ფართოდ გავრცელებული სიმბოლოები. ასე რომ, მოდელების თითოეული დეტალი, შტრიხი, თუ ფერი გარკვეული დატვირთვის, შინაარსის მატარებელია. თითოეული მათგანი მრავალ სიმბოლოს მოიცავს და ერთგვარად თავისუფალი ინტერპრეტაციაა პოემისა. კოლექციის კონცეფციას შეიძლება ყველა არც დაეთანხმოს, მაგრამ ესკიზებს მეცნიერული მტკიცებულების პრეტენზია ნამდვილად არ გააჩნია. ეს არის ხელოვნება. ხელოვნებას კი ყოველთვის ახასიათებს თავისუფალი მიდგომა თემისადმი, წარმოსახვის მეტი სითამამე და სილაღე. თავად „ვეფხისტყაოსანი“ კი, როგორც უნივერსალური მასალა, სიბრძნის უღვევი წყარო, იძლევა იმის საშუალებას, რომ მკითხველის ფანტაზიამ მის წიაღში ჩამალული თვალმარგალიტის ბრწყინვალეობა სხვადასხვა კუთხით დაინახოს.

სამწუხაროა, რომ ეს პროექტი დაუსრულებელია. სამუშაოს დიდი ნაწილი — კონცეფცია და ესკიზები მზადაა, მაგრამ მათი ხორცმესხმისთვის საჭირო თანხების არ ქონის გამო, ეს თემა ჯერჯერობით თაროზეა შემოდებული და მოთმინებით ელოდება თავის რიგს.



ნანა

პირწესულად

ჰოხხატი-XIXს-ის ბოლო ათწლეულებში

ხალხური შემოქმედების გარემოში დახლოვებულ ქართველ მხატვართა შემოქმედება (პორტრეტი-XIX ს-ის ბოლო ათწლეულები) პორტრეტულ ჟანრს ქართულ ხელოვნებაში გამორჩეული ადგილი უკავია. მან ევოლუციის და ცვლილებების საკმაოდ გრძელი და ინტენსიური გზა განვლო, სრულიად განსხვავებულ მხატვრულ ტრადიციებს ეყრდნობა და განსხვავებულ ზოგჯერ ურთიერთსაინანაღმდეგო ინტერპრეტაციას იღებს. იყო პერიოდები, ჟანრის მთლიანობის რღვევის შთაბეჭდილებას რომ იწვევდა, მაგრამ პორტრეტმა, როგორც ჟანრმა შეინარჩუნა თავისი სახე და ადგილი ქართულ მხატვრობაში. ისტორიულმა პირობებმა, გეოგრაფიულმა მდებარეობამ ქრისტიანულ სამყაროსა (ბიზანტია, ახლო აღმოსავლეთი)

და ისლამურ ქვეყნებს შორის, ძლიერმა და აგრესიულმა გარემოცვამ არ მისცა ქართულ ხელოვნებას ევროპულ სამყაროში მიმდინარე პროცესების მსგავსად ევოლუციის საშუალება. მეორეს მხრივ ქართულ ხელოვნებას, რომელიც აღმოსავლეთ ქრისტიანული კულტურის ძლიერი განშტოება იყო, ზურგს უმაგრებს მრავალსაუკუნოვანი მხატვრული ტრადიციები (დანაშაულები წინაქრისტიანული საქართველოს გაცილებით ხნოვანი ხელოვნებიდან), რომელთა თვითმყოფადობამ მწვერვალს შუასაუკუნეებში, ქართული კულტურის ბრწყინვალე აყვავების ხანაში მიაღწია. ყურადსაღებია, რომ გვიან ფეოდალურ ხანაში საქართველოსათვის ძნელბედობად ნოდებული ამ ეტაპის ხელოვნების სხვა დარგების ზოგადი დონის დაქვეითების ტენდენციის პირობებში, პორტრეტული ჟანრი ფაქტიურად ერთადერთია, რომელიც მხატვრული თვალსაზრისით მაღალ დონეს ინარჩუნებს და ცოცხალ, ორიგინალურ ნიმუშებს გვიტოვებს ქტიტორული პორტრეტის სახით. მიუხედავად იმისა, რომ საქართველოს შუასაუკუნოვანი ხელოვნების კედლის მხატვრობის პირობითობის ფარგლებში არსებული „საერო“ ქტიტორული პორტრეტი, რიგი თავისებურებების მიხედვით ნომინალურად შეიძლება მივაკუთვნოთ ამ ჟანრს და მათი იდეურ-მხატვრული კონცეფცია სრულიად განსხვავებული, მათგან დაშორებული ამოცანებით განისაზღვრება, მისთვის დამახასიათებელი ხედვის პრინციპები, აღმოსავლეთ-ქრისტიანულ სამყაროსთან დაკავშირებული ქართული ხელოვნებისათვის უმთავრესი ღირებულება — სიბრტყე და ხაზის გამომსახველობა, მათი უპირატესი წარმოჩენის ტენდენცია, საოცარი თანამიმდევრობით იჩენს თავს და პირდაპირი თუ ირიბი გზით გამოძახილს პოულობს სრულიად განსხვავებულ პერიოდებში. პორტრეტული ჟანრი ერთგვარ ხიდად გვევლინება შუასაუკუნეების ხელოვნებასა და ახალ ქართულს შორის. ამ ჟანრით XVIII ს-ის II ნახევარში ხდება ევროპულ (პოსტრენესანსულ) ხელოვნების პოზიციებზე გადასვლა. XIXს-ის I ნახევარში ყალიბდება მეტად თავისებური მოვლენა „თბილისური პორტრეტული სკოლა“ განსხვავებულ მხატვრულ სტილთა სინთეზით, რომელიც დაზგური მხატვრობის ერთადერთ და უმნიშვნელოვანეს საყრდენს წარმოადგენს დროის საკმაოდ ვრცელ მონაკვეთში. ევროპულად განსწავლულ ქართველ მხატვართა პირველი თაობა, ადგილობრივი მხატვრული ტრადიციების გარკვეული ცალმხრივობის, ფორმის შუასაუკუნოვან საწყისის გადალახვის ევროპული დაზგური ხელოვნების შემოტანის ერთადერთ შესატყვის ფორმად XIXსის II ნახევრის რუსული რეალისტური

მხატვრობის ნორმებს აღიქვამს. ბევრი რამ განპირობებულია რუსეთიდან შემოტანილი კულტურის სპეციფიკით (საქართველო რუსეთის იმპერიის შემადგენელი ნაწილია) სწორედ ის განსაზღვრავს XIX-ის ბოლო მეოთხედიდან ქართული პორტრეტის განვითარების გზას. ამგვარად, ევროპულ დაზგურ მხატვრობაზე გადართვა ხდება არა ქართული ხელოვნების მემკვიდრეობის ნაწილობრივი გადააზრებით, შემოქმედებითად გადამუშავება-განზოგადებით, „თბილისურ სკოლაში“ გაგრძელებული ადგილობრივი ტრადიციების მხატვრული გარდაქმნით, არამედ მარტივად ერთი მხატვრული მეთოდის მეორეთი ჩანაცვლებით. იკვეთება კიდევ ერთი საზი, ის არსებითად არ განსაზღვრავს ქართული პორტრეტული ხელოვნების განვითარების საერთო მსვლელობას, მაგრამ არც უგულვეყოფას იმსახურებს. ავსებს რა ამ ეპოქის მხატვრული შემოქმედების მთლიანი განვითარების სურათს, როგორც ევროპული ტიპის პორტრეტის პარალელურად არსებული, ადგილობრივი მხატვრული ტრადიციების გაგრძელებისაკენ მიმართული, „შიდა მესხიერებაში“ ჩაღეჭილ მონაპოვართა გენეტიკური კავშირის გამამყვანებელი, ქართული მხატვრობის ევოლუციის საზის უწყვეტობის დამადასტურებელი მოვლენა (მხედველობაში მაქვს ხალხური შემოქმედების გარემოში დახელოვნებულ არაპროფესიონალ ოსტატთა მხატვრობა). ცნობილია, რომ ამ პერიოდის დასავლურ-ევროპული ხელოვნება ახლებურის დამკვიდრებაში ორიენტაციას აღმოსავლურ, შუასაუკუნეების ხელოვნებაზე და პრიმიტივზე იღებს მათ პირობით განწყენებულ აღქმას და გამომსახველ საშუალებებს ეყრდნობა. პრიმიტივი კი თავის მხრივ ილტვის პროფესიონალური მხატვრობის შესახვედრად, უძნელდება რა სამყაროში მიმდინარე მკვეთრ ცვლილებებზე შეპასუხება სუბიექტური სანყისის მოშველიების გარეშე. ამით აიხსნება ის გარემოება, რომ პრიმიტივის აღზევება მის მკვეთრად ინდივიდუალურ შემოქმედებაში ხდება. მაგ. ფიროსმანი პრიმიტივიში მის პერსონალურ, ინდივიდუალურ მხატვრობის განშტოებას წარმოადგენს. „მესამე კულტურის“ წარმომადგენელთა უმრავლესობა კი პრიმიტივის ნაკლებ ინდივიდუალურ, კოლექტიურ სანყისს მიეკუთვნება. ხალხური ხელოვნების ნიმუშთა ნაკადი, უძველესი ტრადიციიდან რომ მომდინარეობს, რომლის დასაბამი თანდათან მივიწყებული იქნა და, სავარაუდოა, მასალის სპეციფიკის გამო გადარჩენილ, საფლავის ქვის რელიეფებზე გამოსახული მემორიალური პორტრეტებით შემორჩა, თავისებურად აირეკლა გვიანი შუასაუკუნეების ქართულ ტაძართა მოხატ-

ულებებში. ისინი „წამიერად გარინდებულ კი არა, თითქოსდა სამუდამოდ შეჩერებულ“ ფიგურებით მოგვაგონებენ საფლავის ქვის რელიეფებს. ალბათ, ამიტომ ხედავენ ნ. ფიროსმანიშვილის ფენომენის შემსწავლელნი მის შემოქმედებაში მონუმენტურობის, პირობითობის და დამახასიათებლობის იგივე შეფარდებას. ხელოსნური ამქრის წევრ მხატვართა შემოქმედების საგანგებო დანიშნულება ხალხის ცხოვრების წესს, მის ყოველდღიურ ყოფას უკავშირდება (დუქან-სადარბაზოთა მოხატულობები, აბრების და ფირნიშების დამზადება). საეკლესიო ფერწერის ზოგადი კრიზისის დროს თვითნასწავლი მხატვრები ხატწერასაც მისდევენ, რაც იმის მაჩვენებელია, რომ ხატწერაც ხელოსნობა ხდება და იმდროინდელი ქართული ფერწერის „ხალხურ ნაკადში“ შედის. ქალაქის მხატვრული ფოლკლორის, „მესამე კულტურის“ ერთი გამოვლინებათაგანია ამ პერიოდში შექმნილი ისეთი ჟანრი, როგორც „ფონები“ ფოტოგრაფიული ატელიებისათვის, რომელიც აბრისათვის დამახასიათებელი ფორმისეული ნიმუშებით (სრული სიბრტყობრიობა, მარტივი დეკორატიულობა, ხედვის დაუფარავი მიამიტობა, გულუბრყვილობა) საზრდოობს. სხვადასხვა სურათებით მოხატული მარტივი ფონები, რომელთა საშუალებით (ფონის ამოკვეთა და მასში თავის გაყოფა) ჩვეულებრივ ყოფაში მიუწვდომელ ჯადოსნურ სამყაროში გადანაცვლების შესაძლებლობას ქმნიდა. არსებობდა უფრო „ესთეტიზირებული“, მდიდრული ანტიურაჟით წარმოდგენილი ფონები, ბურჟუაზიული სახლის კომფორტული სამყაროს შესაქმნელად (ბალუსტრადიანი აივნები, პორტიერები). ფოტოგრაფიული და ფერწერული პორტრეტები, მასობრივი ესთეტიკის დონეზე დაუპირისპირდა ერთმანეთს. ფერწერული პორტრეტის პოპულარობა მისი რამდენიმე თავისებურებით აიხსნებოდა: ფერადოვნება, ტილოს ფორმატის სიდიდე, ხელით შექმნილის მეტი პრესტიჟულობა და, რაც მთავარია, კონკრეტულობის შენარჩუნების პარალელურად ნატურის გარდასახვის, მისი იდეალიზირების, ამაღლებული სახით წარმოდგენის მეტი შესაძლებლობები, თუმცა ამ გარდასახვის უკან იდეალი არ ჩანდა. ფოტოგრაფიულ პორტრეტსაც ჰქონდა თავისი დადებითი მხარეები — მეტი სიზუსტე კონკრეტული მსგავსების გადმოცემაში, ხელმისაწვდომობა, დემოკრატიულობა...

პერიოდიკაში ხშირად იჭრება საკითხი თვითნასწავლ მხატვართა მიმართ ყურადღების გაძლიერების აუცილებლობის შესახებ საზოგადოების მხრიდან. მოხსენიებულია „ვივესკების და სავაჭრო წარწერების“ შემქმნელ მხატვარ-ხელოსანთა გვარები.

მოვიყვან ერთ მაგალითს: გაზეთი „ცნობის ფურცელი“ აქვეყნებს ასეთი შინაარსის განცხადებას: „გუშინ რედაქციაში შემოიტანეს წმ. მონამეთა დავითის და კონსტანტინეს სურათი, ფერადი ნამლებით დახატული, 17 წლის გლეხის შვილის გვარად პირტახიასგან. ყმანვილი დაბა ხონის მაცხოვრებელია. სწავლა დაუმთავრებია ქუთაისის სამოქალაქო სასწავლებელში და რადგან საშუალება არ ჰქონია, ამიტომ მიუხედავად დიდი სურვილისა, სწავლა ველარ განეგრძო და დარჩენილა დაბა ხონში, სადაც თურმე ხატავს ვივესკებს მალაზიებისათვის და სავაჭრო წარწერებს“. ფერწერული პორტრეტი „დაეშვა“ მასებში. სოციალურ წრეს, რომელიც „ტფილისურ პორტრეტულ სკოლაში „მაღალი საზოგადოების წარმომადგენლებით იფარგლებოდა, დაემატა ვაჭრობის, ხელოსნობის მნიშვნელოვანი გაფართოების საფუძველზე ასპარეზზე გამოსული მოქალაქეთა ფენა, რომელიც ფერწერული პორტრეტის „ცოცხალი ასლის“ შექმნას თვითდამკვიდრების ერთ-ერთ საშუალებად აღიქვამდა. (ნიშანდობლივია, რომ ფოტოგრაფიული პორტრეტის პოპულარობამ საქართველოში უმუშევრად დატოვა ბევრი ცნობილი მხატვარი-პორტრეტისტი.) სწორედ ეს ფენა ხდება თვითნასწავლ მხატვართა დამკვეთ-შემფასებელი. ფერწერული პორტრეტი დამკვეთის პორტრეტული ფოტოგრაფიის საფუძველზე სრულდებოდა. საჭირო იყო პორტრეტირებულის პროფესიის დაკონკრეტება დამკვეთის და შემსრულებლის ტიპის ცხადსაყოფად.

საყურადღებო ცნობებს გვანჯდის მხატვარ ივანე ვეფხვაძის ქრონოლოგიურად უფრო გვიანდელი მოგონებები: „საღდათის ბაზარში თევზის დუქანი ჰქონდა სტეპკოს, რომელმაც მოისურვა თავისი პორტრეტის დაკვეთა. დამიძახა მალაზიაში, ამხედ-ჩამხედა ყარაჩოღელისათვის დამახასიათებელი მანერებისზუსტი დაცვით და მითხრა: ჩემისთანა კაცის დახატვა თუ შეგიძლია? მომცა თავისი ფოტო, მასზე გამოხატული იყო ყარაჩოხელთა მოდგმის ტიპური წარმომადგენელი (განიერი შარვალი წინაფრიანი ქუდი, ვერცხლის ქამარი და ჩაკეცილი ჩექმები, შავი ჩოხის ზემო ჯიბეზე მრგვალი ვერცხლის საათი, გრძელი ვერცხლის ძეწკვით მარჯვენა ცერზე ბრტყელთავიანი ოქროს ბეჭედი იდგა. თითქოს მარგილი გადაეყლაპა და ერთ ნერტილს, ალბათ ფოტოაპარატს, გამტერებით უყურებდა. პორტრეტი დიდი გულმოდგინებით შევასრულე და იგი ახალი წლის წინა დღეს ბაზარში წავიღე პატრონისათვის ჩასაბარებლად. აქ შეყრილი მარაქისათვის უცხო იყო მხატვრული ნაწარმოების ნახვა და ისიც საღდათის ბაზარში. ყარაჩოხელმა

ვაჭრებმა პორტრეტის დანახვაზე იყვირეს: – შენი ჭირიმე ხელებში, ეს რა დაუხატავს, ნამდვილი სტეპკოაო. სტეფანემ დიდხანს უყურა პორტრეტს, შემდეგ ახლოს მივიდა, ქუდი მოიხადა და თითქოს სიონში ღვთისმშობლის წინ დგასო, დაიჩოქა და მოწინებით ეამბოხრა).

„მესამე კულტურის“ წარმომადგენელ მხატვრებს, ისტორიულად ერთი ეპოქის განსაზღვრულ ეტაპზე, ერთ სოციალურ გარემოში უზდებოდათ ცხოვრება და მოღვაწეობა. ერთნაირი მხატვრული აზროვნების მქონე კულტურულ გარემოში ჩამოყალიბდნენ აქ ჩაისახა და განვითარდა მათი შემოქმედება.

ამირანაშვილის სახ. თბილისის ხელოვნების სახელმწიფო მუზეუმში დაცულია ნიკო ფიროსმანიშვილის თანამედროვის „აბრების დამწერ“ და ამავე დროს „ფერწერის შემსრულებელ“ თვითნასწავლ მხატვარ ივანე ზაზიაშვილის ავტოპორტრეტი (34X25 თუნუქი, ზეთი), რომელიც ადგილობრივი მხატვრულ-სტილისტური ძირების გამოამკარავების თვალსაზრისით საგულისხმო ჩანს. ხელოვნების და ლიტერატურის ცენტრალურ არქივში მოვიძიეთ მასალები მისი პიროვნების შესახებ. ძველი ქართული ჯომარდობის თვალსაჩინო წარმომადგენელი, სვანეთის უბნის დაუმარცხებელი ფალავანი სოფელ დიდი ლილოდან ყოფილა. ერთხელ სვანეთის უბანმა, თანახმად ჩვეულებისა, კრივში გამოიწვია ისნის მოკრივეები. სვანეთის უბნის გუნდს, როგორც ყოველთვის, ივანე ზაზიაშვილი მიუძღოდა წინ. ივანეს რომ უფრო მეტი ღონე შემატებოდა, დალაქისთვის მიუმართავს, მკლავის ძარღვში ნექტარი გამიკეთეო. დალაქს შეცდომით ძარღვი გადაუჭრია და სისხლის მონამვლის შედეგად ექიმები იძულებული ყოფილან მისთვის მკლავი მოეკვეთათ.მას მერე ივანეს ცალმკლავას ეძახდნენ. ამ ფიზიკურ ნაკლს ივანესათვის მაინცდამაინც ხელი არ შეუშლია. კრივში იგი ისევე წარმატებით განაგრძობდა მონაწილეობას და ცალხელა ორხელიანებს ლომივით ებრძოდა. არავის ახსოვს, რომ ცალხელა ივანე ზაზიაშვილი დაემარცხებინოთ.

როგორც ჩანს, ცალხელობას არც მხატვრობაში შეუშლია მისთვის ხელი. აბრების დასამზადებელი სახელოსნოს მეპატრონე, მარჯვენა ილღიაში იჭერდა ჯოხს და მარცხენა მკლავით ეყრდნობოდა. ამგვარად წერდა და ხატავდა. ახალ ქართულ მხატვრობაში პორტრეტული ჟანრის ერთადერთობის არცთუ მწირმა ხანამ ავტოპორტრეტი არ შემოგვინახა. შემორჩენილი მასალის საფუძველზე (თუმცა შემორჩენილიც მრავლის მთქმელია – თბილისური სკოლა მაქვს

მხედველობაში) არაფრის თქმა არ შეიძლება, გარდა ვარაუდისა, რომ ავტოპორტრეტი ამ პერიოდის მხატვრობაში ნაკლებად ან სრულიად არ ყოფილა გავრცელებული. თუ პორტრეტული ჟანრის ეს სახეობა ამ ყურადსაღებად ხანგრძლივ მონაკვეთში მაინც არსებობდა, ის დიდ იშვიათობას წარმოაგენდა. არსებითი მიზეზი ამისა მდგომარეობდა, უპირველეს ყოვლისა, მხატვრის სოციალურ სტატუსში. ქართველ მხატვარში არ იყო დასრულებული მისი პიროვნული თვითშეგნება, ის ჯერ არ თვლიდა თავს იმ პიროვნებად, რომლის გამოსახვა აუცილებელი იყო სხვათაგან განცალკევებით, გამორჩეულად. ის თავს უფრო ხელოსნად აღიქვამდა, ვიდრე ინდივიდუალურ შემოქმედად, საკუთარი ხელნერის ხაზგასმასაც კი ერიდებოდა, ერთგვაროვნებისაკენ ისწრაფოდა. მეტიც, გვარსაც კი არ აწერს ნამუშევარს (ნამუშევართა უმეტესობას ხელმოწერა არ ახლავს), საკუთარ თვითგამოხატვაზე ხომ ლაპარაკიც ზედმეტია. მხატვრული „მე“-ს გამოკვეთილი შეგრძნება, პიროვნების შეცნობის ნადილი, თვითგამოხატვის სურვილი ქართველ მხატვარს შედარებით გვიან ებადებოდა.

ავტოპორტრეტის გამოჩენა გარკვეულ პერიოდში მრავლისმანიშნებელია და მხატვრის აზროვნებაში მომხდარ არსებით ფსიქოლოგიურ გარდატეხაზე, ინდივიდუალური ტენდენციების ზრდაზე და ამ პერიოდის მხატვრობის გამოსვლაზე მიუთითებს. დამკვეთთა ჩარჩოებიდან მხატვრის ჩაცმულობა (ის ყარაჩოხელის სამოსშია წარმოდგენილი) მის სოციალურ წარმოშობას მიგვანიშნებს. ყარაჩოხელები (თურქულად შავჩოხიანს ნიშნავს), ხელოსნური ამქრის წევრები ყოფილან და ძველი თბილისის ყოფას დიდი ხნის მანძილზე შემორჩნენ. ყარაჩოხელის ჩაცმულობას — აბრეშუმის პერანგს, სატინის თუ ატლასის წვრილ ნაოჭებიან ახალუხს, მოკლე ნაოჭიან ორჩაქიან შავი შალის ჩოხას, ვერ-ხცლის გობაკიანი ქამრით და ბუხრის ქუდს — პორტრეტის მთლიან გადანწყვეტაში არსებითი ფუნქცია ეკისრება, უჩვეულოდ საზეიმო განწყობას ქმნის, გარკვეულ როლს თამაშობს საერთო დეკორატიულობის შესაქმნელად. ეს განწყობა შერბილებულია ოდნავი შემობრუნებით (სახე არ გადმოგვცემს კონკრეტულ განწყობას).

ყარაჩოხელის წარდგენითი სახე, კომპოზიციის რეპრეზენტატიული, საზეიმო ხასიათი, (მიუხედავად პორტრეტის გადანწყვეტისა ძალზედ შემცირებულ ზომებში) მას მონუმენტურობას და მნიშვნელოვნებას არ აკლებს. კომპოზიციური აგების ეს თავისებურება თბილისური პორტრეტული სკოლის ნიმუშებთან მსგავსებას ამჟღავნებს.

პორტრეტირებულის სახეში ნაკლებად

არის გამოვლენილი კონკრეტული ნიშნები, არსებითის, ტიპურის დანახვასა და განზოგადებისკენ აშკარად გამოხატულ მისწრაფებაში ქართველის მხატვრული ბუნება იჩენს თავს. ი. ზაზიაშვილის სახე სწორი ნაკვეთებით, ნუშისებრი მოხაზულობის თვალებით, შუაზე გაყოფილი ნიკაპით არ გადმოგვცემს კონკრეტულ განწყობას. სახე და ფიგურა არა განსხვავებული გადანწყვეტით, არამედ შესრულების გარკვეული ერთგვაროვნებით გამოირჩევა. წერის თავისუფალი მანერა, სამოსის დამუშავების, ქსოვილის ფაქტურის განსხვავების გამოვლენის მცდელობა (შავი სამოსის ქვეშ ნითელი ატლასის პერანგის ვერტიკალური ნაკეცების მინიშნებით) ამავე დროს „ნატურალისტური“ გადმოცემის თვითნასწავლი მხატვრისათვის დამახასიათებელი „სურვილი“, წვრილმანების (ოდნავ შეხსნილი საკინძის ღილები, ქამარი, ქუდიდან ყურამდე ჩამოსული თმის რკალი) აღწერაში ჩანს. თვითნასწავლი მხატვრის ეს ზედმინევენიულობა ნ. ფიროსმანაშვილთან არ შეიმჩნევა.

საინტერესოა, რომ ნ. ფიროსმანიშვილი, რომელიც „ინტუიციურად, ორგანულად აგრძელებს ადგილობრივი და ევროპული მხატვრობის სინთეზის ტრადიციას, ახალ მაღალ საფეხურზე მიყავს, როგორც დიაპაზონის სიფართოვის მხრივ, ისე სინთეზის ორგანულობის თვალსაზრისით“ (გ.ხომტარია) ასევე ზოგადად აღიქვამს თავის გმირებს. მისი პორტრეტები იმდენად განზოგადებულია, რომ კონკრეტული პიროვნების კვალი თითქმის გამქრალია. კონკრეტული ნიშნების გადმოცემა მისთვისაც ნაკლებმნიშვნელოვანია, ხოლო როდესაც ეს ნიშნები წინ იწევს, მცდელობა წარუმატებლობით მთავრდება. „მესამე კულტურის“ ხელოვნება საფუძვლიან კვლევას მოითხოვს. პროფესიონალურ და არაპროფესიონალურ მხატვრობის კომპონენტების პირდაპირი თუ არაპირდაპირი ურთიერთკავშირების შესწავლისას უთუოდ გასათვალისწინებელია ის, რასაც გულისხმობს სხვადასხვა დარგის ოსტატების ამქარში გაერთიანება „ხელოსნური პროფესიონალიზმი“, — „მესამე კულტურის“ ერთ-ერთი საყრდენი დილეტანტური თვითშემოქმედებისგან გამორჩეული, ფორმა.

მსოფლიოს სხვადასხვა ქვეყნებში დიდი ყურადღებით ეკიდებიან „მესამე კულტურის“ ხელოვნებას. მაგ. აშშ-ში დიდი ხანია არსებობს ლიმნერების (არაპროფესიონალ პორტრეტისტთა) სპეციფიკური კოლექციები.



ვაჟა ლაშინიძე

სელოძე
გოგოლაძე

ნიჭიჩება დასაბამო და ახითხაილი

ზაფხულის სიცხით გათანგულ სოფელს ჭრიჭინობელას სიმღერა აკრთობს. დაღლილი მეურნეები ჩრდილში მიწოლილან. იქვე ოცნებებში წასულ პატარა ბიჭს ნანასავით ჩაესმის გლეხკაცის სევდიანი სიმღერა, ფესვმაგარი, კლდესავით ჩაკირული და ტკივილიანი. ყმანვილის გულშიც ისავადებს სამშობლოს სიყვარული, სულსა და გულს უფორიაქებს და მხნეობას მატებს.

სალამოს დაღლილნი, ოფლით გახვითქულნი სუფრას შემოუსხდნენ დევებივით მკლავმაგარი და ბეჭგანიერი ბიძები, ერთი-ორი ჭიქა ლალისფერი საფერავი გადაჰკრეს და, თითქოს დახვავებულმა ყელმა შვება ჰპოვაო, ოხვრასავით ამოაყოლეს ქართული სიმღერა. ბიჭი ტკბებოდა ბიძების მოძახილით და ვერ გაეებდა ბანი ეთქვა, თუმცა კი გულში კარგა ხანია ღიღინებდა, სულის საღბინებლად. მალამოსავით ედებოდა პატარა ვაჟას ძარღვიანი საგალობელი. ჯერ შეუცნობელ მის ბუნებას ვერც კი გაეგო, საით მიექანებოდა ბედის მდევარი.

იღა დრო ხალისიანი ბავშვობისა, პატარა ვაჟა ქარიშხალივით დაჰქროდა მშობლიური ახალგორის მწვანე ჯეჯილა მინდვრებში, მუხლმაგარსა და ღონიერს ყმანვილური სიანცენი იზიდავდა. დედა ბრაზობდა, ბაბო და პაპა სინანულით აქნევდნენ თავს და გადიდგულებულ ყმანვილს წიგნებისაკენ უთითებდნენ. ყველაზე მეტად კი, მამის სამსახურეობრივი მდგომარეობა ავალდებულებდა სანიმუშო საქციელისკენ. ღირსეული, პარტიული მუშაკის შვილი არ შეიძლებოდა ყოფილიყო ცელქი და მოუსვენარი. ბიჭის სულში კი მუსიკის თეთრი ანგელოზი ფრთებს შლიდა, იგი ღიღინებდა და ხატავდა, ხატვა მისი გატაცება იყო. პედაგოგები აღფრთოვანებულნი იყვნენ მისი ნახატებით, ვაჟა დურგლიშვილი ყველგან გამოირჩეოდა სხარტი აზროვნებით, მიზანსწრაფულობითა და საოცარი ლტოლვით ხელოვნებისადმი. სკოლაში ჩატარდა პირველი გამოფენა, მასწავლებლები სარაიონო და სასკოლო კონკურსებზე თავს იწონებდნენ ახალგორელი ყმანვილის ნამუშევრებით. მამა კი მაინც არ იყო კმაყოფილი ბიჭის გატაცებით. მან კარგად იცოდა, რომ უფრო მეტი შეეძლო, ვიდრე აკეთებდა და მხოლოდ ცოდნა იქნებოდა მისი ერთადერთი ნავსაყუდელი. სწორედ ამის გამო მამამ დაუშეთში გაგზავნა, სასოფლო-სამეურნეო ინსტიტუტში. ბიჭიც დაჰყვა მამის ნებას და გაემგზავრა. დაუშეთის თვალწარმტაცმა ბუნებამ და უბრალო ხალხის სიკეთით სავსე გულმა კიდევ უფრო აანთო იგი შემოქმედებისაკენ. ვერაფრით დაუდო გული მისთვის უცხო და გაუგებარ მეცნიერებებს, რომელსაც სასოფლო სამეურნეო ინსტიტუტში ასწავლიდნენ.

ერთ საღამოს ახლობლების ოჯახში სუფრა გაშალეს, 17 წლის ვაჟაც იქ იყო. თამადამ ჩვეული რიხით დაიწყო სუფრის წაძლოლა. ქეიფი გახურდა. სტუმრები ემხში შევიდნენ. ყმანვილს გულმა გარეთ გაუნია, ზაფხულის სასიამოვნო, გრილი ღამე იყო. ცაზე ვარსკვლავები გუნდ-გუნდად შეფენილიყო, უზარმაზარ ასწლოვან ხეებს ბადრი მთვარე დაირასავით ეჭირათ ტოტებით. ბიჭი ბუნების იდუმალეზამ გაიტაცა და მთვარეულივით გაუყვა ცაცხვის დაბურულ ტყეს. ჭიშკარში ისე გავიდა, ვერც შეამჩნიეს. საიდანლაც მონაბერ ქარს მუსიკის სუსტი ხმა მოჰქონდა. ყმანვილს გულში ნეტარებასავით ჩაედვარა სანატრელი ჰანგები, ნელ-ნელა გაჰყვა და ერთ თეთრ შენობასთან მივიდა. ყველაფერი ზღაპრავით აცხადდა, ბიჭი ჯადოსნურ სასახლესთან მოხვდა და უეცრად საღათას ძილისაგან გამოფხიზლდა. განათებულ დარბაზში ორკესტრი უკრავდა. მუსიკა იყო ნაცნობი და ახლობელი. ბიჭი მონუსხულივით შეჰყურებდა ამ საოცარ ადამიანებს, მუსიკა შეწყდა და ყველა ახალმოსულს შეაცქერდა. ვაჟას მაღალი კაცი ღიმილით მიუახლოვდა, გამოჰკითხა ვინაობა და ყველაფერი დანვრილებით შეიტყო. მისი ბედიც ამ საუბარმა განაპირობა. იმ საღამოს ვაჟა დურგლიშვილი თამამად წარსდგა დაუშეთის მაცურებლის წინაშე, ასრულებდა იტალიურ სიმღერას, რომელიც იმხანად იყო მოდაში. გადატენილი დარბაზი

მონუსხული უსმენდა ახალგაზრდა ყმანვილის მომაჯადოებელ ხმას. დამთავრდა სიმღერა და მომღერალი ტაშით გააცილეს სცენიდან. ბიჭი გახარებული დაბრუნდა მასპინძლის ოჯახში, სადაც გახურებული ქართული ქეიფი გრძელდებოდა. საღამოს სოფლის ცენტრში შეკრებილი ხალხი აღფრთოვანებული საუბრობდა დურგლიშვილის ნიჭიერებაზე.

სწორედ ამ დღიდან დაიწყო მისი მუსიკალური კარიერა. ვაჟა დურგლიშვილი წამყვანი სოლისტი გახდა ანსამბლში. დადიოდნენ სოფლებში, ქალაქებში, ხალხი ინტერესით უსმენდა მათ სიმღერას და შემდეგ თვითონ მღეროდა. ბიჭი კმაყოფილი იყო თავისი ბედით, სანამ ერთხელ გ.ცაბაძემ და ო. თევდორაძემ არ მოუსმინეს. უფროსებმა ერთხმად გადაწყვიტეს, რომ მას სწავლა უნდა გაეგრძელებინა პუშკინის სახ.პედაგოგიური ინსტიტუტის მუსიკა-სიმღერის ფაკულტეტზე. ყმანვილი უარობდა, მაგრამ მკაცრ პედაგოგებს ვერაფერი გაუბედა და დათანხმდა.

ვაჟას ცხოვრების აღმასვლა აქედან დაიწყო. იგი მოხვდა საუკეთესო აღმზრდელებთან. გაიოზ ქართველიშვილი იყო მისი გზის გამკვალავი და ერთგული მრჩეველი, რომელიც მშობელ მამასავით ზრუნავდა ნიჭიერ ყმანვილზე. 1968 წელს ჩამოაყალიბეს საესტრადო სასწავლებელი, სადაც მისი ნიჭიერება სრულფასოვნად წარმოჩინდა. მუსიკოსი დიდი სიყვარულით იხსენებს ვოკალის პედაგოგს მერი მილდელს. მალე ვაჟა დურგლიშვილმა დაიწყო თავისი ნაწარმოებების შექმნა. მის მჩქეფარე გონებას ვერაფერი შეაჩერებდა, სწორედ ამ პერიოდში დაუახლოვდა პოპულარულ ანსამბლ „ორერას“ და მის ხელმძღვანელს რობერტ ბარძიმაშვილს. ანსამბლის რეპერტუარში დიდი ადგილი დაეთმო ახალგაზრდა მუსიკოსის ნაწარმოებებს. საზოგადოებისათვის ცნობილი და საყვარელი სიმღერა იყო „მალლა მზე, დაბლა დარია“. მოგვიანებით კი მისი პოპულარული სიმღერა „მამა, სიზმარში გიხილე“. ამ სიმღერის შექმნა უცნაურად მოხდა. მუსიკოსმა აღმოაჩინა, რომ მისი გონება ძილშიაც არ ისვენებდა, გამუდმებით რაღაც მელოდიებს თხზავდა, მაგრამ ვალვიძებულს აღარაფერი ახსოვდა. საგონებელში ჩავარდნილმა მუსიკოსმა აღარ იცოდა როგორ დაეჭირა სიზმრად შექმნილი მელოდია და ერთ ხერხს მიმართა. იგი ნელ-ნელა თვალგაუხელოდა მივიდა ინსტრუმენტთან და თითებით გადმოიტანა კლავიშებზე. სწორედ ასე დაიბადა სხვა ბევრი ნაწარმოები. ერთ-ერთი კი „მამა, სიზმარში გიხილე“. 1982 წელს ვაჟა დურგლიშვილმა შექმნა ანსამბლი, „მთიები“, რომელმაც დაიპყრო ყოფილი საბჭოთა კავშირის ქალაქები, მონაწილეობა მიიღო საკავშირო ფესტივალზე ვოლგაოვრადში. მალე ანსამბლი გახდა ორგზის ლაურიაცი ვოკალური-ინსტრუმენტალური ანსამბლების კონკურსზე „კიდევაც დაიზრდებიან“.

მუსიკოსი დღენიადაგ შრომობდა, მისი ცხოვრება აბოზოქრებულ ზღვას ჰკავდა, რომელსაც დაუოკებელი გენი წარმატების მწვერვალებზე დააქანებდა. მისი შემოქმედება

გაცდა ქვეყნის საზღვრებს და ხალხმა სისხლხორცეულად შეიყვარა. ვაჟა დურგლიშვილმა შექმნა ათამდე საფორტეპიანო ნაწარმოები, ორი ფორთეპიანოსა და ორი ვიოლინოსათვის. 1981 წელს ანსამბლ „მზიურის“ შესრულებით დაიდგა მისი უკვდავი მიუზიკლი „სათაგური“.

1984 წელს მუსიკოსს მიენიჭა ხელოვნების დამსახურებული მოღვაწის წოდება, არის კომპოზიტორთა კავშირის წევრი.

2008 წელს ოპერისა და ბალეტის თეატრში ჩატარდა ვაჟა დურგლიშვილის 60 წლის იუბილე. საღამოზე მონაწილეობდა ანსამბლი „ქართული ხმები“ და ქართული ესტრადის ვარსკვლავები: ლელა წურნუშია, თემურ თათარაშვილი, მამუკა ონაშვილი და სხვები.

ავტორი კი ჩვეულებრივი მოკვდავის ცხოვრებას იმეორებს, არც თუ ცუდს და არც თუ კარგს. ეხლა ოჯახში მუსიკალური ქაოსია. გენმა და სისხლმა თავისი გაიტანა და უმცროს შვილს — რატის მამისეული ნიჭიერება აღმოაჩინდა. საზოგადოებისათვის მალე გახდა ცნობილი ახალგაზრდა შემსრულებელი, უზადო გარეგნობით, საოცარი ხმითა და განუმეორებელი სტილით. პოპულარობა კი მას შემდეგ ეწვია, რაც დუეტმა „ჯორჯიამ“ იურმალას ფესტივალზე საქართველო ასახელა. იყო ბევრი მილოცვა და სიხარულის ცრემლი. მამა ჩვეული სიდინჯით შეხვდა შვილის აღმასვლას, თითქოს ეს ასეც უნდა მომხდარიყო.

მზეჭაბუკივით მშვენიერ ყმანვილს ავგაროზივით დააქვს მამისეული სახელი და გასხვიოსნებული ნიჭი, რომელსაც წინ ვერაფერი დაუდგება. მამის ვაკვალულ გზაზე თამამად დადის დურგლიშვილების ამაყი ვაჟი და ბედნიერების საგალობელს უმღერის ხალხს. გახმაურებული წარმატების შემდეგ უამრავი შემოთავაზება ჰქონდა საზღვარგარეთიდან. სამშობლოზე შეყვარებული ვერ თმობს საქართველოს მიწას, ვერ შეეგუება ფესვებმოგლეჯილობას, რომელიც ასე ხშირია ქართველ მომღერლებში. არავის გაემტყუნებინა, ყველას თავისი წილი მიაქვს ქვეყნის სამსხვერპლოზე.

მშობელი მამა მოგონებებში ჩაფლული, სამშობლოდან გამოძევებულ ლტოლვილად იქცა. ბავშვობის ნოსტალგია ისევ აფორიაქებს და სულს უხუთავს, ენატრება ლალი ახალგორის სანახები, სუფთა ჰაერი და ლორთქო ბალახის სურნელი. სოფლის დღესასწაულები, როდესაც ერთად იყვნენ ოსნი და ქართველნი, ერთი ლხინი და ერთი ჭირი აერთიანებდათ. მუსიკოსს სჯერა, რომ ოდესღაც ასეც იქნება და ორი მოძმე ერი იპოვის საერთო ჭირის მალამოს. სწორედ ხელოვნება და შემოქმედება იქნება დესპანი მარადიული ძმობისა. ღმერთმა დალოცოს დაუსაბამო და კურთხეული უკვდავი ნიჭიერება.



თენგიზ ყაბილაძე

ილიკო სუხიშვილის იაშოხი

კარგია, როცა კაცს იუმორის გრძნობა გააჩნია. ხოლო ნამდვილი ბედნიერებაა, თუ ეს თვისება ადამიანს ბუნებით მომადლებული აქვს.

სწორედ ასეთი იყო ილიკო სუხიშვილი. იგი საუკეთესო მამულიშვილოურ თვისებებთან ერთად, ხალასი იუმორით დაჯილდოებული და საოცრად ენამოსწრებული პიროვნება გახლდათ.

ბატონ ილიკოსთან მრავალი წლის ერთად მუშაობის მანძილზე არაერთხელ ვყოფილვარ მონმე იმისა, როდესაც დაძაბულ და ხანდახან კრიტიკულ სიტუაციებშიც, ეს იქნებოდა ჩვენში თუ საზღვარგარეთ, თავისი ენამახვილობით როგორ განუმუხტავს ის დაძაბულობა, რომელიც თან გვდევდა ხანგრძლივი და მომქანცველი ვასტროლების დროს.

ილიკო სუხიშვილს უტყუარი ალლო ჰქონდა. შეუცდომლად გრძნობდა, როდის და სად უნდა ჩართულიყო საუბარში, ან ამა თუ იმ მძაფრ სიტუაციაში. ზოგჯერ მოულოდნელი და თანაც უადგილო გვეჩვენებოდა მისი იუმორი და ექსპრომტად ნათქვამი ფრაზები და გვიკვირდა კიდევ, რა დროს ხუმრობააო. მაგრამ შემდეგ ვხვდე-

ბოდით, რომ ამას ხშირად გამიზნულად, საქმის სასიკეთოდ აკეთებდა.

ზოგიერთ, მის ნათქვამ მოსწრებულ სიტყვაზე თვითონაც გულიანად იცინოდა. სიცილი კი ძალზე გადამდები ჰქონდა. ეს ხშირად დალლილობასა და დაძაბულობას გვიხსნიდა, მეტ ენერჯიასა და სიხალისეს გვმატებდა.

ილიკო სუხიშვილის მრავალი სხარტი გამონათქვამი ბევრისთვის უკვე ცნობილია და დღეს ლეგენდასავით დადის ხალხში.

ამ შესანიშნავი მამულიშვილის კეთილი გახსენებისა და მისადმი გულწრფელი პატივისცემის ნიშნად მკითხველს ვთავაზობ რამოდენიმე მოგონებას იმ კურორტული თუ სახალისო ამბებიდან, რაც მოგზაურობის დროს თავს გადაგვხდენია და რომლებიც ბატონ ილიკოსთან არის დაკავშირებული.

არ დაიბნა...

იტალიის ერთ-ერთ ქალაქში ვმართავდით კონცერტებს. ილიკო სუხიშვილი, როგორც წესი, მაყურებელთა დარბაზიდან ადევნებდა ხოლმე თვალს კონცერტის მსვლელობას. ხშირად ქალაქშიც გაისეირნებდა, ანტრაქტის დროს დაბრუნდებოდა, კულისებში შემოვიდოდა, შეგვაქებდა და გაგვამხნევებდა...

იმ საღამოს კონცერტი ჩვეული წარმატებით მიდიოდა, მაყურებელი აღფრთოვანებით ხვდებოდა პროგრამის თითოეულ ნომერს.

„ჯეირანის“ დროს ნინო რამიშვილს, რო-

მელიც მისთვის დამახასიათებელი შთაგონებითა და მგზნებარე ტემპერამენტით ასრულებდა ამ ცეკვას, თავბრუდამხვევი პირუეტის დროს სცენის იატაკზე ფეხი აუცდა და მოუხერხებლად დაეცა, მაგრამ უცბად სხარტად წამოდგა, არაფერი შეიმჩნია და მაინც დაამთავრა ცეკვა.

პირველი განყოფილება დამთავრდა. ყველანი შენუხებულები ვიყავით, რადგან ქალბატონ ნინოს სერიოზული ტრამვა მიელო.

ამ დროს კულისებში ილიკო სუხიშვილი შემოვიდა. კარგ გუნებაზე იყო. მივხვდით, რომ არაფერი იცოდა მომხდარი ამბის შესახებ.

— ყოჩაღ, ბიჭებო, კარგად იცეკვეთ! გოგოებო, თქვენ კი განსაკუთრებით შეუდარებელნი იყავით! — ჩვეულებისამებრ შეგვეხმიანა ჩვენი დირექტორი, შემდეგ სარკესთან მივიდა, თმა გადაივარცხნა და დივანზე წამოწოლილი მეუღლისაკენ არც კი გაუხედავს, ისე გადაულაპარაკა:

— ნინა, საყვარელო, დღეს რომ იცეკვე „ვეერიანშია“, შენს ცხოვრებაში ასე კარგად არასოდეს გიცეკვია!

— კი მაგრამ, ილიკო, რომ დავეცი? — დაღონებულმა მიუგო ქალბატონმა ნინომ.

ილიკომ ჯერ შენუხებულ მეუღლეს შეხედა, შემდეგ ჩვენს გაკვირვებულ სახეებს მოავლო თვალი. მიხვდა რაშიც იყო საქმე, მაგრამ როდის იყო ილიკო სუხიშვილი იბნეოდა?

— კი, დაეცი, ჩემო ნინა, მაგრამ ეგ არაფერი. სამაგიეროდ, როგორ წამოხტი ჩვიდმეტი წლის გოგოსავითა, დარბაზი სულ ტაშით დაინგრა, მამ!

„ცკ“-ში მივდივარ!

ფილარმონიის ბალში, ანსამბლის სარეპეტიციო დარბაზში ყოველდღიურ მუშაობას ჩვეულებისამებრ ნინო რამიშვილი ატარებდა. მისი რეპეტიციები, როგორც ყოველთვის, ისეთი დაძაბული, ხანგრძლივი და მომქანცველი იყო, რომ თვით ილიკო სუხიშვილიც ვერ უძლებდა მუშაობის ასეთ რიტმს.

ბატონი ილიკო, რა თქმა უნდა, ხშირად ერთვებოდა ხოლმე ამა თუ იმ ცეკვის ნახაზის დახვეწაში, თავისი კორექტივები შეჰქონდა ცალკეულ მოძრაობებსა და ილეთებში. ნახევარი საათის შემდეგ კი თავის განუყრელ შავ „პაპკას“ ილიაში ამოიდებდა და...

— ნინა, ძვირფასო, „ცეკაში“ მივდივარ! ანსამბლის დირექტორს მრავალი საზრუნავი ჰქონდა, „ცეკაშიც“ დარბოდა და მთავრობაშიც. მაგრამ ხშირად ყოფილ პლენხანოვის პროსპექტზე პოპულარულ საკონდიტრო კაფეშიც შეივლიდა ხოლმე ყელის ჩასაკოკლოზინებლად (ტკბილეულის მოყვარული გახლდათ).

ილიკოს დიეტა ჰქონდა დანიშნული და ქალბატონი ნინო მკაცრად აკონტროლებდა მისი კვების რეჟიმს. დღის ბოლოს გამოჩნდებოდა ხოლმე ბატონი ილიკო სარეპეტიციო დარბა-

ზში. მეორე დღეს კი... ისევე:

— ნინა, „ცეკაში“ მივდივარ!

და ასე ყოველდღე...

...იმ წელს, შვეიცარიაში ვიყავით გასტროლებზე. ქალაქ ჟენევის თეატრში რეპეტიცია ჩვეულებრივზე დიდხანს გრძელდებოდა. ნინო რამიშვილი თავის სტიქიაში იყო.

ილიკომ ველარ გაუძლო დოლ-გარმონის გაუთავებელ ხმას და...

— ნინა, „ცეკაში“ მივდივარ, — ამოიღლია-ვა „პაპკა“.

გაოცებულმა ქალბატონმა ნინომ, რომელსაც, მაინცა და მაინც, არც თბილისში სჯეროდა, რომ მეუღლე სულ „ცეკაში“ დარბოდა, რეპეტიცია შეაჩერა:

— ილიკო, ერთი მითხარი, სად არის აქ, შენევაში, „ცეკა“?

ილიკო გასასვლელში მონუსხულივით შეჩერდა, მაგრამ რის ილიკო სუხიშვილი იქნებოდა, გამოსავალი რომ ვერ ეპოვა?

— ჩემო კარგო, ჩვენი საელჩო ჟენევაში აბა რა არის, თუ არა „ცეკას“ ფილიალი, აი, იქ მივდივარ, — დინჯად უპასუხა მეუღლეს და კარებში ფანტომასივით გაუჩინარდა.

1962 წ. ჟენევა

გადარჩა?!

1975 წელს საბერძნეთში საგასტროლო მოგზაურობის დროს ანსამბლს თან ახლდა ვალერი ასათიანი, რომელიც იმხანად საქართველოს კომპარტიის ცკ-ის აპარატში მუშაობდა. იგი პარალელურად სამეცნიერო მოღვაწეობასაც ეწეოდა ბიზანტიოლოგიის დარგში და ამ ქვეყანაში მოგზაურობა მისთვის შემოქმედებითი მივლინებაც იყო.

ვალერი ასათიანი — შესანიშნავი პიროვნება, ანსამბლის წევრებს შორის მეგობრული სიყვარულითა და პატივისცემით სარგებლობდა.

საბერძნეთში მოცეკვავეებმა ბატონ ვალერის ხუმრობით „ცეკა“ შეარქვეს.

იმ ზაფხულს ქალაქ ათენში აუტანელი სიცხეები იდგა. ტემპერატურა იმდენად მაღალი იყო, რომ კონცერტები უჩვეულოდ გვიან, ღამის თერთმეტ საათზე იყო დანიშნული.

დღისით კი ანსამბლის წევრები თავისუფალ დროს ხშირად ზღვის პირას, პლაჟზე ატარებდნენ. ზოგიერთს ზედმეტად მოჰკიდებოდა მზე. ხშირად გაიგონებდით:

— ე, ბიჭო, როგორ დამწვარხარ?

— სად დაინვი ასე?

ერთხელ ანსამბლის რომელიღაც წევრმა თეატრში შემოსული, სახეანითლებული და ერთთავად მზისგან გარუჯული ვალერი ასათიანი რომ დაინახა, ხმამაღლა იხუმრა:

— ბიჭებო, „ცეკა“ დამწვარა, „ცეკა“, აუ!

იქვე მდგარი ილიკო სუხიშვილი (რომელიც სულ „ცეკაში“ დარბოდა) უცბად ვერ გაერკვა სიტუაციაში და შემოფოთებულმა იყვირა:

— რას ამბობ, კაცო, სულ დაინვა ყველა და ყველაფერი, თუ გადარჩა რამე? შემდეგ კი გულიანი სიცილი აუტყდა.

ომი დაინყო?..

1968 წელს, ჩეხოსლოვაკიაში განვითარებული ცნობილი ამბების, ე.წ. „პრადის გაზაფხულის“ დროს ჩვენი ანსამბლი ლათინური ამერიკის ქვეყნებში იმყოფებოდა გასტროლებზე — კოლუმბიის დედაქალაქ ბოგოტაში ვმართავდით კონცერტებს.

შუალამისას, სასტუმროში, დაახლოებით სამ საათზე, ჩვენმა ადგილობრივმა თარჯიმანმა, შეშფოთებულმა გაგვალვია.

ეს პერუელი ახალგაზრდა, რომელსაც მოსკოვის პატრის ლუმუმბას სახელობის უნივერსიტეტი ჰქონდა დამთავრებული და გამართულად საუბრობდა რუსულ ენაზე, აღელვებული გვითარგმნიდა ცხელ-ცხელ ინფორმაციებს, რომელსაც მისი განუყრელი პორტატული რადიომიმღები ყოველი ხუთი წუთის ინტერვალით გადმოსცემდა, თუ როგორი სისასტიკით შეიჭრნენ საბჭოთა ტანკები პრალაში.

ბიჭები ერთ ოთახში შევეგროვდით. გავაცნობიერეთ, რომ ჩვენთვის ასეთი დაძაბული ვითარება ძალზე არასასურველი იყო. საქმე იმაშია, რომ ოთხთვიან გასტროლებს სწორედ კოლუმბიაში ვამთავრებდით და მოულოდნელად ასეთი არასასიამოვნო ფაქტის წინაშე აღმოჩნდით.

იქ, სამხრეთ ამერიკაში, მოგეხსენებათ, მაშინ „საბჭოთა ქვეყნის“ ნაწილს გვეძახდნენ და ჩვენი შემდგომი ბედი გაურკვეველი და არც თუ სახარბიელო იყო.

რადიომიმღები კი განუწყვეტლივ გადმოსცემდა ახალ ცნობებს ჩეხოსლოვაკიაში საბჭოთა ჯარების მიერ განხორციელებულ შემადრწუნებელ სისხლიან ოპერაციებზე.

საგონებელში ჩავვარდით, რა უნდა გვექნა? ბოლოს გადავწყვიტეთ და ჩვენი ანსამბლის ინსპექტორს, ვალოდია ყუფარაძეს ვთხოვეთ სასწრაფოდ საქმის კურსში ჩაეყენებინა ანსამბლის ხელმძღვანელობა.

ილიკო სუხიშვილის ნომრის კარებზე დააკაკუნეს.

— რომელი ხარ მანდა? — ცოტა ხნის შემდეგ ოთახიდან ნამძინარევი კაცის ხმა გაისმა. შემდეგ საკეტი გაჩხაკუნდა და კარებში საცვლების ამარა, თვალემოჭუტული ბატონი ილიკო გამოჩნდა.

— რა ამბავია, რა მოხდა? — ეკითხება დაბნეულ ყუფარაძეს.

— ილია, ილიჩ..., ომი დაინყო! — არც აცია და არც აცხელა, „ოპერატიულად“, შეშფოთებული ხმით აუწყა საქმის ვითარება ვალოდიამ ანსამბლის დირექტორს.

— რა ომი, რის ომი, ვინ დაინყო, კაცო, ომი? — უცებ ვერ გაერკვა ბატონი ილიკო.

— აი, ნუხელ, საბჭოთა კავშირმა ჩეხოსლო-

ვაკია აიღო, მგონი გერმანიაც უნდა იყოს ჩარეული ამ საქმეში, — რადიოთი გადმოსცემენ...

ბატონი ილიკო გამოერკვა:

— მერე, შე კაი კაცო, ამ შუალამისას რომ მაღვიძებ, მე რა, მარშალი ჟუკოვი მნახე თუ მალინოვსკი? — მოუჭრა შეცბუნებულ ვალოდიას და ცხვირწინ კარი მოუხურა.

ხელოვნება მსხვერპლს მოითხოვს

ჰოლანდიის დედაქალაქი ამსტერდამი. პრემიერის წინ გენერალურ რეპეტიციას ნინო რამიშვილი ატარებს. თეატრი პრესისა და ტელევიზიის ჟურნალისტებით არის სავსე. ოპერატორები და ფოტორეპორტიორები ყველაფერს იღებენ — ცეკვის თითოეულ ეპიზოდს. მათი განსაკუთრებული ყურადღება კი ნინო რამიშვილისკენაა მიმართული. ცდილობენ, არ გამოეპაროთ მისი არც ერთი მოძრაობა.

ამ დროს ილიკო სუხიშვილი დარბაზში ზის. პარტიერიდან ადევნებს თვალს რეპეტიციას. ის არავის ახსოვს, ჩრდილშია მოქცეული...

— სდეექ! — უეცრად, ყველასათვის მოულოდნელად გაისმა დარბაზში ილიკოს მჭექარე ხმა. დადუმდა დოლ-გარმონი, მოცეკვავეები ადგილზე გაქვავდნენ, ქალბატონ ნინოს მაღლა შემართული ხელი ჰაერში გაუშემდა. ყველა ილიკო სუხიშვილისკენ შემობრუნდა.

ილიკო ენერგიულად წამოდგა, პარტიერი გადაკვეთა და სცენაზე ავიდა, სადაც ცეკვა „ფარცას“ მონაწილე გოგონები იყვნენ.

— რამდენ ტრიალს აკეთებთ ფარცაში? — ხმამაღლა ეკითხება გოგონებს.

— რვას, ბატონო ილიკო, ასე იყო ყოველთვის.

— ამ საღამოს, პრემიერაზე, ცხრას გააკეთებთ, გასაგებია? — ასევე ხმამაღლა, ხელის სწრაფი მოძრაობით შესძახა მოცეკვავეებს ანსამბლის დირექტორმა და სამხატვრო ხელმძღვანელმა, სწრაფად მიატოვა სცენა და ჩქარი ნაბიჯით ისევ პარტიერს მიაშურა.

უცხოელმა ჟურნალისტებმა და ფოტოკორესპონდენტებმა ბევრი ვერაფერი გაიგეს მისი ნათქვამიდან, მაგრამ იმას კი მიხვდნენ, ვისთანაც ჰქონდათ საქმე. ნინო რამიშვილსა და მოცეკვავეებს თავი მიანებეს და ილიკოს მისცვივდნენ. ხელახლა ატყდა ფოტოაპარატების ჩხაკუნი, ალყაში მოაქციეს ბატონი ილიკო და უამრავი კითხვა დააყარეს ჩვენს დირექტორს, რომელიც სიამოვნებით იძლეოდა ინტერვიუებს და ძალზე კმაყოფილი იყო...

პრემიერაზე კი, ცეკვა „ფარცაში“, ჩვენმა გოგონებმა ნახაზი აურ-დაურიეს — ზოგი რვას, ზოგი კი ცხრა ტრიალს ასრულებდა.

მაგრამ ეს არაფერი. სამაგიეროდ ჟურნალისტები მიხვდნენ და სხვებსაც გააგებინეს, ვინ იყო იქ, დარბაზში, მთავარი — ილიკო სუხიშვილი.

მორიაკი

1957 წელი. პარიზის თეატრი „ალამბრა“. საქართველოს ხალხური ცეკვის სახელმწიფო ანსამბლის პირველივე გამოსვლა უდიდესი ტრიუმფით აღინიშნა. ფრანგმა მაყურებელმა აღიარა ქართული საცეკვაო ხელოვნება...

შუალამისას, სასტუმრო „მოდერნ პალასის“ ნომერში ტელეფონი რეკავს:

— მუსიე სუხიშვილი? თბილისი გთხოვთ.

— ალო, ალო... გისმენთ, გამარჯობათ, კომუნისტის რედაქციიდან? დიახ, დიახ, კონცერტმა ბრწყინვალედ ჩაიარა, თეატრი ხალხით იყო გაჭედილი. პარიზის მთელი ნაღები საზოგადოება დაესწრო ჩვენს გამოსვლას. დიდი ოვაციებით შეხვდა მაყურებელი, ზოგიერთი ცეკვა რამდენიმეჯერ გავიმეორეთ...

— გილოცავთ დიდ გამარჯვებას, ბატონო ილიკო. გვითხარით ცნობილი პიროვნებებიდან ვინ ესწრებოდა თქვენს პრემიერას?

— ჟაკ დიუკლო, მსახიობები ივ მონტანი და სიმონა სინიორე, ბალეტმაისტერი სერჟ ლიფარი, ცნობილი ბალერინები ივეტ შოვირე და ლუდმილა ჩერინა, მწერალი ლუი არაგონი, საელჩოს წარმომადგენლები, დიპლომატები ყველა ქვეყნიდან...

— მორიაკი, ფრანსუა მორიაკი თუ გესწრებოდათ კონცერტზე?

ილიკო სუხიშვილმა, ეტყობა, კარგად ვერ გაიგონა კითხვა.

— მარიაკი? მარიაკები კი არა, სულ ადამირლები და გენერლები ისხდნენ დარბაზში კაცო, მააშ!

— გმადლობთ, ბატონო ილიკო. გისურვებთ შემდგომ წარმატებებს, ღამე მშვიდობისა.

— ნახვამდის.

„მოკკო“ (Mocco)

ავსტრალიის ქალაქ პერტში ვართ. შუადღეა. სასტუმროდან გარეთ გამოვედი. ქალაქის ცენტრალურ ქუჩაზე ჩვეულებრივზე ნაკლები მოძრაობაა. ასეა ხოლმე აქ, სადილობის დროს.

სასტუმროდან ილიკო სუხიშვილი გამოვიდა.

— თენგიზს გაუმარჯოს, რას აკეთებ აქა?

— არაფერს, ისე, გასეირნება მინდოდა.

— თუ ისადილე შენა?

ნასადილევი კი ვიყავი, მაგრამ დირექტორს ხათრი ვერ გავუტეხე.

— არა, ილია ილიჩ, არ მისადილია.

— მაშ ერთად ვისადილოთ, წამო ჩემთანა.

ქუჩას საუბრით გავუყევი.

— შენა, შვილო, „მოკკო“ თუ გიჭამია?

— არა, არ გამისინჯია.

— ისეთი რამეა, ჭამით ვერ გაძლები.

ერთი კვარტალი გავიარეთ, შუქნიშანზე გზაჯვარედინი გადავკვეთეთ და კუთხეში პატარა კაფესთან შევჩერდით, რომელსაც

ლამაზი, ნითელი ფერის რეკლამა ამშვენებდა წარწერით „მოკკო“.

კაფეში შევედით და ორადგილიან მაგიდას მივუსხედით.

ჩვენთან მყისვე მაღალფეხება, უსაშველოდ მინი ქვედატანიანი სიმპათიური გოგონა გაჩნდა, თავაზიანად გაგვიღიმა და გვითხრა, რას ინებებთო.

ბატონმა ილიკომ მარჯვენა ხელის ორი თითი მაღლა შემართა:

— თუუ „მოკკო!“

— ო, კეი, — გოგონა უკან გაბრუნდა.

ცოტა ხნის შემდეგ გოგონამ ორი პატარა ფინჯანი მაგიდაზე დაგვიწყო.

ქაფმომდგარ ყავას სასიამოვნო სურნელი დაჰკრავდა.

ბატონ ილიკოს უცებ სახე შეეცვალა.

— „მოკკო?“ — გაკვირვებით შეეკითხა გოგონას და ფინჯანზე მიანიშნა.

— იეს, „მოკკო“, პლიიზ, — უპასუხა გოგონამ.

— ნო, ნოო, „მოკკო“, — სადილისათვის განწყობილ ბატონ ილიკოს სიბრაზე მოერია.

გოგონა უხერხულობისაგან წამოწითლდა...

ყავადალეულები კაფედან გამოვედით.

— მე იმას ვუჩვენებ „მოკკოსა“, ჯერ მივიდე სასტუმროშია! — გაცხარებით დაემუქრა ილიკო სუხიშვილი ვილაცას.

მე კი დღემდე არ ვიცი, ანსამბლის რომელმა წევრმა ურჩია ჩვენს დირექტორს სადილად „მოკკო“.

„მექსიკური ტეკილა“

ქალაქ მეხიკოში, კონცერტების დამთავრების შემდეგ მთელი ანსამბლი ერთად ვვახშობდით ხოლმე სასტუმროს რესტორანში. აქ, ხალხით სავსე დარბაზში, ყოველ საღამოს მექსიკური ნაციონალური ორკესტრი „მარიაჩოს“ უკრავდა. ჩვენც არ ვჩქარობდით ვახშობის დამთავრებას და სიამოვნებით ვუსმენდით პოპულარულ მექსიკურ მელოდიებსა და სიმღერებს.

ვახშამზე ჩვენთვის, პატარა, ლამაზი ჩაიდნებით სურნელოვანი ჩაი მოჰქონდათ. რა თქმა უნდა, როგორც წესი, მაგარი სასმელების მიღება აკრძალული გვქონდა. აბა, ვინ გაბედავდა წინო რამიშვილის დასანახავად თუნდაც ერთი ჭიქა ღვინო მოეთხოვა.

რესტორნის სიტუაცია კი, მოგეხსენებათ ჩვენთვის, ქართველებისათვის, მაინც მაცდური იყო. დაღევა გვინდოდა, მაგრამ როგორ, რა უნდა გვექნა?

გამოსავალი ანსამბლის წევრმა, ილიკო თაყაიშვილმა იპოვა. იგი ჩვენს ოფიციანტს წინასწარ შეუთანხმდა და მასაც ჩვენს მაგიდაზე ჩაიდნით მექსიკური არაყი „ტეკილა“ მოჰქონდა. ჰოდა, ასე ფარულად, ყოველ საღამოს

ვწრუპავდით ამ ადგილობრივ „ჭაჭას“ გულში-ჩამწვდომი მუსიკის აკომპანიმენტის ქვეშ.

ერთ საღამოს კი მოულოდნელი და გაუთვალისწინებელი რამ მოხდა. ოფიციალტს ჩაიდნები აერია და ჩვენი „ტეკილა“ მეზობელ მაგიდაზე ილიკო სუხიშვილს და ნინო რამიშვილს მიუტანა.

ილიკო სუხიშვილმა ჩაიდანი ასწია და ის იყო „ჩაი“ ქალბატონ ნინოს ფინჯანში უნდა ჩამოესხა, რომ უცებ არყის მძაფრი სუნი იგრძნო. ჩვენს დირექტორს აბა რას გამოაპარებდი. ყველაფერს მიხვდა და ჩვენ გადმოგვხედა, მით უმეტეს, ვიცოდით, რომ ბატონ ილიკოს უკვე ეჭვი ჰქონდა ალბულის, რადგან „ჩაის“ სმის შემდეგ ჩვეულებრივზე მხიარულები ვბრუნდებოდით რესტორნიდან.

ამ ამბის გახმაურება ჩვენთვის კატასტროფას ნიშნავდა. ნინო რამიშვილი ხომ დასანახად ვერ იტანდა სპირტიან სასმელებს. ჩვენი გადარჩენის ერთადერთი იმედი ისევ ილიკო სუხიშვილი და მისი გამჭრიახობა იყო.

მან ჩაიდანი დინჯად ასწია მაღლა, ჩვენი მაგიდისაკენ შემობრუნდა და ილიკო თაყაიშვილს ხმამაღლა გადმოსძახა:

— თაყაიშვილი! ჩემთან ძალიან ღია ფერის ჩაი მოუტანიათ, მე მუქი მიყვარს, შვილო. მოდი აქა, შემიცვალე!

... ასე მოხერხებულად აგვაცილა ბატონმა ილიკომ იმ საღამოს ნინო რამიშვილის რისხვა.

1960, მეხიკო

დეგუსტატორი

შვეიცარიაში გასტროლების დროს ერთმა ადგილობრივმა მეღვინემ, რომელიც ალტაცებული იყო ქართული ცეკვების ხილვით, საკუთარ ვილა-მამულში მიგვინვია სტუმრად. ჯერ თავისი დიდებული კარ-მიდამო და იდეალურად მოვლილი ბალ-ვენახი შემოგვატარა, შემდეგ კი მარანში მიგვიპატიჟა.

მყუდრო და დაკრიალებულ მარანში ღვინის ნაზი, დამატრობელი სურნელი იდგა. მარანის დათვალეერების შემდეგ ჩვენი სიმპათიური მასპინძელი მოზრდილ დარბაზისაკენ გაგვიძღვა, რომლის შუაშიც გამლილ გრძელ, მუხის მასიურ მაგიდაზე, ნელში გამოყვანილი, მაღალფეხებიანი ჭიქები იყო ჩამწკრივებული.

მასპინძელმა თავაზიანად გვთხოვა მისი ღვინო გაგვესინჯა, ასე ვთქვათ, დეგუსტაცია ჩაგვეტარებინა. თან დასძინა, რომ ვაზითა და ღვინით განთქმული ქვეყნიდან ჩამოსული სტუმრების მხრიდან მისთვის ეს დიდი პატივი იქნებოდა.

მაგიდასთან პირველი ჩვენი ხელმძღვანელი, ილიკო სუხიშვილი მიიწვიეს.

ბატონმა ილიკომ ბიჭებს გადმოგვხედა.

— რავარიას დამიძახეთ აქა! — გასცა ბრძანება ანსამბლის დირექტორმა.

რავარია ჩვენი ანსამბლის მოცეკვავე —

სოლისტი ანზორ ნიკოლაიშვილია. იგი პროფესიით მეღვინე-ტექნოლოგიც არის. ეს ზედმეტი სახელი კი იმის გამო შევარქვით, ახალ ტანსაცმელს ჩაიცმევდა თუ არა, ყველას აუცილებლად შეეკითხებოდა: — აბა, შემომხედეთ, რავარიას?

ილიკო სუხიშვილმა ჩვენს მასპინძელს რავარია წარუდგინა და გააცნო, როგორც ღვინის გამოცდილი სპეციალისტი.

რავარიას თეთრი, გაქათქათებული ხალათი ჩააცვეს, მაგიდასთან მიიპატიჟეს და სადეგუსტაციო ჭიქა მიართვეს, რომელშიც ერთ მეოთხედზე ქარვისფერი ღვინო იყო ჩასხმული.

— აბა, არ შემარცხვინო, შვილო, ტყუილად ხომ არ ისწავლე ამდენ ხანს სასოფლოშია, — გაამხნევა ბატონმა ილიკომ ჩვენი დეგუსტატორი.

რავარიამ ჯერ ჭიქას დახედა, შემდეგ დარბაზს მიმოავლო თვალი და იქვე, კუთხეში მდგარ გოგონას, რომელსაც ხელში თეთრი თიხის დოქი ეკავა, თავისთან უხმო, ჭიქა გაუნოდა და საჩვენებელი თითით ანიშნა, შეავსეო.

გოგონამ ჭიქა ნახევრამდე შეავსო.

რავარიამ ღიმილით ანიშნა, კიდევ დაუმატეო.

გოგონას ლოყები წამოუნითლდა და თავის შეფს შეხედა...

ნახევარლიტრიანი სასმისი პირამდე გაივსო.

რავარიამ იმერული დარბაისლობით იქ მყოფი სათითაოდ გადახედა, ჭიქა მაღლა ასწია, უსიტყვოდ, ბოლომდე გამოსცალა და კმაყოფილმა უღვაშზე დინჯად გადაისვა ხელი.

ყველა, მასპინძლებიცა და სტუმრებიც, მისჩერებოდნენ მოხდენილ ქართველ ვაჟკაცს, აბა, რას იტყვისო.

რავარიამ მცირე პაუზის შემდეგ ისევ იმ გოგონას მოუხმო, ჭიქა კვლავ პირამდე გაავსებინა, გაგიმარჯოთ, თქვენ გენაცვალოთ რავარიასო... და სულმოუთქმელად გადაიპირქვა ღვინო, სასმისი ფრჩხილზე დაიბერტყა და რიხინანად დააყოლა: — ასე მტერი დაგეცალოთო!

ჩვენი მასპინძელი, პირდალბული, თვალს არ აშორებდა დეგუსტატორს იმის იმედით, რომ ახლა მაინც შეუქებდნენ ნახელავს.

რავარიამ აუუყუნებული თვალებით ამაყად გადახედა სადეგუსტაციო დარბაზს, შემდეგ იქვე მდგარ შოთა ხოფერიას მხარზე ხელი გადახვია და...

— მაშ, ერთი პატარა მარავალუი... უამიერ...

შოთამ პირველი ხმა მიაგება, ბიჭებმა ბანი დაცხეთ და მარანში დიდებული ქართული სიმღერა აგუგუნდა.

შემდეგ ყველამ ერთად ჭიქები ავნიეთ და ამ უჩვეულო დეგუსტაციით გაოგნებულ, მაგრამ მაინც კმაყოფილ მასპინძლებს ჭურ-მარანი დავულოცეთ.

1963 წელი



საქართველოს საზღვრული

ჯიტი ქაიხაძის თეატრის მოცულობის ჩანაწერი

კომინიოვის ეჟენ იონესკოს სასცენო ხელოვნების ფესტივალის ორგანიზატორებისთვის უცხო არ არის არც ქართული თეატრი და არც შოთა რუსთაველის სახელობის თეატრისა და კინოს სახელმწიფო უნივერსიტეტი, რადგან იონესკოს თეატრისა და მისსავე სახელობის ბიენალეს ხელმძღვანელი პეტრე ვიტკარაუ თბილისის თეატრალური ინსტიტუტის კურსდამთავრებულია. გასული საუკუნის 80-იანი წლების მიწურულს იგი თეატრალურ უნივერსიტეტში სარეჟისორო ფაკულტეტზე სწავლობდა. ბატონმა პეტრემ და რამდენიმე მისმა გუნდელმა განსაკუთრებული მოკითხვები დამაბარეს: ავთო ვარსიმაშვილთან, ნუგზარ ლორთქიფანიძესთან, რამაზ იოსელიანთან... უცებ წარმოვიდგინე როგორი ხშირი, საქმიანი, შემოქმედებითი და მეგობრული ურთიერთობები არსებობდა უფროსი თაობის თეატრის

მოღვაწეებს შორის.

დღეს, როცა საზღვრები გახსნილია და შესაძლებლობაც თითქოს მეტია, უცხოელი კოლეგების გაცნობა და ერთობლივი შემოქმედებითი პროექტების განხორციელება მაინც ოცნებად რჩება. ოცნების ახდენასთან დაკავშირებული პრობლემების გამომწვევი მიზეზების კვლევა არ შეადგენს ჩემი ინტერესის საგანს, მე მხოლოდ ფაქტების კონსტატაციას ვახდენ და დავსძენ, რომ საერთაშორისო სტუდენტური ერთობლივი პროექტები იშვიათად ხორციელდება. სტუდენტების გაცნობა-დაახლოების მიზნით ბოლო პერიოდში იშვიათად, მაგრამ მაინც ეწყობა გარკვეული საღამოები.

პროფესიული სრულყოფისთვის, მითუმეტეს, როცა მსოფლიო თეატრის ისტორიისა და თეორიის სპეციალობაზე სწავლობ, აუცილებელია უცხოეთის თეატრებში არა მხოლოდ სპექტაკლების ნახვა, არამედ ამ თეატრების დათვალიერება, რადგან თუნდაც ზედაპირული წარმოდგენა შეგვექმნას მსოფლიო თეატრში მიმდინარე პროცესებზე. კარგია, რომ არსებობს თეატრისა და კინოს სახელმწიფო უნივერსიტეტში „ვიდეოცენტრი“, რომელიც მუდმივად ივსება ახალი სპექტაკლების ჩანაწერებით. კარგია, რომ არსებობს თბილისის საერთაშორისო თეატრალური ფესტივალი, რომელიც როგორც თევზს წყალი, ისე გვჭირდება, თეატრალურ სფეროში მოღვაწეებს, მაგრამ ვიდეო ჩანაწერები და ერთი ფესტივალი ვერ დაგვეხმარება ინფორმაციის სრულყოფილად მიღებაში. იმ პროცესების

ღრმად გარკვევა-ჩახედვაში, რომელსაც ადგილი აქვს თანამედროვე უცხოურ თეატრში. ამიტომაც, მომავალი თეატრმცოდნეებისთვის (თუნდაც კინომცოდნეებისთვის) მეტად მნიშვნელოვანია აქტიური მონაწილეობა საერთაშორისო პროგრამებში.

ამას წინათ, ბათუმის ილია ჭავჭავაძის სახელობის სახელმწიფო დრამატულ თეატრს მოლდოვაში საგასტროლო მოგზაურობისას თან ვახლდი. ბათუმის თეატრი კიშინიოვში ეყენ იონესკოს სახელობის IX საერთაშორისო სასცენო ხელოვნების ბინალეში მონაწილეობის მისაღებად იყო მიწვეული, რომელსაც შემოკლებით თეატრალები „Bitei“-ის უწოდებენ. ბათუმის ილია ჭავჭავაძის სახელობის სახელმწიფო დრამატულმა თეატრმა მისი სამხატვრო ხელმძღვანელის გიორგი თავაძის ბოლო ნამუშევარი უცნაური სახელწოდებით „ბანანისა და კომპის პუდინგი კონიაკითა და რომით“ წარუდგინა საერთაშორისო ფორუმის მონაწილეებს ევროპისა და აზიის ცამეტამდე ქვეყნიდან, მათ შორის, რუსული თეატრის, ტელევიზიისა და პრესის წარმომადგენლებსაც, რომლებიც ასე მრავლად ესწრებოდნენ ქართველთა წარმოდგენას. რუსეთი ფესტივალის მონაწილე სხვა ქვეყნიებიდან შემთხვევით არ გამოვყავი, რადგან გიორგი თავაძის სპექტაკლი, რომლის ტექსტის თანაავტორიც რეჟისორთან ერთად დრამატურგი ირაკლი სამსონაძეცაა, რუსეთ-საქართველოს ურთიერთობებზე, რუსებზე და ქართველებზე მოგვითხრობს.

გიორგი თავაძის სპექტაკლი, შეიძლება ითქვას, პირდაპირი რეაქციაა 2008 წლის აგვისტოს რუსეთ-საქართველოს ომზე, მისი უშუალო გამოძახილია, „ამ ტრაგიკული და ამავე დროს, გმირული დღეების მხატვრული ხატია“ — როგორც მას ხელოვნებათმცოდნე ლელა ოჩიაურმა უწოდა. აღსანიშნავია, რომ ამ მოვლენებს თანამედროვე ქართული თეატრი, სხვა შემთხვევაში ჯერ არ გამოხმაურებია. ესაა სპექტაკლი, რომელიც საქართველოს, ქართული საზოგადოების შესახებ მოგვითხრობს ქვეყნისთვის ექსტრემალური ვითარების პირობებში და საბედისწერო მოვლენების გარემოცვაში, როდესაც ცხოვრების ჩვეულებრივი დინება ირღვევა და როცა ნებისმიერი ადამიანი თავის ნამდვილ სახეს ამჟღავნებს, როდესაც არჩევანს ყველა თავად აკეთებს და ამ არჩევანის მიხედვით ერის სახე იქმნება. თუმცა, კონკრეტულ მოვლენებთან დაკავშირებული და სრულიად აბსტრაგირებულ ფორმაში მოქცეული ფაქტები, დრო და მოქმედების ადგილი, თავის მხრივ, კიდევ უფრო განზოგადოებულია ერთი მთავარი მიზეზის გამო. ის, რაც 2008 წლის აგვისტოში საქართველოს თავს დაატყდა, არც აგვისტოში დაწყებულა და არც 2008 წელს, ხოლო გამეორების საშიშ-

რობა კვლავ არსებობს.

ამრიგად, ქართველთა სპექტაკლი წარმოდგენილი მოლდოვაში, რომელიც ბევრი სხვა მცირე ერის მსგავსად ცდილობს თავი დააღწიოს რუსეთის იმპერიალისტურ გავლენას, არა მხოლოდ საქართველოს, არამედ სხვა სახელმწიფოების ბედსაც ასახავს. ესაა ყველასთვის იმის გახსენება და შეხსენება, თუ რა არის ომი, რა მოსდევს მას.

კიშინიოვში ჩასვლისთანავე ბათუმის თეატრის ხელმძღვანელებს: თეატრის მმართველს ზაზა ხალვაშს და თეატრის სამხატვრო ხელმძღვანელს გიორგი თავაძეს რუსული ტელეკომპანიის „CTC“ გადამღები ჯგუფი ესტუმრა. საფესტივალო ვრცელი ბუკლეტიდან, ცნობილი იყო ბათუმის თეატრის სპექტაკლის შესახებ, რასაც ერთვოდა ქართული პრესის შეფასებები. ბუნებრივია, რუსულ სატელევიზიო არხებს აინტერესებდათ სპექტაკლამდე მისი ავტორის მოსაზრება რუსეთ-საქართველოს ბოლო პერიოდის ურთიერთობებზე. ბათუმის თეატრის ხელმძღვანელებმა „CTC“-ის შემოთავაზებაზე — მონაწილეობა მიეღოთ ერთსაათიან გადაცემაში, სადაც უნდა მოეთხროთ სპექტაკლზე და თან საკუთარი დამოკიდებულება გამოეხატათ პოლიტიკაში მიმდინარე პროცესებზე — უარი განაცხადეს, რამაც რუსული ტელეარხის გალიზიანება გამოიწვია. სწორედ, ამ ტელევიზიამ გაავრცელა ინფორმაცია გიორგი თავაძის სპექტაკლის შესახებ, რომ ქართველები კიშინიოვში პოლიტიკურ-თეატრალიზირებულ აქციას მართავენო. ბათუმის თეატრის რეპეტიციის კადრები, რომელიც კიშინიოვის ჩეხოვის სახელობის რუსული დრამატული თეატრის სცენაზე მიმდინარეობდა და რუსულმა ტელევიზიამ უნებართვოდ გადაიღო და მთელი დღე „ატრიალებდა“ თავის ეთერში „CTC“-ი, ამ ფაქტს ემატებოდა ისიც, რომ ფესტივალის ფარგლებში ქართული თეატრი საქართველოს დამოუკიდებლობის დღეს, 26 მაისს წარსდგა მაყურებლის წინაშე. ჩეხოვის თეატრის 800 კაციანი დარბაზი გადაჭედული იყო სხვადასხვა ეროვნების მაყურებლით. ბათუმის თეატრისადმი ინტერესს ზრდიდა არა მხოლოდ ქართული თეატრის ძველი ავტორიტეტი, რომელიც ინერციით ჯერ კიდევ არსებობს ევროპაში, მით უმეტეს, ყოფილ საბჭოთა კავშირში, არამედ სპექტაკლის წარმოდგენის დღეც, ეყენ იონესკოს თეატრში გამართული პრესკონფერენცია. შეხვედრას ჟურნალისტებთან ერთად კრიტიკოსებიც ესწრებოდნენ. პრესკონფერენცია დაგეგმილზე დიდხანს გაგრძელდა, ეს განპირობებული იყო მოლდოვის თეატრალური საზოგადოებისთვის უცნობი რეჟისორის გიორგი თავაძის პერსონით დაინტერესებით და პრესკონფერენციაზე გაცხადე-

ბული სპექტაკლის ჟანრით — კომიკური იგავით. რუს და მოლდოველ კრიტიკოსებს ეუცნაურათ როგორ შეიძლება ერთი ოჯახის მაგალითზე, რომელიც სახელმწიფოს მეტაფორული გააზრებაა, რეჟისორმა მოყვეს ისტორია მისი ერის ტრაგიკულ ბედზე, გვიჩვენოს ომი და მისი შედეგები ირონიით და იუმორით, თანაც იგავის ჟანრში. ამავდროულად, სპექტაკლი შეიძლება განისაზღვროს, როგორც ტრაგი-კომედია, იგავის სისტემაში ან იგავი, ტრაგი-კომედიის ფორმაში, აბსურდისა და პოსტმოდერნისტულ მიმდინარეობებთან ინტეგრირებით. რეჟისორის მიერ განმარტებულ იქნა, რომ სპექტაკლი ქართული ზღაპრის, ეროვნული ფოლკლორის ახლებური, პოსტმოდერნისტული ნაკითხვის შედეგია.

სპექტაკლი „ბანანისა და კომპის პუდინგი კონიაკითა და რომით“ რუმინული სუბტიტრების თანხლებით მიმდინარეობდა. მიუხედავად იმისა, რომ მზად იყო რუსული და ინგლისური სუბტიტრები, თეატრის ხელმძღვანელების ცალსახა პოზიცია იყო, რომ იონესკოს ფესტივალის ორგანიზატორებს რუსული ტექსტი რუმინულად მოკლე ვადებში ეთარგმნათ. გულახდილად რომ ვთქვა, ქართველებიც და მოლდოველებიც სუბტიტრების მომზადების გამო სულ ტყუილად გაისარჯნენ, რადგან სპექტაკლის დაწყებიდან 7-10 წუთის შემდეგ მაყურებელთა უმრავლესობა ეკრანს, რომელზეც რუმინულ ენაზე ქართული ტექსტი „მიდიოდა“ მოწყდა და მისი მზერა მხოლოდ სცენისკენ იყო მიპყრობილი.

მეორე გულახდილი აღიარება: უცხოელ მაყურებელს სპექტაკლის მიმდინარეობისას გაცილებით ადეკვატური რეაქციები ჰქონდა, ვიდრე ქართველ მაყურებელს აქვს საქართველოში. ქართველები ტაშს უკრავდნენ იმ სცენებს, როცა სიმბოლურად რუსი ქართველს თავის ჭკუაზე აცეკვებს და ძაღადობას ხმარობს. რუმინელი მაყურებელი კი ამ სცენების დროს სუნთქვაშეკრული იყო, და როცა დიდი ქვაბიდან, მოულოდნელად, ნახევარქათამა-იმარინდო გამანთავისუფლებელი ამოვიდა — ტაშმა იქუხა. აგრეთვე მაყურებლის ოვაცია გამოიწვია სცენაზე ტანკების და ვერტმფრენების გამოჩენამ. ქართველი მსახიობები ამ მიუჩვეველმა რეაქციებმა კი არ დააბნია, არამედ პირიქით გაამხნევა და ძაღები მოაკრებინა.

სპექტაკლის დასრულების შემდეგ დიდხანს არ ცხრიბოდა ოვაციები. ამაღლებული განწყობა კიდევ უფრო გააძლიერა „პაკ-ლონის“ შემდგომ გაჟღერებულმა საქართველოს ეროვნულმა ჰიმნმა და სცენის ბოლოში დაშვებულმა უზარმაზარმა საქართველოს სახელმწიფო დროშამ, სცენაზე კი იდგნენ ამაყი, თავმოყვარე ქართველი მსახიობები და

სცენის უჩინარი მონაწილენი ჩირაღდნებით ხელში. „ქართველთა პოლიტიკური აქცია“, როგორც ამ ფაქტს რუსულმა ტელეკომპანიამ - „СТС“ -მა უწოდა, ჯანსუღ კახიძის „მრავალჟამიერთ“ დასრულდა. ამის შემდეგ სცენაზე ავიდა იონესკოს საერთაშორისო თეატრალური ბიენალეს და იონესკოს თეატრის სამხატვრო ხელმძღვანელი, მოლდოვაში სახელგანთქმული მსახიობი და რეჟისორი პეტრუ ვიტკარაუ, რომელმაც ფეხზეწამოჭრილ დარბაზს განუცხადა: „აი, ეს არის მაგალითი იმისა, როგორ უნდა გიყვარდეს სამშობლო. დღეს კიდევ ერთხელ დავრწმუნდი, რომ ეს ერი არასოდეს გადაშენდება, რადგან მათი იარაღი ხელოვნებაა.“ სიტყვით გამოსვლის შემდეგ პეტრუ ვიტკარაუმ გიორგი თავაძეს ფესტივალის მოოქროვილი ემბლემა, საპატიო პრიზი, გადასცა.

ქართველების სპექტაკლის განხილვა ჩეხოვის თეატრის ფოიეში გაგრძელდა. აღფრთოვანებულ სახეებთან ერთად ვხედავდი დაბოლმოდ და გაბრაზებულ ადამიანებსაც, მაგალითად ჟურნალ „თეატრის“ რედაქტორს, თეატრმცოდნეს, ქალბატონ ვერა ვიშეტკოს, დილით გამართულ პრესკონფერენციაზე შევეუთანხმდი კომენტარის ჩანერაზე. მოლაპარაკებისამებრ სპექტაკლის შემდეგ კომენტარი ვთხოვე, მაგრამ უარი მივიღე: „მე არ მესმის ასეთი თეატრი, ჩემთვის თეატრი არ არის სიგიჟე, ექსცენტრულობა, ამდენი ჟანრის თუნდაც სინთეზური შერწყმა და, რაც მთავარია, ზედმეტი „თავმოყვარეობა“ და ამაყი ცქერა სცენიდან. თქვენი თეატრის მსახიობები თუ უფრო თავმდაბლები დაგველაპარაკებიან სცენიდან უკეთესი იქნება...“ ქალბატონ ვერასგან განსხვავებით, გაბრაზებული არ იყო მსოფლიოში სახელგანთქმული, ყველაზე უცნაური ხელოვანი, რეჟისორი რომან ვიკტიუკი, რომელმაც ქართულ პრესასთან კომენტარი არ გააკეთა, მაგრამ მშობლიურ, რუსულ ტელევიზიებს შესჩვილა: „მე არ მეგონა თუ დღეს, ომგამოვლილი ქვეყანა მოიცლიდა თეატრისთვის, ვერც იმას ვიფიქრებდი, რომ ის წარდგებოდა საერთაშორისო ფესტივალზე ასე თამამად, მხნედ და ღირსეულად. ქართველებმა აჩვენეს მაგალითი, თუ რა შეუძლია თეატრს, მათ გვიჩვენეს მაღალი სამემსრულებლო ხელოვნება და ჩემთვის რეჟისორი გიორგი თავაძეც აღმოჩენაა, რომელიც უდავოდ ამართლებს მისი პედაგოგის დიდი რობერტ სტურუას იმედებს.“ ფესტივალის საპატიო სტუმრებს შორის იყვნენ კეთილგანწყობილებიც, რომლებმაც ქართველების სპექტაკლს დადებითი შეფასება მისცეს, მათი ინტერვიუები კი სხვა გაზეთებში დაიბეჭდება.

რაც შეეხება თავად ფესტივალს, იონესკოს სასცენო ხელოვნების ბიენალე ერთ-ერთი მნიშვნელოვანი საერთაშორისო თეატ-

რალური ფორუმია აღმოსავლეთ ევროპაში და ამ მნიშვნელობას საუკეთესო თეატრალური დასების მონაწილეობა ზრდის, როგორც ევროპიდან, ისე აზიის ქვეყნებიდან. 2010 წლის იონესკოს ბიენალეს წელს განსაკუთრებულად აღნიშნავდა მოლდოვა, რაც ფესტივალის სახელმწიფო სტატუსის მინიჭებასა და მოლდოვის მთავრობის პატრონაჟში გამოიხატა.

წლებიდან ფესტივალზე რამდენიმე სპექტაკლის ნახვის საშუალება მომეცა. ამჯერად, ორ, ერთმანეთისგან რადიკალურად განსხვავებულ სპექტაკლებზე მოგვითხრობთ, რომელთა ავტორები ერთმანეთს რადიკალურად ემიჯნებიან და მათ განსხვავებული მსოფლმხედველობა, გემოვნება, სამყაროს აღქმის სხვადასხვა უნარი აქვთ. ერთი გახლავთ ანდრეი ნაზარენკო და მეორე ევროპაში სახელგანთქმული, ცნობილი რუსი რეჟისორი რომან ვიკტიუკი. ვიკტიუკისადმი ჩემი ინტერესი გამოიწვია მისმა სკანდალურმა ბიოგრაფიამ, მისი რეჟისურისთვის დამახასიათებელმა და ჩვეულმა ეპატაჟურობამ.

როგორც გაიკვავა, იონესკოს ფესტივალში ვიკტიუკი პირველად მონაწილეობდა, სპექტაკლის დასასრულს მაცურებელით კმაყოფილმა რეჟისორმა განაცხადა: აქ ისეთი კარგი მაცურებელია, პირობას ვდებ, არა მხოლოდ შემდეგ „bitei“-ზე მივიღებ მონაწილეობას, არამედ ისეც გესტუმრებით კომინიოვშიო. სპექტაკლი, რომელიც რომან ვი-

ტიუკმა წარმოადგინა იონესკოს ბიენალაზე დაახლოებით ოცი წლის წინ არის დადგმული და ამ სპექტაკლში, ამჟამად, მესამე თაობა მონაწილეობს. (პირველად დაიდგა მოსკოვში 1988 წელს, 1991 წელს შეიცვალა მსახიობები და 2004 წელს მესამედ შევიდა ცვლილება მონაწილე მსახიობების სიაში) ჟან ჟენეს „მოახლეები“ პოპულარობით სარგებლობდა და როგორც ჩანს, დღესაც სარგებლობს ფართო მაცურებელთა შორის. უცნაური კი ისაა, რომ ოვაციებს ვიკტიუკის დასს ქალბატონები უფრო უმართავენ, ვიდრე მამაკაცები, შესაბამისად ამ რეჟისორის გულშემატკივარ-ფანების დიდი არმიაც ქალბატონები არიან.

სპექტაკლის დასაწყისში სავარაუდოდ თავად ვიკტიუკმა მიკროფონში გამოაცხადა ჟან ჟენეს რემარკა აღნიშნული პიესიდან: „ჩემი აზრით, მოსამსახურეები უნდა ითამაშონ კაცებმა, დიახ, სწორედ რომ კაცებმა“. ვიკტიუკის მხრიდან ეს განცხადება ერთგვარ თავის მართლებას ნააგავდა, თუმცა, მისთვის ხელი არაფერს შეუშლია კომინიოვის ოპერისა და ბალეტის თეატრის სცენიდან მოეხდინა არატრადიციული სექსუალური ორიენტაციის იდეოლოგიის დემონსტრირება-პოპულარიზაცია. ამ მეტად საინტერესო და მნიშვნელოვან სპექტაკლში ხელისშემშლელი მაცურებლისთვის და ზედმეტი იყო ქორეოგრაფიული ეტიუდების ჩვენება სპექტაკლის დასაწყისში და ფინალში. თუმცა, ქორეო-





გრაფიული „ნოველები“ ერთიან სპექტაკლში რეჟისორის ხედვით, მოიაზრებოდა როგორც პროლოგ-ეპილოგი, რომელიც მართალია კავშირში იყო თავად სპექტაკლთან და მის მხატვრულ ჩანაფიქრთან, მაგრამ მაინც მიუღებელი დარჩა რიგი მაყურებლისთვის და ამ მაყურებელთაგან, რა დასამალია და, სრული უმრავლესობა ქართველები იყვნენ. რომან ვიკტიუკმა ჟან ჟენეს „მოახლეები“ გაიაზრა, როგორც ფსიქოლოგიური დრამა, სადაც რეალური და ირეალური ცხოვრების სურათები, წარმოსახვა და ოცნებები ისეთ ხელშესახებ საგნებად იქცევა, როგორც თავად მსახიობი, რომელიც მოსამსახურის როლს ასრულებს. სპექტაკლის იდეურ გააზრებასთან ერთად მაყურებლის აღფრთოვანება, გაოგნება და აღტაცება გამოიწვიეს რომან ვიკტიუკის დასის მსახიობებმა, მათმა ფიზიკურმა მონაცემებმა, დახვეწილმა პლასტიკამ, მეტყველების კულტურის უმაღლესმა ხარისხმა და დონემ, მსახიობთა შესაშური გარდასახვის უნარმა. მსახიობები ერთდროულად ცეკვავენ, მღეროდნენ, საუბრობდნენ და ეს ყველაფერი თამაშის პარალელურად ერთდროულად ხდებოდა. ფერადოვანი სანახაობა ორ საათზე მეტ ხანს გრძელდებოდა, წარმოდგენის შუა ხანებში მაყურებელს მონყენილობა დაეცყო, სპექტაკლის რიტმი და დინამიკა საგრძნობ-

ლად მოდუნდა, მაგრამ ეს „ხარვეზი“ დიდხანს არ გაგრძელებულა და მაყურებელი მალევე იქცა სანახაობის ტყვედ. (ვისაც ეჭვი ეპარება ჩემს მოსაზრებაში შეუძლია იხილოს ბმული - http://www.youtube.com/watch?v=_c4045C6NGg&feature=related და თავადაც დარწმუნდება იმაში, რომ სკანდალურ რომან ვიკტიუკს დასში უმაღლესი რანგის მსახიობები ჰყავს). მსახიობებმა დიმიტრი ბოზინმა (სოლანჯი), დიმიტრი ზოიდიკმა (კლერი), ალექსეი ნესტერენკომ (ქალბატონი), ივანე ნიკულჩამ (ბატონი) შექმნეს საინტერესო, მრავალპლანიანი და ფერადი სანახაობა. მსახიობები ერთდროულად ასრულებდნენ რამდენიმე როლს და მაყურებელი მოხიბლული იმიტომ რჩებოდა, რომ ისინი კონტრასტულად ახერხებდნენ ერთი როლიდან მეორეზე გადასვლას, სცენაზევე, კონკრეტულ ეპიზოდებში, კოსტიუმის გამოცვლის გარეშე. დახვეწილი ინტონაცია ხშირად იცვლებოდა. მსახიობთა მეტყველება ინტონაციურად და ჟღერადობის თვალსაზრისით მოცარტის სიმფონიებს ნააგავდა. მართალია, სრულიად ზედმეტი და მიუღებელიც კი იყო სპექტაკლის ფინალში ვიკტიუკის ერთგვარი სექსუალური მანიფესტი პლასტიკის ენით გადმოცემული, რომელიც ჩართულ კუპიურას ჰგავდა და როგორც იტყვიან: „ყურით



იყო მოთრეული“ სპექტაკლის საერთო ნახა-
ზში, მაგრამ შინაგან პროტესტს კვლავ მსახ-
იობთა პროფესიონალიზმი და მაღალი საშემ-
სრულებლო ოსტატობა კლავდა და ახშობდა.
და რაც მთავარია, ყველაფერი ეს იყო ესთე-
ტიური, ლამაზი და დახვეწილი.

სპექტაკლის დასრულების შემდეგ მაყ-
ურებელთა ოვაცია დიდხანს არ ჩამცხრალა,
მაგრამ ეს ყველაფერი იმპულსურ ემოციას
ჰგავდა. ოპერის თეატრის წინ სპექტაკლი-
დან გამოსული მაყურებელი, სხვადასხვა
ეროვნებისა და თეატრების მსახიობები
ჯგუფ-ჯგუფად იყვნენ შეკრებილნი. მათ შო-
რის, ქართველებიც, რამდენიმე ქართველი
უკვე გარეთ დაგვხვდა, რომლებმაც სპექტაკ-
ლი პროტესტის ნიშნად სპექტაკლის დაწყე-
ბიდან 10-15 წუთის განმავლობაში დატოვეს.
ოპერის თეატრის წინ დიდხანს გაგრძელდა
კამათი ნანახის ირგვლივ, ვცდილობდით
სპექტაკლის ცალკეული დეტალების გაანა-
ლიზებას, ახსნას. ზოგი გმობდა სპექტაკლს,
ზოგიც აღფრთოვანებას ვერ მაღავდა, მათ
შორის მეც. ჩემს გაკვირვებას ინვევდა ჩემი
მეგობარი მსახიობების პროტესტი და ნანახ-
ის სრული დაგმობა და გაუფასურება საკუ-
თარი ამბიციების წინა პლანზე წამოწევით,
რომლებიც ამბობდნენ, რომ ასეთი სპექტაკ-
ლების თამაშს ერთი კვირის მომზადების შემ-
დეგ თავისუფლად შეძლებდნენ.

აღიარებული ფაქტია და საკამათო
აღარ არის, რომ თანამედროვე ქართულ
თეატრში, სხვა პრობლემებთან ერთად უმ-
ნიშვნელოვანეს პრობლემას მეტყველების
კულტურა და მასთან დაკავშირებული ტე-
ქნიკის არ ფლობა წარმოადგენს. მაშინ, როცა
ჩვენს მსახიობებს მეტყველების კულტურის
დაბალ დონესთან ერთად სხვა შემოქმედებ-
ითი პრობლემებიც ბევრი აქვს, გამაღიზიანე-
ბელი იყო ვიკტიუკის მსახიობების კრიტიკა,
თანაც დაუმსახურებლად.

მეორე სპექტაკლი ნიკოლოზ გოგოლის
„შეშლილის წერილები“, რომელიც რეჟისორ-
მა ანდრეი ნაზარენკომ გვიჩვენა საინტერესო
იყო ბევრი თვალსაზრისით. მართალია, ასე-
თი ტიპის თეატრი დღეს ჩვენთან აღარ არ-
სებობს და ის ქართული საბჭოთა თეატრის
ისტორიის კუთვნილებაა, მაგრამ სპექტაკ-
ლში საინტერესო იყო არა გადაწყვეტა, პი-
ესის რეჟისორული გააზრება და მხატვრუ-
ლი ფორმა, არამედ მსახიობთა მომზადების
დონე, აკადემიზმი, უკიდურესი რეალიზმი და
უშუალობა.

როდესაც ფარდა გაიხსნა, მეგონა ქარ-
თული საბჭოთა თეატრის 40-იანი წლების
სპექტაკლს ვუყურებდი. ტოტალური
ყოფითობა სცენაზე გაცხადებული იყო
დეკორაციაშიც, მსახიობთა თამაშშიც. ამ
სპექტაკლში გამორიცხულია და უარყოფილ-
ია მინიმალური პირობითობაც კი. ანდრეი


ნაზარენკოს შემოთავაზებული ყოფითობა
და მაქსიმალური რეალიზმი მაღალ მხატ-
ვრულ ხარისხშია აყვანილი, ეს შეფასება
ეკუთვნის როგორც რეჟისორს, ისე სპექტაკ-
ლში მონაწილე მსახიობებს: მაქსიმ ტიუნოვს,
ალექსეი ზნამენსკის, ოლღა მელნიკოვას, ან-
ასტასია ნესციასტროვას, რომან ტოკმილენ-
კოს და ილია ზდანოვს. ამ მსახიობებმა შე-
ქმნეს ღრმად რეალისტური, მართალი მხატ-
ვრული სახეები.

მიუხედავად იმისა, რომ სპექტაკლი
მთლიანად ვერბალურია და ტექსტზე და-
ფუძნებულ თეატრალური ხერხის პრინციპი-
თაა აგებული, იმათთვისაც კი, ვისაც გოგო-
ლის „შეშლილის წერილები“ არ აქვს ნაკითხ-
ული, ყველაფერი ნათელი და გასაგები დარ-
ჩებოდა. ჩემი ყურადღება მიიქცია ასევე
უმარტივესმა, თითქოს პრიმიტიულმა „თეთ-
რმა“ განათებამ, რომელიც მთელი სპექტაკ-
ლის მანძილზე არ იცვლება.

სამწუხაროდ, არ მომეცა საშუალება ეჟენ
იონესკოს ბიენალეს სრული საფესტივალო
პროგრამის ხილვის, თუმცა, მაღლობის მეტი
რა მეტქმის ბათუმის თეატრის მმართველის
ზაზა ხალვაშის მიმართ, რომელმაც ფესტი-
ვალზე ჩემი გამგზავრებისა და ცხოვრების
ხარჯები მთლიანად გაიღო.

შთაბეჭდილებები მოლდოვაზე და ფეს-
ტივალზე უთუოდ ამაღლებულია. მაგრამ,
შეგრძნება და განცდა იმისა, რომ საბჭოთა
კავშირის ერთ-ერთ ქვეყანაში ვიყავი, მაინც
დამრჩა. ჩემი აზრით, ქვეყანაზე შთაბეჭ-
დილება აეროპორტიდან იწყება. საბჭოთა
მილიციის ფორმაში გამოწყობილი პოლ-
იცეილები და განუვითარებელი ინფრა-
სტრუქტურა ქალაქის ცენტრალურ უბნე-
ბამდე საბჭოეთის განცდას უფრო ამძაფრებ-
და და სასტუმროები, რომლებიც სტალინის
ეპოქაშია აშენებული, მართალია ფასადებში
და ინტერიერში ბევრი რამ შეცვლილია, მა-
გრამ ბევრი მაინც დარჩათ და გადმოყვათ
სტუმართმოყვარე მოლდოველებს საბჭოთა
კავშირიდან.

ზოგჯერ, ჩვენ, ქართველები ბევრს ვწუ-
წუნებთ, ხშირად ვაკრიტიკებთ ხელისუფლე-
ბას, მაგრამ ერთი რამ ფაქტია: უცხოეთი-
დან ჩამოსულ მტერს თუ მოყვარეს საქა-
რთველოზე, თუნდაც გარეგნულად, იგივე
განცდას და შეგრძნებას არ დავუტოვებთ,
როგორც მე მოლდოვეთში ყოფნისას დამეუ-
ფლა.



ზაურ ეიშვაძე

მანა თვზაძე

ზაურ ეიშვაძე

მხატვრის შემოქმედება შეუძლებელია მკაცრი სტილისტური ფორმულირებით შემოსაზღვრო. ნებისმიერი ნამუშევარი, ხშირად კომპოზიციური და ფერთა გადანწყვეტის დიდი ხნის რაციონალური ძიების, ხშირად კი, ემოციის ნამიერი, ენერგიული ამოფრქვევის ნაყოფია. ნახატი მონათხრობია განცდილზე, იგი მშვენიერი მოგონებაა, ან სულაც ნამიერი სულიერი მდგომარეობის ასახვა. მაგრამ უნებლიედ, მასში მოსალოდნელი ამბებისა და მოვლენების წინათგრძობაც განსხეულდება ხოლმე, ანდა თავისთავად ნიშან-სიმბოლოდ იქცევა, ლამაზი ოცნების რეალობად ქცევას ეხმარება. შემოქმედება არა მხოლოდ საკუთარი გრძნობის გადმოცემის უფლებას აძლევს მხატვარს, არამედ საკუთარ თავს სხვებზე ზემოქმედების უხილავ ძალასაც აღმოაჩენინებს.

ჩვენს ყოველდღიურ ცხოვრებაში, როდესაც ასე გართულებულია „პური არსობისას“ მოპოვება, როდესაც ადამიანის ცნობიერება ინფორმაციისგან გათელილი და შელანძღულია და შემოქმედების არსის წვდომა იმ სიმალეებიდან, სადაც მშვენიერება წარმოიქმნება, თითქმის შეუძლებელია, მნიშვნელობას იძენს კონსტანტინე რერიხის სიტყვები, რომ ხელოვნების იდუმალი მომხი-

ბვლელობა მის აღმოცენებაშია დაფარული. თუკი მხატვრული ნაწარმოების საწყისი მხოლოდ შემოქმედის შთაბეჭდილებით სავსე გონებაა, მაშინ იგი მნახველის გონებით გაიზარება მხოლოდ, მაგრამ თუკი ხელოვნება შემოქმედის გულიდანაა მომდინარე, გული კი გრძნობათა ტახტრევანია, მაშინ ნახატიც მთელი გულით, გრძნობითა და ემოციით აღიქმება და ასეთსავე გრძნობებს ინვესტ დამთვალეიერებელში.

სწორედ ამგვარ, გულიდან ამოსული გრძნობების შემოქმედად მესახება მხატვარი ზაურ დეისაძე. მოკრძალებული ადამიანი, ჩინებული მეოჯახე, მოსიყვარულე, ერთგული... ამავე დროს, ნამდვილი პროფესიონალი, შესანიშნავი მხატვარი, მოაზროვნე, მშრომელი...

მხატვრობა ბავშვობიდანვე იქცა მისთვის თვითდამკვიდრების უმთავრეს საშუალებად. ულამაზეს ქუთაისში მიიღო ხატვის პირველი გაკვეთილები და მთელი ცხოვრების მანძილზე თან წაიყოლა შესანიშნავი პედაგოგების, მთელ ქუთაისში უცნობილესი ხალხის: ვანო ყაჭიშვილის, ვალერიან მიზანდარის, სოსო და არჩილ ჩოგოვაძეების პირველი სახელოვნებო შეგონებანი.

შემდეგ თბილისის სამხატვრო აკადემიაში გატარებული წლები, სტუდენტური სისავსე და ჭაბუკური გატაცებები... დიდ მხატვრებთან — სერგო ქობულაძესთან, აპოლონ ქუთათელაძესთან, პედაგოგებთან — ვლადიმერ ქუთათელაძესთან, სერგო კაშიანთან ურთიერთობა...

პირველი გამოფენები თბილისში, შემდეგ მოსკოვში, გერმანიაში...

პერსონალური გამოფენები ზაარბრიუკენში, თბილისში; მონაწილეობა სიმპოზიუმებში; პრიზები საკავშირო გამოფენებიდან...

მისი ნამუშევრები დაცულია რუსეთის, გერმანიის, საქართველოს კერძო კოლექციებში...

საინტერესო სამუშაო საქართველოს სახელმწიფო ტელევიზიაში, შეკვეთები და... სამუშაო... სამუშაო...

დროის სვლასთან ერთად, მისი მხატვრობის მიმართ საზოგადოების ყურადღება იზრდებოდა...

არასოდეს გამოდევნებია წარმატებას, ხმაურიან აღიარებას, მუშაობდა აუჩქარებლად, ფორიაქის გარეშე. მისი მხატვრად ჩამოყალიბება თანდათან, საფეხურ-საფეხურ მოხდა, აღმავალი გზით. ალბათ ამიტომაც, ზაურ დეისაძის ნამუშევრები სწორედ ფსიქოლოგიური სიღრმით და სიმშვიდით იპყრობენ ყურადღებას. ისინი თავისებურ მყუდროებას, სინაზესა და სითბოს ქმნიან. მათში ყოფიერების თავშეკავებული, ნათელი სიხარული გამოსჭვივის. ამავე დროს,



ისეთ პირადულ ნამუშევრებშიც კი, როგორც ახლობლების პორტრეტებია, სახეთა მხატვრული კრებითობა, მათი უნივერსალობაა მნიშვნელოვანი. მხატვრის ფიქრი სიკეთესა და მარადიულზე არასოდეს იცვლება რაიმე სხვა, უფრო მნიშვნელოვანი თემით. გასული საუკუნის 90-იან წლებში ზეთის საღებავებით შესრულებული კომპოზიციებისთვის: „ნატურმორტი წითელი ჩაიდნით“, „ორნი“, „დამსხვრეული მშვენიერება“ და კიდევ სხვებში — ყველა კომპონენტი მნიშვნელოვანია, იქნება ეს ნახატის ფორმატი, ფაქტურა, სივრცე-სიბრტყისა და შუქ-ჩრდილის ოსტატური მონაცვლეობა თუ ფერწერული ნყობა — პასტოზური, ძლიერი, ფართო მონასმებით გამდიდრებული კოლორიტი.

„ლტოლვილი გოგონას ოცნება“ — თუმცა არაკონკრეტული პორტრეტი, მაგრამ მასში წარმოდგენილი თემა ყოველი ჩვენთაგანისათვის იმდენად მტკივნეულია, რომ გოგონა უნებლიედ ახლობელი ხდება, მისი სევდიანი განწყობილება კი — გადამდები. თოჯინა გოგონას გვერდით, პატრონით სევდიანი და უმწეოა. ამ განცდას აძლიერებს ქარით აფრიალებული სარეცხი, პატარა ლამბაქზე დასხმული რძე, ცალფეხმომტკრეული სკამი და ანთებული სანთელი გოგონას ხელში — იმედის ერთადერთი სხივი. ზეთისხილის ფერის კოლორიტი უცნაურ სიმშვიდეს ანიჭებს სურათს და, მიუხედავად ასახული ამბის სიმძიმისა, ნახატის საერთო განცდა თბილი და კეთილია.

ზაურ დეისაძის ნამუშევრები მრავალფეროვანია უანრული და სტილისტური

თვალსაზრისით — ფერწერა, გრაფიკა, პორტრეტი, პეიზაჟი, ნატურმორტი, სიმბოლური კომპოზიციები, ჭედურობა, ლითოგრაფია და, რაც მთავარია, ილუსტრაცია... თემების, უანრებისა და შემოქმედებითი ხერხების შთანამტეხდავი მრავალფეროვნება კიდევ უფრო განამტკიცებს მის არტისტულ ორიგინალობას და შემოქმედებითი გარდასახვის უნარს. მხატვრის სულიერი აღმასვლა სრულად შეესაბამება მის ნამუშევართა მშვენიერებას, დეკორატიულობასა და ფერადოვან გამას. ყოველ ნამუშევარში ნათლად ჩანს პოეტური ბუნება, სამყაროს წვდომის, მთლიანი აღქმის მისეული ხედვა. მათში იგრძნობა ოდნავი ირონია, იუმორი, რაც საერთოდაც დიდად დასაფასებელია ადამიანში და, მით უმეტეს, მხატვარში, რადგან ჩანს, რომ იგი თვითკრიტიკულია და საკუთარ შემოქმედებას სხვათა თვალთაც შესცქერის და აფასებს.

ფერწერულ ტილოებზე — „დამსხვრეული მშვენიერება“, „მოულოდნელი გარღვევა დროში“ — მხატვრის სწორედ ირონიანარევი დამოკიდებულება იკითხება. მდუმარებით მოცულ, გარინდულ კომპოზიციებში ქალის სტატიკური, კლასიკური ბერძნული პორტეტი ჩანერილი. თუკი ერთგან — ქალის მშვენიერი პორტრეტი თანდათანობით მრავლდება და ვარდნის პროცესში იმსხვრევა კიდევ, მეორეში — ქალადის მკვრივ ფურცელს არღვევს და მის სიღრმეში თანდათანობით იკვეთება ქალის მშვენიერი სახე. მშვენიერებას დრო ამსხვრევს და მშვენიერება დროის სვლას ამარცხებს. ორივე კომპოზიციაში მხატვარი ორი ურთიერთგამომრიცხავი ცნების — სტატიკისა და დინამიკის ძალდაუტანებელ თანაარსებობას გვიჩვენებს. ორივეგან მხატვრის შემოქმედებითი ხელწერის მთავარი ნიშნები — მკვეთრი კოლორისტული სისავსე და ჰარმონიულად აგებული კომპოზიცია მნახველს საშუალებას აძლევს საკუთარი თვალსაწიერით აღიქვას თითოეული მათგანი. მათი ფერადოვანი დრამატურგია, მეტაფორული სივრცე, ემოციურობა და ცხოვრების სუბიექტური აღქმა, ავტორის სურვილს გამოხატავს — ყურადღება მთავარზე — ფერადოვან პალიტრაზე გაამახვილოს. ნახატების კოლორიტი კი თბილი მომწვანო-მოყვითალო სითეთრისა და ლურჯი ფერის გრადაციებზეა აგებული.

ზაურ დეისაძის შემოქმედებითი ცხოვრების ამოსავალი წერტილი, მთავარი თემა — ადამიანის მრავალსახეობისა და მრავალფეროვნებისადმი ინტერესია. სწორედ ადამიანებში პოულობს მხატვარი ახალ და ახალ იდეებს შთაგონებისათვის. ყოველთვის ცდილობს გადმოსცეს განწყობილება, გარდამავალი სულიერი მდგომარეობა და შექმნას პოეტური, ლირიკული სურათი. განსაკუთრებით დასამახსოვრებელია „მოხუცი

ქალის პორტეტი“. მის სახეს, ასაკის გარდა, აღარაფერი ეტყობა, — არც დარდი, არც ფიზიკური ტკივილი, აღარც სიხარული... თითქოს არც უცხოვრია ამ ქვეყანაზე. დამთრგუნველი სიმშვიდე დაუფლებია მის დაღარულ სახეს, მაგრამ ხელები?.. ხელები მეტყველებენ, ხელებით ხვდები, თუ რა ნაჯაფი ცხოვრებაგამოვლილია ეს მოხუცი ქალი.

ზაურ დეისაძეს არ უყვარს რეალისტური შტრიხები, სასურველი ეფექტის მისაღწევად ხშირად მასალის ნებისმიერ ფაქტურას იყენებს და სამყაროსა და მასში მომხდარი მოვლენების ალქმის ერთგვარი გულუბრყვილობა წინასწარ განსაზღვრავს კიდეც ავტორის კეთილ და ღირსიკულ დამოკიდებულებას ცხოვრებისადმი, სადაც ზღაპარი რეალობის გვერდით არსებობს. მისი პორტრეტები ჩანაფიქრის საერთო გადანყვებით — პერსონაჟთა ხასიათითა და ფერთა სიმბოლიკით, სინაზითა და პალიტრის სიმსუბუქით ანცვიფრებენ მნახველს.

პირველი, რასაც გრძნობთ ზაურ დეისაძის ნამუშევრების თვალეჩრებისას, ესაა ავტორის უშუალოება. იგი არ უარყოფს სამყაროს მრავალფეროვნებას, მაგრამ ჯიუტად უბრუნდება საყვარელ თემებს და ხაზს უსვამს მათ ცხოვრებისეულ პოეტურობას, მათი არსებობის აზრს. ეს აზრი კი საოცრად ადამიანურია — ისინი ერთი მთლიანობის ერთი ნაწილია. ნახატის მეტაფორული სიმბოლოები, განმეორებადი თემები, ადამიანთა კონტურები გაფანტული არიან მისი ჟანრული თემატიკის საზღვრებში, როგორც პეიზაჟის, ნატურმორტის, პორტრეტის, ალეგორიის თავისებური სინთეზი. ამგვარად უბრუნდება იგი დეკორატიულ მოტივებს, რომლებშიც სხვადასხვა ფერის ერთმანეთთან თანაარსებობის პრინციპებს ეძიებს. უბრუნდება ნატურმორტებს, რომელთა კომპოზიციურ წყობასაც ფერთა განლაგებას უთანხმებს. „ნატურმორტი წითელი ჩაიდნით“ — დაბინდულ ზეთისხილისფერში ჩანერილი მკვეთრად წითელი ფერის კონტრასტულ თანაარსებობაზეა აგებული, ხოლო „ნატურმორტი ლამფით“ — სილურჯეში გარდამავალი ნაცრისფერი კოლორიტის ყავისფერისა და მკრთალი ზეთისხილისფერის ურთიერთგავლენაზე. ფერთა ექსპერიმენტები ხომ საერთოდაც დამახასიათებელია მხატვრებისათვის.

ზაურ დეისაძე თავად ხსნის თავისი ხელოვნების ბუნებას: — როდესაც ნამუშევრებში ერთსა და იგივე თემას, ან საგნებსა და მოვლენებს იმეორებს, იგი საკუთარ წარმოსახვაში ეძებს სიუჟეტს, რომელიც რაღაც შინაგან იდეას უნდა შეერწყას. ეს იდეა ხშირად გაურკვეველი თვისებებისაა, ზოგჯერ ფერადია, ზოგჯერ ცხოვრებისეული, ყოფითი, ზოგჯერ ყველაფერი ერთად

და როდესაც ამ სიუჟეტს აღმოაჩენს, შემდეგ ამონმებს, თუ რამდენად შეესაბამება იგი საწყის ჩანაფიქრს. რომელიდაც საგნის განზოგადებული სახე ზოგჯერ მას იდეასა და სიუჟეტსაც კარნახობს...

რა თქმა უნდა, ეს პოეტური სისტემა განვლილი გზის შეჯამების განცდაა, ყოველი ადამიანის ცხოვრებისეული დანიშნულების საიდუმლო. ზაურ დეისაძის ბევრ ნამუშევარში ჩანს კვანძის გახსნის, მზის ჩასვლის თემა, ყოფიერების სევდა. არა სულის განწირულება, არამედ უფრო პირადი პასუხისმგებლობა წარმავალი ცხოვრების წინაშე, როგორც მაგალითად მის კომპოზიციაში — „მოხუცი ქალები“. ერთად თავმოყრილი ეს სამი „გრაფია“, მხატვრის ირონიული და ამავდროულად სევდიანი მზერაა დროსა და სივრცის მიღმა. ხოლო გოგონა ყვავილების თაიგულით ხელში, ამ სევდიანი მზერის გამართლება და მოლოდინიც. მოხუცი ქალების მორუხო ლურჯი ტანისამოსის გარდამავალი ტონალობა და გოგონას მოთეთრო-მოყვითალო კაბის მკრთალი ანარეკლი ჰარმონიულად უერთდება გარემოს ასევე მკრთალ მტრედისფერს.

ზაურ დეისაძის ნახატი ზოგჯერ გამიზნულად ბრტყელია, სახასიათო ფონების ცვალებადობა და ფრონტალური დრა-





პირები დაყინებით ამჟღავნებენ თავის ცხოვრებისეულ დანიშნულებასა და მნიშვნელობას და თითქოს უტყვენ კიდევ მაყურებელს, როგორც მაგალითად, სხვადასხვა დეკორატიულ მოტივებზე შექმნილ კომპოზიციებში. სივრცის არასწორხაზობრივი განაწილება ხშირ შემთხვევაში სინამდვილის უეჭველ ეფექტს, საგანთა იმ სიმართლეს ქმნის, რომელიც არა ვიზუალურ, არამედ აზრობრივ მსგავსებაში უფრო მჟღავნდება, როგორც მაგალითად, ფერადოვან-ლაქობრივ კომპოზიციებში „ორნი“, მაგრამ მხატვარი არავის არ ახვევს თავს საკუთარ შემოქმედებით და აზრობრივ განცდებს, მისი ნახატების ახსნა და გაგება ყოველნაირად შეიძლება, როგორც წმინდა ხელოვნების, ყოველგვარი სიღრმეების ძიების გარეშე, პორტრეტი — მხოლოდ პორტრეტია, ნატურმორტი — ნატურმორტი, ჟანრული სცენა — მხოლოდ ჟანრული სცენა. მიუხედავად სიმბოლური დატვირთვისა, საგანი საგნად რჩება და მხატვარი ოსტატურად, თუმცა არც ისე რეალისტურად გადმოგვცემს ამ საგანთა სახეს. მაგალითად, კომპოზიციები „სამსახეობა მხატვრისა“, „ნატურმორტი ლამფით“, „ლტოლვილი გოგონას ოცნება“... ამიტომაც არის მისი ნახატები ყველასათვის გასაგები და მათში დაფარული სევდაც — რალაცნაირად ნათელი, კეთილი და უშუალო. მათში არც ფოტოგრაფიული სიზუსტეა, არც სამგანზომილებიანი სივრცის ილუზორულობა, არც მოდური სნობიზმი, არც ტრადიციების

უარყოფა. მათში უფრო ავტორისეული მსოფლმხედველობა, ყოფის პოეტური ასახვის ცდა და სისადავეა შერწყმული, მაგრამ არა სიმარტივე.

ჰორიზონტალურად გაშლილ, მომწვანო-მოლურჯო ტონალობაში შესრულებულ კომპოზიციებში — „ძველ ქართულ მოტივებზე — ჩვენი წინაპრები“, მნახველის თვალწინ ქართველ არისტოკრატთა სურათებია წარმოდგენილი, ბატონებისა და ქალბატონების ნაცნობი პორტრეტები. მოქმედება თითქოს ძველ ფოტოატელიეში ხდება. აქ იმათ მოუყრია თავი, ვინც გაქრა, ვინც აღარ არის. ალბათ, პორტრეტულ მსგავსებასაც აღმოაჩინო, ნაცნობ იერსახეებსაც. ნაკვეცებად გაშლილი ფარდის მიღმა კი, თანდათან გამუქებული ლურჯი ფერი სივრცის სიშავეს უერთდება.

საინტერესოა კომპოზიციის „სამსახეობა მხატვრისა“. ყვავილებით მოჩითულ კედელზე მხატვრის სამი, თითქმის ერთნაირი ქუდია ჩამოკიდებული. ეს სამი ქუდი მხატვრის ცხოვრების სამი ეტაპის სიმბოლოდაც შეიძლება აღვიქვათ. იქვე ფერგამშრალი საღებავები და ქაღალდის დაჭმუჭნილი ფურცლები — დრამატიზმის, შინაგანი ექსპრესიის, „უიმედო მოლოდინის“ გრძნობის აღმძვრელი და მხატვრის გულისტკივილის გამომხატველი.

განსაკუთრებული შინაგანი ექსპრესია იგრძნობა „იროდიონ ევდოშვილის“ პორტრეტში. გულხელდაკრეფილი მწერალი თვალებგაფართოებული შესცქერის საზოგადოებას, თითქოს რაღაც კითხვა არ ასვენებს. მისი ჩაცმულობის მოშავო ზეთისხილისფერი თავშეკავებული კოლორიტი ისეა შერწყმული ფონის საერთო ჩამქრალ მოთეთრო ბაც ზეთისხილისფერთან, რომ მთლიანობაში ერთიან დაბინდულ გამას ვიღებთ. მაგრამ მხატვრისთვის მაინც პიროვნებაა მთავარი, მისი დრამატიზმით აღსავსე, მშვიდი მზერა.

იდუმალეა გამოსჭვივის ლურჯ გამაში შესრულებულ „ქალის პორტრეტში“. შინაგანი ინერტულობის განცდა არ გტოვებთ, როდესაც ამ ნახევრად მიძინებულ, ლამაზ სახეს უცქერით. სახის ოვალს მოყვითალო საყურე ამშვენებს, ხოლო მტრედისფერი სხეულისა და საერთო ფონის მოლურჯო-მოყვითალო-მოშავო ფერთა შეხამებაში მოულოდნელად შეიძლება ნაცნობი გამოხედვაც აღმოაჩინოთ.

შინაგანი დრამატიზმითაა სავსე კომპოზიციები — „სპიტაკის შიში“ და „ორი განცდა“. თუკი პირველი კომპოზიციის რეალური სინამდვილითაა შთაგონებული, მეორე სიმბოლური დატვირთვისაა. თუკი პირველში მართლაც თვალნათლივ ხედავ, რომ „შიშს დიდი თვალები აქვს“, მეორეში განცდა უფრო სიზმრისეულია, მაგრამ არანაკლებ

საშიში და სახიფათო. თუკი პირველში, ტილოს ხორკლიანი ზედაპირის მსგავსი კოლორიტი მუქი ნაცრისფერით, მოშავო ყავისფრით და ზოგან იასამნის ელფერთა და თეთრით, ზოგადად ბინის ნანგრევებში, კარფანჯრების ქრილში ანთებული სიმბოლური თვალების, ცხვირის, ტუჩების რალაც უცნაურ ერთობლიობას წარმოგვიდგენს, ადამიანის სახედაც რომ შეიძლება აღიქვას, თუმცა ამას გადამწყვეტი მნიშვნელობა არ აქვს, მასში უფრო მნიშვნელოვანი შიშის ფიზიკური განსხეულებაა. მეორე კომპოზიციის ფერწერული გამის მომწვანო-მოლურჯო-მოშავო ელფერი და გოგონას გაოგნებული, გამჭვირვალე ცისფერი ფიგურა მართლაც სიზმრად ნანახს მოგაგონებთ, სადაც ყველაფერი თითქოს არის და არც არის საშიში, სადაც ყვირილი გინდა, მაგრამ არ შეგიძლია, სადაც ვილაკებთ გარს გეხვევიან და შეხება სურთ, მაგრამ ვილაკ თუ რალაც გიცავს, გეხმარება და... გაღვიძებს.

ეს მხატვრის ქვეცნობიერში დაღეჭილი ემოციებია, დროთა განმავლობაში აზრის კონცენტრირებას რომ ახდენენ და სხვადასხვა გამოსავალს პოულობენ.

მოდერნისტულია კალმითა და ტუშით შესრულებული კომპოზიციები — „ორი სხეული“, „ქალის პორტრეტი“, სადაც მხატვარი-გრაფიკოსი ფერმწერზე იმარჯვებს და ხაზის ტარების განსაკუთრებულ სიფაქიზესა და სინატიფეს გვთავაზობს. ასევე კომპოზიცია „ღვთისმშობელი ყრმით“, რომლის ფრაგმენტული მოხაზულობა კანონიკურ სქემას ემორჩილება, მაგრამ მხატვრის დამოკიდებულება სტილიზებულია.

მაგრამ ზაურ დეისაძის მთავარი შთავგონება ამქვეყნად არსებული ის კუთხეა, რომელიც განსაკუთრებით ეძვირფასება — მშობლიური კუთხე, სადაც დაიბადა, პირველი ნაბიჯი გადადგა და დიდ ცხოვრებაში შეაბიჯა. ზაურ დეისაძე დარწმუნებულია, რომ ყველაზე მშვენიერ, თვითმყოფად ადგილთა შორის ქუთაისი, იქაური სანახები — მინდვრები, მაღალი ლურჯი ცა, ულამაზესი გაზაფხული და მდიდარი შემოდგომა, გამორჩეულია. ქუთაისური პეიზაჟებისთვის მხატვრის გრძნობამოჭარბებული დამოკიდებულებაა დამახასიათებელი.

„პეიზაჟი ტაძრით“ — საკმაოდ დიდ სივრცეში გამოსახული ეკლესიის ტეხილი ხაზები ალბათ უფრო ბზარებია, მოთეთრო-მოცისფრო კედლებზე უცნაურად ჩამოღვენთილა ხაკისფერი ლაქები — დრო-ჟამის სვლა. ტაძარი ინგრევა, მაგრამ მისი თბილი, ღამეული სილურჯე სიღრმისეულია, მშვიდი, მაინც იმედიანი.


და კიდევ ერთი „პეიზაჟი ტაძრით“ — სივრცეში ჩაკარგული, ჰაეროვან გუმბათოვანი... თითქოს უფრო პირობითი, ზოგადი და

მაინც კონკრეტული, ქართული... თეთრი და ფერადოვნებით თავშეკავებული...

ალბათ, ზაურ დეისაძის ცხოვრებაში ბევრი რამ იყო იმგვარი, რამაც მხატვრობა გადაწყვეტინა და ეს არჩევანი გააკეთებინა. მისი ცხოვრება შემდგარი, სავსე ცხოვრებაა, არა ესკიზი, არამედ ხორცშესხმული იდეა. მისი საფუძველი მისივე თვითმყოფადი პიროვნებაა, რომელმაც თავიდანვე აღმოაჩინა საკუთარ თავში სულიერი, ზნეობრივი კონტურები. სწორედ ამაშია მხატვრის შემოქმედებითი ძალის საწინდარი. თუმცა მის ცხოვრებაში არ ყოფილა არც ხმაური, არც რეკლამა, არც თვითდამკვიდრების დაჟინებული პრეტენზია, მისი შემოქმედება ნამდვილად იქცევეს ყურადღებას, რადგან ეს შინაგანი მონოლოგი წინასწარ არ დაგეგმილა და ქაოტური კი არ არის, არამედ შედუღებულია ცალკეულ სიუჟეტებს შორის რთული ურთიერთდამოკიდებულებებით, მხატვრული აზრებით.

მის შემოქმედებაში ყოველთვის იკითხება თანამედროვე ნერვი. მხატვარი შესანიშნავად გრძნობს დროის, ქალაქისა და ადამიანის ინტონაციას. ცხოვრება ყოველ გამოვლინებაში აინტერესებს და ამიტომაც ხატავს ასეთი ინტერესით უბრალო გამვლელებსა თუ ახლობელ ადამიანებს. გაუნელებელია მისი ინტერესი თანამედროვისადმი და ამიტომაც უკავია მის შემოქმედებაში განსაკუთრებული ადგილი პორტრეტს, ფიგურულ კომ-





პოზიციებს. ზაურ დეისაძის მიერ შესრულებული პორტრეტები მხოლოდ გარეგნული მსგავსებით არ შემოიფარგლება, მისთვის მთავარია ჩანვდეს პიროვნების არსს, ადამიანის ხასიათს. ხოლო კომპოზიციებში მოქმედების საერთო თემა და პრობლემა ამოიკითხოს. იგი მეისტორიის სიზუსტით აღწერს ქალაქის ქუჩაში მიმდინარე ამბებს. მის ყურადღებას არ ეპარება არც ერთი ნიუანსი, დეტალი, იქნება ეს შტრიხი გარეგნობასა თუ ტანსაცმელში. მისი ირონიული დამოკიდებულება ხშირად კარიკატურულ ხასიათსაც იღებს, მაგრამ არასოდეს არის დაცინვა, გაკილვა, არამედ — თანაგრძნობა და იუმორი. ასეთია მთელი ციკლი ფანქარში შესრულებული ჩანახატებისა „ქალაქის მერიასთან“.

ზაურ დეისაძე კარგად ფლობს ხატვის ტექნიკას, სამუშაოს დაწყების წინ დეტალებს ამუშავებს, ეძებს კომპოზიციას. აქვს ბუნებით მონიჭებული კოლორისტული ნიჭი და ფერწერულ თუ გრაფიკულ კომპოზიციებზე მუშაობა, მისთვის თანაბარი მნიშვნელობის პროცესია, მაგრამ გრაფიკა ხომ სახვითი ხელოვნების ალბათ ყველაზე რთული, მრავალმხრივი დარგია. გრაფიკულ ფურცელზე მუშაობისას მხატვარ-გრაფიკოსს თანაბრად კარგად უნდა ჰქონდეს განვითარებული ანალიტიკური და შემოქმედებითი უნარი. მხატვარი-გრაფიკოსი დიდხანს უღრმავდება ჩანაფიქრს, რადგან სწორედ ამ ჩანაფიქრის, იდეის შინაგანი, სულიერი განვითარებაა საფუძველი მისი შემოქმედებისა. გარე სამყაროსა და ნივთიერი სამყაროს სახიერი აღქმა, მოვლენათა შეფასება მათ სარკისებურ ანარეკლს ეფუძნება. ფიქრიც, ალბათ განსაკუთრებით

სახასიათო თვისებაა მხატვარ-გრაფიკოსისა და 70-იანი წლებიდან დაწყებული, მას შემდეგ, რაც ზაურ დეისაძის პირველი ნამუშევრები გამოჩნდა საგამოფენო დარბაზებში, გამოიკვეთა მისი დამოკიდებულებაც მხატვრული ლიტერატურის, პროზისა და პოეზიის, მკითხველისადმი მიმართული ნიგნის გაფორმების კეთილშობილი საქმისადმი. ის შეგრძნება, რომ დროთა განმავლობაში ნიგნის მხატვრობის ნიმუში დამოუკიდებელ მხატვრულ ნაწარმოებად გადაიქცევა, ნიგნის ილუსტრაციას სრულიად განყენებულ არაჩვეულებრიობას მატებს.

დროთა განმავლობაში, ჩვენში, უამრავი საინტერესო, მაღალპოლიგრაფიულ დონეზე გამოცემული ნიგნი დაგროვდა, რომელთა მხატვარიც ზაურ დეისაძეა. დაგროვდა გამოუცემელი ნიგნებიც, რომელთა მხატვრობა ასევე ზაურ დეისაძეს ეკუთვნის და რა სანყენია, რომ გამოუცემელთა შორისა შავი ტუშით და კალმით, ჭეშმარიტად კლასიკური გრაფიკული სულისკვეთებით შესრულებული — „გერმანული ეპოსი“.

საბედნიეროდ, არის გამომცემლობები, რომელთაც შესანიშნავად უწყიან ნიგნის მნიშვნელობა და როლი ბავშვის პიროვნებად ჩამოყალიბების საქმეში და რომლებიც გამუდმებით ცდილობენ თანამედროვე ქართული საბავშვო ნიგნი მაღალ საერთაშორისო სიმაღლეებს მიუსადაგონ. ამ გამომცემლობებთან თანამშრომლობა საპატიოა და შემოქმედებითად საინტერესო და ზაურ დეისაძე მათთან კიდევ თანამშრომლობს. მისი ნახატებითაა დასურათებული 2010 წელს გამომცემლობა „ანბანის“ მიერ გამოცემული ვაჟა ფშაველას „ბუნების მგოსნები“, 2000 წელს გამომცემლობა „დილას“ მიერ გამოცემული ლია კობალაძის „ჭინკები“, უფრო ადრეული — „ქართული ხალხური ზღაპრები“, იაკობ გოგებაშვილის „საბავშვო მოთხრობები“, თედო რაზიკაშვილის „საბავშვო მოთხრობები“, იროდიონ ევდოშვილის „ორი ობოლი“.



ოტია იოსელიანის “დაჩის ზღაპრები“, ნოდარ დუმბაძის „ლექსებით სავსე ხურჯინი“, ილია სიხარულიძის „საბავშვო ლექსები“...

ზაურ დეისაძე მწერლის მიერ შექმნილ სამყაროს ზღაპრული, არაჩვეულებრივი კუთხით ხედავს. იგი იგონებს სპეციალურ გრაფიკულ ენას, სავსეს მკვეთრი დეტალებით, კუთხეებით, მხიარული ყესტებით, გულუბრყვილობით, რაც ავტორი-მწერლისა და ავტორი-მხატვრის გაორმაგებულ აღქმას ნარმოშობს. მწერალთან ფეხანყობილი სვლით, მისი გმირების სახის, გამომეტყველების, ტანსაცმლის, ყესტების, მიმიკის იმგვარი ჩამოყალიბებით, რომ მკითხველმა მათი რეალური არსებობა, მათი სამოქმედო სივრცე დაიჯეროს, ნაწარმოების სიუჟეტური პერსონაჟების თავისებურ დამოუკიდებელ ყოფასა და დროში მოთავსებით, ახდენს ავტორი-მწერლის სახიერი სამყაროს თავისუფალ კონსტრუირებას და ქმნის პირობით, თითქმის შეუღწევად, სტილისტურად რთულსა და ფარული აზრით დატვირთულ სამყაროს, რომელიც ემოციურ კონტაქტთან ერთად ინტელექტუალურ შეცნობასაც საჭიროებს.

თუკი თვალს გადაავლებთ მის მიერ გაფორმებულ ნიგნებს, პერსონაჟთა მრავალფეროვნებასთან ერთად მხატვრის ხელნერის მრავალფეროვნებასაც შეამჩნევთ. ყოველი ავტორი, ყოველი ნაწარმოები ხომ თავისებურ მიდგომას ითხოვს, თავისებურ გრაფიკულ ნიშან-სიმბოლოებს, ნაწარმოების თხრობის აზრს რომ გახსნიან. ყოველ ჯერზე იცვლება რიტმი, კომპოზიცია, განათება, ხაზობრივი გრაფიკა. ზაურ დეისაძის ხელში ხაზის ტარების ხერხები, ქალაქის ფურცლის ზედაპირის ტონალური დამუშავება გარკვეულ შინაარსს იძენს, ქმნის ლამაზ, საოცრად ინტიმურ განწყობილებას და ამავე დროს, მხიარულსა და მგრძობიარე სამყაროს. ცხოვრებისეული პოეზია გადამწყვეტი ხდება ნიგნის სახიერი გადაწყვეტისას. მხატვარი ნაწარმოების ქსოვილის სტილისტიკის შესატყვის გრაფიკულ ექვივალენტს ეძიებს და ცდილობს მის აზრობრივ გამკვეთრებას, გამძაფრებას, რათა ნიჭიერ მკითხველს ხელახლა აღმოაჩინოს ესა თუ ის, თუნდაც ნაცნობი ლიტერატურული ნაწარმოები.

და როგორც უკვე ავლნიშნე, დროთა განმავლობაში, ილუსტრაცია დამოუკიდებელ მხატვრულ ფასეულობად აღიქმება. სწორედ ამგვარია ილია ჭავჭავაძის „კაცია ადამიანის“, იროდიონ ევდოშვილის მოთხრობის — „ორი ობოლის“ საილუსტრაციოდ შექმნილი კომპოზიციები, შესრულებული ზეთის საღებავებით, ტილოზე თუ ლითოგრაფიაში. მწერლის მიერ აღწერილი სასაცილო და უიღბლო ცოლ-ქმრის ცრემლიანი ისტორია, თოვ-

ლსა და ყინვაში ჩაძინებული საბრალო დაძმის — გაყინული ორი არსების ამბავი, ზაურ დეისაძის მიერ კომედიურ ტიპაჟთა თითქოს უჰაერო სივრცეში მოთავსებით და თოვლის ნალვლიან ცისფერ ფიფქებში ჩაძირული ორი მინიერი ანგელოსის სახითაა დანახული.

მხატვარი 1986 წელს დაასახელეს საუკეთესო გრაფიკოსად. 2001 წელს გაეროს მიერ გამოცხადებულ კონკურსში ნიგნის მხატვრულ გაფორმებაზე მიღებული აქვს პირველი პრემია ფულადი ანაზღაურებით. გაიმარჯვა ა.შ. შ.-ის მიერ გამოცხადებულ კონკურსში ნიგნის მხატვრული გაფორმებისათვის. რის შედეგადაც დასურათებული ორი ნიგნი მსოფლიოს 30 ქვეყანაშია გამოსული და გამოცემა დღესაც გრძელდება.

ამგვარია მხატვარ ზაურ დეისაძის ქართული სახვითი ხელოვნების საუკეთესო ტრადიციებზე დამყარებული შემოქმედებითი ინდივიდუალობა და მეტაფორული აზროვნება.

ჩემს მონათხრობს დაეუმატებდი იმასაც, რომ ზაურ დეისაძეს ყავს ლამაზი მეუღლე, არაჩვეულებრივი მხატვარი — მანანა მორჩილაძე, ყავს შვილები — მუსიკოსი ვაჟი და ინგლისური ენის სპეციალისტი ქალიშვილი, ყავს შვილიშვილები — ქალ-ვაჟი და... მოკლედ, ის ბედნიერი კაცია, რადგან ამდენი სილამაზის მფლობელი არ შეიძლება სხვანაირი შემოქმედი იყოს...



გამომცემლობა „ეროვნული მწერლობის“ ახალი გამოცემები



ყურადღება!

ჟურნალ „ლიტერატურა და ხელოვნების“ გამოწერა შეიძლება:
სს „მაცნეს“ პუნქტებში, გამსახურდიას 42 – ტელ: 37-61-53, 37-59-62, 37-77-89;
„ელვასერვისი“, იოსებოძის 49 – ტელ: 38-26-74, 38-26-73; 38-80-02; „ჯეომედია“- ტელ: 95-51-70,
და „საქპრესა“ – ტელ: 51-60-04; 51-57-43
6 თვით 18ლ.

„ლიტერატურა და ხელოვნების“ წინა ნომრების შეძენა შეგიძლიათ რედაქციაში.
რედაქციაში შემოსული მასალები ავტორებს არ უბრუნდებათ.

კომპიუტერული უზრუნველყოფა:
სალომე ფორჩხიძე

ოპერატორები:
მაია ჯინორიძე
თამუნა ოთარაშვილი

რედაქციის მისამართი:
ნუცუბიძის III მკრ. შესახვევი; მხატვრის ქ. №4
ტელ: (+995 32) 32 73 62; 31 70 47; (+995 99) 25 60 14.

Web: www.litandart.com.ge

ჟურნალი დაიბეჭდა შპს „ეროვნული მწერლობის“ სტამბაში



ზაურ ტყეისაძე



ISSN 1512-3189

ფანი 3 ცხი

